


Doppis

202.9.9. 26

Sp







D E
H E B R Æ O
CONVICTO.





8.37.0.18

OPVSCVLVM

D E

HEBRÆO CONVICTO.

In quatuor Libros diuifum.

AVTHORE

P. FRANCISCO LEYTAM

SOCIETATIS IESV

LVSITANO CASTELVIDENSI.

*In Eborensi Academia Sac. Theologiæ Doctore,
ac publico Professore.*



R O M Æ,

Ex Typographia Ioannis Iacobi Komarek Bohemi
apud S. Angelum Custodem. M.DC.XCIII.

SUPERIORVM PERMISSV.

THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

P R Æ F A T I O A D L E C T O R E M.



VIDEBITVR forſan tibi, Lector
bencuole, meus iſte labor parum
iam hodie neceſſarius tum Catho-
licis Chriſtiana Religione optime
imbutis; tum perduellibus hære-
ticis, qui licet à fide circa plurima Catholice
Religionis myſteria enormiter aberrant; Chri-
ſtum tamen ſeruatorem noſtrum iam veniſſe
proſitentur; tum denique obcæcatis Hebræo-
rum mentibus, qui capti oculis, menteque ob-
ſtinata lucem veritatis agnoſcere detrectant.
Siquidem habenti oculos probare velle, cona-
riq; patentem Solem luceſcere, ſuperuacaneum
eſt: eos verò non habenti, ſeu potiùs, ne vi-
deat, claudenti lucem offerre, labor irritus eſt.
Operæne pretium eſt videntem, vt videat,
exhortari? & cæco, vt videat, moliri? Fruſtra-
nea igitur, & inutilis planè videbitur hæc noſtri
operis lucubratio; dum currenti calcar addere
molimur; & à cæco, vt lucem ſpectet, depo-
ſcimus.

Cæterùm exiſtimandum tibi non eſt, nos ad
quidpiam emolumenti eruendum fruſtra cona-
ri;

ri; vel in nostro qualicumque labore oleum, & operam perdere. Eritne ipsis, qui iam vident, plus videre superuacaneum? Vt suam felicitatem agnoscant, Deoque immortales referant gratias amplius excitari, labor est irritus? Nonne nouem illi Iudæi à Christo sanati, se sanatos esse conspiciebant; & tamen illis non fuit opus ad suam attendere sanitatem, vt Deo grati animi signa præferrent? Nonne, licet Aurorâ mundus, exoriente Sole lucidior apparet, eo in altum subleuato, umbræ, vel penitus fugantur. vel saltem diminuuntur? quid? Fideles Christi iam vexilla secuti, præclaris fidei splendoribus velut auroræ radijs elucescunt; an quia maioribus eiusdem fidei fulgoribus, ex bene pensatis, explicatisque fidei monumentis (id, quod ex nostris lucubrationibus assequuntur) probè imbuantur, nihil hæc monumenta præstabunt? Non potius in immensum excrescet solatium? gaudium exundabit? Lætitiæ cumulus augeſcet?

Perge igitur, Christiane Lector, hæc fidei monumenta nocturna, diurnaue manu sedulo volue, scrutare, inspicere, etiam, atque etiam meditare; profundiores ager fides tua radices; Deo intimiùs adhærebis; eique immortales gratias alacriùs rependes. Neque etiam ingenti

He-

Hebræorum cæcitati opus istud minùs prodesse censendum est : nam ex huius libri lectione Iudæi cæcitatem suam forsân agnoscent ; atque ipsamet cæcitas ab eorum oculis cæcitate emollietur . Cæci nati oculos luto illiniuit Christus seruator optimus . Deus bone ! quid opportunius cæcitati , quàm lutum ? Quid luto nocentius visui ? & tamen per lutum fuit cæco visio restituta . In cæco illo excæcatus Hebræorum populus adumbrabatur : Christus imposuit illud , quod ex se mouere posset cæcitatem , vt cæcus cæcitatem deponeret : adiungat Hebræus , hanc , quam ipse cæcitatem , lutumque turpi erratione confingit , suis oculis lucem ; & ex ipso falsò à se reputato luto visum recuperabit . Primus gradus ad videndum verum est id , quod falsum est , falsum esse videre . Quo pacto cæcus lucem exposceret , si se in tenebris esse non agnosceret ? Tandem te moneo , beneuole Lector , me ex composito Christianorum Interpretum autoritate vsum non fuisse : sed Rabbiorum præcipuè , quos Hebræi complectuntur , autoritatem , præsidiumque adhibui , vt Hebræi , qui nostrorum Interpretum Commentarios minimè amplectuntur ; suosque interpretes maximè laudant , commendantque , nullam excusationem , cauillationemque habere queant.

Quan-

Quando verò in aliquo textu exponendo nulum ex Rabbinis expositorem reperire commodè potui, eas, quas ex natura rei, & ex germana verborum significatione concinnas esse deprehendi, expositiones exhibui, ea ratione, vt veritas ipsa de se pateat, & non aliter textus intelligentia stare possit; ipsique, cum quibus disceptamus, Aduersarij illum esse Sacræ Scripturæ sensum penitus conuincuntur.

Ex industria etiam Hebræorum vocabula characteribus Latinis, & non Hebraicis scribenda duxi, quia Hebraicæ linguæ ignaris, & Latinæ peritis, qui potissimum hunc nostrum tractatum perlegent, ad verum sensum, germanumque intellectum aditus facilè patebit. Faxit Deus, qui Pater luminum est, vt obcæcati Hebræi suam tandem cæcitatem agnoscant; & ad veritatis lumen accedant. Et tu, ò Stella Maris, Deipara Sanctissima, cui ex animo hoc, sicut & cætera omnia mea, quantulacunque opuscula, dedico, voueoque, Hebræos istos cæco ignorantix mari demersos illumina; vt ad veritatis portum appellant; & te veram Dei Genitricem agnoscant, & reuereantur.

INDEX LIBRORVM, ET CAPITVM

Huius Libri.

LIBER PRIMVS.

De Messia credendo vt Deo, & homine.

C ap. I. Ostenditur Hebraeos teneri credere in Messiam. pag.	2.
Cap. II. Ostenditur ex Testamento veteri Hebraeos Messiam verum esse Deum credere debere.	4.
Cap. III. Confutatur falsa quorundam Rabbiorum expositio.	6.
Cap. IV. Ostenditur secundè Diuinitas Messiae ex eodem veteri Testamento.	8.
Cap. V. Messiae Diuinitas ex alijs Propbetijs ostenditur.	11.
Cap. VI. Altera probatio, qua Messiae diuinitas ostenditur.	14.
Cap. VII. Ostenditur Messiam esse verum Filium Dei ex alijs Propbetijs.	20.
Cap. VIII. Ostenditur ex veteri Testamento Messiam hominem esse debere.	25.
Cap. IX. Ostenditur ex veteri testamento Messiam esse hominem Deum.	27.
Cap. X. Ostenditur ex Psalmis Messiam venire debere vt hominem, & Deum ad saluandas animas.	34.

LIBER SECVNDVS.

*De qualitatibus, & signis veri Messie, qui est Saluator
noster Deus, Beatissima semper Virginis
MARIAE Filius.*

- C**ap.I. Ostenditur Messiam debere nasci ex Matre sem-
per Virgine. 40.
- Cap.II. Ostenditur ex alia prophetia Messiam ex Matre
Virgine semper Virgine nasci debere. 46.
- Cap.III. Proponitur prophetia de loco, ubi Messias nascitu-
rus erat, impleta in Christo Salvatore nostro. 61.
- Cap.IV. Ostenditur Messiam venire debere pauperem. 65.
- Cap.V. Ostenditur aliud signum pradiatum à Prophetis ad
cognoscendum verum Messiam, videlicet patratio miracu-
lorum. 68.
- Cap.VI. Ostenditur Messiam vendendum fuisse, & Hebraeos
à Deo deserendos propter hoc peccatum. 70.
- Cap.VII. Oportere iuxta prophetias Christum pati, crucifigi,
ignominijs, & opprobrijs vexari, & morte crudelissima oc-
cidi. 75.
- Cap.VIII. Ostenditur ex alijs prophetijs Messiam in cruce
clavis esse transfigendum. 87.
- Cap.IX. Ostenditur ex prophetijs Messiam felle, & aceto
cruciandum. 93.
- Cap.X. Ostenditur ex prophetijs Solem, & Lunam, quando
Christus esset Crucifixus, obscurari debere. 102.
- Cap.XI. Ostenditur Messiam resurrecturum à mortuis se-
cundum prophetias. 106.
- Cap.XII. Ostenditur Messiam post suam Resurrectionem de-
bere ascendere in Cælum, & sedere ad dexteram Dei Pa-
tris. 111.
- Cap.XIII. Ostenditur ex prophetijs post Christi Ascensio-
nem in Cælum Populum Hebraeum à Deo esse deserendum,
gentesque ad fidem esse conuertendas. 117.

LIBER TERTIVS.

De Dubijs, quæ Iudæi opponunt Christianis.

Hic liber specialiter instituitur ad dissoluenda dubia omnia, quæ Iudæi Christianis opponunt; ex illorum enim clarissima solutione inexcusabiles de sua obstinatione reddentur: unde quodlibet dubium in suo distincto capite dissoluetur.

- C**ap.I. De Sacrarum Imaginum adoratione, quæ fit in Ecclesia. pag. 125.
 Cap.II. Proponitur, ac dissoluitur secundum Hebræorum dubium contra legem Christianam. 129.
 Cap.III. Proponitur, & dissoluitur tertium Iudæorum dubium contra Christianos. 132.
 Cap.IV. Proponitur, & dissoluitur quartum Hebræorum dubium, seu argumentum contra Christianos. 138.
 Cap.V. Proponitur, & dissoluitur quintum Hebræorum dubium, quod Christiani non obseruent Sabbatum, tempus Expiationis: obseruent tamen Dominicam. 147.
 Cap.VI. Proponitur sextum dubium. & dissoluitur. 153.
 Cap.VII. Proponitur tertium dubium, seu argumentum Hebræorum contra Christianos deductum ex Ierem. cap.23. 163.
 Cap.VIII. Proponitur, ac dissoluitur octauum Hebræorum dubium contra Christianos. 169.
 Cap.IX. Proponitur, ac dissoluitur nonum Hebræorum dubium. 173.
 Cap.X. Proponitur, & dissoluitur decimum Hebræorum dubium. 183.
 Cap.XI. Proponitur undecimum argumentum Hebræorum, & dissoluitur. 189.
 Cap.XII. Dissoluitur duodecimum dubium Hebræorum contra

<i>tra Christianos.</i>	191.
<i>Cap.XIII. Proponitur, & soluitur decimumtertium Hebraeorum dubium.</i>	193.
<i>Cap.XIV. Dissoluitur decimumquartum argumentum Hebraeorum contra Christianos.</i>	199.
<i>Cap.XV. Proponitur, ac dissoluitur decimumquintum Hebraeorum argumentum.</i>	201.
<i>Cap.XVI. Proponitur, & dissoluitur decimumsextum dubium, seu argumentum Iudaeorum contra Christianos.</i>	204.
<i>Cap.XVII. Proponitur decimumseptimum Hebraeorum dubium, ac dissoluitur.</i>	206.

LIBER QVARTVS.

De Hebræo Conuicto.

C Ap.I. Demonstratur duos esse Sanctissimi Messiae Aduentus.	210.
Cap.II. Proponitur prima probatio contra Hebræos: qua ostenditur Messiam iam venisse.	216.
Cap.III. Aliæ falsæ expositiones Rabbiorum refelluntur.	223.
Cap.IV. Proponitur secunda, & tertia probatio, quibus demonstratur contra perfidos Hebræos iam venisse Messiam, & esse Christum IESVM Dominum nostrum.	237.
Cap.V. Proponitur quarta probatio, qua probatur contra Hebræos Messiam iam venisse, esseque Christum IESVM Redemptorem Mundi ex predicatione Apostolorum.	246.
Cap.VI. Proponuntur quinta, & sexta probatio, quibus contra Iudaeos probatur iam venisse Messiam, qui est Christus IESVS.	255.
Cap.VII. Proponitur septima demonstratio aduentus Messia ex reprobatione populi Hebræi.	263.
Cap.VIII. Proponitur octaua demonstratio, qua demonstratur contra Iudaeos, Messiam Christum IESVM Filium	Vir.

- Virginis MARIAE beatissima iam venisse.* 273.
- Cap. IX. Proponitur nona probatio ex defectu sacrificiorum in Hebraeis, & de peractis in Ecclesia Christi. 290.
- Cap. X. Proponitur decima probatio, qua probatur Messiam iam venisse, & esse Christum IESUM ex miraculis per Sanctos factis in nomine Christi. 294.
- Cap. XI. Undecima probatio ex visione statue Nabuchodonosor, ex qua probatur clarè Messiam iam venisse contra errorem Iudaorum. 298.
- Cap. XII. Proponitur duodecima probatio ex autoritate ipsorum etiam Rabbiorum, qua probatur Messiam Sanctissimum iam venisse. 305.
- Cap. XIII. Proponitur decimatertia probatio, qua demonstratur Messiam iam venisse ex Aggæo Propheta. 313.
- Cap. XIV. Proponitur decimaquarta probatio, qua probatur Messiam iam venisse, dum venire debuerat tempore, quo adhuc existeret secundum Templum. 321.
- Cap. XV. Proponitur decimaquinta probatio pro aduentu Messie contra perfidos Hebræos. 333.
- Cap. XVI. Proponitur probabilior modus numerandi septuaginta hebdomadas Danielis Prophete. 345.
- Cap. XVII. Proponitur decima septima probatio contra Iudeos ex ratione temporis à Deo destinati pro aduentu Messie. 348.
- Cap. XVIII. Probatio decima octava ex extirpatione Idololorum per Messiam facienda. 352.
- Cap. XIX. Proponitur decima nona probatio, qua probatur contra obstinatos Hebræos Christum verum Messiam iam venisse. 357.
- Cap. XX. Proponitur vigesima probatio contra Hebræos. 365.
- Cap. XXI. Proponitur Corollarium totius doctrinæ, & concluditur demonstratio in principio huius operis proposita. pag. 373.

A P P E N D I X.

Pro ineffabili Sanctissima Trinitatis Mysterio. 377.

S.I. *Probatur hoc Trinitatis Mysterium ex auctoritate Sacra Scriptura veteris testamenti.* 378.

S.II. *Proponitur secunda probatio ex veteri testamento, qua probatur Mysterium Sanctissima Trinitatis.* 385.

S.III. *Proponitur tertia probatio, qua probatur Mysterium Sanctissima Trinitatis ex veteri testamento,* 388.

S.IV. *Probatur adhuc ineffabile hoc Trinitatis Mysterium ex auctoritate veteris testamenti, & Rabbiorum.* 396.

S.V. *Probatur hoc ineffabile Trinitatis mysterium ex ipsis etiam Rabbini antiquioribus.* 400.

S.VI. *Declaratur, & probatur Mysterium Trinitatis ex Sacro Fonte Euangelij.* 409.

THYRSVS GONZALEZ

Præpositus Generalis Societatis
I E S U.

CVM Librum, cui Titulus, *de Hebræo Conuictio*, à Patre Francisco Leytam Societatis nostræ Sacerdote conscriptum, aliquot eiusdem Societatis Theologi recognouerint, & in lucem edi posse probauerint, facultatem facimus, vt typis mandetur, si ijs ad quos pertinet, ita videbitur. Cuius rei gratia has literas manu nostra subscriptas, & sigillo nostro munitas dedimus. Romæ 18. Nouemb. 1691.

Thyrſus Gonzalez.

Iuſſu

I Vssu Reuerendissimi Patris Fratris Thomæ Maria Ferrarij Sacri Palatij Apostolici Magistri, Opus, cui Titulus est; *Opusculum de Hebræo Conuictio*, sæpius & perlegi, & reuolui; & in illo non solum nihil offendi, quod Christianis moribus, & Catholicæ fidei, atque Constitutionibus, & ordinationibus Apostolicis aduersetur: verum, quia & Hebræum conuincit, & torquet, & Christianum facit, & firmat, vt ab omnibus in luce publica videatur, Typis illud euulgando, magis, quàm opportunum, necessarium censeo; ità Romæ subscripti, in Collegio Apostolico Pœnitentiariorum Basilicæ S. M. Maioris de Vrbe die 31. Ianuarij 1692.

*Fr. Gregorius Compagnus S. Theol. Mag. eiusdem Basil.
Pœnit. & Concionator Apost. Hebræorum Urbis.*

Imprimatur,
Si videbitur Reverendiss. Patri Mag. Sacri Palatii Apostolici.

Horatius Fortunatus Episc. Neritonens. Vicefg.

Imprimatur,
Fr. Thomas Maria Ferrari Ord. Præd. Sac. Apost.
Palat. Magister.

MAGNÆ MATRI DEI
BEATISSIMÆ
VIRGINI Mariæ

Operis dedicatio.



A S libentissimè , ò
MAGNA DEI PARENS,
pro quærenda eorum,
qui Tibi cognati genere sunt , He-
bræorum salute lucubrationes Tibi
§§§ *con-*

*consecro ; voueoque ; quas ego non
tenui labore suscepi , Tuo præcipue
cælesti patrocínio fidens ; vt illi , qui
ab Incarnato Verbo Filio tuo pri-
mum ad vberes laborum suorum fru-
ctus , Redemptionemque iuxta Di-
uini Numinis arcana sedulò quære-
bantur , vigiles mentis oculos ad cla-
rissimam Christianæ Religionis lu-
cem contuendam feliciter aperirent ;
ad cælestemque vocem aures omni-
no surdas non iam præberent . Stel-
la maris es : ipsi iactati fluctibus ob-
uoluuntur ; lucem diffunde , vt se-
curum æternæ salutis portum attin-
gant ; iuncti certè Tibi sanguine sunt ,
pretiosi Filij tui sanguinis emolu-
mento non destituantur . Ingens eos
ignorantiæ velamen inuoluit : cæci-
tas impedit visum ; obstinatio depri-
mit cor : quid ? Semper in tenebris
ignorantiæ suæ miserè iacebunt? Sem-
per*

*per eorum oculi densa caligine ob-
ruentur? Semper in saxeâ cordis du-
ritie permanebunt? Velamen aufer:
cæcitatem depelle: visum restitue;
ferream duritiem emollito. Licet enim
ex hac sua culpa infelici progenie
plures iuxta veridica Sacrorum Pro-
phetarum Oracula ad finem usque
Mundi in stulta sua obstinatione per-
sistent; attamen ex eadem progenie
non pauci apertis iam suæ mentis
oculis, ut iidem Diuini Numinis Va-
tes prædixere, veritatis lumen aspi-
cient. Fac igitur, ò MAGNA DEI
PARENS, ut sicut Diuino Verbo pre-
tiosum, quo nos redemit, sanguinem
ministraſti; ita quoque ipsi tuis
illustrati fulgoribus Redemptorem
agnoscant suum, & quem miserè de-
serunt, feliciter inquirant: atque
ab eo, cui mortem iniquè intulerunt,
æternam vitam recipiant; Teque sup-
plices*

*plices adorent, ac venerentur. Accipe
ergo, ò DEIPARA SANCTISSIMA,
hoc meum licèt exiguum munusculum;
cordis tamen erga te desiderio in-
gens, in magnum erga Te amoris
mei pignus, æternumque monumen-
tum.*

Tuus semper

F.



OPVSCVLVM

D E

HEBRÆO CONVICTO.

In quatuor Libros diuifum.

- I. *Est de Messia credendo vt Deo, & homine.*
- II. *De qualitatibus, siue signis declarantibus verum Messiam.*
- III. *De dubijs, quæ Hebræi opponunt, contra nostram Religionem.*
- IV. *De efficacibus rationibus, quibus demonstratur Messiam iam venisse, & esse Christum Iesum Saluatorem nostrum.*

LIBER PRIMVS.

De Messia credendo vt Deo, & homine.



MNIS hæc mea disceptatio ad duo inferuiet. Primo. Ad consolationem fidelium, qui Christi credunt Euangelium. Secundo. Ad confusionem Hebræorum, qui illud obstinatè negant, atque adeo tota hæc doctrina vnã dabit certissimam demonstrationem, quòd Christus Saluator noster verus sit Messias; qui iam venit, & pretiosissimo suo sanguine nos redemit: ad quod supponendum est Messiam absolute ab

Hebræis non negari : imò dum illum expeſtant, impoſſibilem non iudicant : nullus enim id, quod credit impoſſibile, ſperare poteſt.

Hoc ergo ſuppoſito, ſic conficitur demonſtratio. Ille eſt verus, & indubitatus Meſſias, cui competunt omnia, quæ Deus de illo per ſuos Prophetas reuelauit : Sed omnia omninò, quæ Deus per ſuos Prophetas de Meſſia reuelauit; competunt Chriſto Ieſu Saluatori noſtro, in quem nos Chriſtiani immenſa eius miſericordia, & gratia adiuti indubitatè credimus : ergo ille eſt verus Meſſias, & qui illum non credit iam veniſſe, in ſtatu ſalutis eſſe nequit. Maior propoſitio ab Hebræis ipsis conceditur : conſequentia à nullo rationis compote negari poteſt : eſt enim euidentis. Sola igitur minor propoſitio probatione indiget : & ideò in tota hac diſceptatione probabitur manifeſtè.

C A P V T P R I M V M.

Oſtenditur Hebræos teneri credere in Meſſiam.

1. **A** Pud ipſos Hebræos articulus eſt fidei indubitatus dari Meſſiam; & qui abſolutè ipſum negaret, vt hæreticus ab illis haberetur, & diſcedens à lege : & meritò : nam omnes Prophetæ de illo vnanimiter loquuntur. Conſtat 1. ex Geneſ. cap. 3. num. 15. *Inimicitias ponam inter te, & mulierem, & ſemen tuum, & ſemen illius: ipſa conteret caput tuum &c.* In noſtra vulgata habetur *ipſa*: in Hebraica *ipſe*, & ratio eſt : quia, vt benè notat Fabius Fiochi de monte S. Sauini. *Dialogo della Fede* cap. 2. peritus linguæ hebraicæ, eadem literæ abſque punctis ſignificant indifcriminatim, *ipſam*, vel *ipſum*; *illam*, vel *illum* : ex quo euenit, quod in vna translatione legatur; *Ipſa*, in alia verò, legatur *ipſe* : quare, cum legitur *ipſa*, intelligitur Beatiſſima Virgo Mater Meſſiæ; quæ per Filium infandi, peſtiferique Draconis caput contriuit : cum verò legitur *ipſe*; intelligitur Meſſias ipſe Virginis Filius; omneſque Doctores

res tam Hebræi, quàm Christiani prædictum textum de Sacrosancto Messia vnanimiter intelligunt: nullus enim alter, qui solus fuisset homo, Diabolum poterat superare, penitus euertere, peccatumque prorsus delere.

2. Omnes item Prophetæ, vt ex dicendis manifestum fiet, de Messia locuti sunt: & affirmant cuncti Rabbini in Talmud in tractatu Sanhedrin capit. Chelech. Vbi sic dicitur, verba in Latinum fideliter transferendo: *Omnes Prophetæ aliquid de Messia prædicere*: quæ verba etiam reperiuntur scripta in libro Ialcut exponendo cap. 65. Isaia ad signum 368. Præterea ipsi Hebræi omni Sabbato dicunt Canticum illud ab eis vocatum *Igdal Elobim chai*, & est ita. *Mittet Deus in fine dierum Messiam nostrum*. Igitur si etiam secundum Hebræos Prophetæ omnes Messiam prædicere, tenentur ipsi hunc fidei articulum credere.

3. Constat 2. ex Isaia cap. 33. num 6. *Et erit fides in temporibus tuis, diuitiæ salutis sapientia, & scientia, timor Domini ipse est thesaurus*: quem locum in libro Ialcut exponunt Rabbini sic. *In die Iudicij interrogabitur homo, an expectauerit salutem, s, Aduentum Messia: vocant enim ipsi Aduentum Messia salutem: & Rabbi Moyse describit articulos fidei ab Hebræis credendos; in quibus annumerat hunc de credendo in Messiam, & sic ait: Duodecimus articulus est Messias: & hunc teneri Hebræos firma fide credere, & sperare venturum, prout omnes Prophetæ prædixerunt incipiendo à Moyse, vsque ad Malachiam. Item venire debere ex progenie David; & qui hanc veritatem negat, à lege discedere, hæreticumque inter Hebræos putari debere.*

4. Omitto alia innumera Sacrae Scripturae loca, Rabbiorumque testimonia: quia nulla de hoc cum Hebræis nobis est controuersia: cum hi prædictam de Messia veritatem non negent; imò tanquam verum fidei articulum fateantur: quamuis de hoc mysterio cum Christianis decertare non audeant: quia vident se ex illius veritatis confessione posse cogi credere, quod nos credimus; & ore proprio maximo cum rubore posse conuinci.

CAPVT SECVNDVM.

Ostenditur ex Testamento veteri Hebræos Messiam verum esse Deum credere debere.

5. **T**eneri Hebræos credere Messiam verum esse Deum euincitur ex plurimis veteris Testamenti locis. Primo. Probatur manifestè ex Ieremia cap. 23, vbi sic ait: num. 5. *Ecce dies veniunt, dicit Dominus, & suscitabo David germen iustum, & regnabit Rex, & Sapiens; & faciet iudicium, & iustitiam in terra in diebus illis saluabitur Iuda, & Israel habitabit confidenter; & hoc est nomen, quod vocabunt eum. Dominus iustus noster.* Apertè loquitur de Messia, vt Hebræi fatentur, in quo textu Messias appellatur nomine *Ieboua*, quod significat essentiam Dei, seu æternum quid per essentiam: solus autem Deus est essentialiter æternus: vnde sicut nomen *ens à se*, soli Deo tribuitur, qui solus est ens à se, ita nomen *Ieboua*, quod significat æternitatem per essentiam, quæ quidem soli Deo est; non potest alteri tribui, qui Deus non sit: sed Deus Pater reuelauit per Prophetam Sanctissimum Messiam vocandum esse, *Ieboua*, quod significat æternum per essentiam; ergo Messias est Deus essentialiter æternus, Patrique consubstantialis, i, eiusdem omnino naturæ, & essentiæ; aliter Deus dicendo in vno loco nomen *Ieboua* tribui debere creaturæ, & in alio tribui debere Messiæ; si Messias non est Deus, sed creatura; Deus nos deciperet, essetque nobis causâ errandi, dandique creaturæ, id, quod ipse præcipit soli Deo esse dandum: dicere autem Deum nos decipere, & velle nos in errorem incidere, est apertè blasphemiam: ergo qui negat Messiæ diuinitatem, blasphemix nota iniuritur.

6. Opponunt Hebræi cap. 3. Exodi, vbi Angelus apparuit Moyfi in medio rubi, qui ardebat, & non comburebatur, & appellatur ibi Angelus nomine *Ieboua*, & tamen Ange-

Angelus est creatura : ergo licet Messias nomine Iehoua sit appellandus, non sequitur esse Deum. Hæc Hebræorum obiectio suam monstrat ignorantiam, & nullam Sacræ Scripturæ intelligentiam : nam aliud est Angelum vocari Deum ; aliud verò Angelum loqui nomine Dei. Angelus hic (si fortè fuit Angelus, & non ipse Deus) non appellabatur Iehoua, Deus essentialiter æternus ; sed loquebatur nomine Dei Iehoua : qui autem loquitur nomine Dei non est Deus, sicut Legatus, qui loquitur nomine Regis, non est Rex : at vero Iehoua est proprium nomen Messiae, vt Deus ipse per Prophetam revelauit : illud verò nomen soli Deo appropriatur secundum Scripturas, & secundum ipsos etiam Rabbinos : si ergo appropriatur Messiae, euidenter sequitur Deum esse Messiam.

7. Dices. Vbi hæc Rabbini dicunt? In libro appellato More in cap. 6. loquendo de hoc sanctissimo nomine, sic dicitur : *Cuncta nomina Dei Excelesi; quæ inueniuntur scripta in sacris libris ab aliqua certè operatione deriuantur : at nomen istud Sacrosanctum Iehoua, quod ex quatuor constat literis, s, Iod, hê, vau, hê, nomen est particulare, & vnicum Deo excelsi; significatque essentiam Dei excelsi cum manifesta determinatione ad solum Deum absque vlla æquiuocatione, & communicatione ad alterum, qui Deus non sit. Sic habet ille liber Hebraicus translatus in Latinum, & mox subiungit : Certè alia Dei nomina vt Iudex, Potens, Iustus, Pius, Misericors, Elobim, &c. omnia sunt nomina, quæ declarant aliquam operationem ; à qua deriuantur, vt Iudex à iudicando, Iustus ab actione recta, Pius, à pietate, misericors ab actione miserendi, &c. at verò nomen quatuor prædictis literis formatum, s, Iehoua, non est cognitum ab aliqua deriuatione ; & alteri non communicatur, nisi soli Deo. Si ergo, vt fatentur Rabbini, nomen Iehoua soli Deo, & non alteri communicatur ; & Deus per Hieremiam reuelauit, nomen Messiae esse Iehoua, negare non possunt Rabbini Messiam verum Deum esse.*

8. Quod verò Hieremias hic loquatur de Messia, est manifestum ; tum ex ipsis verbis Prophetæ ; tum ex paraphrasi Cal-

Caldaica; quæ exponendo illa verba Hieremiæ; ita dicit. *Suscitabo Davidi Messiam iustum*: tum quia in libro Midras Tillim in eo versiculo Psalmi 20. *In virtute tua letabitur Rex*. Sic dicitur: *Et vocabo Regem Messiam suo nomine*: & addit cap. 23. *Hoc est nomen, quod vocabunt, Dominus iustus noster*, & in libro Midras echa, videlicet glosa in Trenos cap. 1. versic. 16. *Longè factus à me consolator* &c. Sic dicitur: *Rabbi Aba Cabana dixit: Deus est nomen eius* (loquendo de Messia) *sicuti dictum est in Hieremia cap. 23.* & ibi allegantur verba Prophetæ iam supra posita: Similiter legitur in libro Ialcut in Hierem. cit. exponendo prædictam prophetiam, ubi sic dicitur. *Messias, sicut scriptum est, hoc nomine vocabitur Dominus iustus noster*. Ex quibus manifestè patet Hieremiam etiam ex ipsorum Rabbiorum sententia loqui in eo loco de Messia, & illius nomen proprium esse Deum Iehoua; quo solus Deus appellari potest, & non alius, qui Deus non sit, & consequenter errant enormiter Hebræi, si Messie Diuinitatem inficiantur.

C A P V T T E R T I V M.

Confutatur falsa quorundam Rabbiorum expositio.

9. **H** Ebræi post aduentum Saluatoris nostri patrantis ea mirabilia, & obstupenda prodigia, quæ solus Deus poterat operari; & quibus Deus manifestè ostendebatur, & à tota fidelium Ecclesia, ut verus Deus, & homo indubitatè credebatur; videntes se conuictos esse de Diuinitate Messie ex prædicto textu Hieremiæ, procurarunt astutia diabolica textum illum corrumpere, legendo sic, & mutando perspicua verba textus: *Hoc est nomen, quod vocabit Dominus, iustus noster*, itaut fieret hic sensus: *Deus vocabit nomen Messie, iustus noster*: & sic per istos sacræ paginæ corruptores Messias non appellabitur Deus, sed tantum iustus noster. Vnde, ubi textus Hieremiæ habet Iereù, quod significat *vocabunt*, posuerunt sced, quod significat, *vocabit*.

bit. Similiter alium textum Hieremiæ cap. 33. num. 16. qui debet legi sic: In diebus illis saluabitur Iuda, & *Ierusalem* habitabit confidenter; & hoc est nomen, quod vocabunt eum, Dominus iustus noster. Legunt illi sic: Hoc est nomen, quod vocabit eam Dominus &c. Hi tamen duo textus Hieremiæ, debent legi, *vocabunt*, & non *vocabit*, tum quia aliter ineptus Prophetæ sensus euadet, tum quia illos sacræ scripturæ textus cum verbo illo, *vocabunt*, legunt 70. Interpretes; quibus adhibenda est maior fides; cum fuerint homines tanta doctrina, & fidelitate, à Deoque illustrati, & simul Hebræi; & ideo Hebræi ipsi potius illis credere debent, quàm Recentioribus Rabbiniis solitis sacram corrumpere scripturam; vt ad sensum, quem ipsi perperam fingunt, detorqueant.

10. Vt autem sciatur, quàm corruptores sint Sacræ Scripturæ isti falsi Rabbini, legatur vltimum caput Ezechielis, versiculo vltimo. *Per circuitum decem, & octo millia; & nomen Civitatis* ex illa die, *Dominus ibidem*. Ex isto textu voluerunt probare Ciuitatem Ierusalem appellandam esse Deum Iehoua; (vt constat ex Midras Tillim, & Ialcut) & ad hoc pròbandum dicunt sic. *Non legas in eo versiculo Ezechielis*, Sciama; quod significat *ibidem*, sed scema, quod significat, *nomen suum*: itaut legatur, *nomen Civitatis Dominus nomen suum*: cum debeat legi, *nomen Civitatis Dominus ibidem*, qui est verus sensus Prophetiæ, in qua prædicebatur Ecclesiam, quæ est Ciuitas Dei, esse appellandam, *Dominus ibidem*, seu, quod idem est; *Deus in ea*: quia Deus est in Ecclesia, & iam hodie in Synagoga non est Deus, sed diabolus.

11. Quæres, quomodo fecerint hanc vitiosam, enormemque mutationem? Mutata fuit ab illis litera vocalis A. idest punctum, quod ab iisdem Camez vocatur, in aliam vocalem E hebraicè, *scava*, & sublato vno puncto, hebraicè, Daghes à litera mem, & ponendo vnum aliud punctum vocatum Mappic in litera hè; mutata hæc puncta faciunt, quod vocabulum denotans *ibidem*, legatur in modo; quod deno-

denotet *nomen suum* : id quod est contra apertam rei veritatem , & contra Sacram Scripturam . Sed inquires , quam causam habuerint Rabbini ad hanc enormem sacri textus corruptionem inducendam ? Prima causa est illorum malitia, & obstinatio, fataleque odium in Christum Salvatorem; volentium per eas , & similes corruptiones sacri textus de Christo clarissime loquentis ipsum Salvatorem exterminare, diabolo instigante; sed nunquam id efficere poterunt; imò sua illa obstinatione per Prophetas etiam prædicta sanctissimam nostram Religionem confirmant .

12. Secunda causa : quia cum ex primo , & vero sensu sacri textus, quòd, s, nomen Ciuitatis Ierusalem, i, Ecclesiæ Christi, sit *Dominus ibidem* , inferri vidissent ; Deum solum esse in Ecclesia Christi, & non iam in Synagoga ob suam rebellionem ; idcirco substulerunt, particulam *Dominus ibidem*; & substituerunt malitiosè, *Nomen suum* : vt intelligeretur, nomen proprium illius Ciuitatis esse sanctissimum nomen Iehoua : quo quid falsius ? imò in hoc eneruarunt authoritatem Dei dicentis per Prophetam nomen Iehoua soli Deo, & non alteritribuendum , vt ex præcedenti capite liquet: & sic etiam prætenderunt infirmare nostrum argumentum de Diuinitate Christi : quasi dicant : licet Messias vocetur Iehoua, non ideo sequitur, quòd sit Deus : nam Ierusalem vocatur Iehoua per Prophetam; & tamen ipsa non est Deus . Sed cum consequentia illorum fundetur in falsitate ; ita mala consequentia redditur : nam legendum est. *Dominus ibidem* ; vt habet textus verus , & non vt habet ab illis falsatus .

C A P V T Q V A R T V M .

Ostenditur secundo Diuinitas Messiae ex eodem veteri Testamento .

13. **M**essiam verum esse. Deum non possunt Hebræi negare, si sedulâ mentis attentione perpen-

pendant prophetiam Isaïæ cap.8. versic.13. vbi sic dicit: *Dominum exercituum ipsum sanctificate: ipse pavor vester, & ipse terror vester. & erit vobis in sanctificationem. In lapidem autem offensionis, & in petram scandali duabus domibus Israel, in laqueum, & in ruinam habitantibus in Ierusalem; & offendent ex eis plurimi, & cadent, & conterentur, & irretientur, & capientur: liga testimonium, & signa legem in discipulis meis; & spectabo Dominum, qui abscondit faciem suam, & prestolabor eum.* Prophetia ista est clarissima: nam vocat Messiam Deum exercituum, id est Angelorum Cœlestis militiæ, ipsum esse sanctificandum, i, adorandum adoratione Deo debita, timendum vt Deum.

14. Quod verò Propheta planè loquatur de Messia Christo Iesu, probatur manifestè ex verbis illius Prophetæ: nam dicit, quando venerit Messias, futurum esse scandalum ipsis Hebræis; & quando venit Christus, ab Hebræis non fuit creditus; imò illis reputatur vt scandalum; quando venerabile Iesu nomen, cœlo amabile, Diabolo, eiusque sequacibus Iudæis formidabile vel auresentitur: ergo Christus est ille Messias verus Deus, de quo loquitur Isaïas. Imò ipsi Rabbinii exponendo prædictam prophetiam dicunt tunc venturum Messiam, quando deficient duæ domus Patrum Israel; qui Patres, inquiunt, erant illa capita, Magistratusq; Captiuitatis Babylonis; & ille Princeps, qui erat in Ierusalem: hæc duo capita defecerunt, quando Christus Iesus venit; vt omnibus est notum: ergo euidenter constat Christum esse verum Messiam, qui illis fuit in petram scandali, vt dixit hîc Isaïas; & consonat Simeon ille iustus, quando Messiam inter brachia suavi, dulcique amoris teneritudine tenebat, ab ipso adeo desideratum, dicens: *Nunc dimittis seruum tuum Domine, quia viderunt oculi mei salutare tuum... Ecce positus est hic in ruinam, & in resurrectionem multorum in Israel* Lucæ 1.

15. Sed quæres, quomodo potest dici in ruinam, & in resurrectionem; in sanctificationem, & in petram scandali? est in ruinam, & in petram scandali Hebræis, qui illum non credunt: est

in resurrectionem, & sanctificationē Christianis, qui in illum credunt. Quod verò Messias illa petra scandali sit, Rabbini etiam agnoscunt; unde in cap. 28. Isaïæ vers. 16. *Hæc dicit Dominus: Ecce ego mittam in fundamentis Sion* (hoc est in Ecclesia) *lapidem probatum, angularem, pretiosum in suo fundamento fundatum, qui crediderit, nō festinet.* Paraphrasis Caldaica exponit, Lapidem, i, *Regem Messiam*; & similiter Rabbi Salamon Petram illam exponit de Messia, vt supra vidimus; & idem Rabbi in versiculo 2. Micheæ cap. 5. *Ex te mibi egredietur, qui sit Dominator in Israel*, exponit sic: *Iste Dominator est Messias Filius David; & ita de illo dictum est esse Petram factam in caput odij edificatori.* Ex his fit evidens demonstratio: Deus reuelauit per hunc Prophetā, illū esse Messiam venturū, qui vocetur Deus, qui à multis sanctificetur; multis sit in petra scandali; qui multis sit ruina, & multis sit resurrectio; & qui venturus sit, quando deficient Principes Israel; totum hoc fatentur Rabbini; vt manifestatum est ex ipsorum verbis: sed Saluator noster Christus Iesus hæc omnia habet: illum omnes fideles toto orbe dispersi Deum adorant, illum sanctificant; multisque Hebræis obstinatis est in petram scandali, & lapidem offensionis; post illius aduentum iam populus Hebræus non habet Reges, & Principes; quod totum omnibus est manifestum: ergo Saluator noster Christus est verus Messias, & verus Deus: hæc consequentia est euidentissima, & negari non potest, nisi ab obstinatis, & intellectum habentibus obscuratum. Sin minùs; vel hæc Prophetia erat implenda, vel non erat implenda: si non erat implenda, Deus fuit fallax, & deceptor; si erat implenda; in quo impleteretur, nisi in illo, qui habet omnia omnino, quæ Deus per Prophetam prædixit? Christus Dominus habuit omnia, quæ Prophetæ de illo prædixit, vt euidenter demonstratum est: ergo in Christo Domino Prophetia illa impleta fuit.

CAPVT QVINTVM.

Messia Diuinitas ex alijs Prophetijs ostenditur.

17. **S**Equentes Prophetiæ ita clarè de Messia diuinitate loquuntur; vt Hebræi ipsi vel cogentur negare apertam Scripturam, vel Messia diuinitatem confiteri. Isaias enim sic loquitur, cap. 35. ver. 4. *Dicite pusillanimis: Confortamini, & nolite timere: Ecce Deus vester veniet, vltionem adducet retributionis: Deus ipse veniet, & Saluabit vos.* Rabbi Salomō cum cæteris Rabbinis agnoscunt Prophetam in hoc loco de Messia venturo certissimè loqui; ergo Messias est verus Deus: aliter Prophetia esset fallā.

18. Et idem Isaias, cap. 28. vers. 5. sic ait: *In illa die Dominus exercituum, corona gloriæ, & sertum exultationis residuo populi sui, & Spiritus iudicij sedentis super iudicium, & fortitudo reuertentibus de bello ad portam: verum hi quoque præ vino nescierunt, & præ ebrietate errauerunt.* Vbi Prophetia dicit. 1. Messiam esse Deum exercituum, i, Angelorum militiæ cælestis. 2. esse coronam gloriæ, i, Regem gloriæ, Sertum æternæ exultationis, i, obiectum æternæ beatitudinis, idque solum ijs, qui residuum sunt populi sui, i, qui illum recipiunt, & credunt; non verò illis, qui illum non recipiunt, nec credunt, quia iam non sunt populus eius; vt dicit Daniel. cap. 9. vers. 26. *Non erit populus eius, qui eum negaturus est.* 3. futurum esse Supremum Iudicem omnium hominum à primo Adam vsque ad vltimū eius descendentem, id enim denotat Spiritus Iudicij sedentis super iudicium, i, supremum omnium iudicem. 4. illum esse fortitudinem reuertentibus à bello cum ductore Diabolo ad portam, id est ad Ecclesiā, quæ est domus Dei, & porta Cæli, iuxta illud Iacobi Gen. 28. v. 17. *Non est hic aliud, nisi domus Dei, & porta Cæli.* His titulis, quos tribuit Messia prædictus Prophetia, confirmat id, quod prædixerat, nimirum Messiam Deum esse: solum enim Deus potest esse Rex gloriæ, obiectum nostræ æternæ

exultationis, ac beatitudinis, supremus omnium iudex, summa nostra fortitudo: quòd autem Propheta loquatur hìc de Messia, non solum nos Christiani id credimus; sed ipsi etiam Hebræi Rabbinì planè fatentur: nam paraphrasis Cal-dea per Targum de Ionathan sic exponit hunc Textum: *In tempore illo erit Messias Dei*, s, Dei Patris: est enim Messias se-cunda Persona à Deo Patre procedens, & sic eum credimus Catholicì in Symbolo Deum de Deo, &c.

19. Sed quæres, cur Hebræi videndo hanc clarissimam Prophetiam in Christo Salvatore nostro impletam, adhuc illum negent, ignorent; & in hoc tam enormiter errant? Idem Propheta assignat causam, in vltimis verbis prædictæ Prophetiæ: *Præ vino nescierunt, præ ebrietate errauerunt*. quia, s, sunt priuati iudicio; sicut priuatur ebrius. *Præ ebrie-tate errauerunt*. Solum enim, qui sunt mentis expertes, pa-tentem veritatem non assequuntur.

20. Non minùs clarè de Christi diuinitatè loquitur idem Isaias . cap. 25. versic. 9. *Et dicet in die illa: Ecce Deus noster iste: expectauimus eum; & saluabit nos*. Dicit hic Pro-pheta in die illa aduentus Messiæ ipsum Deum; quem He-bræi expectabant, venturum, digito esse oculis ostenden-dum; dicendo: *Ecce Deus noster, quem expectauimus*; &c. prout illum Baptista digito monstrauit, dicens: *Ecce Agnus Dei, ecce qui tollis peccata mundi Ioan. 1. versic. 19*. Necesse autem fuit, vt iste Deus humanâ carnem assumeret, vt ocu-lis videri posset: nam sciebant optimè Hebræi Deum non posse oculis videri, vt patet Exodi. 33. vers. 20. *Non poteris videre faciem meam: non enim videbit me homo, & viuet*: er-go ne Propheta diceret mendacium; quando dicit Deû ocu-lis ostendendum, intelligitur de videndo Deum in carne as-sumpta; in qua Deus solum poterat digito ostendi nostris videndus oculis, & hoc ipsum dicere voluit idem Isaias c. 30. vers. 20. *Et erunt oculi tui videntes præceptorem tuum*. Si enim esset tantum Deus præceptor ille Messias, & non Deus in carne humana visibili, quomodo posset humanis oculis videri? Ex quibus manifestè patet, Deum ipsum præ-dici

dici venturum Messiam, sed in humana carne, vt posset oculis Deus ipse videri, digitoque monstrari.

21. Et hoc ipsum intelligunt Rabbini, s, Deum ipsum venire debere, vt ipse Deus esset Messias: nam in libro Midras Tillim exponendo versiculum illum Ps. 30. *In te Domine speravi; non confundar in æternum, in iustitia tua libera me;* sic dicitur, facta translatione fideliter de Hebraico in Latinum. *Dixerunt Israel coram illo. Non sumus nos redempti per manum Moysis, & sic per manum Iosue, & per manum Iudicum, & Regum? & tamen iterum capti sumus, & subiugati, quasi redempti non fuissetus? Quibus Deus Benedictus respondit, & dixit. In tempore præterito; quia redemptio vestra facta fuit per manum hominis; qui hodie est hic, & manet in sepulchro; ideo redemptio illa vestra facta fuit temporalis, & momentanea: at nunc ego ipse per manum meam redimam vos: & quia ego sum viuus, & stabilis in æternum, ideo redemptio vestra æterna erit, vt scriptum est in Isaia. cap. 43. Et nunc hæc dicit Dominus creans te Iacob, & formans te Israel, noli timere, quia redemite ... Ego Dominus Deus tuus sanctus Israel Saluator tuus. & pergit exponendo textum. Israel saluabitur per Deum salutis æternæ, & non erubescetis, nec confundemini in æternum.*

22. Ex quibus verbis etiã iuxta mentem Rabbiorum manifestè constat Redemptorem Messiam esse Deum æternum per redemptionem æternam, & non purum hominem, vt Moysen, & Iosue per redemptionem temporalem; voluit enim, cum sit Redemptor æternus; quod redemptio foret æterna: siquidem est Redemptor animarum immortalium, & non tantum corporum mortalium. Omitto hic plures alias Prophetias, quæ manifestè probant Messia diuinitatem; quia illas ad aliud intentum infra adducemus. Volo tandem concludere caput istud cum illa eiusdem Isaia Prophetia cap. 44. vers. 6. *Hæc dicit Dominus Rex Israel, & Redemptor eius Dominus exercituum: ego primus, & ego nouissimus.* Vbi Propheta manifestè vocat Deum exercituum, primum, & nouissimum, Regem Israel Redemptorem nostrum: omnes verò Hebræi vocant Messiam Redemptorem, & Regem

Gem Israel iuxta illud Zachariæ: *Ecce Rex tuus venit*, &c. & idem Isaïas id ipsum confirmat clarissimis verbis. c. 33. vers. 22. *Dominus enim Iudex noster; Dominus legifer noster; Dominus Saluator noster ipse saluabit nos*. Vbi vocat Messiam Deū, Salvatorem, Legislatorem; & Hebræi credunt solum Deum illis legem dedisse. Id ipsum assertit Propheta Oseas. cap. 7. vers. 13. *Væ eis, quoniam recesserunt à me, vastabuntur: quia prævaricati sunt in me; & ego redemi eos; & ipsi locuti sunt contra me mendacia*. Hunc textum exponunt Rabbini pro Persona Messie in lib. Midras Tillim. Vbi Deus ipse loquitur de se, quando Iudæi ab ipso erant recessuri tempore sui aduentus in terram; & propter hoc illorum urbem esse deuastandam: quia quando ipse eos redimebat; falsa testimonia contra illum dicebant, vt Redemptorem suum crucifigerent. Vnde Hebræi negare non possunt eum, qui hic loquitur, Deum esse: sed hic Deus dicit, se ipsum illos esse redempturum; & eos in ipsum falsa testimonia esse dicturos: ergo ipse Deus, & ipse Messias Redemptor est eadem persona diuina: aliter Deus ipse mentiretur, quod est omnino impossibile.

C A P V T S E X T V M.

Altera probatio, qua Messia diuinitas ostenditur.

23. **L**icet ex prædictis Prophetijs, satis superque maneat probata Messie Sanctissimi diuinitas; cum tamen Sacra Scriptura in rebus, quæ ad nostram salutem spectant, locuples, abundansque sit; ideo multiplicat probationes, & argumenta; quibus noster Saluator Messias verus Deus ab omni populo credatur: quia sine fide de illius diuinitate omnes certissimè damnabuntur. Vnde hic euidentis est probatio, quòd sit Deus, ex eo, quòd sit verus, & non adoptiuus Filius Dei. Ad quod supponendum est. Vt aliquis verus sit filius alicuius Patris, debet procedere ab illo similis in natura: Sic Abel filius fuit Adami, quia ab Adamo fuit genitus similis in natura. Supponendum est 2. similitudinem
in

in natura duobus modis fieri. 1. in natura specifica; quo pacto Abel similis est Adamo solum in natura specifica; quia illi non fuit communicata eadem numero natura Adami, sed alia diuersa numero, & solum eadem in specie, & ita fit in alijs filijs. 2. dari similitudinem in eadem numero natura cum diuersitate tamen personarum, prout latè vidimus in Materia de Trinitate.

24. Supponendum 3. in Deo ad gignendum esse impossibile eam primam similitudinem in specie, sed necessariò debere communicari Filio eandem numero naturam; quia natura Dei est essentialiter immultiplicabilis: vnde generando Filium necessariò illi debet communicare eandem numero naturam diuinam; & ideo hic Filius manet Deus, imò idem Deus per naturam diuinam eandem; sicut in humanis remanet homo filius per naturam humanam eandem in specie, sed diuersam numero. Ex quo patet Messiam verum esse Deum, si probatur verum esse Filium Dei. Sicut patet Abelem esse verum hominem, si probatur verum esse filium hominis Adami. His ergo suppositis; sic formatur hæc probatio: Qui est verus filius, habere debet naturam sui Patris similem eo modo, quo potest esse similis, vel in specie, si natura est multiplicabilis, vt in homine, vel in indiuiduo, si natura est immultiplicabilis, vt in Deo. Sed Messias Saluator noster est verè Filius Dei: ergo est verus Deus. Consequentia est manifesta. Maior ab omnibus supponitur; & à nemine negatur. Solum restat probanda minor propositio, nempe Messiam esse verum Filium Dei, quæ probatur ex multis locis veteris testamenti; quod à Rabbinis non negatur. Ex Psal. 2. n. 7. *Dominus dixit ad me: Filius meus es tu: ego hodie genui te: postula à me, & dabo tibi gentes hereditatem tuam, & possessionem tuam terminos terræ.* Vbi Pater æternus vocat Messiam Filium suum. Nec potest intelligi de Dauid: nam Dauid in die illo: quo, diuino affante Spiritu, carmen illud sacrum intonuit, non fuit genitus, sed antea; & solum de secunda Persona, quæ est Messias, potest dici à Deo Patre: *ego hodie genui te;* quia semper illum generat;

rat; & est semper in actuali generatione Verbi Diuini; per totamque æternitatem generabit, itaut possit dicere illi: *ego hodie genui, gigno, & in æternum gignam*: quia Verbum Diuinum, quod est Messias, habet suam generationē per actualē cognitionem ipsius Verbi productiuam: in qua actuali cognitione semper est Pater, fuit, & erit per totam æternitatem. Deinde Deus illi promisit gentes, vt Regnum, & hæreditatem suam, & omnes terminos terræ, quod de solo Messia potest verificari.

25. Et quod intelligatur textus de Messia, id expressè habetur in Talmud in tractatu Succa, capite dicto Perec hechahil, vbi expressè dicitur textum loqui de Messia Filio Dei. Item Rabbi Salomon in expositione prædicti Psalmi affirmat Rabbinos illum exponere de Messia; idem dicit Rabbi David Chimchi supra eundem textum; vbi sic ait: *Aliqui exponunt hunc Psalmum, de Gog, & Magog; sed ille ibi nominatus est Rex Messias, sicut nostri Rabbini bonæ memoria exposuere*. Et in Libro Midras Tillim dicitur textum illum: *Filius meus es tu*, de Filio Dei Messia intelligi debere. Et in expositione Psal. 8. id ipsum affirmat per hæc verba translata de Hebraico in Latinum: *In tres partes diuise sunt tribulationes: partem vnā tolerarunt parentes mundi, & omnes generationes: secundam generatio destructionis: tertiam Messie generatio, at quando veniet hora eius; dicit Dominus Sanctus, & Benedictus, ad me spectat creare rem nouam; & sic ait ille: Ego hodie genui te*. Ex quibus manifestum est, in Psalmo declarari Messiam verum Dei Filium, etiam iuxta mentem Rabbiorum.

26. Imo in eodem Psal. 2. versic. 11. vbi textus Latinus habet. *Seruite Domino in timore, &c. ne fortè irascatur Dominus, & pereatis de via vestra*. Textus Hebraicus habet. *Osculamini Filium, &c. ne fortè ille irascatur, & pereatis de via iusta*. Vbi clarè demonstratur hunc Filium, de quo loquitur, Filium esse Dei; aliter non diceret; ne fortè irascatur ille, sed ne fortè irascatur Deus; quod nomen non est in textu Hebraico; licet sit in textu Latino: quia nos optime intel-

intelligimus hunc Filium esse Filium Dei, & bene scimus idem esse Filium ibi, atque Deum Salvatorem nostrum. Si ergo Hebræi dicunt; ne fortè irascatur ille Filius, & qui non sequetur viam eius, omnino pereat, & damnetur, quis potest esse iste Filius, qui sic damnet eos, ab ipsius via aberrantes, nisi ipse Deus Dei Patris Filius?

27. Notant verò hic periti Hebraicæ linguæ, non sine mysterio explicari illic Filium per istam vocem Bar potius, quàm per aliud nomen Hebraicum, etiam Filium significās, quia nomen Bar tria significat, s, Filium, Innocentē, Frumentum; quæ aptissimè conueniunt Filio Dei Christo Salvatore nostro, est enim Filius vnicus, innocentissimus; de quo dicit Isaias cap. 53. vers. 9. *eo quòd iniquitatem non fecerit, neque dolus fuerit in ore eius*. Est frumentum in Sacramento Eucharistiæ; in qua panē in suum Sanctissimum Corpus, & vinū in suū Sanctissimum, & pretiosissimum Sanguinem pro communione fidelium summa misericordia conuertit iuxta Ps. 120. *Memoriam fecit mirabilium suorum misericors, & miserator Dominus, escam dedit timētibz se*. De hoc igitur Filio, vt Dei Filio loquitur Midras Tillim in expositione prædicti Ps. 2. Vbi portat hanc comparisonem: *Si vnus Rex iratus vellet aliquam sui Regni Prouinciā deuastare, & vassalli illi postulerent à Filio, vt placaret Regem; & Rex placatus per filium illi Prouinciæ parceret; vassalique adiissent, vt Regi gratias agerent; Rex tunc responderet: Ite potius ad Filium meum gratias acturi: illi enim vestram liberationem debetis: sic, inquit Midras, fecit Rex Dominus; vt denotatur in isto Psal. 2. Osculamini, i, adorete, Filium.*

28. Aliqui Iuniores Rabbini hanc libri Midras interpretationem ita temperant, vt per Regem intelligatur Deus, per Prouinciā Mundus; per Filium Populus Israeliticus; & non Messias, proindeque corrumpit nostrum fundamentum. Sed hæc temperatio est prorsus falsa, iniqua, & textui violenta. Falsa: nam Deus loquitur cum populo Israelitico, vt adorent Filium suum, vt distinctum, & diuersum ab ipso populo: ergo non potest dici populus ille Filius: aliter Deus

diceret populo, vt adoraret ipsum populum, & non Deum. Iniqua: quia cum populus sit creatura, iam Deus suaderet populo, vt adoraret creaturam, & non Deum; quod est idolatria; quam Deus rigidè prohibet, & ideo illam non potest præcipere, imò strictè præcipit, vt solus Deus latræ cultu sit adorandus iuxta illud, *Dominum Deum tuum adorabis, & illi soli seruias*. Textui violenta; quia textus apertè loquitur de Filio suo à se æternaliter genito, in illo hodie æternitatis: populus autem iam erat tempore genitus, quando Deus illi loquebatur; est etiam violenta, & contraria antiquis Rabbini; qui, vt ex dictis constat, apertè de Filio Dei loquuntur, & non de populo Israelitico. Constat igitur manifestè loqui textum de Messia, quod sit Dei Filius: *Filius meus es tu: ego hodie genui te*.

29. Patens etiam est textus Danielis, cap. 7. n. 13. vbi sic ait: *Aspiciebam ergo in visione nobis: & ecce cum nubibus Cæli quasi filius hominis veniebat: & usque ad antiquum dierum peruenit: & in conspectu eius obtulerunt eum: & dedit ei potestatem, & honorem, & regnum, & omnes populi, tribus, & linguæ illi seruiunt: potestas eius potestas æterna, quæ non auferetur, & regnum eius, quod non corrumpetur*. Hæc clarissima Prophecia tota est de Christo Salvatore nostro; vt nos Christiani credimus, neque etiam Hebræi negare debent, quamuis Hebræi hallucinati illam non penetrent, quia veræ fidei luce carent; & semper Prophetias etiam clarissimas de Christo Salvatore nostro ab illo intendunt, quasi nondum aduenerit Messias, seiungere; & sic suis in tenebris inuoluuntur, vt veritatis scopum non attingant.

30. Duo præcipuè continet. Primum: Messiam verè esse Filium hominis propter formam hominis. Secundum: esse Filium Dei propter formam Dei. Primum patet ex illis verbis: quasi Filius hominis. Particula, quasi, non minuit, sed indicat; qui est vsitatus modus Scripturæ, non ad diminuendum, sed ad indicandum, & demonstrandum: quemadmodum Ioan. 1. ait: *Vidimus gloriam eius; gloriam quasi unigeniti à Patre*; Vbi Unigenitum vult ostendere, non minuere.

Se-

Secundum liquet ex illis verbis : Peruenit ad antiquum dierum, i, ad Patrem; qui ita dicitur, quia Pater est prior origine, sed non tempore. Particula, *Peruenit*, respectiue ad humanitatem significat vnionem eius ad diuinam Personalitatem Verbi, respectiue ad Verbum Diuinum indicat generationem, per quam peruenit, seu accedit ad antiquum dierum, i, ad diuinitatem Patris, qui eam per generationem intellectualem Filio suo communicat; & constituit verum, & Vnigenitum Filium Dei. Sin minus dicant Hebræi, si hic Filius est purus homo, & non Deus; quomodo habet potestatem æternam? nam Reges, qui sunt filij creati, potestatem habent temporalem, non æternam; illorum Regnum non est perpetuum, sed breui durans; ab illis aufertur; aut per bellum, aut per mortem: vnde Prophetia solùm potest adaptari Regi Christo æterno Dei Filio; cuius Regnum, i, Ecclesia vt militans in terra, semper durabit vsque ad finem mundi; vt triumphans in Cœlo semper erit per totam æternitatem. Ecce huic Regi æterno seruiunt omnes populi, omnes tribus, omnes linguæ, seu omnes diuersæ linguæ nationes, in Europa, Africa, Asia, America; & licet multæ sint Sæctæ, qui illi non seruiunt, vt perfidi Hebræi, immundi Maometani, stulti Pagani: at in nulla parte mundi in quatuor partes diuisi desunt, qui Christo seruiant, & omnes etiam indiuidualiter in vltimis diebus illum adorabunt; & credent, etiam ipsi nunc obstinati Hebræi, vt Prophetiæ clamant.

31. Sed dices. Si hæc Prophetia est de Filio Dei, cur Prophetæ non expressit Filium Dei, sicut expressit Filium hominis? Facile R. non esse necesse, quòd explicetur semper per nomen Filius, quando ponuntur verba, quæ explicant ipsam filiationem; vt hic explicat Prophetæ per generationem æternam Regis æterni, & habentis potestatem æternam; quæ non possunt accomodari, nisi Filio æterno. An, si probetur aliquem genitum esse à Petro, non dicitur filius Petri; nisi ponatur nomen filius? an, vt intelligamus Christum esse Filium Beatissimæ Virginis Deiparæ, non satis est, ponere Mariam, de qua natus est Iesus, qui vocatur Christus; licet non

ponatur hoc nomen Filius? Concludimus igitur in prædictis Prophetijs Messiam Sanctissimum manifestè ostendi verum Filium; & hoc non posse negari, nisi ab obstinatissimis, quales sunt Hebræi.

C A P V T S E P T I M V M.

Ostenditur Messiam esse verum Filium Dei ex alijs Prophetijs.

32. **L**icet ex prædictis Prophetijs satis demonstratum sit, Christum Messiam nostrum Sanctissimum esse verum æterni Patris Filium illi consubstantiali, eiusdemque naturæ diuinæ; ad maiorem tamen confusionem Iudæorum, iuuat huc alias Prophetias adducere, quibus hæc veritas ostendatur, & confirmetur, licet alias omittam, quia sunt alibi ponderandæ. Probatur primò ex Psalmo 88. vers. 27. *Ipse inuocabit me: Pater meus es tu: Deus meus, & susceptor salutis meæ: & ego primogenitum ponam illum excelsum præ Regibus terræ: in æternum seruabo illi misericordiam meam; & testamentum meum fidele ipsi: & ponam in sæculum sæculi semen eius, & thronum eius sicut dies cæli.* Hæc Prophetia clarissimè ostendit Messiam esse Filium Dei; siquidem in illa prædicitur, Messiam inuocaturum esse Deum Patrem suum: nam si Deus est Pater Mellæ, hic Filius Dei est: Pater enim sui Filij est Pater: & impleta est in Christo Domino, qui sæpius inuocauit Deum Patrem suum: vt patet ex Ioan. 17. *Pater, clarifica me apud te ipsum.* Et Lucæ 23. *Pater, commendo spiritum meum in manus tuas,* & sæpè alibi. Et Pater in hoc etià Psal. 88. vocat ipsum Messiam Filium suum primogenitum: & quemadmodum vt Filius æterni Patris est Primogenitus, & Vnigenitus, quia Pater ante illum, & post illum nullum alium genuit; ita voluit, vt nasceretur ex Beatissima Virgine Maria primogenitus, & vnigenitus, quia Beatissima Virgo, nec antea, nec post habuit alium Filium; siquidem fuit Virgo ante partum, in partu, & post partum, vt credi-

credimus ex Sacro Euangelio, & fuit prædictum per Prophetas, vt suo loco dicemus.

33. Dices. Multi Hebræi dicunt hunc Psalmum 88. intelligi de Dauid, & non de Christo. R. ipsos non attendere ad verba Prophetæ: si enim bene attendissent; non incidere in illum errorē: siquidem quatuor dicit Deus per Prophetam in eo Psalmo, quæ Regi Dauid nullo modo possunt conuenire. Primum, esse ponendum vt primogenitum: & Dauid nō fuit primogenitus, neque vt priuata persona: quia habuit plures fratres grandiores; neque vt publica, seu vt Rex; quia prior illo fuit Rex Saul; vt totum constat ex Scripturis. Secundum, esse excelsum præ Regibus terræ; & hoc non potest accomodari nisi illi, qui est Rex Regum, & Dominus Dominantium, quod de solo Rege Messia dicitur. Apoc. 19. n. 16. vbi loquens de Christo sic ait: *Et habet in vestimento, & in femore suo scriptum: Rex Regum, & Dominus Dominantium*: non autem Dauidi, qui non fuit Rex Regum. Tertium, misericordiam Dei illi seruandam in æternum; quod solum intelligitur de Ecclesia, non verò de Synagoga, in qua Dauid regnauit; & in qua non seruatur hodie misericordia Dei; imo est iam absque misericordia; vt omnes cognoscunt; cum sint à Deo reprobati Hebræi, iuxta Prophetiam Osæ. cap. 1. n. 6. *Voca nomen eius absque misericordia; quia non addam ultra misereri domui Israel; sed obliuione obliuiscar eorum*; & solum hæc Misericordia Dei perpetuabitur in domo Iudæ, i. in Ecclesia, quæ sequitur Christum Regem de Tribu Iudæ, non vt Regem temporalem, per arma, & exercitus, & equites, sicut alij Reges temporales. vt continuat Prophetia Osæ. *Et domui Iudæ miserebor, & saluabo eos in Domino Deo suo; & non saluabo eos in arcu, & gladio, & in bello, & in equis, & in equitibus.* Et nota Æternum Patrem dicere saluatuum eos in Messia, quem ibi vocat Dominum Deum ipsorum. Quartum, quod in Prophetia notatur, est, in Filio suo stabiliendum Thronum in perpetuum, & qui nunquam finiatur, sicut finiuntur dies terræ, per occasum Solis, sed durent semper, sicut dies Cœli, qui noctem non habent. Con-

stat

• BIBLIOTHECA
EXONA
PAPALIS

stat autem Thronum Dauid esse finitum, post Christum elapsis iam plus mille, ac sexcentis annis; ergo non potest intelligi Prophetia de Rege Dauid, sed de Christo vero Filio Dei, qui ab illo tempore regnat in Ecclesia, & regnabit usque ad finem mundi, & post in triumphante per totam eternitatem. Concluditur igitur Prophetiam solum posse accommodari Christo Domino, & ibi merito vocari filium primogenitum Dei Patris. Et ideo conuicti Rabbinii his rationibus fatentur textum illum Psal. 88. loqui de Messia, & non de Dauid, vti legitur in lib. Rabboth, fol. 81. col. 4. exponendo versiculum 2. Exodi. cap. 13. *Sanctifica mihi omne primogenitum*, &c. vbi sic habet. *Rabbi Natan dicit Deus Sanctus, & Benedictus dixit Moysi: sicut ego feci Iacob primogenitum, vti est scriptum: Filius meus primogenitus Israel; ita ego facio Regem Messiam primogenitum, vti est scriptum.* Psalmo 88. ergo iudicat Psal. 88. loqui de Messia, & non de Dauid.

34. Probatur secundò, ex versiculo illo Exodi. cap. 4. *Hac dicit Dominus: Filius meus primogenitus Israel.* Vbi Midras Tillim expositione Psal. 2. ait hunc textum intelligi de Messia. Impletur tamen Prophetia hæc in Christo non ad literam, sed in figura: siquidem ad literam textus loquitur de Populo Israel tunc habitante in Ægypto; erat tamen figura Christi: quia cum tunc esset Populus fidelis, sicut nunc est Ecclesia; erat corpus mysticum Christi Dei Filij. Sic Prophetas Oseas. cap. 11. n. 1. dicit sic. *Quia puer Israel, & dilexi eum, & ex Ægypto vocavi filium meum:* vbi videtur Prophetam loqui de Populo Israelitico, quem vocauit, & educit Deus de Ægypto: & tamen est de fide, illam Prophetiam impletam fuisse in Christo Dei Filio, quando cum Matre sua Sanctissima, & Sancto Ioseph redijt ex Ægypto in Nazareth, vt constat ex Matth. 2. n. 5. *Vt adimpleretur, quod dictum est à Domino per Prophetam dicentem: ex Ægypto vocavi Filium meum.* Vt hoc intelligas, aduerte Christum Dei Filiū duobus modis posse sumi. Primo modo in suo corpore physico, & reali, seu personali. Secundò in suo corpore mystico; quod est Ecclesia; vnde in hoc sensu, quilibet fidelis est pars Corporis Christi

Christi : & totus cætus fidelium est Christus mysticè, & ideo quando Ecclesia patitur persecutionem , Christus eam pati dicitur , vt insinuauit Dominus , quando apparuit in via Saulo tunc persecutori Ecclesiæ; dicens , *Saule, Saule, quid me persequeris* . act. 26. n. 14. & sic etiam Messias verus Filius Dei dicitur agnus Apoc. 5. lit. D. occisus ab origine mundi ; non in suo corpore physico, quod nondum erat natum; sed in suo membro mystico, i, in Abele iusto . Vnde sicut populus fidelis , qui est Christus mysticè , i, corpus mysticum Christi, dicitur filius Dei per filiationem adoptiuam, prouenientem à gratia sanctificante, iuxta illud Ioan. 1. *qui non ex sanguinibus, neque ex voluntate carnis, sed ex Deo nati sunt*; ita Christus noster Messias Sanctissimus dicitur Filius Dei naturalis per Filiationem substantialem, siue sanctitatem increatam diuinæ subsistentiæ, & naturæ diuinæ. Concluditur igitur in eo textu Exodi prædici saltem mysticè , verum Filium Dei : si enim quilibet fidelis dicitur Filius Dei per filiationem adoptiuam gratiæ accidentalis, cur Messias Sanctissimus, non dicetur Filius naturalis per Filiationem sibi naturalem, & essentialem gratiæ substantialis increatæ ?

35. Probatur tertio ex Ps. 109. vbi dicitur, Messiam fuisse à Deo Patre genitum ante Luciferum, i, ante Solem ; seu ab æternitate . *Tecum principium in die virtutis tuæ in splendoribus Sanctorum; ex utero ante Luciferum genui te* . Loquitur hic Æternus Pater Filio suo; & illic dicit: *Ego Principium semper fui tecum* ; quia nunquam fui sine te, & semper fui tibi coæternus, & coæqualis . In die, i, æternitatis in splendoribus Sanctorum , i, in ideis clarissimis Sanctorum fidelium hominum, & Angelorum; quorum omnium es Rex, & Princeps æternus . In die virtutis tuæ, i, naturæ diuinæ à me tibi communicæ, ideoque iam tuæ . Ex utero, i, ex intellectu meo sæcundo parturiente te conceptum substantialem , & Verbum , & sic ante Luciferum, i, antequam Sol, & astra , omniaque alia fuerint creata, te genui in æternitate . Hanc profundam illius Dauidici Carminis intelligentiam non capiunt Rabbini, quia vt talpæ lucem tantam non vident, quā-

nis

uis omnes Rabбини bene agnoscant in eo Psalmo sermonem esse de Messia; & per illum Psalmum explicatur æterna Messia, qua Verbum æternum est, Filiatio, per quam à Patre genitus dicitur Dei Filius. Si enim Pater illum sic genuit; quis negare audeat Æterni Patris Filium esse?

36. Probatur quartò ex Prouerbiorum c. 30. n. 4. *Quod nomen est eius; & quod nomen Filij eius?* Vbi Salomon interrogando, quod sit nomen Dei, aut quod sit nomen Filij eius, supponit Deum Patrem habere Filium; & si verè habet Filium; quis est iste Filius, nisi Christus verus Messias Saluator noster? & meritò per quandam admirationem, & suspensionem inquit, quod nomen sit Filij eius? & eadem mentis suspensione Isaias admirabundus, ait: *Generationem eius, quis enarrabit?* cap. 53. n. 8. Vbi manifestè loquitur de Messia; & dum interrogat, quis poterit narrare eius generationem, supponit illum esse generatum per generationem mirabilem, tum eam, per quam generatur a Patre sine Matre, vt est Deus Filius ab æternitate: tum eam, per quam generatur à Matre sine Patre, vt est homo generatus in tempore: vtraque enim generatio est mirabilis: & quòd generetur à Patre, à quo accipit eandem numero naturam diuinam ipsius Patris: itaut per eandem numero naturam Dei Pater, & Filius vnus sit Deus, & duæ Personæ, generans, & genitus: & quòd generetur à Matre Virgine ante, & post partum Virgine, quod miraculum est, & prodigium, nunquam antea auditum, vt considerauit Propheta Isaias cap. 7. n. 14. *Propter hoc dabit Dominus ipse vobis signum: Ecce Virgo concipiet, & pariet filium.* Concipiet Virgo, & pariet Virgo: in hoc est prodigium, in hoc est miraculum nunquam antea auditum. Non allego innumeros Sacri Euangelij textus, quibus nos Catholici nixi hanc veritatem de fide credimus, quia Hebræi, contra quos argumentamur, surdas ad Euangelium aures habent; nō item alia loca veteris testamenti ab illis non negati adducimus; quia prædicta sufficiunt demonstrationi; & plura officiant breuitati: vnde ex omnibus in hoc, & præcedenti capite positis planè constat, Messiam Sanctissimum verum

rum esse Filium Dei; manereque demonstratam minorem nostri syllogismi propositionem de Christi diuina Filiatione: nam si naturalis Filius hominis, est verè homo; etiam naturalis Filius Dei est verè Deus.

CAPVT OCTAVVM.

Ostenditur ex veteri Testamento Messiam hominem esse debere.

37. **B**Reuius ab hoc capite me expediam; præsertim quia Hebræi, qui utique negant Messiam esse Deum, hominem esse non negant. Primò probatur ratione: quia Messias promittebatur venturus, ut mundum redimeret per actus suos meritorios: ergo necessario deberet naturam creatam habere rationalem, quæ possit apud aliquem Superiorem mereri: nam Deus essentialiter Supremus non habet aliquem superiorem supra se, apud quem mereatur; aliter iam non esset supremus, nec Deus. 2. quia Messias debebat mundum redimere per suam Passionem, & mortem, ut infra ex scripturis ostendemus: ergo necessario deberet assumere naturam passibilem, & mortalem: Deus enim est essentialiter impassibilis, & immortalis.

38. Probatur etiam ex veteri testamento. Primò ex Deuter. 18. n. 15. ubi dicit Moyses: *Prophetam de gente tua, & de fratribus tuis sicut me, suscitabit Dominus Deus tuus, ipsum audies.* Hunc textum intelligi etiam de Messia est communis sententia Doctorum, etiam Rabbiorum: unde particula, *de gente tua, de fratribus tuis sicut me*, clarè denotat Messiam hominem esse, sicut erat Moyses, & fratres, i, fideles illius populi tunc fidelis; qui certè homines erant: ergo vel Prophetia fuit falsa; vel Messias verus est homo: Prophetia falsa esse nequit: aliter Deus mentiretur: ergo Messias verus homo est.

39. Dices. Rabbinii communiter etiam hunc textum explicant per Iosue: qui successurus erat Moyfi in regimine populi.

puli. Fateor hanc etiam esse illorum interpretationem, sed de Iosue in figura: quia erat figura Christi; de Christo autem, vt figurato; & vt ipsi etiam Hebræi agnoscunt, omnes prophetiæ, & figuræ vltimò ordinabantur ad Christum tanquam terminum legis, in ordine ad consummatam, perfectamque Ecclesiam Christianam. Et non est res noua, quòd vna prophetia in diuerso sensu loquatur de vno, & de altero diuerso. Sic Exodi 23. num. 21. *Obserua eum, & audi vocem eius, nec contemnendum putes, quia non dimittet, cum peccaueris; & est nomen meum in illo.* Vbi loquitur de eodem Propheta, de quo loquitur in citato loco Deuteronomij cap. 18. Hebræi verò hunc locum Exodi intelligunt de Iosue; & tamen non potest non intelligi etiam de Messia; siquidem ait hunc prædictum Prophetam habiturum potestatem dimittendi peccata; quam potestatem non habuit Iosue, nec alij Prophetæ, sed illam solus habuit Christus; & illam suo Vicario Sancto Petro Apostolo communicauit iuxta illud: quodcumque solueris, &c. ergo licet Hebræi intelligant textum Deuteronomij de Iosue; multò magis debet intelligi de Christo: præsertim quia omnia verba illius textus non possunt aptari Iosue: ait enim textus; suscitabit de futuro, & non suscitauit de præterito: ergo solum possunt applicari illi Prophetæ, qui nondum erat eo tempore, quo prophetia fuit prædicta; & non illi, qui eo tempore iam existerat, vt tunc existerat Iosue; aliter non diceret: suscitabit: sed suscitauit. Concluditur igitur prophetiam loqui de Christo; & consequenter illum esse hominem, vtpote vnum de fratribus, sicut erat Moyses, qui fratres homines erant; licet Messias vltra humanitatem includebat etiam diuinitatem; vt ostensum est supra.

40. Probatur secundo ex Isaia cap. 52. vbi manifestè loquitur de Messia, vt nos Catholici, & ipsi etiam Hebræi credunt, & versiculo 13 ita ait: *Ecce intelliget Seruus meus; exaltabitur, & eleuabitur; & sublimis erit valde: sicut obstupuerunt super te multi; sic inglorius erit inter viros aspectus eius;*

eius; & forma eius inter Filios hominum. Iste asperget gentes multas: super ipsum continebunt Reges os suum: quia, quibus non est narratum de eo, viderunt; & qui non audierunt, contemplati sunt. Vnde si Christus est seruus Dei Patris, est homo; quia vt Deus, seruus Patris non est, sed illi æqualis. Forma eius inter Filios hominis: i, habet formam hominis; vnde sicut est Deus propter formam Dei; ita est homo propter formam hominis. Eadem prophetia de Christi humanitate expressissima est in eodem Isaia cap. 53. per totum: & ferè omnes prophetiæ, quæ de Christo sunt, de illo loquuntur vt carnem humanam assumpturo; vt Deus homines redimeret factus homo.

CAPVT NONVM.

Ostenditur ex veteri testamento Messiam esse hominem Deum.

41.

Quamuis hæc veritas iam ex dictis constet; dum probatum est in superioribus capitibus esse Deum, & in præcedenti hominem esse: at in hoc capite ostendetur esse simul hominem & Deum; ne Hebræi decepti putent duos esse Messias, vnum, qui sit tantum homo; & alterum, qui sit tantum Deus. Probatur hæc veritas 1. ex Isai. 9. num. 6. *Paruulus enim natus est nobis, & Filius datus est nobis, & factus est principatus super humerum eius, & vocabitur nomen eius Admirabilis, Consiliarius; Deus; Fortis, Pater futuri sæculi, Princeps pacis. Multiplicabitur eius imperium, & pacis non erit finis, super solium David, & super regnum eius sedebit, vt confirmet illud, & corroboret in iudicio, & iustitia, amodo, & vsque in sempiternum.* Hæc prophetia est clarissima; & ex illa constat manifestè Messiam hominem esse; quia paruulus est natus; & Deum: quia eius nomen est Deus. Vnde verus homo, & verus Deus est. Et impleta est in Christo Salvatore nostro; qui natus fuit in Bethleem de Beatissima Vir-

gine Maria; ex familia, & domo Regis David: eius imperium, i, Ecclesia Catholica, toto Orbe est multiplicatum, durat, & durabit in æternum. Est admirabilis, propter stupenda miracula, quæ fecit ipse per se, & per suos Apostolos, Sanctosque Martyres, ac Confessores: est verè Princeps pacis; quia per mortem suam, nos reconciliauit cum Deo, prout ipse dixit Apostolis, & toti Ecclesiæ: *Pacem relinquo vobis; pacem meam do vobis*...

42. Hebræi conuicti hâc prophetiâ adeò clarâ, vñ sunt astutiâ quâdam diabolicâ; & in loco verbi, *Vocabitur*, posuerunt, *vocabit*: & legunt sic: *Deus admirabilis, & fortis vocabit nomen eius: Princeps pacis*: atque adeò volunt, quòd Deus non dicatur de Sanctissimo Messia Domino Deo nostro. Non erubescunt velle potius mutare Sanctam Scripturam, quàm suum obstinatum animum. Sed de stulta sua fallacia facillè conuincuntur: nam septuaginta interpretes, homines doctissimi, & Hebræi, ab iisdemque Hebræis in magno honore habiti, summæque authoritatis etiam apud illos, legunt hunc textum, sicut habet nostra vulgata; & ita semper legebatur ante aduentum Christi; & solum post eius aduentum, quia se prorsus conuictos videbant, posuerunt illam variationem; quâ redditur sensus ineptissimus, nisi omnes illi tituli Messiæ tribuantur.

43. Alij verò Hebræi non minùs stultè dicunt, prophetiam illam intelligi de filio Regis Achaz. Hæc tamen expositio falsissima est. 1. Quia illa nomina nullo modo possunt illi filio adaptari. 2. Quia istius imperium non fuit toto Orbe multiplicatum, imò attenuatum, & diminutum; siquidem in tempore istius Regis Senacherib plures ciuitates Iudæ bello cepit, quò etiam conuincitur, pacem in suo tempore non habuisse; quod totum constat ex. 4. Regum c. 18. Deinde eius regnum non durauit in æternum. Vnde summa istorum Interpretum stultitia planè dignoscitur. Imò Turgum liber apud Hebræos probatissimus, & liber Rabboth similiter apud illos, in summa æstimatione fol. 196. col. 4. & alij Sapientiores Rabbini exponunt illum textum de

de Mefsia, & nullo modo de Filio Regis Achaz.

44. Probatur 2. ex eodem Ifaia cap.4. num.2. *Et erit in illa die germen Domini in magnificentiâ, & gloria, & fructus terræ sublimis, & exultatio illis, qui faluati fuerint de Ifrael.* Quam Prophetiam intelligunt de Mefsia Rabbi Dauid Chimchim, & Rabbi Salomon, & plures alij Expositores Hebræi, & in illa prædicatur Mefsias Deus fimul, & homo. Nam germen Domini, i, Filius naturalis Dei Patris, & ideo Deus, ficut Deus Pater eius; quemadmodum filius naturalis alicuius hominis est homo: deinde fructus terræ sublimis, i, Beatiffimæ Virginis in terra, iuxta illud *aperiatur terra, & germinet Saluatorem*. Ifai. 45. Si igitur Filius est Sanctiffimæ Virginis, quæ naturam habet humanam, non folùm est Deus, fed fimul est homo. Dicitur exultatio non omnibus Ifraelitis, fed illis, qui in illum credendo faluati funt; cæteris non erit exultatio, fed fumma triftitia propter fuam incredulitatem, & obftinationem, illamque in Inferno in æternum infeliciſſimè patientur.

45. Probatur 3. ex Ierem.3. num.91. *Et erit Dux eius ex eo, & Princeps de medio eius producet, & applicabo eum: & accedet ad me. Quis enim ille eft, qui applicet cor tuum, vt appropinquet mibi, ait Dominus: & eritis mibi in populum; & ego ero vobis in Deum.* Alij ex verſione Hebraica legunt, *Dux fortis mirabilis &c.* Hæc prophetia loquitur de Mefsia, vt etiam Rabbinif fatentur, vt mox conſtabit: in ea demonſtratur Mefsias Deus fimul, & homo. Dicitur fortis, quod eft nomen, quod Deo tribuitur iuxta Pf.92. *Indutus eft Dominus fortitudinem, & præcinxit ſe.* Dicitur mirabilis, quod prædicatum attribuitur Deo, iuxta eiufdem Pfal. verſ.5. *Mirabilis in altis Dominus.* Princeps de medio eius producet, i, erit homo de medio veſtrûm natus. Applicabo eum, & accedet ad me, i, vnietur mihi Deo per vnionem hypoftaticam, à me ſupra vires naturæ productam; & ideo ego ſolus eum applicabo, i, vniam: nulla enim vis humana poteſt naturaliter illam ſupernaturalem vnionem producere; hoc denotant ſequentia verba: *quis enim ille eft, qui*
appli-

applicet cor suum, (id est, efficaciter ex se) *ut appropinquet mihi*, per eam, videlicet vnionem? Vnde si hunc Ducem sic explicatum, scilicet Messiam Deum simul, & hominem obsequiosè sequamini; eritis (inquit Dominus) mihi meus populus, & ego vester Deus: ex quo sequitur, solum populum Christianum esse populum Dei, Hebræi verò, qui Christi vexilla non sequuntur, iam dici nequeunt populus Dei, sed Synagoga Satanæ.

46. Ex quibus manifestè patet, Messiam esse simul hominem, & Deum: nam qui habet diuinitatem, & humanitatem Deo hypostaticè vnitam, est homo Deus; homo propter formam hominis; Deus propter formam Dei: sed in hac prophetia Deus, qui mentiri non potest, per suum Prophetam prædixit Messiam, & habere diuinitatem, & humanitatem hypostaticè vnitam; vt patet ex verbis Prophetæ: ergo Hebræi, qui illam prophetiam amplectuntur, hanc veritatem non possunt negare. Quòd verò Prophetæ in eo textu loquatur de Messia, Deo, & homine, exponunt etiam ipsi Rabbini in libro Ghechitilia, exponendo illum textum Genes. cap. 27. *Genuit autem Isaac*, &c. Vbi hæc verba de Hebraico in Latinum fideliter translata ponuntur: *Erit Israel sub iudicio seueri Dei; donec veniat Messias; qui vnietur secundæ Sefiræ* (quam nos Christiani secundam personam dicimus) *quæ est Sapientia, sicut scriptum est in Isaia cap. 11. & requiescet super eum Spiritus Domini, Spiritus Sapientiæ; & descendet de Ensof, id est ex illa persona, siue Sefiræ, quæ dicta est, sine fine, seu persona, quæ tota quidem est Misericordia, & Spiritus gratiæ, & clementiæ*. Idem dicunt Rabbini in explicatione illius textus, *Donec veniat Seilò*, quod vocabulum scribunt per duas literas Iod, he, quæ significant lit. A. *Ia* verò Hebraicè significat Deum: & sic alleluia, significat laudate Deum, vnde iuxta ipsos Rabbinos Seilo, idem valet, atque Deus: fitque hic sensus: *Donec veniat Deus; cùm verò ipsi etiam dicant Messiam gignendum esse ex familia David, clarissimè eruitur Messiam simul esse hominem, & Deum*.

47. Probatur 4. ex illa prophetia Danielis 7. supra ponderata cap.6. Vbi manifestè dicit Propheta, Messiam esse naturalem Filium Dei, & simul filium hominis, idest, Beatissimæ semper Virginis Mariæ, & consequenter simul hominem, & Deum. Et hanc prophetiam loqui de Messia certissimum est; & id etiam affirmant Rabbini ipsi: nam Rabbi Sahadia supra eandem prophetiam dicit hæc verba: *Quasi filius hominis: Iste est Messias iustus noster*. Et in lib. Zohar magnæ authoritatis apud Hebræos car. 45. fac. 2. dicit sic: *Quasi filius hominis: hic est Rex Messias*. Idem dicunt Rabbi Salomon, & Rabbi Abram Ben Esra ad citatam prophetiam. Imò de quo loquitur, si de Messia non loquitur?

48. Dicunt Hebræi verum esse, loqui illic Prophetam de Sanctissimo Messia; at ibi non probari esse Deum, sed solum purum hominem; vt demonstrant verba: *quasi Filius hominis*: & non dicit ibi: *quasi filius Dei*. Nec item probatur esse Deus ex potestate æterna, perpetuoque regno ipsius Messia; nam totum id potest intelligi cum eo, quòd Messias sit purus homo, & non simul Deus: si enim stabiliatur à Deo aliquod regnum, quod semper duret, vsque ad finem Mundi per plures Reges successores cum eodem iure, & potestate; certè regnum illud perpetuum foret; & potestas illa Regia perpetua diceretur: & tamen nullus ex illis Regibus primo Regi succedentibus Deus esset; sed quilibet simplex esset homo. Hæc Hebræorum obiectio friuola omnino est, & quæ prædictæ prophetiæ ritè accommodari nullo modo possit. Nam Propheta dicit Regem Messiam futurum esse æternum; & quilibet ex illis Regibus solum esset temporalis: deinde dicit huic Messia omnes nationes totius mundi esse obedituras: semperque mansurum Regem: nullus autem Rex dicitur succedere, nisi illi Regi, qui iam non sit Rex: ergo non potest prophetia verificari in illis Regibus continuatè succedentibus; nam de nullo dici potest, quòd sit æternus; quemadmodum Summi Pontifices Romani succedunt, vnus alteri, & hæc suc-

cessiua continuatio semper erit vsque ad finem mundi, & tamen nullus Pontifex dicitur æternus, potestatemque habent æternam, sicut Propheta dicit habiturum esse Messiam: ergo solus Saluator noster est ille Messias Rex æternus, & consequenter Deus, cùm habeat insigne Dei æterni; gubernatque regnum suum æternum, i, vniuersum populum Christianum toto Orbe dispersum, sed in vno sui Vicario Romano Pontifice supremo capite vnitam; gubernat, inquam, per se inuisibiliter, & per istum suum Vicarium visibiliter.

49. Ex quo patet, insignem Hebræorum errorem esse, qui existimant regnum Christi veri Messie non esse spirituale, sed merè temporale; quasi non esset indignum Deo ordinare omnes suorum Prophetarum prophetias, & mirabiles figuras totius testamenti sancti ad prophanas istorum miserabilium Hebræorum commoditates: & mirum est, quomodo isti excæcati Iudæi non videant temporalem Regem Regi æterno esse oppositum! Imò si regnum Christi Messie temporale foret, & non Spirituale, & Ecclesiasticum; falsa esset prophetia: nam temporale tempore finitur; vt ex ipsa experientia patet; at Spirituale, & Ecclesiasticum durat iam annis 1688. semper idem Christi regnum; vt ab ipsa experientia compertum est, & durabit vsque ad finem mundi; & post finem mundi regnum ipsum Christi, seu Ecclesia iam triumphans in æternum perdurabit: ergo, si prophetia non sumitur in hoc nostro sensu, prophetia erit falsa; & Deus ipse per Prophetam loquens mendacium dixit; quod nec ipsi perfidi Hebræi dicere audebunt.

50. Hanc etiam veritatem de Messia vero Deo, & homine probat prophetia illa Ezechielis cap. 1. num. 26. *Et super fundamentum, quod erat imminens capiti eorum (4. animalium) quasi aspectus lapidis sapphiri similitudo throni; & super similitudinem throni similitudo quasi aspectus hominis desuper.* Hanc prophetiam Ezechielis explicat Dauid Chimchim Rabbinus, itaut per illum hominem sedentem in illo throno debeat intelligi ipse Deus, quem locum Rabbi-

Rabbinus ille citat in expositione capitis 6. Isaia. *Vidi Dominum sedentem supra thronum excelsum*. Et ibi ait in utroque Sacrae Scripturae loco sedentem in throno Deum esse credendum: citatque Rabbinos suos conciliantes duo loca Scripturae, quae videntur inter se opposita. Primus locus est iam citatus Isaia 6. *Vidi Dominum sedentem* &c. Secundus est Exodi 33. *Non videbit me homo, & viuet*. In primo dicitur Deum videri ab Isaia homine. In secundo dicitur Deum à nullo homine viuenti posse videri: at, inquit, nulla est implicatio: nam in primo loco Deus videtur in speculo, i, in humanitate assumpta; in secundo Deus consideratur in se; & non in speculo: & utrumque est verum, scilicet quod Deus, qui in se à nullo homine videri potest, in humanitate potest: ergo sensit Messiam, quem etiam ille Rabbinus ait praedici in eo loco, non solum Deum esse, sed hominem; ut sic Deus ipse possit ab hominibus videri, & tractari.

§1 Confirmatur haec veritas de Messia simul homine, & Deo ex Exod. cap. 24. num. 9. *Ascenderuntque Moyses, & Aaron, Nadab, & Abias, & septuaginta de senioribus Israel: & viderunt Deum Israel, & sub pedibus eius, quasi opus lapidis Sapphirini*. Vbi nota; illic fuisse ab illis Deum visum sub forma hominis habentis pedes super thronum Sapphiri; prout postea vidit Ezechiel, ut dictum est supra: ex quo significabatur eis, Deum tunc solum in hac vita oculis videndum in humana carne assumpta, quasi in speculo humanitatis suae; iuxta id, quod supra allegati Rabbinus exposuere. Id ipsum legitur in libro Rabbot super Genes. cap. 43. ubi exponit, quando Deus in Scriptura Sacra repraesentatur, ut homo; semper esse intelligendum, ut sit Deus, allegatque Psal. 106. qui totus est de Messia Redemptore Deo ibi appellato, & simul manifestato homine per actiones meritorias; quibus solum poterat mereri, ut homo; sumptus enim ut Deus tantum, non poterat habere alium superiorem, apud quem mereretur: citat item cap. 15. Exodi, ubi dicitur Deum esse hominem;

non quòd Deus ipse, vt Deus habeat partes corporeas, sed quia humanam naturam sibi assumpserit. Et in cap. 5. Isaïæ vers. 15. *Et incuruabitur homo.* Targum exponit: *Et debilis facta est hominis fortitudo*; vbi Rabbini in glossa, aiunt. *Iste est Deus Sanctus, & benedictus; quem homines coegerunt, vt se sineret videri sicut homo.* Hoc ipsum dicunt Rabbini in libro Sifra, exponendo cap. 26. Leuitici vers. 12. *Ambulabo inter vos, & ero Deus vester.* Vbi dicitur: *in seculo futuro* (per sæculum futurum intelligunt ipsi Rabbini tempus aduentus Messiaë) *Deus benedictus ambulabit cum iustis, & iusti cum illo erunt.* Quod verificatum fuit in Christo Deo nostro; qui ambulauit cum Apostolis, & discipulis iustis, & sanctis. Ex quibus manifestum est, non solum nos Christianos hanc de Messia vero Deo, & homine veritatem credere; sed illam ipsos etiam Rabbinos agnouisse conuictos Sacrae Scripturae testimonijs, & prophetijs.

C A P V T D E C I M V M.

Ostenditur ex Psalmis Messiam venire debere et hominem, & Deum ad saluandas animas.

52. **Q**Uamuis hæc veritas in multis alijs Sacrae Scripturae locis expressissima sit; sufficiunt tamen, quæ supra sunt adducta, & ponderata; solum hîc volo ex Psalmis testimonia non omnia, sed aliqua breuitatis causa depromere, quibus manifestum fiat Hebræis, Messiam debere simul esse Deum, & hominem; & deinde alteram prophetiam Isaïæ cap. 52. quæ manifestè conuincit Hebræos. Probatur igitur 1. ex Psal. 2. iam supra ponderato, vbi dicitur Reges, & Principes concilium inijsse aduersus Messiam; in quo manifestatur illum esse hominem. *Astiterunt Reges terræ, & Principes conuenerunt in vnum aduersus Dominum, & aduersus Christum eius;* quæ prophetia impleta est in Christo Domino; quando Principes Hierusalem conuenerunt in vnum, vt Christus

stus crucifigeretur; & eis astiterunt Rex Galileæ Herodes, & Pro-Rex, siue Prætor Pontius Pilatus. Et subiungit num. 11. *Servite Domino in timore &c. ne quando irascatur Dominus, & pereatis &c.* vbi nos Pater Æternus exhortatur, vt illum adoremus, & timeamus, ne irascatur, & pereamus; in quo ostendit illum esse Deum adorandum, & timendum; & mox addit n. 13. *Beati omnes, qui confidunt in eo.* Et Psal. 33. n. 9. dicit beatum illum esse, qui sperat in Deo. *Gustate, & videte, quoniam suavis est Dominus, beatus vir, qui sperat in eo.* Vnde solum dicitur beatus, qui sperat in Deo: sed dicitur beatus, qui sperat in Messia: Deus igitur est Messias: non possunt Hebræi negare hanc consequentiam, si nolint à lege discedere. Quod verò Psal. 2. loquatur de Messia, iam supra est ostensum.

53. Probatur 2. ex Psalm. 71. *Deus iudicium tuum Regi da, & iustitiam tuam Filio Regis.* In quo textu etiam secundum Rabbinos, Messias loquitur Deo; in quo ostenditur ipsum hominem esse; si enim non esset homo, quomodo Deo diceret: Da. Et dum dicit n. 6. *Descendet sicut pluvia in vellus; & sicut stillicidia stillantia super terram;* ostendit venire de Cælo Deum: igitur in hoc Psalmo euidenter ostenditur, Messias esse simul Deus, & homo: quod magis infra declaratur, dum n. 11. ait: *Adorabunt eum omnes: Reges terræ, omnes gentes seruiunt ei:* quomodo enim omnes Reges tribuerent cultum adorationis, nisi esset Deus? & deinde in eodem Psalmo ait Messiam animas esse saluaturum; in eo omnes gentes benedicendas, i. iustificandas esse; illumque iam fuisse Filium Dei existentem ante Solem, i. ab æterno; & ante mundi constitutionem, hoc enim denotat: *Ante Solem permanet nomen eius.* Vbi versio Hebræica habet: *Permanet Innon, i. Filius suus.* Ab æterno autem nullus extitit Filius, nisi Verbum Diuinum secunda persona Sanctissimæ Trinitatis, quæ Deus est, vt etiam intonuit Apostolus, & Euangelista Ioannes cap. 1. dicens: *In principio erat Verbum; & Verbum erat apud Deum, & Deus erat Verbum.* Igitur non possunt Hebræi

negare in isto Psalmo diuinitatem Messiae, & simul humanitatem assumptam à Propheta prædici. Quòd verò Psalmus iste loquatur de Messia, docet cum omnibus Rabbinis Rabbi Salomon in expositione prædicti Psalmi; item Midras echa in expositione Lamentationum Hieremiae, citans ibi psal. 72. & idem asserit Midras Tillim, & glosa super eundem Psalmum: neque in hoc est vlla dubitatio inter Doctores Hebræos.

54. Probatur 3. hæc veritas de diuinitate, & humanitate Saluatoris nostri IESV Christi ex clarissima prophetia Isaia cap. 52. quæ sola sufficiebat ad Iudæos perfidos conuincendos; ideo paulò altius illam volo hîc premere: sic enim ait Pater Aternus, loquendo per Isaiam de Messia Filio suo, & Redemptore nostro: *Propter hoc sciet populus meus nomen meum in die illa, quia ego ipse, qui loquebar; ecce adsum. Quàm pulchri super montes pedes annuntiantis, & prædicantis pacem; annuntiantis bonum, prædicantis salutem, dicentis Sion: Regnabit Deus tuus. Vox speculatorum tuorum leuauerunt vocem, simul laudabunt: quia oculo ad oculum videbunt, cùm conuerterit Dominus Sion. Consolatus est Dominus populum suum, redemis Hierusalem: parauit Dominus brachium sanctum suum in oculis omnium gentium: & videbunt omnes fines terræ salutare Dei nostri. Ecce intelliget seruus meus, exaltabitur, & eleuabitur, & sublimis erit valde.* Hæc prophetia ad vnguem impleta est in Christo Salvatore nostro. In prima parte loquitur ipse Deus; dicens in die illa, s, aduentus Messiae, populum meum, i, populum fidelium illi credentium, sciturum esse nomen meum, i, perfectiori fide; quia antea subobscurè tantùm nomen Dei cognoscebatur: post aduentum Messiae scitur iam Deus perfectiori notitia, videlicet Deus Pater generans Filium, illi communicando eandem suam substantiam, & essentielles perfectiones; quo Filius tradiditur idem Deus cum Patre; licet origine, & personalitate ab illo diuersus: neque enim Pater est Filius, nec Filius est Pater: scitur Pater, & Filius per amorem mutuum substantan-

stantialem, & æternum vnicus spirator spirans Sanctum Spiritum, illi per se primò communicando amorem illum ipsum, qui in vtroque est, & consequenter eandem ipsam naturam diuinam, quæ cum illo amore realiter est idem: qua diuinâ naturâ Spiritus Sanctus redditur idem Deus cū Patre, & Filio, licet origine, & personalitate distinctus: neq; enim Persona Patris, & Persona Filij est Persona Spiritus Sancti; neq; Persona Spiritus Sancti est Persona Patris, aut Filij. Hoc altissimum, & profundissimū arcanum solū fuit expressius cognitum post aduentum Messiae, qui illam mirabilem notitiam nobis dedit; dum dixit: *Baptizantes eos in nomine Patris, & Filij, & Spiritus Sancti*. Matth. 28. n. 19. & idem nos edocuit dilectus eius discipulus Ioannes Apostolus, & Euangelista 1. cap. 5. n. 8. *Tres sunt, qui testimonium dant in Cælo, & hi tres vnum sunt*. Sed de hoc ineffabili Trinitatis mysterio suo loco dicemus; postquam demonstrabimus Hebræis venisse iam Christum: esseque IESVM Christum Saluatorem nostrum, Beatissimæ Virginis Mariæ Filium, verum hominem, & verum Deum; qui idcirco nec fallere nos potest, nec ipse falli. Ex quo patet post Christi aduentum nomen Dei fuisse distinctiori notitia scitum: & in hoc fuisse prophetiam impletam: propter hoc sciet populus meus nomen meum in die illa.

55. *Quia ego ipse, qui loquebar; ecce adsum*. Si Messias est ille ipse, qui loquebatur Deus, Messiam Deum esse negare non possunt Hebræi, aliter Deus mendax foret; quod ipsi dicere non audebunt. *Quam pulchri pedes annuntiantis, & prædicantis pacem &c.* Bene ostenditur Messias homo ambulantis hominis pedes habens: *Vox speculatorum tuorum vocem leuauerunt &c.* Apostoli sunt Messiae; quia in omnem terram exiuit sonus eorum. *Oculi ad oculum videbunt*: Messias Deus videbitur oculis in humanitate assumpta. *Consolatus est populum suum, redemit Ierusalem*: hoc in Simeone sene populum repræsentante impletum est; quando dulciter inter brachia Messiam adhuc lactentem tenuit; & consolatione, gaudioque delibutus,

butus, dixit: *Nunc dimittis seruum tuum, secundum verbum tuum in pace, quia viderunt oculi mei salutare tuum, quod parasti ante faciem populorum, lumen ad reuelationem gentium, & gloriam plebis tue Israël.* Luc. 2. *Expectabat enim ipse consolationem Israël; & responsum acceperat ab Spiritu Sancto non visurum se mortem, nisi prius videret Christum Domini.* Parauit Dominus brachium suum in conspectu gentium. Brachium suum est Verbum, per quod fecit omnia: omnes gentes illud in assumpta carne viderunt iuxta illud: *& videbit omnis caro salutare Dei nostri.* Alij enim illud viderunt oculis carnis; alij verò oculis fidei, & ideo subiungit: *Et videbunt omnes fines terræ salutare Dei nostri.*

56. *Ecce intelliget seruus meus.* Loquitur hic Pater Æternus; & Messiam vocat Seruum suum; in quo innuit illum etiam esse verum hominem: si enim Messias esset solum Deus; seruus non esset: quia Deus non habet alium supra se, cui seruiat. *Excaltabitur, & eleuabitur, & sublimis erit valde.* Rabbini communiter dicunt per hastres exaltationes significari Messiam esse exaltandum. 1. Supra Abraham. 2. Supra Moysen. 3. Super omnes Angelos: in hoc enim statu tres sortes rerum sublimium considerantur; Homines, Angeli, Deus: sed per ipsos Rabbinos Messias exaltabitur supra homines sublimes, Abraham, Moysen, & consequenter super omnes alios; & deinde supra omnes Angelos; ergo Messias collocatur in illo supremo ordine diuinitatis: item ter dicitur eleuari Sanctissimus Messias. 1. per humanæ naturæ ex beatissimo Mariæ Virginis vtero assumptæ ad subsistentiam Verbi. 2. ad gloriosissimam Resurrectionem. 3. ad sublimem eius ad Cælos ascensionem, vt ad dexteram Patris federet. Quod autem tota hæc prophetia Isaïæ loquatur de Sanctissimo Messia Salvatore nostro, est manifestum ex ipso sacro textu; quia id de nullo alio potest intelligi: & id docent Rabbini in Targum supra eundem textum: & habetur in libro Ialcut in Isaïæ cap. 25. Igitur

in tota hac prophetia duo præcipuè ostenduntur , humanitas, s, & diuinitas Messiae, vnde contra Hebræos fit hoc dilemma: vel Messias Sanctissimus est Deus simul, & homo; vel prophetia illa est falsa: prophetia falsa esse non potest; aliter Deus foret mendax: ergo Messias est simul Deus, & homo; Christus videlicet Redemptor noster; qui aliter non posset plenè satisfacere pro iniuria Deo facta, nisi & foret homo, vt tanquam inferior posset mereri; & esset simul Deus, vt posset meritum infinitè dignificare: ac sic saltem secundum quid infinitam hominum culpam posset simpliciter infinito hominis Dei merito compensare.





LIBER SECVNDVS.

*De qualitatibus, & signis veri Messie, qui est Saluator
noster Deus, Beatissima semper Virginis
MARIAE Filius.*

CAPVT PRIMVM.

*Ostenditur Messiam debere nasci ex Matre
semper Virgine.*

1.



NVS ex articulis nostræ Fidei est; quòd Christus Saluator noster natus sit ex MARIA Sanctissima semper Virgine. Id non volunt concedere obstinatissimi Iudæi. Sed conuincuntur manifestè ex multis locis veteris testamenti; cui ipsi credere tenentur, nisi velint à sua ipsorum lege discedere. Primus locus est Ierem. 31. n. 22. *Vsquequo delicijs dissolueris filia vaga: quia creauit Dominus nouum super terram. Fœmina circumdabit virum.* Hoc est in virgineo concipiet vtero per stupendum, & nouum Dei miraculum. Quid enim noui, si, quemadmodum cæteræ matres, prolem in non iam virgineo clauderet vtero? illud verò spectatâ Dei potentiâ non debet impossibile iudicari: quod bene explicauit Angelus Domine nostræ Virgini Sanctissimæ, concepturæ diuinam prolem permanente eius illibata virginitate, dicens: *quia non est impossibile apud Deum omne Verbum.* Luc. 1. Et hoc ipsum iam Deus ostenderat in illa mirabili figura,

figura, quando visa fuit Moysi flamma, quâ rubus arderet, & non combureretur. Exod. 3. *Apparuitque ei Dominus in flamma ignis de medio rubi: & videbat, quod rubus arderet, & non combureretur.* Virgo Spiritus Sancti flammâ concepit, incombusto virginitatis flore.

2. Dicunt Hebræi, quo pacto potuisset è virgine nasci Filius? Sed ab illis inquirimus, quo pacto ex sicca Aaronis virga flos germinari, & amigdalus produci potuisset? Respondent id ex miraculo factum, bene; sed excæcati Iudæi cur non attendunt ad verba Prophetæ dicentis, conceptum ex beatissima Virgine Messiam, de quo illic loquitur, vt mox videbimus, fuisse rem nouam super terram. *Nouum fecit Dominus super terram. Fœmina circumdabit virum.* Sicut ergo virga illa Aaronis planè sicca florem, & fructum diuina operante virtute germinauit; sic Beatissima Virgo in Aaronis virga mirabiliter figurata, veluti virga sicca, i, sine virili semine, Spiritus Sancti operante virtute Christum Dominum verum Messiam generauit.

3. Quòd autem Ieremias in illa prophetia loqueretur de Messia, manifestè constat ex ipso textu: pondera verba, & sensum intelliges. *Fœmina circumdabit virum.* Virgo circumdat vtero virum, virum quidem non tempore, sed prudentia, sapientiaque: solus enim Messias, dum adhuc erat in vtero infans, omnem habuit scientiam, quam postea habuit vir; diuinam, quâ vt Deus Patrem, se, & Spiritum Sanctum; creatam beatificam, quâ vt homo beatus Deum; per se infusam, quâ supernaturalia naturaliter non cognoscibilia; per accidens infusam, qua naturalia per se naturaliter cognoscibilia cognoscebat; solum deerat experimentalis, quia nondum experiebatur in tenello corpore; quæ postea in iam adulto expertus est: hoc quidem nouum, & inusitatum super terram; hoc nunquam antea auditum, & ideo meritò ait Propheta. *Nouum creauit Dominus super terram.* Subiungit Propheta: *Adhuc dicent verbum. Benedicat tibi Dominus pulchritudo iustitiæ,*

tiæ, mons sanctus. Christus nobis benedictio est, splendor virtutum, mons Sanctus in vertice montium collocatus; & Messiam montis nomine significari, infra ex varijs Sacræ Scripturæ locis clarissimè patebit. *Inebriaui animam lassam, & omnem animam esurientem saturaui*. Idest, gentes, & populos antea infideles, fidei, & veræ Religionis pabulo saturaui, quod fecit Christus per se, & per suos Apostolos, & facit nunc per suos ministros Euangelicos. Sequitur: *Ecce dies venient, dicit Dominus, & feriam domui Israel, & domui Iudæ fidus nouum; non secundum pactum, quod feci cum Patribus vestris in die, quâ apprehendi manum eorum, ut educerem eos de terra Ægypti; pactum, quod irritum fecerunt*. Idest in diebus aduentus Messiae, aliud erit testamentum, nouum quidem sed æternum, quod non irritetur, hoc est; quod non finiatur, & reuocetur, sicut finitum, & reuocatum fuit primum, & vetus testamentum: hoc impletum est in Christo Salvatore nostro; qui hoc nouum testamentum suo pretiosissimo Sanguine firmavit iuxta illud: *Hic est Calix Sanguinis mei, noui, & æterni testamenti, mysterium fidei*. Et ostendit Deus differentiam vtriusque testamenti, & pacti, veteris, s, & noui. 1. fuit, quando fuerunt educti de captiuitate Ægypti. 2. de captiuitate peccati. Primum erat medium ad secundum, secundum erat finis primi: sed quia Hebræi non receperunt secundum; ideo primum illi fecerunt irritum, & inane; quia iam illis non solum non proficit, sed officit; & sic remanent in captiuitate peccati, suâ quidem culpâ, ipsi irritum fecerunt. Sequitur. *Si defecerint leges istæ, i, si leges istæ Messiae, quæ sunt legis nouæ, & gratiæ, ab eis non acceptentur, semen Israel deficiet; ut non sit gens coram me cunctis diebus, i, non erit ex semine illorum Rex, aut Princeps, & gens ista sine Rege, & Principe, gens quidem erit, sed non coram me; quia non erunt in gratia apud me, idque cunctis diebus, i, sine fine*. Subiungit Propheta. *Ecce dies veniunt, dicit Dominus, & ædificabitur Ciuitas Domino; i, Christo ædificabitur Ecclesia, quæ est Ciui-*

Ciuitas Dei. Sequitur: *Sanctum Domini non euellatur, & non destruetur ultra in perpetuum*. Hoc est, hoc Sanctuarium Domini, scilicet Ecclesia, non destruetur in æternum; & ideo dixit idem Dominus loquendo de Ecclesia; *Portæ inferi non præualebunt aduersus eam*.

4. Ex his manifestè patet Ieremiam in hac prophetia loqui de Messia, quia solum illi possunt accommodari ea, quæ ibi dicit: & consequenter verba illa: *Fœmina circumdabit virum &c.* tanquam quid nouum, quod creauit Dominus super terram, verè intelligit, natum fuisse Messiam ex beatissima Domina nostra semper Virgine; quod nos Christiani firmiter credimus, iuxta illud: *Qui conceptus est de Spiritu Sancto, natus ex Maria Virgine*. Et hoc etiam ostenditur ex illo: *Egredietur virga de Iesse; & flos de radice eius ascendet*. Is. 11. n. 1. Virga illa descendens ex Regio sanguine Dauidis filij Iesse est beatissima Virgo, quæ, vt ostenditur in Genealogia Christi Matth. 1. verè ex Dauid descendit; imò & ipsi Hebræi non negant, per virgam illam intelligi Matrem Messiae. Vnde nota mysterium: flos, qui est Christus, de quo dicitur: *Ego Flos Campi*, non dicitur ex ramo iuncto cum radice, sed ex ipsa radice, & non ex ramo (quod est, quid nouum, & inusitatum) mirabiliter ascendere; idest ex sola Matre Virgine sine vlllo confortio Patris: quod etiam non sine mysterio Deus promissit Dauidi Ps. 131. *De fructu ventris tui ponam supra sedem tuam*. Sola fœmina habet ventrem fructiferum, non vir; vt denotaret fructum illum mirabilem solum esse virginis, non viri: vnde dicitur venter ille purissimus, ac virgineus venter Dauidis: quia à Rege Dauid descendit, quod etiam confirmatur ex illo Cantic. 7. n. 2. *Venter tuus sicut acervus tritici vallatus lilijs*. Triticum est Messias, qui quidem est panis, qui de cælo descendit. Ex ventre virgineo, vt pote virginitatis lilijs vallato, triticum illud natum est.

5. Aliqui Hebræi solita suæ execrabili vesanæ mentis obstinatione, vt fugiant veritatem apertam, & conuincentem, dicunt per fœminam illam non intelligi Matrem Mes-

Messia, sed Synagogam, quæ circumdedit Christum. Sed ab illis inquiri, quid intelligant per id, quod Synagoga circumdederit Christum, an ut per id explicetur illa alia prophetia, Ps. 21. n. 7. *Circumdederunt me canes multi*? Si ita volunt; iam confitentur Synagogam canem, non matrem. Si tamen intelligant per foeminam legem veterem, quæ velut in vtero suo continebat Messiam promissum; verè iam errauerunt ab vtero: ut de illis ait David Ps. 57. n. 4. quia sic conceptum mysticè in vtero legis veteris, non recipiunt iam natum in lege noua: & sic non volunt natum; quem semper volunt esse in vtero clausum, quin vnquam in lucem prodeat: errant ergo ab vtero. Ut melius rem percipias, & Hebræorum stultitiam perspicias, duobus modis potest mater vsurpari. 1. ut sit mater legalis, & mystica. 2. ut sit mater physicè, & realis. 1. modo quælibet Respublica dicitur ciuis cuiuscunque ibi nati mater. 2. modo, solum est mater illa foemina, quæ illum filium realiter, & physicè genuit; vnde si Hebræi loquuntur de matre 1. modo, verum dicunt, quia Sacrae Scripturae passim dicunt Messiam ex populo Hebræorum nasciturum; sed explicatio hæc non venit ad propositum Prophetæ; quia in hoc loco non loquitur de matre legali, sed physica, & reali; ait enim hanc foeminam virginem quidem concepturam, & parituram Messiam, quod quidem meritò dicit quid nouum, & prodigiosum, scilicet ex foemina virgine nasci filium; illud autem genus filiationis legalis, scilicet, quod vnus ciuis sit indigena alicuius Reipublicæ, & Nationis, non est quid nouum, & inusitatum, sed ordinarium, & vulgare. Proindeque falsa Hebræorum expositio à mente Prophetæ omnino aberrat: vnde patet eos hinc inde semper inquirere modos, quibus effugiant veritatem, & malle suâ culpâ damnari, quàm verâ intelligentiâ instrui.

6. Imò ipsi etiam Rabbini, qui Sacram Scripturam melius penetrarunt, Messiam ex Matre semper Virgine agnouere. Nam in libro Rabboth fol. 15. col. 4. in expositione

sitione capituli 4. Genes. ad illa verba num. 25. *Vocauitque nomen eius Seth, dicens: Pōsuit mihi Deus semen aliud pro Abel.* Ibi Rabbi Tanchuma, alio nomine Rabbi Samuel ita ait: *Illud considerauit semen; quod alio ex loco venire debebat; & quale, inquit, est illud? est Rex Messias:* quæ verba in eodem libro leguntur in cap. 19. Genes., & in expositione Ruth. Igitur hi Rabбини non tantum considerarunt ad literam semen illud per nouum filium Seth nouiter natum pro Abele occiso, sed Sanctissimum Regem Messiam, & Saluatorem nostrum IESVM Christum; quem considerabant, vt semen longè diuersum ab alijs, & ex alio loco, i, alio diuerso vtero, scilicet virgineo; aliter non esset diuersæ, sed eiusdem rationis. Et Rabbi Moyse maximè ab Hebræis celebratus, & Rabbinorum magister appellatus, exponendo versiculum illum Genes. 37. nu. 2. *Audiens autem Ruben dicebat &c.* allegat ibi Rabbi Berachia exponentem caput vltimum Threnorum nu. 3. *Pupilli facti sumus absque Patre*, vbi dicit: *Dixit Rabbi Berachia, Dominum Sanctum, & benedictum dixisse Israelitis: Dixistis coram me: Pupilli facti sumus absque Patre; Redemptor ille, quem faciam surgere ex vobis, Patrem non habet, sicut scriptum est in Zaccaria cap. 6. nu. 12. Ecce vir oriens nomen eius; & subter eum orietur, i, ex se ipso germinabitur, & non ex aliquo viro.* Et Isaia 53. num. 2. *Et ascendet sicut virgultum coram eo, & sicut radix de terra sumentis, i, de terra sicca. Et sic etiam dicit David Psal. 110. num. 5. Ex vtero ante Luciferum genui te, i, secundum Codicem Hebraicum, ex Aurora matrice erit ros Natiuitatis tuæ; & de eo dicit Scriptura Psal. 2. Ego hodie genui te: ego Deus, & non vir aliquis.* Hactenus Rabбини illi; qui dicunt 1. Messiam gerendum esse ex Matre absque Patre. 2. germinandum esse ex Matre sua, non ex coniugio viri alterius, sed ex se, i, ex virtute diuina sibi vtpote Deo propria. 3. nasciturum sicut radicem de terra sicca, i, de virgine non fœcundata à semine villo viri, & sic terra sicca. 4. nasciturum Messiam, sicut ex Aurora nascitur Sol: vnde quemadmodum non ali.

aliter Aurora concipit Solem filium, nisi recipiendo ipsius Solis radios, ita Beatissima Virgo non aliter concepit Messiam verum Solem iustitiæ, nisi recipiendo solares Numinis radios, i, virtutem Altissimi; quod exprimit Euangelica historia. Luc. 1. *Virtus Altissimi obumbrabit tibi; & ideo, quod ex te nascetur Sanctum, vocabitur Filius Dei.* s. Messiam Sanctissimum gignendum esse ex Matre sua, & ex solo Deo; & sic dixisse Deum: ego, & non vir aliquis, ex Matre tua genui te. Igitur non possunt Hebræi negare, Messiam debere nasci ex Matre Virgine, nisi negando Sacras Scripturas, & Rabbinos suos celebriores, illas scripturas allegantes, ac secundum verum illarum sensum interpretantes.

C A P V T S E C V N D V M.

Ostenditur ex alia prophetia Messiam ex Matre Virgine semper Virgine nasci debere.

7. **C**larissima est alia prophetia Isaïæ 7. n. 14. *Propter hoc dabit Dominus ipse vobis signum: Ecce Virgo concipiet, & pariet Filium, & vocabitur nomen eius Emmanuel: butyrum, & mel comedet, ut sciat reprobare malum, & eligere bonum.* Impleta fuit hæc prophetia in Christo Salvatore nostro: ut constat ex Euangelica historia. Luc. 1. n. 14. *Dixit autem MARIA ad Angelum, quomodo fiet istud, quoniam virum non cognosco: & respondens Angelus, dicit: Spiritus Sanctus superueniet in te, & virtus Altissimi obumbrabit tibi: ideoque & quod nascetur ex te sanctum, vocabitur Filius Dei.* Et subiungit: *quia non erit impossibile apud Deum omne verbum.* Et postea id ipsum confirmavit, quando Ioseph Iustus, & Sanctissimus voluit dimittere occultè MARIAM suam Coniugem grauidam, sciens non esse se illius prolis Authorem, ignarus adhuc mysterij; Angelus tunc ei apparuit: & Ioseph, inquit, *Fili David, noli timere accipere Mariam Coniugem tuam: quod enim in ea natum est, de Spiritu Sancto est: pariet autem Filium,*

lium, & vocabis nomen eius IESVM: ipse enim saluum faciet populum suum à peccatis eorum. Matth. i. vers. 20.

8. Perfidi Iudæi videntes hac clarissima prophetia se omnino conuinci, multipliciter respondent. i. verum esse Messiam nasciturum de Matre Virgine, quia id Propheeta clarè dicit: at, inquirunt, prophetia potest intelligi de altero indiuiduo, non de isto Filio Mariæ: non enim in prophetia specificatur hoc numero indiuiduum. Sed hæc proterua responsio manifestè conuincitur; nam etiam Propheeta non nominat expressè aliud indiuiduum, quod ipsi confingunt: ergo illi etiam non credent: & ideo illorum spes irrita, & inanis erit semper; deinde, dicant nobis, quis alius potest Messias ab illis confingi, cui competant omnia omnino, quæ à Prophetis prædicta sunt; sicut competunt omnia omnino, huic nostro, quem nos adoramus, Messia? unde vel est futurus alius, cui competant omnia, quæ competunt nostro; vel non est futurus: Si est futurus, & non habeat plus, quàm quod noster habet, vt verè non debet habere; aliter non esset ille à Prophetis prædictus; non habebunt efficacius motiuum credendi illi, quàm isti: si ergo non credunt isti; etiam non credent alteri; cum non detur disparitas. Deinde si est futurus alter omnino æqualis, Deus nos redderet suspensos, & dubios, qualis esset verus, & qualis falsus; & sic nos exponeret periculo errandi, amplectendo falsum pro vero, ad erroremque nos impelleret; quod dicere est manifesta blasphemia; igitur ne sequatur hoc absurdum, debent necessario concedere non esse futurum alium, in quo impleantur omnes omnino prophetiæ, quæ in nostro omnino impletæ sunt; si non est futurus; & illum sperant; sunt stulti sperando id, quod sciunt non esse futurum: igitur si fatentur Prophetam hic loqui de Messia, & dicunt non loqui de nostro, vel sunt stulti, vel blasphemi.

9. Alij Hebræi obstinatiùs adhuc obtutantur dicendo, hoc nostrum argumentum dependere à veritate Euangelica; quam tamen ipsi non amplectuntur, vt historiam sacram,

sed

sed humanam, & fallibilem : ac proinde totam vim argumenti nostri contra illos corruere. Sed hæc obiectio facile diluitur: nam, dicant nobis, an adimpletio illarum prophetiarum probari debeat per aliam historiam Evangelicam diuersam ab ista nostra, quæ sit sacra, vel quæ sit humana; si dicant debere probari per aliam, quæ sit sacra, quid amplius posset illa habere, quam habet nostra; tot miraculis probata; tantis testimonijs sanctissimorum hominum, vt fuerunt Apostoli, sanctissimi Euangelistæ, tantâ concordia inter se in ordine narrandi, tam sanctis legibus, & documentis adeo salutaribus, tot prophetijs verificatis non solum à Christo Domino prædictis, sed à suis discipulis, & Christianis illum sequentibus; quæ quidem, vt Deus dicit per suos Prophetas, sunt signa euidentia assistentiæ Spiritus Sancti; per quem solum sacra efficitur historia; quare si hanc nostram historiam vt sacram non accipiant, etiam illam, quam ipsi futuram confingunt, non recipient; & si illam recipient, cur hanc non recipiunt, cum inter illas nulla possit esse disparitas? Et hinc instauratur nostrum supra positum argumentum: Si Deus faciat duas sacras historias Evangelicas cum eisdem signis, & efficacibus probationibus probantibus diuersos Messias; nostrum, & suum, quem ipsi confingunt; certè Deus nos reddet suspensos, ac dubios, qualis sit sequendus, vt verus; nosque exponet periculo sequendi falsum pro vero, manifestèque nos impellet ad errorem; quod dicere blasphemum est; dicendum ergo est impossibilem esse aliam historiam Evangelicam de diuerso à nostro vero Messia. Quod si contenti sint historia alia Evangelica, quæ tantum sit humana, & non sacra; quid amplius poterit illa habere, quod ista nostra sacra quidem, quam ipsi dicunt humanam, non habeat, vt plus habeat authoritatis, quam nostra? Si ergo huic nostræ non credunt, cur credent alteri? & si alteri credent; huic nostræ cur non credunt? Si nec nostræ, nec alteri, semper erunt in perpetua incredulitate.

10. Instant adhuc obstinatissimi Iudæi, nostram Religionem, & historiam Euangelicam non habere infallibilitatem; quia non fuit approbata à Synagoga, quæ tunc erat vera Ecclesia fidelium, nec à Summo Sacerdote: vnde, inquirunt; sicut nos dicimus nullam congregationem, & nullam definitionem habere infallibilitatem; nisi à nostro Summo Sacerdote Pontifice Romano, vel ab Ecclesia nostra, seu vniuersali Concilio capiti suo vnito sit approbata; ita ipsi dicunt nostram Religionem non esse infallibilem, si non fuit approbata à Synagoga. Quòd autem Lex Christiana, històriaque Euangelica non fuerit approbata à Synagoga, constat etiam ex nostris historijs; nam semper Synagoga restitit; & idcirco nostrum Christum crucifixit, Stephanum lapidauit, Iacobum interfecit: ergo si nostra Religio non fuit approbata à Synagoga tunc vera Ecclesia; quomodo est infallibilis? Hæc instantia Hebræorum plena est ignorantia; & indigna homine etiam mediocriter docto. Dicant nobis Hebræi; quando Ecclesia erat tantum sub lege naturali, & postea fuit adducta ad legem scriptam cum nouis cæremonijs, & constitutionibus; quis approbauit legem illam scriptam; vt haberet infallibilitatem? Respondent approbatam fuisse à Deo per Moysen per miracula stupenda ab eo facta. Bene: ergo lex gratiæ fuit approbata à Deo per suum Filium, multò plus sanctum, quàm Moysen: de hoc enim aliquæ imperfectiones in Sacra Scriptura leguntur; de Christo autem Saluatore nostro nulla legitur imperfectio; sed de illo scribitur à Sanctissimo Apostolo Petro; quòd peccatum non fecerit, nec inuentus fuerit dolus in ore eius; id quod de eo etiam Isaias Propheta dixerat, & omnes Prophetæ, ac Psalmi passim illum vocant iustum, sanctum sanctorum, speculum sine macula; nec Hebræi potuerunt inuenire vllam culpam, de qua illum accusarent, nisi subornando falsos testes; qui etiam inter se non conueniebant, & ideo ipse etiam Pilatus illum innocentem iudicauit, dicens: *Non inuenio in eo causam: innocens ego sum*

sum à sanguine iusti huius. Deinde Christus Saluator noster multò maiora fecit miracula, quàm Moyſes; ipſi Hebræi ſuis oculis viderunt Lazarum à quatuor diebus mortuum, & ſepultum, ac iam ſætentem reſuſcitatum à Chriſto; & plures alios; cæco à natiuitate viſum reſtitutum; aquam in vinum mirabiliter conuerſam, & alia infinita prodigia; quibus auditis, viſiſq; omnes ſtupebant; & ipſi Hebræorum Principes dicebant; *quid facimus, quia hic homo multa ſigna facit.* Et in eius natiuitate prodigioſa ſunt facta ſigna, quādo de nouo fuit facta à Deo prodigioſa illa Stella, quæ vſq; ad Bethlehem Magos duxit; de quo fuit teſtis illa regio, & res tota confirmata ſanguine tot innocentium puerorum, quos perfidus ille Rex occidere iuſſit, vt inter eos vnus ille puer Rex natus occideretur. Quid de prodigijs in eius morte; terra motibus concuſſa, obſcurato Sole præter ſolitum; ſciſſo Templi velo, petris ſciſſis, apertis ſepulturis; mortuis reſuſcitatis; itaut omnes obſtupeſcerent; & multi clamarent; *verè Filius Dei erat iſte.* Quid de prodigijs poſt mortem? illum viderunt reſuſcitatum cum plagarum ſignis omnes Apoſtoli, diſcipuli, & fideles, qui tunc aderant plùs quingentis perſonis, palpano eius manus, cum illo poſt Reſurrectionem ſuam manducando, & bibendo, recipiendo ab illo leges, & præcepta, vt irent per vniuerſum mundum ad prædicandum ſacrum Euangelium. Quid de mirabili aduentu Spiritus Sancti in linguis flammeis? quid de eius mirabili aſcenſione in Cælum in præſentia omnium fidelium? Quid de multis, magniſque miraculis, quæ Apoſtoli, diſcipuli, martyres effecere, de quibus totus ferè Orbis erat teſtis oculatus, & deinde in Eccleſia omnibus ſæculis per homines ſanctiſſimos, per ſacras Chriſti, Beatiffimæ Virginis, aliorumque Sanctorum Imagines ſimilia prodigia edita ſunt?

III. Dicant nunc igitur Hebræi, ſi per ea miracula Moyſis, quæ non tot, nec tanta, nec tam prodigioſa fuerunt; nec Moyſis ſanctitas tanta, quanta Chriſti; cenſebatur lex ſcripta à Deo approbata; & ſtabilitum vetus teſtamentum;

tum; cur non censeatur lex gratiæ à Deo approbata, & stabilitum testamentum nouum; per maiorem sanctitatem Christi, & per maiora sua, suorumque discipulorum miracula facta; maximè, quia totum, quod hodie continet testamentum nouum, fuit prædictum, & approbatum in veteri; vix enim legitur Propheta, qui de lege gratiæ non loquatur, iam in figuris, iam in expressissimis prophetijs. Quod si illa perfida Synagoga noluit approbare legem gratiæ, ideo fuit, quia dum discedebat à lege, & Prophetis, iam non erat Ecclesia fidelium, sed Synagoga Sathanæ. Additur, si ille Summus tunc Sacerdos vellet pro Cathedra definire circa hanc legem Christi; Deus non sineret ipsum (quando adhuc lex scripta non erat reuocata) loqui falsum; licèt alioquin esset sceleribus coopertus; & ideo, quando definiuit pro Tribunali, verum dixit, licèt id non intendens; quod considerauit Euangelista, quando Pontifex idem dixit: *Vos nescitis quicquam: Expedit, vt vnus moriatur homo, nec tota gens pereat. Quod cum esset Pontifex, prophetauit.* Definienti itaque Christum moriturum pro salute omnium, vt Pontifex approbauit legem gratiæ, licèt vt priuatus homo illam reprobareret.

12. Ex his manifestè colligitur, Hebræos vnum ex duobus debere concedere, vel legem scriptam non esse approbatam à Deo; vel si fuit à Deo approbata propter ea miracula stupenda, & sanctitatem Moylis, vt verè fuit approbata à Deo; Legem Christi, & gratiæ à Deo fuisse approbatam propter ea miracula Christi multò magis stupenda, quàm miracula Moylis, & propter Christi sanctitatem longè maiorem, quàm Moylis sanctitatem: proindeq; nostrum argumentum supra positum contra Hebræos reddi irrefragabile, & euidenter conuincens, scilicet prophetiam Isaïæ de Messia nascituro de Matre semper Virgine impletam fuisse in Christo Salvatore nostro nato ex Beatissima Virgine, & semper Virgine Maria Domina nostra dilectissima, & semper immaculatissima.

13. His conuicti argumentis Hebræi respondent.

2. nomen *Virgo* non significare in ea prophetia Virginem à Viro non cognitam, sed fœminam iuuenem; & non esse dubium, posse dari fœminam iuuenilis ætatis, quæ sit mater alicuius filij concepti ex virili semine; & hic, inquirunt, fuit sensus peophetæ: nam in Hebraico est hæc vox halma, quæ non significat nisi fœminam iuuenem; si enim Propheta voluisset signare virginem non cognitam à viro, posuisset nomen Bethula; quod vocabulum significat Virginem à viro nondum cognitam. Hæc responsio est ineptissima; imò & hæretica apud ipsos sapientiores Rabbinos. Ineptissima, quia repugnat manifestè sensui Prophetæ; qui considerauit hanc fœminam simul matrem, & virginem, vt quoddam miraculum, & prodigium inauditum: nam cum Deus dixisset Regi Achaz, vt peteret aliquod miraculum siue factum in terra, resuscitando ab inferis aliquem mortuum, siue in Cœlo faciendo aliquod prodigium in Sole, vel in Syderibus: *Pete tibi signum à Domino Deo tuo in profundum Inferni, siue iuxta excelsum supra.* Is. 7. n. 11. & Achaz respondisset, nō voluisse se petendo miracula tentare Deum: & dixit Achaz: *non petam, & non tentabo Deum;* tunc ait Propheta: *Propter hoc dabit Dominus ipse vobis signum: Ecce Virgo concipiet &c.* Certissimum quidem est Prophetam hic voluisse significare prodigium: fœmina vero iuuenis concipiens ex semine virili, non est prodigium, sed res vulgaris, & ordinaria: ergo Propheta hic non voluit significare fœminam iuuenem non Virginem: ergo Hebræorum expositio est prorsus vana, & ineptissima. Est etiam hæretica: quia est expressè contra Sacram Scripturam Genes. 24. vbi textus nu. 43. *Ecce sto iuxta fontem aquæ, & virgo, quæ egredietur ad bauriendam aquam &c.* cū significare vellet Rebeccam puellam virginem, posuit hoc vocabulum halma: & quoddam Rebecca tunc fuerit virgo à viro nondum cognita, est expressus textus ibi n. 16. *Puella decora nimis, virgoque pulcherrima, & incognita viro.* Item Exodi 2. cū Princeps filia Pharaonis vidisset infantulum Moysen clausum in fisco.

fiscella scirpea ; vbi eius mater illum absconderat ; posueratque ad fluminis ripam ; miserta eius iussit vni ex famulis suis (quæ, disponente sic Domino, fuit MARIA Soror ipsius infantis) vt traderet eum nutriendum alicui nutrici Hebrææ ; & ipsa Soror illum tradidit nutriendum matri suæ. *Perrexit puella, & vocauit matrem suam ; ad quam locuta filia Pharaonis ; accipe, ait, puerum istum, & nutrimibi : ego dabo tibi mercedem tuam* &c. Vbi textus Hebraicus Mariam sororem Moysis virginem exprimens, vsus est vocabulo, halma : & certissimum est tunc Mariam sororem Moysis non esse cognitam viro. Et Cantic.6. nu.7. *Sexaginta sunt Reginae, & octoginta Concubinae ; & adolescentularum non est numerus.* Vbi numerantur omnes fœminæ palatij Regis Salomonis, aliæ non virgines, vt Reginae, & Concubinae, aliæ virgines absque certo numero ; & hæ vltimæ ponuntur in textu Hebraico, sub hoc nomine halma in numero plurali. Vnde qui affirmat hoc nomen halma in scriptura non significare virginem, sed solum fœminam iuuenem corruptam, negat scripturas, & est hæreticus : ergo Hebræi illi, si non volunt esse hæretici contra Sacram Scripturam, debent concedere Prophetam Isaiam in citato textu sub eo nomine halma significare virginem, & consequenter hæretici sunt contra suam etiam legem, si Messiam ex matre virgine natum inficiantur.

14. Quòd autem Propheta non vsus fuerit vocabulo bethula, sed halma : magnum fuit mysterium : nam Bethula significat tantum virginem simpliciter ; quæ potest esse virgo, & postea per conceptionem seminis virilis amittere virginitatem : at vero halma significat virginem, occultam, perpetuam ; vt significaret Virginem MARIAM Saluatoris Dei nostri IESV Christi Matrem, quæ quidem per multum tempus ab aliquibus putabatur non virgo ; dum Christus putabatur filius Ioseph ; & sic erat eius virginitas tunc occulta ; & deinde fuit Virgo perpetua ; s, ante partum ; in ipso partu ; & post partum. Quòd verò nomen halma significet virginem occultam, perpetuam ; id
pro-

probant periti linguæ Hebraicæ; quia in primis halma significat Virginem. Deinde nomen illud deriuatur à voce Halam, quæ significat occultare; & deriuatur etiam à voce holam, quæ significat æternum: vnde affirmant periti grammatici Hebræi, halma significare Virginem, occultam, perpetuam: ergo hæc prophetia Isaiæ impleta fuit in Beatissima Virgine MARIA.

15. Non minus vana, & stulta est, tertia aliquorum Hebræorum responsio, Prophetam hic loqui de vxore Regis Achaz, & de filio eius Ezechia: vt per natiuitatem huius, tanquam per signum certificaretur Achaz fore liberandum ab obsidione duorum Regum. Stultissima expositio 1. quia Propheta non dirigit suum signum ad Achaz, sed ad domum Dauid; nam cum Deus per Prophetam diceret Regi Achaz, qui erat Idololatra, adorabatque Deum falsum: vt peteret aliquod prodigium à Deo suo, quem ipse colebat, siue in Sole, sicut Deus verus fecerat per Iosue; siue in Inferno resuscitando ab Inferis aliquem mortuum, sicut Deus fecit per Heliam, & Eliseum: *Pete tibi signum à Deo tuo in profundum Inferni, siue in excelsum supra*; ipseque Achaz respondisset, noluisse se tentare suum Deum petendo miracula. *Non petam, & non tentabo Deum*; tunc Propheta vertit se ad Domum Dauid, i, ad Ecclesiam, & ait: *Propter hoc dabit Dominus ipse vobis signum: Ecce Virgo concipiet &c.* igitur signum non fuit directum ad Achaz Regem idololatram; sed ad domum Dauid fidelem, licet Achaz fuerit de domo Dauid genere, non fide: 2. quia Propheta loquebatur de signo miraculoso, & prodigioso, sicut illud Iosue, & Elisei, vt notatum est: nasci verò filium ex vxore Regis Achaz, non erat res miraculosa, sed naturalis, & vulgaris. 3. quia Propheta loquebatur de filio concipiendo, & pariendo à Matre virgine; quod quidem magnum erat miraculum, nunquam antea visum: vxor verò Achaz virgo non erat. 3. & euidenter: quia Propheta loquebatur de Filio postea nascituro, vt patet ex ipso textu, *concupiet, & pariet.* Filius verò Achaz Regis, s, Ezechias;

chias; iam erat natus quando Isaias illam dixit prophetiam: vt manifestè colligitur ex Sacra Scriptura; nam Ezechias erat viginti quinque annorum, quando cœpit regnare: vt constat ex. 4. Reg. cap. 18. & Achaz pater eius regnavit 16. annos, vt constat ex eodem libro c. 16. ergo Ezechias 9. annos habebat, quando Pater eius regnare cœpit. Sed Propheta protulit prophetiam regnante Achaz: ergo manifestum est non loqui illum de Ezechia iam antè nato; loquebatur enim de filio nascituro, vt dictum est. Hac ratione evidenti convictus Rabbi Salomon in expositione huius prophetiæ confessus est, Isaiam verè non loqui de filio Regis Achaz.

16. Eodem modo falsissima est quarta responsio aliorum Hebræorum dicentium, prophetiam intelligi de filio ipsius Prophetæ: quia illum ipse Propheta in capite sequenti num. 8. vocat Emmanuel. *Et erit extensio alarum eius, implens latitudinem terræ tue, ò Emmanuel.* Et non videtur dubium, loqui hîc Prophetam de suo filio; vt in eodem capite num. 3. dixerat: *Et accessi ad Prophetissam, & concepit; & peperit; & dixit Dominus ad me: Voca nomen eius: Accelera spolia detrahere, festina prædari.* Inferunt hinc illi Hebræi sic: eodem nomine Emmanuel vocatur ille filius in cap. 7. atque hîc vocatur in cap. 8. Sed hîc in cap. 8. filius intelligitur genitus à Propheta Isaiâ: ergo etiam in eo capite 7. intelligendus filius Isaiæ, & non Filius Virginis Messias. Atque ita Rabbi Salomon in expositione capitis 8. Isaiæ docet filium, de quo dicit Propheta in hoc cap. 8. postea illi natum fuisse, eundem esse filium, de quo dixerat in cap. 7. nasciturum esse.

Hæc Rabbiorum expositio falsissima est, vt iam diximus, & repugnat ipsi Sacræ Scripturæ. 1. quia filius prædicebatur nasciturus de Matre Virgine, & in hoc consistebat miraculum, vt dictum est: at vxor Isaiæ, licèt esset Prophetissa, non erat virgo; nec erat aliquod miraculum, aut res inaudita, nasci Isaiæ filium ex coniuge sua; sed res ordinaria, & vsitata. 2. quia non fuerunt verificata de filio illius

illius Prophetæ ea, quæ Prophetæ prædixerat de Filio Virginis: neque enim fuit Rex, Dux, aut Iudex, qui populum iudicaret cum clementia, misericordia, benignitate; vt ipse significauit per illa verba: *Butyrum, & Mel comedet, vt sciat reprobare malum, & eligere bonum.* 3. quia vt supra vidimus, communis Rabbiorum explicatio, & sententia est, textum illum in cap. 7. loqui expressè de Messia de Matre virgine nascituro; & solum pauci ex illis contradicunt; sed sæpius inter se discordant, & modò vnum, modò aliud oppositum interferunt, quod clarum signum est, eos veritatem non attingere.

17. Ad Rabbi Salomonem dico, partim verum, & partim falsum dicere. Quod vt intelligas, aduerte filium illum, de quo loquitur Isaias in cap. 8. duobus modis posse fumi. 1. in esse physico, & reali. 2. in esse figuratiuo, & in figura. 1. modo fuit filius illius Prophetæ; & in hoc sensu non fuit ille filius, de quo loquutus fuit in cap. 7. aliter Prophetæ sibi ipsi esset contrarius; dum in primo loco vocat illum filium Virginis miraculosè conceptum, & natum, in secundo filium non virginis, sed suæ vxoris naturali modo conceptum, ac genitum; vnde iuxta hunc modum, falso dixit Rabbini ille. 2. modo, i, in figura, in illo Isaiæ filio figurabatur Messias, & ideo figuratiuè sumptus erat ipse Messias promissus, & potuit dici vt sit Emmanuel, i, *nobiscum Deus*, seu *Deus cum humanitate assumptus*; & illi vt sic poterat optimè conuenire nomen accelerandi *spolia detrahere, & festinandi deprædari*, quia solus Messias spolia animarum, quæ captæ fuerant à Diabolo, accepit, & prædatus est. Similiter verba illa: *Et erit extensio alarum eius*, i, potentia eius, *implens plenitudinem terræ, soli Messia competunt*, iuxta illud: *Dominabitur à mari vsq; ad mare, & à flumine vsque ad terminos Orbis terrarum.* Ps. 71. num. 8. *& adorabunt eum omnes Reges: omnes gentes seruiunt ei.* ibid. num. 11. & nullo modo competunt filio Isaiæ: qui filius totius Orbis non extitit Imperator. Et in hoc sensu verum dixit Rabbi Salomon, s, filium Isaiæ, de quo loquitur
in

in eo cap.8. esse eundem, de quo loquitur in cap.7. eundem scilicet in esse figuratiuo; non in esse physico, & reali: nam in secundo loco iuxta literam loquebatur de filio Prophetæ, nato ex fœmina coniugata; & solum secundum figuram de Messia. In primo loquebatur secundum literam de Christo Salvatore nostro vero Filio Beatissimæ Virginis MARIE per miraculum ex virtute Spiritus Sancti nato: & sic dixit: *Propterea dabit vobis signū: Ecce Virgo concipiet, &c.*

18. Conuicti his argumentis Hebræi concedunt, Messiam iuxta hunc Prophetam necessario debere nasci ex Matre semper Virgine; at dicunt hanc prophetiam non impleri in Christo IESV. Fundamentum ipsorum est: quia Propheta dixit Messiam esse appellandum Emmanuel: Sed Christo non fuit impositum nomen Emmanuel, sed IESVS, vt constat ex nostro Euangelio Luc.2. *Postquam consummati sunt dies octo, vt circumcideretur Puer: vocatum est nomen eius IESVS, quod vocatum est ab Angelo, priusquam in utero conciperetur.* Non igitur fuit impleta prophetia in Christo; proindeque adhuc Messias non venit. Quis non execretur horum Hebræorum cæcitatem, & crassissimam ignorantiam, seu potius abominabilem obstinationem? Quid aliud voluit Propheta dicere, nisi, quod Messias Sanctissimus vocandus esset homo Deus; & Deus homo? id significat Emmanuel, *Deus nobiscum, Deus in humanitate sibi assumpta.* Et quis est Catholicus, qui non vocet Christum Deum, & hominem? imò hæreticus est, qui dicat Christum hominem non Deum, vel Deum non hominem. Non aduertunt hi Rabbini duo esse nomina; vnum naturæ, alterum impositionis; vt in Petro: v.gr. vnum nomen est naturæ, vt est homo; secundum est impositionis, vt est Petrus. An quia huic indiuiduo non fuit impositum nomen homo in eius baptismo; ideo non debet vocari homo? Sic pariter Christus multa habet nomina, v.gr. Emmanuelis, Iusti, Dei nostri, Admirabilis, & cætera alia, quæ in Scriptura de illo ponuntur; & omnia sunt nomina naturæ, quæ omnia significant naturam

Messiae; an quia omnia hæc nomina non sunt illi imposita in circumcissione; non debet vocari Emmanuel, Iustus, Fortis, Admirabilis, Sanctus Sanctorum, & sic de alijs? Erubescant igitur Iudæi, & vel suam ignorantiam, vel suam obstinationem confiteantur.

19. Additur, quòd nomen IESVS Christo in Circumcissione impositum idem significat, atque Emmanuel; quod quidem nomen significat *Deum hominem*, seu *Deum nobiscum*; idest, Deum humanitati vnitum: nam nec poterat saluare per merita, si non esset homo; nec posset dare meritis efficaciam infinitam ad plenè, & abundanter satisfaciendum pro peccato hominis facto contra Deum infinitum; si non esset Deus: ergo nomen IESVS, quod idem est, atque Saluator, & Redemptor à captiuitate peccati, necessariò importat Deum hominem, quod idem est, atque Emmanuel. Ex quibus omnibus manifestè restant conuicti Iudæi, Prophetam verè prædixisse Messiam nasciturum esse de Matre Virgine, semper manente Virgine; & fuisse eius prophetiam impletam in Christo IESV nato ex MARIA Virgine; quod nos credimus Catholici secundum nostrum testamentum nouum omnino consonans cum testamento veteri; quod ipsi tenentur credere, & consequenter nouum amplecti; aliter non credendo nouum, à vetere discedent.

20. Vltimò garriunt Iudæi contra nostram probationem. Isaias in hac prophetia dicit Messiam in ætate infanti habere ignorantiam; vt exprimitur in eodem Isaiâ cap. 8. num. 4. *Antequam sciat Puer vocare Patrem suum, & Matrem suam, auferetur fortitudo Damasçi, & spolia Samariæ &c.* Sed nos Christiani credimus Christum in eodem instanti suæ conceptionis habuisse omnem scientiam, nullamque ignorantiam habuisse: ergo noster Christus non est ille, de quo loquitur Isaias: consequenterque Christus Messias verus nondum venit. In hoc argumento Hebræi perfidi duo ostendunt. 1. Se non intelligere Prophetam. 2. Se nolle illum intelligere; quia sua culpabili obstinatione:

tione nolunt ad prophetiæ verba seriò, & sincerè attendere. Dicant nobis Hebræi; quando Propheta dixit in sequentibus verbis: *Auferetur fortitudo Damasci, & spolia Samariæ coram Rege Assyriorum, &c.* i, auferendam esse fortitudinem Damasci, & spolia Samariæ etiam in præsentia Regis Assyriorum; i, potestatem Diaboli in illis Regionibus, & in alijs totius mundi, tenebrarum Principi Diabolo obedientibus, à quo illa fortitudo, & potestas erat auferenda? Respondent: ab ipso Messia. Bene: ergo ille Messias habebat omnipotentiam, per quam solam poterat potestas Diaboli superari: Si erat Omnipotens, etiam erat omni sciens; nam Deus, sicuti ab illo prædicebatur per nomen Emmanuel, i, Deus nobiscum; non est minùs sciens, quàm potens; si erat omni sciens, quomodo dicunt illum habere ignorantiam? Vnde manifestum est, quando Propheta dicit: *Antequàm Puer sciat &c.* Significare voluisse statum infantiae, non defectum scientiæ; aliter Propheta, & sibi esset contrarius in hoc textu: dum dicit puerum illum adhuc in ea infantis ætate habere plenitudinem potestatis, & non habere plenitudinem scientiæ; cum nec sine plenitudine scientiæ possit exerceri plenitudo potestatis; nec Deus sit Omnipotens, si non sit omni sciens. Et deinde esset contrarius alteri Prophetæ Ieremiæ 3. numer. 22. *Fœmina circumdabit virum*, i, virum non ætate, sed scientia; prout supra in cap. 1. explicatum est; sed non est dicendum Prophetam sibi, vel alteri Prophetæ fuisse contrarium: ergo Rabbinii suæ expositione falluntur.

21. Ut veritatem intelligas, & verum sensum Prophetæ percipias, aduerte, Christum in primo suæ conceptionis instanti quinque habuisse scientias. 1. est diuina, quam, vt Deus, semper ab æterno habuit, imò est ipsa Sapientia increata. 2. beatifica creata, i, visio beata; quæ est proprietas vnionis hypostaticæ, quam in primo conceptionis instanti obtinuit. Et illi vnioni non minùs est debita, quàm risibilitas homini, hinnibilitas equo, rugibilitas

Leoni, calor igni: quæ proprietates in primo instanti suæ productionis eis naturis debentur. 3. scientia dicitur per se infusa, quæ est etiam proprietas saltem secundaria prædictæ vnionis: quæ scientia versatur circa illas veritates, quæ solo lumine naturali non possunt perfectè cognosci; qualis est gratia, & alia obiecta supernaturalia, secreta cordis, futura intrinsecè contingentia; & ideo dicitur scientia per se infusa: quia per se est necessaria, vt per se talia obiecta perfectè attingantur. 4. est scientia naturalis rerum naturalium, quæ versatur circa res, & veritates naturales, quæ naturali lumine possunt bene cognosci; & hæc naturalis scientia fuit à Deo anticipatè data Puerio IESV in eo primo suæ conceptionis instanti; quia sic decebat adeò ineffabilem Puerum, qui erat simul homo, & Deus: & constitutus erat à Patre Supremus omnium Iudex omnium actionum in indiuiduo; & iam tunc, licèt inuisibiliter, omnia regebat; prout considerauit clarissimum Ecclesiæ lumen & Doctor August. serm. 3. de tempore post ieiunium. *Simeon senex ferebat Christum infantem, Christus regebat Simeonis senectutem.* A quo desumpsit Ecclesia in 8. Responsorio festi Purificationis. *Senex Puerum portabat, Puer autem senem regebat.* Dicitur hæc scientia per accidens infusa; quia per se poterat naturali lumine haberi, sed per accidens anticipatè fuit illi data.

22. Quinta scientia est experimentalis, quæ obtinetur ipsâ experientiâ rerum: vnde licèt omnia in statu infantie à primo instanti conceptionis Christus infans attingebat notitiâ clarissimâ, & indiuidualissimâ, vt sic dicam; non omnia tunc experiebatur; & in hac experientia notitia illa, & scientia naturalis poterat augeri, non in entitate scientiæ, sed in exercitio externæ experientiæ: quemadmodum si quis per species à Deo acceptas in loco distanti aliquarum rerum visibilium, res illas videret; positus prope illas res, non plûs videret, quàm antea; sed solum adderetur experientia, non ampliaretur notitia: & hoc modo intelligendus est locus Euangelistæ Luc. 2. num. 53. *Et*

IESVS proficiebat Sapientia, & etate, & gratia apud Deum, & homines. Proficiebat Sapientia experimentalī, quam paulatim de nouo experiebatur; non formali, quæ, ne supponeretur antea diminuta; non fuit postea augmentata. His ergo doctrinæ gratiâ breuiter explicatis, facile est respondere argumento factō ex verbis Prophetæ: *Antequam sciat Puer vocare Patrem suum, & Matrem suam, &c.* i. antequam sciret, scientia experimentalī; quam fatemur non habuisse in primo instanti, vt puerili statui ob occultandum mysterium se conformaret; non verò antequam sciret scientia formali, quam totam habuit ab initio suæ conceptionis, vt probatum est; & manet certum, & dilucidum, Prophetam loqui in eo textu de Messia, & omnino impletam fuisse prophetiam in Christo Domino ex Beatissima semper Virgine MARIA Domina nostra mirabiliter nato.

CAPVT TERTIVM.

Proponitur prophetia de loco, vbi Messias nasciturus erat, impleta in Christo Salvatore nostro.

23. **E**Xposita Natiuitate Christi ex MARIA Virgine, restat exponere locum, vbi erat nasciturus. Locum prædixit Propheta Micheas cap. 5. vbi sic dixit: *Et tu Bethlehem Ebbrata paruulus es in millibus Iudæ: ecce te mihi egredietur, qui sit Dominator in Israel; & egressus eius ab initio; à diebus æternitatis*. Hæc prophetia impleta fuit in Christo IESV, qui natus est in Bethlehem terra Iudæ; vt constat ex Evangelica historia. Matth. 2. *Cum natus esset IESVS in Bethlehem Iudæ*. Et Luc. 2. nu. 7. *Ascendit autem & Ioseph à Galilæa de Ciuitate Nazareth in Iudæam, Ciuitatem Dauid, quæ vocatur Bethlehem; eo quod esset de domo, & familia Dauid, vt profiteretur cum MARIA desponsata sibi uxore prægnante. Factum est autem, cum essent ibi, impicti sunt dies, vt pareret, & peperit Filium suum*
pri-

primogenitum; & pannis eum inuoluit, & reclinauit eum in praesepio; quia non erat ei locus in diuersorio. Et Ioann. 7. num. 42. Nonne Scriptura dicit: quia ex semine Dauid, & de Bethlehem Castello, ubi erat Dauid, venit Christus? Rabbini consulti ab Herode apud Matt. c. 2. n. 2. aliquid modo citarunt Prophetiam Michæ: dicentes sic: Et tu Bethlehem terra Iudæ nequaquam minima es in Principibus Iudæ: ex te enim exiet dux, qui regat populum meum Israel. Attulerunt prophetiæ sensum, non verba. Propheta enim, vt magis declararet, de qua Bethlehem loquebatur, dixit illam esse, quæ erat paruula Ciuitas. Rabbini supponebant illam esse paruulam, sed ex eo, quod patria sit Magni Ducis Messiae, non deberet iam minimam vocari; proindeque verba illa Rabbiorum potius dici possunt prophetiæ glossa, quàm prophetia ipsa; sed talis glossa verum prophetiæ sensum optimè declarat.

24. Hanc prophetiam loqui de Messia, neque etiam nostri aduersarij Rabbini negant. Rabbi Salomon exponendo hanc prophetiam, ita ait: *Ex te mihi egredietur &c. Iste dominator à Propheta hîc prædictus est Messias Filius Dauid; & ideo de illo dictum est; lapidem, quem reprobauerunt edificantes &c.* Et Targum, i, Paraphrasis Caldæa illam prophetiam de Messia intelligit, ita dicens: *Ex te mihi egredietur Messias.* Et Rabbini Ierosolymitani interrogati occasione Magorum à Rege Herode, ubi Christus nasceretur, responderunt in Bethlehem nasciturum; quia ita Propheta Michæas prædixerat, vt constat ex Mat. 2. nu. 4. *Et congregans omnes Principes Sacerdotum, & Scribas populi, sciscitabatur ab eis, ubi Christus nasceretur. At illi dicebant: in Bethlehem Iudæ: sic enim scriptum est per Prophetam: Et tu Bethlehem &c. ex te enim exiet dux, qui regat populum meum.* Et Herodes ex vi istius prophetiæ Magos inquirentes de Messia nato misit in Bethlehem vt ait idem Euangelista. *Et mittens illos in Bethlehem dixit: Ite, & interrogate diligenter de Puero, & renunciate mihi, vt & ego veniens adorem eum.* Et hanc eandem prophetiam intelligi de

de Messia affirmarunt ipsi Iudæi, vt supra notauimus Ioan.7. *Nonne dicit Scriptura; quia ex semine David, & de Betlehem Castello, ubi erat David, venit Christus?* Tandem loqui Prophetam de Messia est manifestum ex ipso textu: nam solus Messias est simul homo, & Deus, vt supra ex varijs locis etiam testamenti veteris demonstratum est: sed Propheta hic loquitur de illo Rege, seu dominatore, qui simul sit homo, & Deus: ergo loquitur de Messia. Demonstratio est manifesta, si probatur Prophetam hic loqui de Dominatore simul homine, & Deo; quod quidem probatur clarissimè ex verbis ipsius textus: nam ibi Propheta dicit duas natiuitates Christi; vnam temporalem, per quam natus est homo in tempore in Bethlehem; vt denotant verba illa. *Ex te mihi egredietur Dominator, ex te exiet Dux, de Betlehem venit.* Alteram in æternitate, per quam ab æterno est genitus à Deo Patre, vt Deus eiusdem substantiæ diuinæ cum ipso generante Deo; vt denotant illa verba: *& egressus eius ab initio; à diebus æternitatis:* & hanc natiuitatem ab æterno, per quam Messias prout est Deus, procedit ab æterno Filius ab Æterno Patre generatus, tenentur credere Hebræi; sin minùs, erunt hæretici negando Scripturam veteris testamenti: nam de fide est creaturas omnes fuisse productas in tempore; & consequenter nullam creaturam esse productam ab æterno: vt expressus est textus. Genes.1. *In principio creauit Deus Cælum, & Terram.* Vnde si negant Messiam, prout est Deus, fuisse productum ab æterno; iam negant hanc Scripturam Micheæ. *Egressus eius à diebus æternitatis.* Si concedunt hanc natiuitatem, seu productionem Messiae ab æterno, sed deinde dicunt non esse Deum, sed puram creaturam; iam concedunt dari creaturam ab æterno; & negant expressum textum Genesis; qui dicit creaturam nullam esse ab æterno productam.

25. Nec dicere possunt productionem Messiae ab æterno intelligendam esse in sola prædefinitione æterna diuini decreti: nam Propheta distinguit duas productiones Messiae,

fiæ , vnam , qua producitur in tempore ; alteram , qua producitur à diebus æternitatis . Si autem intelligendus esset Propheta de prædefinitione æterna ; etiam Messias productus , vt homo , fuit prædefinitus à diebus æternitatis , vnde qui dat illum falsum sensum Prophetæ ; illum negat , & consequenter fidem : necessarium igitur est , credere Prophetam in hac prophetia dicere Messiam , & produci in tempore , & consequenter sumptum vt hominem , & produci in æternitate , & consequenter sumptum , vt Deum . Cùm ergo , vti dicebamus , solus Messias sit homo Deus ; de solo Messia loquitur hîc Propheta . Verba vltima prophetiæ , s. *egressus eius , seu egressiones eius* , si secundùm aliquorum expositionem intelligenda sint de aduentu Christi prædefinito ab æterno , denotant Messiam bis egressurum de Cœlo , seu habiturum duos aduentus . Primus est ad saluandum ; secundus ad iudicandum ; nec propterea sunt duo Messiæ , vt aliqui Hebræi somniant ; idcirco non dicit , eorum , sed *eius* : quia vnus , idemque venit 1. ad saluandum , & veniet 2. ad iudicandum . In 1. aduentu debebat venire , vt pauper : vt expressè dixit Zacharias cap. 9. num. 9. *Ecce Rex tuus veniet tibi Iustus , & Saluator : ipse pauper ascendens super asinum , & super pullum filium asinæ* . In secundo aduentu veniet cum maiestate ; vt expressè dixit Daniel . cap. 7. num. 13. *Aspiciebam ergo in visione noctis ; & ecce cum nubibus Cœli quasi Filius hominis veniebat , &c.*

26. Demonstrato igitur euidenter Prophetam loqui de Messia nascituro in Bethléhem ; quod iam omnes Hebræi conuicti concedunt ; facile erit demonstrare prophetiam hanc impletam fuisse in Christo Salvatore nostro nato in Bethlehem . Demonstratur igitur euidenter : quia Propheta dixit , Messiam nasciturum in Bethlehem existente Bethlehem , & vt terra Iuda , & existente ibi Populo Iudaico ; vt ipsimet Iudæi confitentur : sed iam hodie non existit Bethlehem , nec ibi iam populus Iudaicus , nec vllus Rex , aut Princeps : ergo vel Messias iam venit , quando
Bethle-

Bethlehem existerat, & terra Iuda: vel Propheta dicit falsum: hoc secundum non concedent Iudæi: ergo debent concedere primum: vnde si iam venit, dicant Iudæi, quis sit iste, qui iam venit? Certè non monstrabunt vllum, nisi Saluatorem nostrum IESVM Christum; qui secundum historiam Euangelicam natus fuit in Bethlehem: & quamuis Hebræi obstinatissimi non credant nostram historiam Euangelicam, vt sacram historiam, tamen illam non negant, vt historiam veram, quia fuit scripta eo tempore, quo ipsi Hebræi in Iudæa viuebant, & nullus scripsit contra illam; imò fuit notum omnibus de aduentu Magorum, de morte Innocentium Puerorum, qui non loquendo, sed moriendo publicarunt natum Messiam in Bethlehem: & ideo soli Innocentes Bethlehemitæ, & illorum contermini iussu Herodis occisi sunt. Cùm igitur Iudæi non ostendant alterum, qui iam venerit, in Bethlehem natum, & cui competant omnia alia, quæ de Messia à Prophetis prædicta sunt; & omnia, nullo deficiente, vt suo loco demonstrabitur, in Christo IESV Sanctissimæ Virginis Filio reperiantur, euidentissimè patet prophetiam illam in Christo Salvatore nostro fuisse verissimè impletam.

CAPVT QVARTVM.

Ostenditur Messiam venire debere pauperem.

27. **S**Candalizantur perfidi Iudæi, quando illis prædicatur Christus, vt homo pauper, & abiectus, cùm tamen, si ita non veniret pauper, Messias non esset, quem Prophætæ prædixerant. De hac paupertate Messiae loquitur Zacharias clarissimâ prophetiâ in capite 9. iam supra citato, quam hic volo plenius expendere. Ita enim dicit: *Exulta satis filia Sion, & iubila filia Ierusalem: Ecce Rex tuus venit tibi Iustus, & Saluator: ipse pauper ascendens super asinum, & super pullum filium Asinæ.* Hanc

prophetiam loqui de Messia Rabbini ipsi fatentur: nam Rabbi Salomon in expositione huius textus ita ait: *Possibile non est hanc exponere prophetiam pro ullo alio, nisi pro Rege Messia: quia de solo Messia dictum est in hoc loco, & in Psal. 71. num. 8. Et dominabitur à mari usque ad mare, & à flumine usque ad terminos Orbis terrarum; sed non inuenimus Dominatorem similem huic in Israel ad illud usque tempus templi secundi.* Ex quibus verbis euincitur. 1. Prophetam hinc de Messia loqui. 2. prophetiam impleri debere, quando adhuc existeret templum secundum. Caterum Rabbinus iste Iudaica maledictione obcæcatus nō aduertit, si prophetia loquitur, ut ipse fatetur, de Messia; & debet omnino impleri durante adhuc secundo templo, ut etiam ipse cum cæteris credit Rabbinis, necessarium esse credere Messiam iam venisse, & esse Christum IESVM Saluatorem nostrum; qui certè venit, quando adhuc secundum templum existerat, ut ipsi non negant; & si ipsi vellent negare; ab omnibus exhiberentur; cum id palam sit omnibus non solum Christianis, sed Iudæis, & gentibus; & non solum ex historia Euangelica, sed ex historijs ipsorum Hebræorum, & Gentilium constat Christum sæpius docuisse in templo illo; & vnum ex testimonijs falsis, quibus eum calumniatores accusarunt ante Pilatum, fuit, quod ipse dixisset posse se templum illud destruere; & die tertio reædificare. Vnde fit hinc breuiter, postea enucleatius expendenda demonstratio. Si Christus nondum venit, quando iam templum secundum non existit, oportet, veniat iam templo secundo non existente: errauit ergo Propheta, dicens Messiam venturum existente adhuc templo secundo; Propheta errare non potest: ergo Messias iam venit. At non possunt ostendere alium, qui iam venisset; nisi IESVM Christum Filium Beatissimæ Virginis Mariæ, ut dictum est: ergo in Christo IESV impleta est hæc prophetia Zachariæ. Non potest negare hanc consequentiam prædictus Rabbinus: sed dicit à tempore illo secundi templi usque nunc non esse inuentum hominem

ex familia Dauid, qui dominator fuerit totius Orbis, prout hic dixit Propheta num. 10. *Et loquetur pacem gentibus: & potestas eius à mari vsque ad mare, & à fluminibus vsque ad fines terræ*. Existimabat falsò hic Rabbinus Prophetam loqui de Dominatore temporali, sicut fuit Cæsar, alijque Imperatores: & non aduertebat, si ita esset intelligendus, Prophetam sibi ipsi fore contrarium: pugnabat enim venire Messiam pauperem, & egenum, & esse Imperatorem, Dominumque prouinciarum omnium, & regnorum totius mundi. Nunquid poterit dici egenus, Rex Hispaniæ, Franciæ, & quilibet alius Rex potentissimus? Necessarium igitur est, vt intelligatur de imperio spiritali, quod bene stat cum paupertate rerum temporalium; & hoc modo Christus Saluator noster in suo Regno, seu Imperio Ecclesiastico per totum Orbem disperso dominatur; omnes gentes seruiunt ei, & adorant eum omnes Reges terræ, & extenditur eius Imperium à mari vsque ad mare; à fluminibus vsque ad fines terræ; & sic clarissimè impleta est prophetia ista in Christo Salvatore nostro; & ne-tiquam impleretur, si venisset eo modo, quo falsò existi-mabat ille Rabbinus, alijque eius sequaces prophetiarum sensum suâ culpâ, & cæcitate non capientes.

28. Huic prophetiæ conformis est altera prophetia Isaïæ cap. 26. num. 5. & 6. vbi sic dicit: *Incuruabit habitantes in excelsis: ciuitatem sublimem humiliabit: humiliabit eam vsque ad terram, detrabet eam vsque ad puluerem: conculcabit eam pes, pedes pauperis, gressus egenorum*. Prædicat igitur Propheta sublimes orbis vrbes esse à Messiæ pauperis conculcandas pedibus; deinde per discipulos suos pauperes, & piscatores conuertendum esse mundum; debellandas diaboli potestates, idola destruenda, regna mundi deuastanda non bello, sed pace, non Marte, sed morte; non ferro, sed ligno domanda omnia, & in fidem Christi reducenda. Et certè, qui venerat impedimenta virtutum tollere paupertate, non diuitijs, humilitate, non superbia vti deberet: diabolus per superbiam à Cœlo

deiectus fuerat ; Christus per humilitatem suos in Cœlum adducere deberet . Spirituale Christi regnum oportebat opponi mundanæ pompæ ; quia illius imperium de hoc mundo non erat : vt ipse dixit : *Regnum meum non est de hoc mundo* . Legant igitur Hebræi prophetias , attentè considerent illarum sensum , & cæcitatem deponent , Redemptoremque suum agnoscent .

C A P V T Q V I N T V M .

Ostenditur aliud signum prædictum à Prophetis ad cognoscendum verum Messiam , videlicet patratio miraculorum .

29. **I**Ncredibile sanè est, quantâ ignorantia, & quantâ mentis cæcitate miserabiles Hebræi cōstringantur : oculis, non mente legunt Scripturas : apertos habent oculos corporis, non mentis; affectant destruere claritatem, & caliginem offundere . Has mentis tenebras in Hebræis prædixerat Isaias cap. 6. num. 10. *Excæca cor populi huius, & aures eius aggraua, & oculos eius claudes; ne fortè videat oculis suis, & auribus suis audiat, & corde suo intelligat, & conuertatur, & sanem eum* . Quod intelligitur de voluntate Dei permittentis, non suadentis: Deus enim omnes homines vult saluos fieri; hæc permissio cæcitatibus data illis fuit in supplicium; sed maius supplicium est, id esse supplicium illos ignorare . Vnum ex euidentibus signis, per quæ cognosceretur Sanctissimus Messias, fuit stupenda illa miraculorum patratio . Isaias cap. 35. quatuor genera miraculorum, quæ facturus erat Messias, prædixit . Sic enim ait num. 5. *Ecce Deus vester ultionem adducet retributionis: Deus ipse veniet, & saluabit vos: tunc aperientur oculi cæcorum; & aures surdorum patebunt, tunc sallet sicut ceruus claudus, & aperta erit lingua mutorum* . Omnia hæc miracula fecit IESVS Saluator noster, vt narrat Euangelista Matth. cap. 15. num. 30. *Accesserunt ad eum*

eum turba multa habentes secum mutos, cæcos, claudos, debiles, & alios multos; & proiecerunt eos ad pedes eius, & curauit eos; ita vt turba mirarentur, videntes mutos loquentes, claudos ambulantes, cæcos videntes; & magnificabant Deum Israel. Et omnia quatuor Euangelia plena sunt stupendis miraculis, quæ Christus Dominus operatus est.

30. Procedit Propheta in citata prophetia cap. 35. per hæc miracula, & signa Messiaë gentes esse conuertendas. *Scissæ sunt in deserto aquæ, & torrentes in solitudine; & quæ erat arida, erit in stagnum, & sitiens in fontes aquarum: in cubilibus, in quibus prius dracones habitabant, orietur viror calami, & iunci; & erit ibi semita, & via, & via sancta vocabitur.* Per has similitudines, & metaphoras explicauit Propheta gentes infideles, & veluti terram desertam, & vastam solitudinem absque aqua gratiæ sitientem, & siccam habituras esse torrentem, stagnum, & fontes aquarum gratiæ, & scientiæ veri Dei; & solum in hac fidelium Christi congregatione, & Sancta Ecclesia esse semitam salutis, & viam sanctam. Pergit Propheta: & *ambulabunt, i, per hanc viam, qui liberati fuerint, i, à captiuitate peccati per aquas Sacramenti baptismatis. Et redempti à Domino conuertentur; & venient in Sion cum laude; i, in Ecclesiam Sanctam Sion laudantes Deum verum Israel; idola, falsaque inanum Deorum numina abijcietes.* Quid ergo Hebræi huic ineluctabili argumento respondebunt? Propheta dicit illum esse Messiam verum Deum, qui fecerit prodigiosa illa miracula; & hinc gentes ad Deum esse conuertendas: *Ecce Deus veniet, & saluabit vos: Christus Dominus noster fecit illa prodigiosa miracula; & per illum, & ipsius discipulos totus mundus cognoscit verum Deum, vt ipsi suis vident oculis: ergo Christus noster verus est Messias; quem si negant, negant ipsum Prophetam, & ipsam apertam veritatem.* De hac tamen conuersione gentium suo loco latins dicemus.

CAPVT SEXTVM.

Ostenditur Messiam vendendum fuisse, & Hebræos fuisse à Deo deferendos propter hoc peccatum.

31 **A**lterum ex signis ad cognoscendum verum Messiam prædixere Prophetæ, nimirum, quodd Messias pretio vendendus fuisset ab Hebræis. 1. prophetia est Prophetæ Amos cap.2.num.4. *Hæc dicit Dominus: super tribus sceleribus Israel; & super quatuor non conuertam eum: pro eo, quod vendiderit pro argento iustum, & pauperem pro calceamentis.* Per istum Iustum, & pauperem intelligitur Messias; qui à Propheta Zaccharia cap.9. appellatur Iustus, & pauper, vt supra vidimus; & in tota scriptura per antonomasiam Iustus vocatur. Hebræi dicunt 1. Amos Prophetam non loqui de Messia, sed de Ioseph Ægyptijs à suismet fratribus vendito. Hæc tamen expositio est prorsus falsa. 1. quia Deus dixit propter peccatum huius venditionis iusti, & pauperis nõ condonatum se Hebræis populo suo: at verò est omnino falsum, quodd peccatum illud venditionis Ioseph iusti non remiserit Deus: nam post 400. annos eos à captiuitate liberauit Ægypti; & illos in terram promissionis introduxit. 2. quia Deus dixit illam venditionem Iusti fuisse quartum peccatum; & propter quartum peccatum non illis esse veniam concessurum; vt constat ex ipso textu. At verò venditio Ioseph si inter ea.4. peccata peccatū quartum numerandum sit, non fuit quartum, sed primum. 3. quia neque etiam venditio illa Ioseph potest dici peccatum commissum à populo: quia tempore illo adhuc Hebræi non appellabantur Populus Dei; hoc enim nomen primò habuerunt postquā fuerūt per multos annos in Ægypto. 4. quia si hæc venditio Ioseph fuisset quartum peccatum, necesse erat, vt præcesserint alia tria; quod quidem non ostenditur in scripturis: imò communiter ipsi etiam Rabbini dicunt primum peccatum fuisse, quando fecerunt vitulum, & illum tan-

tanquam Deum adorarunt; propter quod peccatum capti fuerunt à Rege Assyriorum. 2. fuit adorare multa idola etiam in Ierusalem; propter quod per 70. annos Babylone capti sunt. 3. fuit occisio prophetarum. 4. fuit occisio Christi: vnde patet tribus sceleribus Deum pepercisse; siquidem illos Hebræos postea suæ patriæ, regnoq; restituit; at verò propter peccatum venditionis, & occisionis Christi non pepercit adhuc, nec parcat; sed illos eiecit à Iudæa, nec amplius restituentur, sed semper erunt dispersi sine Rege, & Republica, vsque in finem mundi: quia istud peccatum non retractant; imò in illo sibi complacent: Deus verò non remittit peccatum eis, qui sunt in actuali impœnitentia. Vnde patet Prophetam non de venditione Ioseph, sed de Christi iusti venditione loqui.

32. Dicunt secundò, Christum non fuisse venditum à populo Hebræo, sed potius ab illo emptum, & venditum à discipulo Iuda: Propheta verò loquitur de venditione, non de emptione facta à populo: ergo Propheta non loquitur de Christo. Friuolum argumentum: 1. quia Propheta loquitur de peccato venditionis; negabunt ne Hebræi ipsos esse cooperatos huic peccato dando pretium, vt perageretur hæc venditio, & sequeretur Christi occisio? 2. quia in scriptura venditio pro emptione sumitur etiam iuxta ipsos Rabbinos, quod ex multis locis Sacræ Scripturæ constat 1. ex Numeri 20. *Dabimus, quod iustum est, & nulla erit in pretio difficultas.* 2. Prouerb. 31. num. 10. *De vltimis pretium eius.* In quibus locis pretium significatur per vocem Hebraicam *Micram*, qua tam venditio, quam emptio significatur: ergo cum venditio significetur à Propheta Amos per vocem *Micram*, venditio, & emptio pro eodem habendæ sunt. Accedit, quòd Iudas venditor Israelita erat.

33. Dicunt tertio. Amos dicit Israellem fecisse hoc peccatum, & non Iudam: sed Christus venditus fuit, vel emptus à Iuda; i, à Ierusalem, quæ est populus Iudaicus, & non ab Israel, quæ erat in Samaria: ergo Propheta eo loco de

de venditione Christi non loquitur. Resp. Hebræi non intelligere Scripturas, nec distinguere tempora, vt concordentur iura. Dico igitur, quando Populus Israel erat in Samaria, vbi colebantur Idola, eo tempore Ierusalem ab scriptura vocabatur Iuda, & Samaria, Israel: postquam autem omnes redempti fuerunt à captiuitate Babylonis, & redierunt in Ierusalem, omnes illi, qui redierunt, indifferenter vocari cæperunt populus Israel tam ex Iuda, quàm ex Samaria: siquidem Cyrus Persiarum Rex indiscriminatim omnibus Hebræis, tam ex Ierusalem, quàm ex Samaria redeundi simul Ierusalem facultatem concessit, vt constat ex Nehemia cap. 13. & ex Esdras cap. 8. Vbi omnes Hebræi sub eodem nomine Israel vocantur; quin inter Iudam, & Israel fiat vlla differentia. Vnde quando Propheta distinxit inter peccatum Iudæ, intelligendum est de Populo, qui erat in Ierusalem ante primi templi ruinam; tunc enim Ierusalem nominabatur Populus Iuda: quando autem loquitur de peccato Israel, intelligitur de toto populo, qui erat in Ierusalem tempore secundi templi, quando Christus venditus fuit: qui populus ab eo tempore incepit appellari Israel. Ex quo manifestè colligitur Prophetam loqui de venditione Christi per populum ingratum, & eo dignissimum supplicio, quo propter illud horribile, & execrabile quartum peccatum afficitur, & afficietur vsque in finem mundi, quandiu de peccato illo non doleat, Christumque recipiat, & baptizetur: & fiat cum Ecclesia Christiana vnum corpus mysticum Christi; vt Christi Spiritu viuatur, & saluetur; aliter in perpetuum damnabitur.

34. Dicunt 4. aliqui Rabbin, præsertim Rabbi Salomon, & Rabbi David Chimchim in expositione huius prophetiæ, per venditionem iusti, & pauperis intelligi venditionem litis iustæ pauperis; quam litem Iudices Ierusalem non volebant pauperi litiganti, nisi accipiendò ab illo pretium, & munera, adiudicare: vnde arguunt non intelligi prophetiam de venditione Messie iusti. Hæc tamen expo-

expositio falsa omnino est ; & apertè contra ipsum textum
 1. quia Propheta loquitur de venditione hominis , non de
 venditione litis. 2. quia Propheta dicit propter hoc peccatum
 vendendi Iustum , non esse vnquam parcendum populo
 illum vendituro : ergo non loquitur de illo peccato ,
 iudicandi per munera accepta à litigantibus : nam maiora
 peccata sunt idololatria , & occisio Prophetarum ; & tamen
 Deus illa remisit , reducendo populum iterum in Ierusalem :
 propter illud verò peccatum , ait populum illum à Ierusalem
 expulsum , nunquam esse iterum reducendum : ergo maius est
 illud peccatum , quod maiori punitur supplicio : aliter Deus
 esset iniustus Iudex . Et certè horribile illud peccatum
 Deicidij per iniquissimam venditionem dignissimum erat eo
 acerbissimo supplicio à Propheta prophetizato ; nimirum ,
 vt essent in perpetuo exilio sine spe reuertendi ad patriam ,
 dispersi , sine Rege , sine Principe , & Republica ; vt nunc
 omnes vident , & sunt iam præteriti 1680. anni , & plùs ;
 & sicerunt semper vsque ad finem mundi . Ex quibus
 omnibus euidenter colligitur , Prophetam Amos loqui de
 Christo Domino vendito per Iudæos ; & consequenter iam
 esse impletam in Christo Domino illam prophetiam ; Iudæosque
 esse in perpetua damnatione , Christum Saluatorem nostrum
 non recipiendo.

35. Secunda prophetia est Prophetæ Zachariæ cap. 11. num. 12. *Et appenderunt mercedem meam triginta argenteos : & dixit Dominus ad me : proijce illud ad Statuarium , decorum pretium , quo appretiatus sum ab eis .* Hanc prophetiam impletam esse in Christo Domino constat ex Sacro Euangelio Matth. 27. num. 9. *Tunc impletum est , quod dictum est per Prophetam dicentem : & acceperunt triginta argenteos pretium appretiati , quem appretiauerunt à filiis Israel : & dederunt eos in agrum figuli , sicut constituit mihi Dominus .* Et Act. 1. num. 19. Hæc prophetia est clarissima , & non potest intelligi nisi de Christo : nam solus Messias Christus est homo Deus ; vt supra ex Scripturis etiam veteris testamenti demonstratum est : Propheta verò hîc lo-

K

qui-

quitur de venditione hominis Dei : sic enim ait ipse Dominus per Prophetam : *decorum pretium, quo appretiatum sum*; ego Dominus : ergo non possunt Hebræi negare illam intelligi de Christo.

36. Contra hanc veritatem opponunt Hebræi. 1. Evangelistam Matthæum citare Ieremiam pro Zacharia : Ieremias enim non habet hanc prophetiam ; sed Zacharias : ergo &c. Respondetur 1. hanc instantiam Iudæorum non illos iuuare ad negandam veritatem , sed ad summum ad dicendum, fuisse vnum Prophetam citatum pro alio ; quod non infirmat veritatem rei : nam iam illi concedunt hoc expressè dici in Zacharia ; & ipsi etiam credunt prophetias Zachariæ esse eodem modo infallibiles, atque sunt prophetiæ Ieremiæ : si ergo illis iam constat de infallibilitate prophetiæ, quid interest de diuersitate nominis Prophetæ ; cum Spiritus Sanctus non minus per vnum, quam per alium eloquatur ? Ad difficultatem ergo de allegatione vnus Prophetæ pro alio, variz sunt responsiones Doctorum, vt videre est apud D. Augustin. lib. 3. de consensu Evangelistarum cap. 7. communior responsio est D. Hieron. Iansenij, Baronij, quos citat, & sequitur Suar. de vita Christi q. 46. art. 8. disp. 34. sect. 1. in fine : qui dicunt in multis codicibus textum Matthæi habere tantum sic. *Quod dictum est per Prophetam*, tacito eius nomine ; postea ab aliquo fuisse per errorem allegatum in margine Ieremiam pro Zacharia ; & ex margine irrepsisse in textum ; quod nihil refert, dummodo constet, vt constat, hanc Christi venditionem fuisse prædictam à Propheta vero, vt est Zacharias . Aliter respondet D. August. cit. dicendo, Ieremiam etiam habuisse illam prophetiam ; sed modò in illo textu deficere ; sicut multæ alię prophetiæ nunc non reperiuntur, & erant in Codicibus vetustissimis : vnde Evangelista potuisset apud se habere integras illius Prophetæ prophetias.

37. Opponunt 2. Evangelistam diuerso modo scripsisse prophetiam, atque est in Propheta : nam Propheta ait

ait pretium datum fuisse statuario; Euangelista, figulo. Hæc etiam instantia futilis est: nam satis est, quod Euangelium conforme sit prophetiæ in sensu, licet non in verbis: nam etiam David multas aliorum Prophetarum affert prophetias suis conformes in sensu, licet non in verbis: quia finis Prophetarum, & Euangelistarum non est transcribere verba, sed sensum; & omnes loquuntur eodem Spiritu Sancto, qui est Spiritus veritatis.

CAPVT SEPTIMVM.

Oportere iuxta prophetias Christum pati, crucifigi, ignominijs, & opprobrijs vexari, & morte crudelissima accidi.

38. **I**Mpii Iudæi falso excandescunt zelo, & maximum patiuntur scandalum, dum illis prædicatur Messias turpi confixus patibulo, quem expectabant gloriosum in throno: si tamen illi legerent, intelligerentq; Scripturas, Crucis mysterium agnoscerent; & crederent Deum esse illum, qui in carne assumpta pro nobis est crucifixus: imò si illis proponeretur Messias non patiens, nec moriens, falsus esset Messias; quia eo ipso non esset ille, quem Prophetæ prædixerant: ex quo patet eos à veritate aberrare, dum ipsi expectant alium diuersum ab illo, quem Prophetæ prædicauerunt venturum; ipsi expectant Regem temporalem Prophetæ prædixerunt Regem æternum; ipsi cum pompa, Prophetæ cum humilitate, ipsi cum diuitijs, Prophetæ cum inopia prædicere.

39 Sed videamus iam prophetias de Christi passione, opprobrijs, & morte ita clarè loquentes, vt non tam prophetiæ de futuro, quàm exactissima historia de præterito esse videatur. Sic enim ait Isaias cap. 53. Quis credidit auditui nostro? & brachium nostrum, cui reuelatum est? & ascendet sicut virgultum coram eo, & sicut radix de terra sitienti: non est species ei, neque decor: & vi-

„ dimus eum, & non erat aspectus; & desiderauimus eum.
 „ Despectum, & nouissimum virorum, virum dolorum,
 „ & scientem infirmitatem; & quasi absconditus vultus
 „ eius, & despectus: vnde nec reputauimus eum. Verè
 „ languores nostros ipse tulit; & dolores nostros ipse por-
 „ tauit; & nos putauimus eum, quasi leprosum, & per-
 „ cussum à Deo, & humiliatum: ipse autem vulneratus
 „ est propter iniquitates nostras; attritus est propter sce-
 „ lera nostra: disciplina pacis nostræ super eum: & liuo-
 „ re eius sanati sumus: omnes nos, quasi oues errauimus:
 „ vnusquisque in viam suam declinauit: & posuit Deus
 „ in eo iniquitatem omnium nostrum: oblatu est, quia
 „ ipse voluit, & non aperuit os suum: sicut ouis ad occi-
 „ sionem ducetur; & quasi agnus coram tondente se ob-
 „ mutescet; & non aperiet os suum. De angustia, & iudi-
 „ cio sublatus est: generationem eius quis enarrabit?
 „ quia abscissus est de terra viuentium: propter scelus
 „ populi mei percussus eum; & dabit impios pro sepultura,
 „ & diuitem pro morte sua: eo quod iniquitatem non fe-
 „ cerit, neque dolus fuerit in ore eius: & Dominus voluit
 „ contere eum in infirmitate: si posuerit pro peccato
 „ animam suam, videbit semen longæuum: & voluntas
 „ Domini in manu eius dirigetur: pro eo, quod labora-
 „ uit anima eius, videbit; & saturabitur: in scientia sua
 „ iustificabit ipse iustus seruus meus multos; & iniquita-
 „ tes eorum ipse portabit: ideo dispertiam ei plurimos, &
 „ sortium diuidet spolia; pro eo, quod tradidit in mortem
 „ animam suam; & cum sceleratis reputatus est; & ipse
 „ peccata multorum tulit; & pro transgressoribus roga-
 „ uit.

40. Omnia hæc impleta sunt ad vnguem in Sacratissi-
 ma Christi passione: & in hac clarissima prophetia osten-
 dit Propheta I. difficultatem, quam habituri erant Iudæi
 in credendo tam profundum mysterium sacratissimæ pas-
 sionis, dicens: *Quis credidit auditui nostro.* Et ratio diffi-
 cultatis in credendo est: quia Messias non generaretur,
 sicut

sicut alij homines per viam naturalis generationis ex matre, & femina corrupta; sed ascendere debuerat ex virgine sicut virgultum ex arbore, coram eo, idest, nullo in instanti fuit illud virgultum humanum sine vnione hypostatica cum Deo: de terra sitienti, id est, de Virgine absque vlllo maris semine; & ideo dicit: *Generationem eius quis enarrabit?* quia Messias duas habet generationes; vtramque mirabilem; primam æternam, qua generatur ab æterno Deus ex Deo Patre sine matre; secundam, qua generatus est in tempore homo ex Matre sine Patre. 2. ostendit hunc hominem Deum Messiam Sanctissimum ita positum à Deo in mundo, vt pateretur acerbissimos dolores propter scelera nostra; & 8. vicibus hoc in hac prophetia expressit. 1. *Languores nostros ipse tulit.* 2. *Dolores nostros ipse portauit.* 3. *vulneratus est propter iniquitates nostras.* 4. *atritus est propter scelera nostra.* 5. *posuit Deus in eo iniquitatem omnium nostrum.* 6. *propter scelus populi mei percussit eum.* 7. *iniquitates eorum ipse portabit.* 8. *ipse peccata multorum tulit:* ideo Propheta eandem rem toties repetiuit; vt intimaret summo conatu hominibus, quanto essent obstricti, & obligati homini Deo Sanctissimo Messiae, & Saluatori nostro Christo IESV; & vt illum summo amore complecteremur, gratiasque innumeras ageremus, maximè, quia id ex amore erga nos sua sponte fecerit; vt denotant verba: *Oblatus est, quia ipse voluit: tradidit animam suam in mortem, posuit animam suam pro peccato, s. suorum:* & ideo ostendit 3. illum fuisse innocentissimum dicens: *Iniquitatem non fecerit, neque dolus fuit in ore eius:* item tolerasse hos dolores, tormenta, iniurias, calumnias, opprobria, mortem incredibili patientia, quod significat per sequentia verba: *Non aperiet os suum, sicut ovis ad occisionem ducetur: quasi agnus coram tondente se obmutescet:* imò pro inimicis, & illum crucifigentibus, & inhumaniissime, crudelissimèque tractantibus à Patre veniam postulasse; & pro transgressoribus rogauit; quod etiam narrat Euangelium: *Pater ignosce illis.* &c. Ostendit 4. hos dolores,

& tor-

& tormenta, mortemque Sanctissimi Messie Christi IESV nostræ salutis remedium extitisse: *Cuius liuore sanati sumus. Disciplina pacis nostræ super eum.* Ostendit 5. tanta inhumanitate Iudæos, & illorum instigatione carnifices vsuros esse contra Christum mansuetissimum Agnum; vt ipse, qui est *splendor Patris, & speciosus forma præ filiis hominum*, ex cruore vulnerum, & misto puluere deformis ita redderetur, vt ei iam deesset species, & decor; videretur, & non esset aspectus, quasi esset mutatus in alium: *Non erat ei species, neque decor &c.* Ostendit 6. illum esse reputandum, quasi leprosum, à Deo reprobatum, & derelictum, & humiliatum: *Et nos putauimus eum quasi leprosum, & percussum à Deo, & humiliatum.* 7. cum sceleratis esse reputandum: *Et cum sceleratis reputatus est:* item illi dandam sepulturam, malefactoribus, & impijs dari consuetam, & nobilem quendam, ac diuitem, s. Ioseph ab Arimathia curaturum eidem mortuo dare sepulturam. *Dabit impijs pro sepultura; & diuitem pro morte.* 8. post mortem suam libenter pro salute hominum tolerandam fore, vt ille iam à mortuis rediuius semen longæuum videret; i. populum Christianum, per conuersionem gentium à Gentilismo, & multorum Iudæorum à Iudaismo: id denotant illa verba: *Si posuerit pro peccato animam suam, videbit semen longæuum: iustificabit multos. Dispersitiam ei plurimos. Fortium diuidet spolia, pro eo, quod tradidit animam suam.*

41. Hæc prophetia clarissimè impleta est in Christo Salvatore nostro, vt iam dictum est: quod quidem omnibus est notissimum; nec ista omnia verificata esse in Christo negant Iudæi: quia tamen vident se esse conuictos; execrabili cæcitate, & obstinatione dicunt Prophetam non loqui hic in sensu vero, pro Messia; sed in figuratiuo, pro populo Hebræo. Hæc tamen Iudæorum responsio indignissima est hominum rationis capacium, nec alia reiectione opus est; quàm illos, vt legant textum, monere, & eosdem risu exhibilare, & vt mentis expertes explodere. Di-

cant

cant Hebræi, si Isaias loquitur de populo, quomodo poterat cum veritate dicere illum non commisisse peccatum; cum expresse dicat peccata ipsius populi: *Ob scelus populi mei*; quomodo illum esse sine dolo; quando toties asserit dolos, iniquitates, idololatrias, & rebelliones populi ingrati erga ipsum Deum? Si loquitur de alio populo distincto à populo Hebræo; assignent, quis ille populus; quem Deus percussit, ut per eius percussionem, & mortem saluaret, & redimeret Iudæos? credant ergo ipsum populum esse sceleratum, & ipsum esse saluandum per filium Dei iustum, & innocentissimum. Fateantur item Redemptorem à populo redimendo esse distinctum, illum esse Agnum mansuetum, qui coram tondente se obmutescibat; Hebræum populum esse canem rabidum, qui latrabat: *Circumdederunt me canes multi*; ille obmutescens ad mortem ducebatur; ipsi clamantes, ad mortem adigebant, & incitabant. *At illi magis clamabant. Crucifige, crucifige eum*. Erubescant Iudæi, dum apertæ lucis radijs perstrictos habentes oculos tenebras appetunt, lucemque refugiunt.

42. Exponunt adhuc Hebræi verba illa, *percussi illum*, ut debeat legi, percussi illos, & consequenter non intelligitur de percussione facta Messie, sed facta populo, qui ex multis constat. Quod verò debeat legi: *Illos*, in numero plurali, probant: quia, scribitur per vocem Hebraicam, *Mem*, quæ significat numerum pluralem. Sed miseri Iudæi non vident, ut bene notavit Rabbi David Chimchim in lib. appellato, *Michol*, illam vocem *Mem* etiam significare pronomem singulare *illum*, & non *illos*, quod patet ex multis locis Sacræ Scripturæ. 1. ex Iob. cap. 22. ver. 3. *Numquid Deo potest comparari homo etiam cum perfecta fuerit scientia?* & text. Hebraicus ita habet: *Aut potest quidquam iuvare; si illi compareretur intelligens?* in quo loco, ut significaret illum in singulari, utitur illa voce *Mem*. 2. ex eodem Iob. cap. 20. ver. 23. *pluat super illum bellum suum*. Vbi per citatum Rabbinum dictio *Mem* assumitur ad significan-

candum pronomen, *illum* in singulari. Cum igitur illa dictio Hebraica sit indifferens ad significandum plurale; & singulare; non potest negari in textu Isaïæ, debere legi, propter scelus populi mei, *percussit illum*; non autem *percussit illos*: aliter totus contextus Isaïæ redderetur ineptissimus, & implicatorius; & omnino incohærens, si, dum semper in eo textu de Salvatore illo per passionem suam loquitur in singulari, in illo versiculo loquens de eodem, ut vno, debeat legi, ut de multis: unde vides, quanta sit obstinatio Iudæorum, ut, ne à veritate ipsa conuicti videantur, prophetiæ sensum detorqueant?

43. Instant perfidi Iudæi. Rabbinum illum, licet dicat illam dictionem *Mem* componentem nomen *Lamo* significare etiam numerum singularem; non loqui de illa litera, ut componit nomen *Mo*, ac proinde non bene eius auctoritatem allegari. Friuola instantia: nam differentia inter *Lamo*, & *Mo* sola est, quæ datur inter *ad illum*, & *illum*. Vtrumque est singulare; & solum variatur casus, non multiplicatur numerus, quod manifestè constat ex Genes. 9. vers. 27. *Benedictus Dominus Sem; sit Chanaan seruus eius*. Vbi casus obliquus, *Eius*, in singulari scribitur per dictionem *Lamo*, ita ut *La*, sit adiuncta vox, *Mo*, non ut multiplicet numerum, sed ut variet casum: nec potest negari nomen *Eius* illic significare singulare: nam ibi significat indiuiduum Sem; aliter sensus scripturæ esset mutatus. Hoc etiam constat ex Psal. 54. vers. 20. *Exaudiet Deus, & humiliabit illos, qui est ante secula*. Vbi nostra vulgata habet, *non est illis commutatio*. Hebraicus textus, legit. *Non est illi commutatio*. Et David Chimchim exponens hunc textum, sic ait: vox illa *Lamo* est sicut vox *Lo*, quæ significat illi, i, Deo, in singulari. Deinde Isaïas cap. 54. vers. 19. Loquendo de vno idolo in singulari, sic dicit. *Cor inspiens adorauit illud*, & significatur ibi per vocem *Lamo*: quæ ibi non significat idola in plurali, sed idolum in singulari: alios similes casus in Sacra Scriptura, ne multus sim, præmitto. Ex quibus manifestum est Prophetam loqui

loqui in supra posita prophetia de Messia passo in carne, & Hebræos, si hoc negant, à Prophetis, & à lege discedere. Vnde ipsi etiam Rabbini tandem euidenti illa prophetia conuicti affirmant Prophetam ibi loqui de Messia. Ita Rabbi Moyse super Genes. cap. 22. Ialcut signo 338. & in lib. Tanchuma Midras Tillim in Psal. 2. & antiquiores alij, approbatissimique Rabbini: cum ergo omnia illa, vt dictum est, fuerint, nullo dempto, verificata in Christo IESV, euidens est illum esse verum Messiam.

44. Hoc etiam Sanctissimæ Passionis arcanum recludit Isaias cap. 43. vers. 24. *Verumtamen seruire me fecisti in peccatis tuis: præbuiisti mihi laborem in iniquitatibus tuis: ego sum, ego sum ipse, qui deleo iniquitates tuas propter me, & peccatorum tuorum non recordabor.* Deus hic loquitur per Isaiam, & asserit peccata hominum effecisse, vt ipse Deus se faceret seruum, i, hominem; nam Deus, vt Deus, neminem supra se habet, cui seruiat: in condonandis iniquitatibus laborem patitur Messias Sanctissimus; Deus est, qui peccata delet: *Ego qui deleo*: homo est, qui tormenta patitur: *Mibi laborem*. Impassibilis, vt Deus, passibilis, vt homo. Non possunt igitur Hebræi passionem Messiae prædictam fuisse à Prophetis inficiari. Quod autem Messias Sanctissimus in Sacris Scripturis dicatur seruus; omnes Rabbini fatentur, & id illi probant ex Isaiæ cap. 52. vers. 13. *Ecce intelliget seruus meus, exaltabitur, & eleuabitur; & sublimis erit valde.* Idem expressit Zacharias c. 3. vers. 9. *Ecce ego adducam seruum meum Orientem: quia ecce lapis, quem dedi coram IESV: super lapidem vnum septem oculi sunt: Ecce ego calabo sculpturam eius, ait Dominus exercituum: & auferam iniquitatem terræ illius in die vna.* Expressè loqui Prophetam de Messia docet cum cæteris Rabbinis Rabbi Salomon in expositione huius textus. Dixit, *Adducam*, s, ego Deus adducam: quia naturæ viribus non poterat natura humana adduci, seu assumi per vnionem hypostaticam ad Verbi subsistentiam, per quam vnionem fieret Deus homo. Dixit: *Seruum meum*, propter

formam hominis, qui Dei est seruus. Dixit, *Orientem*; quia Oriens est nomen eius, vt ait idem Zacharias c. 6. num. 12. *Ecce vir oriens nomen eius.* Oriens quidem quā Deus Verbum æternum; quod oritur ex sinu Patris sine consortio Matris; oriens etiam, quā homo, dum oritur ex vtero Virginis MARIÆ Matris sine consortio viri. Dixit: *Ecce lapis*: quia in varijs sacræ paginæ locis Christus dicitur lapis, primariumque fundamentum Ecclesiæ: *Quem dedi coram IESV*, idest, coram Summo Sacerdote (visus enim fuerat Propheta Summus Sacerdos IESV vocatus:) Christus verò fuit præsentatus Summo Sacerdoti Cai-phæ, iuxta illud Matth. 26. vers. 57. *At illi tenentes IESVM duxerunt ad Cai-pham Principem Sacerdotum.* Itaque in ea visione Propheta vidit Christum præsentatum coram Summo Sacerdote; qui illum debuerat recipere, & non recepit, sed reprobauit in ea Synagoga Satanæ; vt sic impleretur alia scriptura, & prophetia in Psal. 117. vers. 22. *Lapidem, quem reprobauerunt edificantes, hic factus est in caput anguli; à Domino factum est istud; & est mirabile in oculis nostris:* & per hunc lapidem intelligi Messiam ipsi etiam Rabbini intellexere, vt supra vidimus: & verè Christus à Deo factus ex virgine in omnium oculis fuit mirabilis propter stupenda miracula, quæ in omnium oculis patrauit. *Super lapidem vnum septem oculi sunt*, possunt optimè exponi ex isto fonte lapideo septem cælestis aquæ manantes oculi; i, septem Ecclesiæ Sacramenta, quæ perennem gratiæ cælestis aquam effundunt: *Ecce ego calabo sculpturam eius;* i, mirabilem Ecclesiæ fabricam in summa perfectione operis construam. *Et auferam iniquitatem in die vna,* i, in die illa, qua Christus est passus, & Redemptionis opus consumauit, iuxta illud: *Consumatum est;* in illa die fuit ablata iniquitas, Diabolus superatus, & mors morte deuicta.

45. Opponunt Hebræi aliqui adhuc obstinatissimi has prophetias probare quidem passionem, & mortem Messiae; sed non ignominiosam Christi mortem per Crucem; ergo

ergo non loquuntur de Christo, quem nos fideles credimus crucifixum fuisse. Friuolum Hebræorum argumentum. An qui passus est crucem, non est passus? qui in cruce mortuus est, non est mortuus? quando igitur Prophetæ dicunt Messiam passurum, & moriturum esse; quocumque genere violentæ mortis, & passionis Messias patiatur, impleta est prophetia, quia mori in cruce est mori; pati in cruce est pati; solum argumentarentur bene, si Prophetæ dicerent moriturum, non autem morte crucis: quia iam moriendo in cruce, contradiceretur ipsi prophetiæ; sed, ne etiam istud miserum habeant effugium; ecce alia prophetia, quæ exprimit Messiam passurum esse mortem Crucis: sic enim ait idem Zacharias cap. 12. n. 10. *Et aspicient ad me, quem confixerunt*, quasi diceret Dominus; variæ sortes hominum aspicient ad me è cruce pendentem, clavisque eidem cruci confixum: quidam ex illis, qui me cruci affixerunt, Iudæi, & carnifices ab illis instigati aspicient, & mouebunt capita sua, dicentes: *Vab, qui destruis Templum Dei, & tertio die reedificas illud*: alij verò aspicient iam mortuum, & videntes terram moueri, petras scindi, sepulchra reserari, velum templi duas in partes subito rescindi: solem obscurari, iam aspicient me, vt me, i, vt Deum suum, & non solum vt hominem, & dicent: *verè Filius Dei erat*.

46. Vt autem intelligas, totam hanc prophetiam esse de Christo vero Messia in cruce posito propter scelera nostra; aduerte ad singula verba Prophetæ diuino Numine afflati; in quibus omnes circumstantiæ, effectus, & euentus huius sacratissimæ passionis mirabiliter explicantur. In primis n. 1. incipit: *Onus verbi Dei super Israel*, i, totum pondus istius prophetiæ, siue Verbi Domini, seu totam materiam, circa quam, esse Ecclesiam Christi; quæ dicitur Israel, i, videns, & cognoscens Deum: siquidem extra Ecclesiam Christi non cognoscitur verus Deus Trinus, & Vnus. In eodem num. 1. Vt ostendat suam hanc prophetiam verissimam, ait: illam fuisse dictatam non ab aliquo

falso numine, sed ab illo Deo, qui creauit Cœlum, & Terram, & homines : *Dixit Dominus extendens cœlum, & fundans terram, & fingens, i, produçens, spiritum hominis in eo; in corpore eius.* Ponit hîc omnipotentiam creantis, vt commendet infinitam veracitatem dicentis.

47. Sequitur num. 2. *Ecce ego ponam Ierusalem super liminare crapulæ omnibus populis in circuitu; sed & Iuda erit in obsidione contra Ierusalem, i, ego ponam, seu extruam Ecclesiam istam meam in ipso eius limine, siue principio, itaut fideles, i, Apostoli, & alij discipuli illam Ecclesiam sequentes, existimentur, vt ebrij; & crapulæ immerfi iuxta illud Aët. 2. vers. 15. Non enim, sicut vos eccistimatis, bi ebrij sunt,* non solum ab omnibus populis in circuitu mundi, sed ab ipsisetiam Iudæis Iudæ filijs; qui hanc nouam Ierusalem, i, Ecclesiam tunc incipientem obsidione cingent; i, Christi discipulos hinc, illic persequentes, in carcerem conijcientes, & occidentes, vt Petro, Stephano, & Iacobo effecerunt. Num. 3. *Et erit in die illa: ponam in Ierusalem lapidem tneris, i, lapidem firmum, & pondere immobilẽ cunctis populis, i, nationibus totius mundi, scilicet Messiam primarium lapidem huius nouæ Ierusalem, mœx Ecclesiæ per cunctos populos extendendæ: & omnes, qui leuabunt eam, idest, qui hanc Ecclesiam leuauerint, i, impugnaverint, & tanquam quid leue, & inutile iudicauerint, illam non sequentes, tanquam quid scandalosum, vt Iudæi, vel tanquam quid stultum, & vanum, vt gentes, concisione lacerabuntur; i, damnatione æterna punientur; iuxta illud eiusdem Domini: Euntes in mundum vniuersum prædicatẽ Euangelium omni creaturæ; qui crediderit, & baptizatus fuerit, saluus erit; qui vero non crediderit, condemnabitur.* Marci 16. vers. 15. & sequitur eodem num. *Et colligentur aduersus eam omnia regna terræ, i, contra istam Ecclesiam totus mundus insurget Christianos exquisitis martyrijs, & tormentis occidendo.* Et num. 4. *In die illa dicit Dominus, percutiam omnem equum in stuporem, & ascensorem eius in amentia, i, omnes tam subditi significati*
per

per equos, quàm Principes significati per ascensores; siue tam plebei, quàm equites, & nobiles corripientur stupore tot mirabilium narratorum; & omnes percussi prædicatione Euangelica vel videbunt suam cæcitatem, & conuertentur: vel non conuertentur, & in sua cæcitata percussi iacebunt; & *super domum Iudæ*, i, super Ecclesiam Messiae de Tribu Iudæ, *aperiam oculos meos*, i, videbo illos, & vt meos recognoscam iuxta illud: *Cognosco oues meas, & cognoscunt me meæ*. Et num. 5. *Et dicent Duces Iudæ in corde suo: Confortentur mihi habitatores Ierusalem, in Domino exercituum Deo eorum*, i, Apostoli duces dicent habitatoribus nouæ Ierusalem, s, Ecclesiæ in illam per baptismum ingressis, vt confortentur in Christo Domino Exercituum, i, cælestis militiæ. *Deo eorum*, i, intrantium in ipsam nouam Ierusalem per baptismum, hi enim adorant Christum credentes illum esse verum Deum; non ita perfidi Iudæi, & cæteri infideles.

48. Et num. 6. *In illa die ponam duces Iudæ, sicut cæminum ignis, in lignis, & sicut facem ignis in feno*, i, ponam Euangelizantes, vt testentur veritatem Euangelij per martirium ignis, aliorumque tormentorum. *Et deuorabunt ad dexteram, & ad sinistram*, i, ex omni parte deuorabunt omnes populos, i, in omnibus populis totius mundi erunt occisi Christiani. *Et habitabitur Ierusalem rursus in loco suo, in Ierusalem*, i, finitis persecutionibus, Ecclesia quiescet. Et n. 7. *Et saluabit Dominus tabernacula Iudæ*, i, liberabit singulas Ecclesias Christianæ Religionis, sicut in principio, quando nulla erat persecutio; *Vt non magnificet gloriatur domus David, & gloria habitantium Ierusalem contra Iudam*, i, vt nulla sit iam gloria Synagogæ, & antiquæ Ierusalem contra Iudam, i, contra Ecclesiam Christi ex tribu Iudæ descendens. Et num. 8. *In die illa proteget Dominus habitatores Ierusalem*, i, habitantes in Ecclesia noua Ierusalē. *Et erit, qui offenderit eos in die illa, quasi David, & domus David, quasi Dei, sicut Angelus Domini in*
com-

conspēctū eorum, i, qui fuerit petra offensionis prædicando hanc nouam Ierusalem contra Synagogam, erit in conspēctū fidelium sicut Angelus Domini, vt fuit Petrus, Paulus, & reliqui Apostoli; qui verè erant Angeli, i, missi à Domino. Et n. 9. *Et erit in illa die; quæram conterere omnes gentes, quæ venient contra Ierusalem*; i, paulatim destruam falsū cultum idololatrarum, qui Ecclesiæ opponentur. Et n. 10. *Et effundam super domum David*, & *super habitatores Ierusalem spiritum gratiæ*, & *precum*, i, super hanc Ecclesiam, quæ est regnum in domo David, iuxta illud, Luc. 1. vers. 32. *Dabit illi Dominus Deus sedem David Patris eius*, & *regnabit in domo Iacob in æternum*; & super fideles huius Ecclesiæ Christianæ solū erunt orationes, & preces Deo acceptæ; itaut in Synagoga, & in alijs superstitionis Sectis, nullæ sint preces, & orationes Deo acceptæ. *Et aspicient ad me, quem confixerunt*; idest, aspicient ad me crucifixum venerabundi, preces effundendo, & orando; & scient ipsi me propter sua peccata crucifixum; Iudæi me aspicient contemnendo, & peribunt; fideles aspicient honorando, & saluabuntur.

49. Et in vltimis verbis prophetiæ Propheta in spiritu vidit omnes fideles istius nouæ Ierusalem Dominum suum crucifixum plangentes: *In die illa magnus erit planctus in Ierusalem*, & illum plangent fideles occisum tanquam occisum primogenitum, & vnigenitum, s, primum, & vnicum Filium Deiparæ Matris. Et notandum est non præterijssē Prophetam etiam hanc circumstantiam planctus mulierum, vtpote sexus magis deuoti, dum illarum planctus ob Christum crucifixum prædicit, quinquies repetendo, & *mulieres plangent*, vt legenti textum patebit; & quodd ille planctus in illa die fiet in toto mundo. Quis enim non videat totam Ecclesiam plangere Christum crucifixum in die sacratissimæ passionis; istamque pietatem, & deuotionem à fœminis Christianis præcipuè exhiberi? Hanc pietatem exhibuerunt 1. mulieres in ipso die passionis

nis Domini, iuxta illud Lucæ 23. vers. 27. *Sequebatur autem illum turba multa populi, & mulierum, quæ plangebant, & lamentabantur eum: & 2. continuant omni die solemnitatis ipsius sacratissimæ passionis; & in vniuerso mundo Ecclesia à prima Dominica passionis veste lugubri plangit signa doloris exhibendo. Ex his manifestum est Prophetam in hac prophetia prædixisse Christum crucifixum, & deinde illum crucifixum tanquam primarium lapidem Ecclesiæ, & ipsius ordinem, & seriem inira distinctione descripsisse, quod consonum est cum eo, quod Christus Saluator noster dixerat: Si exaltatus fuero à terra, omni-
trabam ad meipsum, idest, post mortem, & passionem meam mundus vniuersus me suum Redemptorem agnosceret, & adorabit.*

CAPVT OCTAVVM.

Ostenditur ex alijs prophetijs Messiam in cruce clauis esse transfigendum.

50. **H**OC Crucis Christi mysterium clarissimis verbis expressit Dauid psal. 21. qui totus est de Messia, nec potest de alio exponi, sic ait, vers. 17. & sequentibus: *Quoniam circumdederunt me canes multi: concilium malignantium obsedit me. Foderunt manus meas, & pedes meos: dinumerauerunt omnia ossa mea. Ipsi vero considerauerunt, & inspexerunt me: diuiserunt sibi vestimenta mea, & super vestem meam miserunt sortem. Vbi manifestè vides præuidisse in spiritu Dauid totum, quod suo ordine successit in Christi passione. 1. Comprehensionem in horto Getsemani factam à militibus armatis; quos vocat canes, quia erant infideles, & gentiles, quibus. vñ sunt perfidi Hebræi; illos exposcendo à Pilato Præfide Romano in auxilium, vt tutò possent Christum comprehendere. 2. Concilium à Sacerdotibus Hebræis initum, vt Christum morte damnarent; quod vocat concilium malignantium;*

tium ; quia totum odio , inuidia , malignitateque æstua-
bat. 3. Ponit genus mortis illi datæ , clauis manus , &
pedes transfigendo in ligno Crucis , nudum in cruce po-
situm , vt vestibus nudato possent omnes ossa illius sic nu-
di dinumerare . 4. Ponit Iudæos illum è cruce pendentem
considerantes , & inspicientes . 5. Diuississe milites sacra
eius vestimenta , & supra inconsutilem eius vestem misisse
sortem . 6. Ponit preces , & orationem Christi ad Patrem .
7. Dicit illum fuisse exauditum à Patre illum resuscitan-
do à morte . 8. Dicit in huius passionis memoriam Eu-
charistiæ Sacramentum institutum . 9. Illum esse ado-
randum ab vniuersis familijs gentium . 10. Constitutam
mox Ecclesiam Christi Domini Regnum esse . 11. Illum
dominaturum esse gentibus . 12. Omnes Reges , & Prin-
cipes genua flexuros ante pedes eius . 13. Apostolos , Cœ-
lorum nomine significatos , eius iustitiam , seu legem Euan-
gelicam annuntiaturus nouo illi populo , qui nascetur ,
quem de nouo fecit Dominus , i, Ecclesiam Christianam .
Videant igitur Hebræi , si poterat Dauid clariùs loqui de
Christo Salvatore nostro ; in quo omnia prædicta fuerunt
suo ordine omnino impleta , vt narrant Euangelistæ ; nec
ipsi negant Hebræi : & omnes vident hunc Crucifixum ab
omnibus Regibus terræ adoratum .

§ 1. Hebræi videntes se hac euidētissima prophetia pror-
sus esse conuictos , ausi sunt per summam impudentiam
textum sacrum corrumpere ; & vbi textus Hebraicus ha-
bet Caru , i, *foderunt* ; posuerunt , Cari , i, *sicut vnus Leo* ;
quæ verba , cum nullum faciant sensum , obscurant , imò
reddunt ineptum sensum Prophetæ . Sed hæc est illorum
obstinatio , vt non erubescant reddere textum sine vllò
sensu ; ne veritati assentiantur . Vt intelligas hanc illorum
corruptionem textui factam ; scire debes multa Sacræ Scri-
pturæ loca ab illis esse corrupta : atque hoc illi fecere Rab-
bini , & appellarunt *Tucun Soferim* , s, corruptionem Scri-
barum ; & eò dementiæ deuenerunt , vt audeant dicere
hoc ab Eldræ factum fuisse , quod sanè falsissimum est :

nam

nam si ea corruptio facta fuisset ab Efdra, diceretur correctio Efdrae, & non Scribarum: an si D. Paulus corrigeret aliquem textum, diceretur correctio Augustini, & non Pauli? Igitur hic locus Psalms est vnus ex correptis, seu potius corruptis à perfidia Iudæorum, similis quidem alteri loco Ieremiæ 33. quem ipsi enormiter corruperunt, vt supra vidimus cap.3. Causa huiusce corruptionis fuit, quia videbant in Christo Domino clarissimè impleri scripturam de manibus, & pedibus in cruce transfixis; & in nullo alio impleri, nec cum omnibus circumstantijs impleri posse; ita textum, qui habet, Caru, i, foderunt, seu perforarunt, mutarunt in Cari, i, sicut Leo; qui nullum sensum facit. Videatur liber Masoreth tantæ autoritatis versus Hebræos, vt nullus maioris esse possit autoritatis. Vbi in expositione cap.24. Numeri. vers. 9. *Accubans, vt Leo*, ita dicit: *In quatuor Sacra Scriptura locis inuenitur hæc vox Cari: in duobus locis est punctata cum Camez, cum vocali longa; & in duobus punctata est cum pathach, i, cum vocali breui: & ponendo hunc locum Psal.22. in numero illorum quatuor locorum, dicit; hunc esse scriptum, Caru, i, perforauerunt, seu foderunt. Idem dicitur in Traditione Maiori, dicta Mesaraghedola, summæ autoritatis apud Hebræos, vbi sunt hæc verba: In aliquibus Codicibus correctis non reperitur Cari, sicut Leo; sed Caru, Perforarunt.* Ex quo manifestè patet ipsos vitiasse textum David, non aliâ de causâ, nisi, quia vident prophetiam impleri in Christo IESV, cuius manus, & pedes Iudæi perfidi in cruce perforauerunt: ergo Christus est verus Messias, de quo loquitur clarissimè Propheta in hoc loco.

§2. Hebræi obstinatissimi videndo se comprehensos in furto vitiandi Sacram Scripturam; vterius procedunt in amentia sua, dicendo hunc Psal. non loqui de Messia, sed de captiuitate Babylonis: dicuntque per titulum Psalms, *Pro susceptione Matutina*, intelligi Reginam Esther, & dicendo, *super vestem meam miserunt sortem, diuiserunt sibi*

vestimenta, intelligi de Mardochæo, spoliando, suspendendo per iniquum Haman; & de populo Iudaico, quem volebat ipse gladio confodere. Non potest certè magis stulta expositio excogitari, & plùs opposita menti Prophetæ. Propheta loquitur de eo, qui crucifigendus erat; & de eo, cuius manus, & pedes transfigendi; Mardochæus verò, quando fuit crucifixus? quando illius manus, & pedes fuerunt clavis transfixi? Propheta in ea prophetia dicit hunc Crucifixum esse adorandum ab vniuersis familijs terræ; quis non videt Christum ab vniuersis familijs gentium adorari? quo pacto hæc de Mardochæo verificata sunt? dicit item ibi Propheta illum daturum esse panem, quem qui manducet, viuet in æternum. *Edent pauperes, & saturabuntur, & laudabunt Dominum, qui requirunt eum; viuent corda eorum in sæculum sæculi.* Quis ignoret hoc impletum fuisse in Christo Salvatore nostro Crucifixo, qui dixit: *Ego sum panis viuus, qui de Cælo descendi; qui manducat hunc panem, viuet in æternum?* quomodo potest hoc Mardochæo applicari, vel populo Israelitico? Propheta ait per istum Dominum vniuersos fines terræ conuertendos esse ad Deum. *Reminiscuntur, & conuertentur ad Dominum vniuersi fines terræ:* hoc in Christo quis non videt? hoc in Mardochæo quis somniauit? de eodem dicit dominaturum terræ. *Domini est Regnum: & ipse dominabitur gentium.* Hoc in Christo verissimum; falsissimum in Mardochæo; & multò falsius in populo Israelitico, qui sine Rege, & Principe dispersus est; sub iugo ignominiosæ feruitutis, vt ipsi se considerant; & sine vlla spe à suo miserabili exilio reuertendi lugent; & vtinam suam dederent obstinationem, vt ad suum conuersi Salvatorem salutem obtinerent.

§ 3. Ex quibus etiam manifestum est, psalmum illum non loqui de ipso met Dauid, vt aliqui valde ignorantes Hebræi somniarunt. Quomodo enim ea, quæ supra vidimus, possunt personæ Dauid accommodari? Vnde Rabbi-
 si plùs docti exponunt psalmum illum de Messia; sicuti
 le-

legitur in libro Ialcut supra Isaïam cap. 31. & docent ibi Rabbini hunc Isaïæ locum, & Psalmum 22. loqui de Messia, & non posse de alio verificari, cùm textus illi sint perfecti clari.

54. Non minùs clarè loquitur de Messia crucifixo Propheta Isaïas cap. 63. *Quis est iste, qui venit de Edom tintis vestibus de Bosra? iste, formosus in stola sua, gradens in multitudine fortitudinis suæ.* Respondet Dominus IESVS: *Ego, qui loquor iustitiam; & propugnator sum ad saluandum;* & sequitur: *Quare ergo rubrum est indumentum tuum, & vestimenta tua, sicut calcantium in terrulari?* Respondet idem Dominus: *Torcular calcavi solus, & da gentibus non est vir mecum.* Qui textus citatur in lib. Ialcut fol. 386. vbi dicunt illi Rabbini Deum volentem punire Esau impium ponendo supra illum peccata ipsius, & videndo illum non potuisse supportare tantum pondus, supra se assumpsisse illa peccata; & mox vestis illa Domini alba sicut nix fuit facta rubra, & sanguinea. Dominus iste est Messias Deus, & homo: vestis est humanitas, quæ in passione Crucis facta fuit sanguinea, & rubra ex vulneribus acceptis in manibus, ac pedibus per clauos, & in capite per spinas, in latere per lanceam. Esau impius significat peccatores, qui pro peccatis non poterant satisfacere Deo: ideo necesse fuit, vt Deus homo in humanitate assumpta pateretur; hominesque saluaret; & sic merito dicit: *Propugnator sum ad saluandum,* per tormentum crucis figuratæ in torculari; quod Deus solus calcavit, i, solus Christus nos redemit: quia solus poterat exhibere æqualem satisfactionem: quæ prophetia clarior euadet per aliam prophetiam Zachariæ cap. 13. vers. 6. *Quid sunt plagæ istæ in medio manuum tuarum? & dicent: his plagatus sum in domo eorum, qui diligebant me.* In qua prophetia Propheta inducit Angelos Dominum interrogantes; quid significant illæ plagæ in medio manuum suarum, Christus Dominus eas infligitas sibi esse ab Hebræis respondit: quasi diceret; Hebræi, qui erant populus meus, qui me diligere debuerat, quem

ego præ cæteris populis amauì, totque beneficijs affeci, cui tot miracula patraui, toties à seruitute eripui, populumque meum mihi elegi; & tandem ego ipse ad eos descendi de cœlo, vt docerem, saluarem, & ad viam æternæ salutis perducerem; populus hic ingratus hæc mihi inflixit vulnera. Vbi notandum dixisse plagas in medio manuum, vt significaret genus mortis toleratæ, nempe Crucis, per manus in cruce transfixas, ad hoc vt cum cæteris Prophetis, qui mortem crucis prædixerant, concordaret: si enim alio mortis genere occideretur, iam non foret Messias à Prophetis prædictus. Hoc etiam genus mortis à Messia tolerandæ prædixerat Moyses Deuter. c. 23. v. 66. *Et erit vita tua quasi pendens ante te.* Quæ verba licet in sensu literalì intelligâtur pro vita cuiusq; Hebræi Deo rebellis semper exposita mortis periculo propter suam rebellionem; in sensu tamen allegorico multi Doctores, etiam Rabbinique interpretantur de Messia, qui nostra est vita; vt ipse de se dixit: *Ego sum via, veritas, & vita.* Et id dicitur Deuter. 30. vers. 20. *Ipse est enim vita tua &c.* Dum igitur Propheta dixit: *Vita tua erit pendens*, saltē in sensu allegorico, voluit significare Christum, qui nostra est vita, fore è Cruce pendentem: nam non minus est admittendus in scriptura vt verus sensus allegoricus allegoricè, quàm literalis literaliter.

55. Eodem modo in sensu figuratiuo voluit Deus significare in lege veteri nostram sanctificationem, benedictionemque è Crucis mysterio pendere; & ideo, quando Sacerdos populum benedicebat, manum aptabat in modum crucis; similiter quando vngebatur Sacerdos, vnctio illa fiebat quatuor guttis diffusis per modum huius signi X, quæ est figura Crucis; Reges verò per modum coronæ. O. Ita legitur in Talmud in tractatu Cherethoth cap. 1. lection. de compositione olei sacri. Idem affirmat Rabbi Salomon in expositione huius cæremonie, item in tractatu Menachoth c. 8. & in lib. Rabboth. in exposit. Exodi; vbi agitur de vnctione Summi Sacerdotis; & in lib. Auen

Scio-

Scioheu ; & reperitur in lib.Gharuc in radice Hebræa *Chi*, Græca *X*. Ratio est , quia omnis sanctificatio , iustificatio , & benedictio per Sacerdotes conferebatur spe Christi futuri , venturique ; vt per mortem crucis omnes redimeret à peccato , & vt esset nostra sanctificatio ; ideoque Deus voluit id multò antea per crucis figuram adumbrare .

56. Ex dictis manifestè constat prædictas illas prophetias impletas fuisse in Christo Domino, qui in Monte Caluariæ à Iudæis ingratissimè crucifixus fuit , vt constat ex historia Euangelica, nec negatur ab ipsis Hebræis; permittente Deo illud horribile sacrilegium , vt genus humanum per Sanctissimi Messiae mortem , perque eius pretiosissimum Sanguinem redimeretur ; tolleretur iniquitas , cœli portæ antea clausæ , idest , animæ etiam iustæ ante Christum cœlum non ingrediebantur , aperirentur ; in quo Deus infiniti sui erga mundum amoris signa panderet, iuxta illud; *sic Deus dilexit mundum, vt Filium suum vni-genitum daret* . Nunc restat explicare alias circumstantias, quæ in Christi passione euenere, quæ etiam per Prophetas fuere prædictæ ; quod expediemus alias prophetias in sequenti capite referendo .

CAPVT NONVM.

Ostenditur ex prophetijs Messiam felle, & aceto cruciandum .

57. **H**ÆC veritas expressè habetur in Ps.68. vers. 20. *Tu scis improperium meum , & confusionem meam, & reuerentiam meam. In conspectu tuo sunt omnes, qui tribulant me; improperium expectauit cor meum, & miseriam: & sustinui, qui simul contristaretur, & non fuit: & qui consolaretur, & non inueni. Et dederunt in escam meam fel ; & in suis mea potauerunt me aceto .* In hac prophetia tria dicit Propheta de Messia . 1. Summam illam ignominiam , & opprobrium Christi, dum nudus in patibulo inter duos latrones

trones suspensus fuit, tanquam famosus aliquis latro, impius, & malefactor; idque in conspectu innumeræ multitudinis diuersi status, & nationis, Romanorum, Græcorum, & Hebræorum; & ideo titulus damnationis fuit inscriptus literis Hebraicis, Græcis, & Latinis. Secundum. Omnes stare contra illum, quin pro se habuisset vllum defenso-rem; nam Hebræi illum fortiter accusabant; Romani sententiam iniquam ferebant; carnifices illum crudeliter, & immaniter torquebant; amici deseruerant; Mater Sanctissima acutissimo doloris gladio transfixa nati crudeliter cruciati, extremèque agonizantis augebat dolorem. Tertium. Quando ipse ostenderat acerbissima se affligi siti; fel, & acetum pro potu homines illos, seu potius immanes feras porrexisse. Hæc omnia impleta sunt in Christo; vt constat ex ipsa historia Euangelica, quod ipsi Hebræi non inficiantur, cum in omnium oculis facta fuerint. Ergo vel prophetia fuit falsa: vel Christus noster Saluator verus est Messias: primum non dicent Hebræi; ergo non debent negare secundum.

58. Huic demonstrationi ex Propheta cum non possint Hebræi respondere, dicunt prophetiam loqui de populo, dum erat in captiuitate Babylonis, non verò de Messia. Hæc tamen responsio est manifestè falsissima. I. quia quando in hoc Psalmo Dominus loquitur de se, semper ea dicit, quæ non possunt appropriari populo; & quando ibidem loquitur de populo; semper ea profert, quæ non possunt appropriari sibi: de se semper vt de vno; de populo semper, vt de multis. Attende Hebræe sedulè, & seriò ad singulos versiculos istius Psalmi. In vers. 1. pro titulo: *In finem pro ijs, qui commutabuntur*; apertè loquitur de populo commutato sæpiùs, modò de fidei in idololatram; modò de Idololatra in fidelem; & tandem de populo Dei in iam non populum Dei, in quo statu nunc miserrimè iacet; & tunc loquitur de populo, vt de multis; *Pro ijs, qui commutabuntur*. In vers. 2. vbi loquitur Dominus Sanctissimus Messias de aquis tribulationum inducen-
tium

tium ipsum ad mortem, per quam à corpore decederet anima; *Intraverunt aquæ usque ad animam meam*, non dicit *Salua nos*; sed *saluum me fac*; non dicit *animam nostram*, sed *animam meam*. In tertio, ubi loquitur de se sepulto in profundo terræ, & iam non existente Christi humanitate in illo triduo: *Infixus sum in limo profundi*, & *non est substantia*, i, non est iam illius ineffabilis compositi existentia: ibi dicit: *Infixus sum*, & *non infixi sumus*. Similiter, quando loquitur de ingressu ad mare suæ passionis: *Veni in altitudinem maris*, & *tempestas demersit me*. Non dicit *venimus*, sed *veni*. Non *tempestas demersit nos*, sed *demersit me*. In 4. cum significare voluit Dominus clamorem illum suum validum in cruce, & diuinos illos oculos iam deficientes, ac moribundos: *Laboravi clamans*, *raucæ factæ sunt fauces meæ*; *defecerunt oculi mei*, dum spero in Deum meum. Non dicit *Clamauimus*, sed *clamavi*; *fauces nostræ*, sed *meæ*, *oculi nostri*, sed *mei*. Et num. 5. quando voluit ostendere populum illum rebellem, qui eum ad mortem impellebat sine vlla causa; ita ut esset tam numerosus, ut plures essent inimici illi perfidi, quam capilli capitis sui; de illo ingrato populo, ut de pluribus loquitur: & sic non dixit: *Multiplicatus est*, sed *multiplicati sunt super capillos capitis mei*, qui oderunt me gratis. Similiter confortati sunt, qui persecuti sunt me inimici mei iniuste, dum per summam iniustitiam confortati sunt, & roborati cohorte præsidio militum Romanorum, & conuocatione turbæ Ierusalem instabilis, & volubilis. Sequitur in eodem versiculo, *quæ non rapui*, tunc *excoluebam*; i, pro delictis, & peccatis, quæ non commisi, sed alij, ego patiens satisfaciebam. Et quomodo hæc possunt verificari de populo? nunquid populus unquam fuit punitus pro peccatis aliorum, & non pro suis? unde non dixit: *Quæ non rapuimus*, *excoluebamur*, sed, *quæ non rapui*, tunc *excoluebam*: & sic cōsidera sequentes versiculos usque ad finem Psalmi, & clarissime videbis; quoties loquitur de Messia, semper loqui ut de singulari; quoties autem de populo, ut de plurali: atque adeo, quando in-

versic. 22. ait: *Dederunt in escam meam fel, & in siti mea potauerunt me aceto. Me*, in numero singulari intelligitur de Messia. *Dederunt, potauerunt*, in numero plurali, intelligitur de populo, & remanet prophetia verificata in Christo, qui in Crucis patibulo fuit felle, & aceto in siti sua crudeliter afflictus; & in illo ingratissimo, & inhumanissimo populo Iudæorum, qui Christo afflicto siti pro refrigerio fel, & acetum inhumaniter porrexere.

59. Secunda expositio pro solo populo, & non pro Messia falsissima omnino ostenditur: nam vers. 9. ubi dicitur. *Extraneus factus sum fratribus meis*: quomodo potest ab illis intelligi pro populo: siquidem Hebræi nullum, qui Hebræus non sit, habent ut fratrem; ideoque iudicant ab omnibus, qui Hebræi non sunt, sibi licere vsuras accipere: cui ergo fuit ille populus factus extraneus? Nobis? non: quia ipsi nolunt nos habere ut fratres suos: & textus ait, *extraneum factum fuisse fratribus*. Ipsi populo? non: quia populus non est extra populum, ideoque extraneus à se non potest dici. Solus igitur Christus potest dici extraneus factus fratribus suis Hebræis, sicut ipse erat: & id impletum est, quando illum extra Synagogam eiecerunt, & eos, qui Christum verum Messiam recipiebant, ut constat ex Ioan. 9. vers. 22. *Iam enim conspirauerant Iudæi, ut si quis eum confiteretur esse Christum, extra Synagogam fieret*. Unde Christus, & sumptus in se realiter; & sumptus in suis mysticè, i, corpus suum mysticum, siue populus Christianus extraneus factus est illis, qui tanquam fratres ex eodem Patre Abraham Patre fidelium, promissum Christum sequi debuerant: & illum tandem extraneum fecere; ut impleretur prophetia: *Extraneus factus sum fratribus meis*.

60. Replicant adhuc Iudæi primò. Populum Hebraicum tunc factum fuisse extraneum fratribus, quando ab Apostolis, Iudæis, & consequenter fratribus, utpote filijs eiusdem Patris Abraham fuit derelictus, tanquam extraneus; & sequuti sunt IESVM Nazarenum: ac proinde

Pro-

Prophetam loqui de populo, & non de Messia. Sed hæc obiectio ipsos iugulat Iudæos: nam quis potius factus fuit extraneus? Apostoli, quos Iudæi à Synagoga abieciabant, tanquam recedentes à lege, ut ipsi putabant, & iam fratres non nominabant; an ipsimet Iudæi, quos Apostoli ipsi à Deo electi ad prædicandum legem Evangelicam primò vocarunt tanquam fratres suos maiores? certè debent dicere Apostolos fuisse ab illis abiectos, tanquam extraneos; & non ipsos ab Apostolis, qui eos toties incitabant, ut veritati oculos aperirent, & aures applicarent, ad verbum Dei audiendum; & Paulus unus ex electis à Deo Apostolus aiebat: ad Rom.9. vers.3. *Optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, & gloria, & testamentum, & legislatio, & obsequium, & promissa; quorum Patres, & ex quibus est Christus secundum carnem, qui est super omnia Deus benedictus in sæcula.* Et Petrus Apostolus act.10. ver.36. *Verbum misit Deus filiis Israel annuncians pacem per Iesum Christum, qui est omnium Dominus.* Igitur in solo Christo fuit illa prophetia impleta: quia solus Christus fuit factus extraneus à Synagoga Iudæorum fratrum eius. Primò sumptus in se realiter. Secundò in suo corpore mystico, i, Ecclesia, seu populo Christiano, quem ipsi Hebræi faciunt extraneum, falsò putantes illum non esse veram Ecclesiam. Vnde deberent advertere Iudæi, Ecclesiam semper fuisse eandem à tempore primorum Parentum, siue sub lege naturali, siue sub lege scripta, siue tandem sub lege gratiæ, quamuis sub diuersis statibus; & semper fuisse Ecclesiam Christi, quia semper Fideles Religionem profitebantur sub Fide Christi promissi, & venturi; & modò fideles ipsi Religionem Catholicam profitentur sub fide eiusdem Christi, qui iam venit in primo aduentu, ad saluandum; & eiusdem Christi, ut venturi in secundo aduentu, ad iudicandum. Quare licet Hebræi sint iam extranei à vera Ecclesia, quia non profitentur sub fide Christi veri, qui iam venit, sed sub

falsâ fide alterius Christi, quem ipsi stolidè fingunt : attamen neque hoc modo potest Hebraicus populus dici factus extraneus secundum mentem Prophetæ : nam hic dicit illum, de quo ibi loquitur, conqueri, quod factus sit extraneus culpâ aliorum, & non à se: at vero populus Iudaicus ipse se facit extraneum à vera Ecclesia; & suâ culpâ nolunt Iudæi baptizari, vt per baptismi portam in Ecclesiam ingrediantur; & sic nolentes baptismum in æternum damnantur iuxta illud: *Qui crediderit, & baptizatus fuerit, saluus erit, qui verò non crediderit, condemnabitur*. Non potest igitur negari textum illum de Christo intelligi.

61. Replicant: secundò. Ille, de quo loquitur Dauid in eo. Psalmo, fatetur habere insipientiam, & ignorantiam, item habere peccata, vt constat ex vers. 6. *Deus tu scis insipientiam meam; & delicta mea à te non sunt abscondita*. Sed Messias nec ignorantiam, nec peccatum habere debet; vt prædicunt Prophetæ; & nos Christiani firma fide credimus; ergo ille Psalmus non loquitur de Messia; sed de populo, qui & est peccans, & ignorans. Hæc Hebræorum obiectio satis ostendit illos Sacrarum Scripturarum sensum non capere; & certè vnum ex supplicijs huic perfido populo à Deo inflictis ob peccatum non recipiendi Messiam Diuinum Magistrum, & Doctorem omnium Doctorem, (iuxta illud, vnus est Magister vester Christus) est cæcitas mentis, vt legentes non intelligant, & audientes non percipiant, vt impleatur id, quod prædictum est per Isaiam cap. 6. nu. 10. *Excæca cor populi huius, & aures eius aggraua, & oculos eius clande, ne fortè videat oculis suis, & auribus suis audiat, & corde suo intelligat, & conuertatur, & saluem eum*. Et querens Propheta à Domino, quousque cæcitas illa duratura esset? *Et dixi: vsquequo Domine?* Respondit ipse Dominus duraturam vsque ad mundi desolationem, i. vsque ad extremum diem iudicij: *Donec desolentur Ciuitates absque habitatore, & terra relinquetur deserta*. Et vt intelligeretur hanc cæcitatem Iudæorum esse in pœnam, non acceptandi suum Saluatorem, & eius Sanctam Ecclesiam.

fiam, subiungit; ex gentibus, quæ antea fuerant derelictæ formandam esse Ecclesiam; & solum in ea futurum semen Sanctum, i. fideles veram fidem, & iustificationem habituros: & *multiplicabitur, quæ derelicta fuerat in medio terræ, & adhuc in ea decimatio, & conuertetur, & erit in ostensionem sicut Terebinthus, & sicut quercus, quæ expandit ramos suos: semen sanctum erit id, quod steterit in ea.* Sed de hac cæcitate infra copiosius dicemus. Hæc igitur est causa, cur Hebræi obcæcati Sacræ Scripturæ sensum non percipiant; quia Deus in pœnam dono interpretationis Sacræ Scripturæ illos privavit; & hoc donum suæ Ecclesiæ, illiusque Doctoribus impertiuit. Mirum ergo non est, quod textum illum, vers. 6. *Tu scis, Domine, insipientiam meam, & delicta mea à te non sunt abscondita*, minimè intelligant, & hallucinentur.

62. Resp. igitur verba illa intelligi de Christo, sed in sensu mystico; non in sensu reali. Vt intelligas, aduerte Sacram Scripturam posse aliquando exponi secundum sensum literalem, siue realem: aliquando secundum sensum figuratiuum; aliquando secundum sensum mysticum. v. g. Quando Ioseph fuit venditus à fratribus suis, Scriptura loquitur in sensu reali, seu literali de venditione Ioseph; quia ille realiter fuit venditus; in sensu autem figuratiuo fuit Christus venditus ab Hebræis fratribus suis; quia in Ioseph vendito figurabatur Christus pro tempore futuro vendendus à suis fratribus Hebræis. Similiter quando Scriptura narrat Abel fuisse occisum à Cain fratre suo; in sensu reali loquitur de Abel, quia realiter fuit occisus à Cain fratre suo; in sensu autem figuratiuo intelligitur de Christo, quia Abel occisus à fratre erat figura Christi pro tempore futuro occidendi à fratribus suis Hebræis. Vnde Scriptura respectu Abelis, & Iosephi erat historia de præterito; respectu autem Christi erat prophetia de futuro. Sensus mysticus præcipuè fit, quando multi *promiscuè* constituunt vnum quoddam totum; ut quilibet fidelis est pars Corporis Christi mystici, & quilibet dicitur

membrum Christi; sicut pars quælibet physica Christi, v.g. manus, pes, brachium, dicitur membrum Christi physice sumpti, vnde quando aliquis fidelis occiditur, dicitur Christus mystice pati in illo membro sui corporis mystici: Deinde aduertenda duo principia generalia. Primum est, Scripturam Sacram semper interpretandam esse prout verba sonant, quando inde non sequitur aliqua implicatio ipsius Scripturæ: quia Scriptura Sacra, vtpote verbum Dei non potest implicari: aliter Deus sibi contradiceret; quod est omnino impossibile. Hoc principium desumitur ex Concilio Tridentino sess. 4. in decreto de editione, & usu Sacrorum librorum. Secundum principium est: quoties aliqua verba Sacræ Scripturæ intellecta, vt sonant, habent repugnantiam, & contradictionem cum Sacra alia Scriptura; non debere tunc sumi in sensu literali, sed in alio sensu non repugnante. Hoc principium desumitur ex D. Paulo 2. ad Corinth, cap. 3. vers. 6. *Non litera, sed spiritus: littera enim occidit: Spiritus autem viuificat.* His ergo præiactis, manifesta est solutio ad illam Hebræorum objectionem: respondetur enim, quando in illo Psalmo Christus dicit. *Tu scis insipientiam meam; & delicta mea à te non sunt abscondita;* non intelligi de Christo in sensu reali; quia aliter aduersaretur alij Scripturæ, quæ asserit Christum esse summam sapientiam, & nullum habere peccatum, nec posse habere: ergo debet intelligi de Christo mystice, seu de suo corpore mystico, i. fidelium, qui & ignorantiam, & peccata possunt habere: vnde perinde est: *Tu scis insipientiam meam*, ac insipientiam meorum; *Delicta mea*, i. delicta meorum; quæ ego mystice feci mea, vt pro illis satisfaciam; & hic intellectus in eodem Psalmo declaratur in illis verbis: *Quæ non rapui, iuns exsoluebam.* Sicut fideiussor, qui sit debitor debitorum, quæ ipse non contraxit; & sic intelligendus est Psal. 21. *Deus Deus meus, respice in me: quare me dereliquisti: longè à salute mea verba delictorum meorum*, i. meorum; quia illa suscepi tanquam mea; vt pro illis satisfacerem: quod etiam docuit Paul. 2. ad Corinth. 5. vers. 21. *Eum, qui non natus erat*

uerat peccatum, pro nobis peccatum fecit; ut nos efficereamur iustitia Dei in ipso; idest: eum, qui practicè non nouerat peccatum, seu, qui nec peccauit, nec poterat peccare, peccatorem fecit, idest, debitorem ipsius peccati; ut pro illo moretur, & cum æqualitate satisfaceret; & nos, iam soluto nostro debito plenissimè, in Christo haberemus ius ad gloriam.

64. Eodem modo, quando Christus dicitur Agnus occisus ab origine mundi Apoc. 13. vers. 8. *Quorum non sunt scripta nomina in libro vitæ Agni, qui occisus est ab origine mundi;* non debet intelligi in sensu reali, quantum ad tempus suæ mortis: quia id repugnat Sacræ Scripturæ; ex qua constat multò post fuisse occisum in Ierusalem: intelligendum ergo id est, vel in sensu figuratiuo: quia in Abel occiso ab origine mundi à suo fratre Caino figurabatur Agnus mansuetus Christus, occisus à suis fratribus Cainis id est Hebræis; vel in sensu mystico; quia in illo fideli tanquam in suo membro corpus mysticum Christi occidebatur. Ex quibus clarissimè constat Psalmum 68. loqui de Messia, quando dicit fel, & acetum in sua passione gustatum. *Derunt in escam meam fel, & in feni mea potauerunt me aceto;* quod, ut dictum est, fuit impletum in Christo Domino passo in Cruce, prout narrant Euangelistæ, nec factum istud negant Hebræi. De eodem tormento felle à Messia gustandi loquitur Ieremias Tren. 3. vers. 5. *Circumdedit me felle, & labare.* Et vers. 15. *Repleuit me amaritudinibus: inebriauit me absynthio.* Et vers. 19. *Recordare paupertatis, & transgressionis meæ, absynthij, & felle.* Quem textum omnes etiam Rabbini intelligunt de Messia: ergo non potest negari hanc prophetiam de felle, & aceto fuisse in Christo impletam.

CAPVT DECIMVM.

Ostenditur ex prophetijs Solem, & Lunam, quando Christus esset Crucifixus, obscurari debere.

63. **I**saïas cap. 50. vers. 3. clarissimè ait in morte Messie futuras esse tenebras super vniuersam terram: sic enim ait. *Induam Cælos tenebris, & saccum ponam operimentum eorum.* Idem expressè prædixit Propheta Joel, cap. 3. vers. 15. *Sol, & Luna obtenebrati sunt, & Stelle retraxerunt splendorem suum,* quod impletum fuit in Christo in die mortis suæ, vt narrant Euangelistæ. Quòd autem hi Prophetæ loquantur de his tenebris per vniuersum Orbem factis, tempore passionis Messie, probatur primò ex Midras Echa in expositione lamentationum Ieremiæ, vbi allegatur Rabbi Samuel filius Nahaman, & citat prædictos textus Isaïæ cap. 50. & Joel. cap. 3. ad probandum ea euentura esse tempore tribulationis, passionisque Regis Messie. Probatur secundò exponendo, & considerando verba vtriusque prophetiæ, quæ quidem nulli alteri possunt applicari, nisi Christo vero Messie. Nam Isaïas in citato loco sic incipit vers. 1. *Hæc dicit Dominus:* Declarat verba illa Dei esse, non sua, summam authoritatem Dei loquentis, vt veritatem infallibilem suadeat. Sequitur: *Quis hic liber repudij matris vestræ, quo dimisi eam? aut quis est creditor meus, cui vendidi vos? ecce in iniquitatibus vestris venditi estis: in sceleribus vestris dimisi Matrem vestram.* Textus est clarus de reprobatione Synagogæ, quam Deus repudiavit, & quasi à se alienauit, & vendidit propter scelera istius Synagogæ Matris iniquæ: & vt ostenderet, quæ fuisset huius repudij causa, & quod crimen eius, illam Deus designat vers. 2. *Quia veni, & non erat vir,* i. ego Dominus vester in carne assumpta veni ad saluandum vos, & non erat ex vobis vllus vir, qui me reciperet; nec ex Principibus, quia omnes me condemnastis, dicendo: *Reus est mortis,*
& me

& me Regem naturalem, æternum, Cæsari extraneo Regi temporali postposuistis. Ioan. 19. vers. 15. *Responderunt Pontifices: Non habemus Regem, nisi Cæsarem.* Nec ex plebæis, qui omnes sceleratum, & impium hominem mihi Domino soli sancto, & iusto anteposuerunt. *Tolle hunc, & dimitte nobis Barabbam.* Luc. 23. vers. 19. *Respondit uniuersus populus: Sanguis eius super nos, & super filios nostros.* Matth. 27. vers. 25. Atque adeo ego veni, & non fuit ullus, qui me acceptaret, neque ex primoribus, neque ex plebe, non erat vir. Sequitur: *Vocani,* & non erat, qui audiret, i, non iam mihi, qui vos vocaret ad me, vt antea feci per meos Prophetas: sed ego ipse veni, & vos vocaui, & non audistis: *Veni, & vocaui.*

65. Sequitur. *Nunquid abbreviata, & paruula facta est manus in ea, vt non possim redimere: aut non est in me virtus ad liberandum?* i, quia me vidistis in forma paruula, & abbreviata meæ humanitatis, abbreviata, & paruula facta est mea omnipotentia, aut diminuta est infinita virtus mea; vt vos non possim redimere, & liberare à captiuitate peccati? desine ego esse Deus, quando sum factus homo? *Ecce in increpatione mea desertum faciam mare, ponam flumina in siccum:* i, Ecce, quoniam me increpastis, & reprobastis, me occidendo, crucifigendoque iniuste; Synagogam istam, quæ antea erat plena mari gratiæ, & cœlestis benedictionis, reddam desertam ab aquis, & terram siccam absque humore gratiæ, item flumina, i, prophetas, antea plenos eadem gratiæ cœlestis aqua, faciam siccos, & vacuos; nec erunt iam prophetæ, & preces illius maris, i, Hebræi absque illa aqua saluari putrescent, & morientur, i, damnabuntur morte æterna: ideo in hac die, qua me suspendistis in ligno: *Inducam Cœlos tenebris, & ponam saccum operimentum eorum. Et tenebræ factæ sunt super vniuersam terram.* Et vers. 4. *Dominus dedit mihi linguam eruditam, vt sciam sustentare eum, qui lassus est, verbo, erigit mane, mane erigit mihi aurem, vt audiam, quasi Magistrum: Dominus Deus aperuit mihi aurem; ego autem non*

contradico: retrorsum non abij: i, Pater meus me edocuit, mane, & mane, & ego vos docui, quæ audiui ab eo; & mea doctrina non est mea, sed eius, qui misit me, Patris: & illi non contradixi, non retrorsum abij, etiam vobis resistentibus, & audire nolentibus: nullam vim vobis intuli; imò sine vlla mea resistentia corpus meum flagellastis; dedi genas meas vellentibus, & faciem meam non auerti ab increpantibus, & conspuentibus in me: *Dominus Deus auxiliator meus; ideo non sum confusus, i*, Deus me suscitauit cum gloria, quem vos occidistis cum ignominia. Ex quibus manifestè patet Christum Dominum esse illum, de quo Isaias hinc loquitur: siquidem omnia narrat spiritu illo prophetico, quæ in Christo Domino ad vnguem impleta sunt: nec vllus potest assignari, cui hæc omnia conuenerint, nisi Christus IESVS Saluator noster: ergo ille est verus Messias.

66. Quodd verò Propheta Joel in dicto cap. 3. vers. 15. per ea verba: *Sol, & Luna obtenebrati sunt, & Stelle retraxerunt splendorem suum*; expressè loquatur de illis tenebris per vniuersam terram factis in die mortis Christi Salvatoris nostri, patet, ex alijs, quæ ibi narrat spiritu prophetico, quæ Christo contigerunt: sic enim ait statim post illa verba: *Et Dominus de Sion rugiet, i*, clamabit; iuxta illud, *Clamauit voce magna, & de Ierusalem dabit vocem suam*; i, prædicando, & docendo, iuxta illud: *Prædicans verbum Dei, & quotidie eram apud vos docens in templo. Et mouebuntur cæli, & terra*, quod tunc euenit, iuxta illud *Terræmotus factus est: ecce mota est terra. Tenebræ factæ sunt*; ecce moti sunt cæli: *Et Dominus spes populi sui, i*, Ecclesiæ suæ; quia hæc est iam populus suus; & non Synagoga: *Et fortitudo filiorum Israel, i*, Christianorum, qui soli iam dici possunt videntes Deum; siquidem non solum sunt filij Israel, & Abrahæ; qui descendunt per descendentiā carnis, sed ij, qui descendunt per descendentiā fidei, & spiritus, vt bene ait Paulus ad Rom. 9. *Non enim omnes, qui ex Israel sunt, ij sunt Israelitæ, neque qui semen sunt*

Sunt Abraham omnes filij: sed in Isaac vocabitur tibi semen, i, non qui filij carnis, hi filij Dei; sed qui filij sunt promissionis, estimantur in semine: promissionis enim hoc est: Secundum tempus veniam.

67. Sequitur: *Et scietis, quia ego Dominus Deus vester habitans in Sion Monte Sancto; i, vos, qui fideles estis, me Messiam Dominum, & Deum vestrum cognoscetis, in Monte Sancto, i, in Ecclesia, in qua sola est vera sanctitas: Et erit Ierusalem Sancta. Idest, Sancta, & Catholica Ecclesia. Et alieni non transibunt per eam amplius, i, Ecclesia ista non labefactabitur ab infidelibus, & Diabolo, iuxta illud: Porta Inferi non praevalerunt aduersus eam. In illa die stillabunt montes dulcedinem, & colles fluent lacte, Loquitur de spiritualibus consolationibus, quas habent Sancti in Ecclesia, iuxta illud: Abundant consolationes nostrae; & iuxta illud: gaudium vestrum nemo tollet à vobis. Neque enim Spiritus Sanctus tot suscicaret Prophetas, ad prædicandam dulcedinem materiale mellis, & lactis, vt Iudæi materiales existimant. Per omnes riuos Iudæ ibunt aquæ; i, per omnes Ecclesias particulares Iudæ, i, Christi ex tribu Iudæ prognati ibunt aquæ baptismi: Et fons de Domo Domini egredietur; i, fons baptismalis, & fons Sacramenti poenitentiae de Ecclesia, quæ est Domus Domini: Et irrigabit torrentem spinarum; i, per aquam baptismi gentiles; & per aquam Sacramenti poenitentiae peccatores, qui omnes spinarum torrens meritò appellantur: Ægyptus in desolationem erit, & Idumæa in desertum perditionis; i, Idololatriæ infidelium destruentur: pro eo, quòd iniquè egerint in filios Iudæ, & effuderint sanguinem innocentem in terra sua, i, pro eo, quòd Christianos filios Christi ex Iudæ tribu prognatos varijs martyrijs occiderint: nam sanguis martyrum semen fidelium est; & per fidem fidelium destruitur infidelitas gentilium: Et Iudæa in æternum habitabitur, & Ierusalem in generationem, & generationem, i, Ecclesia ista Christiana, nouaque Ierusalem, quæ est regnum Christi, durabit in perpetuum, iuxta illud: Et regni eius non erit*

O

finis,

finis, & regnabit in domo Iacob in æternum: & non potest intelligi Propheta de Iudæa, & Ierusalem materiali; aliter prophetia esset falsa, quia Iudæa, & Ierusalem iam ab anno 1600. & amplius non habitatur à Iudæis; Ecclesia autem Christi ab illo tempore durat, & durabit vsque ad finem mundi militans; & per totam æternitatem triumphans: Et mundabo sanguinem eorum, quem non mundaueram; i, per martirium martyrum ita illos mundabo, vt sine vlla macula purganda in purgatorio martyres à patibulo ascendant ad Cælum: quod priuilegium perfectæ munditiæ alijs occisis non fuit à me concessum: Et Dominus commorabitur in Sion, i, Christus semper erit in Ecclesia sua, per realem præsentiam Sacramenti, iuxta illud: Ecce ego vobiscum sum omnibus diebus vsque ad consummationem sæculi, per inuisibilem etiam assistentiam suam, & per visibilem per suum Vicarium in terra Pontificem Romanum. Ex quibus manifestum est Prophetam in eo loco loqui de tenebris in morte Christi: siquidem vt vides, spiritu prophetico narrat omnia, quæ ab illo tempore in Christo verificata sunt. Hæc si legant Iudæi, & qualicunque vsu rationis polleant, Christum Saluatorem nostrum verum esse Messiam non negabunt.

C A P V T V N D E C I M V M.

Ostenditur Messiam resurrecturum à mortuis secundum prophetias.

68. **C**HRIſTVM ſeruatoreſurrexiſſe à mortuis conſtat ex Sacris Euangelis; nec Hebræorum proteruia poteſt infirmare hanc veritatem tot hominum ſanctiſſimorum oculis patentem; quales fuerunt Apoſtoli, & diſcipuli Domini; qui per ſpatium dierum quadraginta cum illo ſunt collocti, palpando illius manus, & pedes, cum illo manducando, recipiendo ab illo. Euangelica præcepta: hancque veritatem multis, ſtupen-

diſque:

disque miraculis confirmarunt; itaut innumeri Hebræi ad fidem conuerterentur; istudque mirabile Resurrectionis mysterium firma fide crediderunt: quia tamen Iudæi, possunt dicere; potuisse illum resurgere, & tamen non esse Messiam; multi enim resurrexere, & tamen nullus ex illis fuit Messias; oportet probare Messiam resurcturum à mortuis secundum prophetias. Clara quidem est prophetia Isaïæ cap. 53. vbi sic ait loquens de Messia: *Si posuerit pro peccato animam suam, videbit semen longæuum*, 1, semen spirituale, seu filios spirituales, 1, filios suos, & mox subiungit: *pro eo, quod tradidit animam suam, &c.* Si post mortem videbit viuus: ergo non permanfit mortuus; sed resurrexit, vt videret iam viuus. Quod autem Propheta loquatur de Messia in eo loco, supra ostendimus cap. 7. Secunda prophetia est Davidis: Psal. 131. vers. 8. *Surge, Domine, in requiem tuam, tu, & Arca sanctificationis tue: Sacerdotes tui induantur iustitiam, & sancti tui exultent.* Qui Psalmus manifestè est de Messia, etiam secundum Rabbinos: & considerat ibi Propheta tres circumstantias. 1. quod Arca sanctificationis, 1, Deipara Sanctissima deberet resurgere. 2. quod Sacerdotes eius, 1, Apostoli post eius resurrectionem induerentur iustitiam, 1, confirmarentur in gratia. 3. quod iusti, 1, discipuli, & fideles, summâ lætitiâ exultarent in hac sancta Resurrectione: quod quidem impletum est in discipulis, vt constat ex Euangelio: *Gausti sunt discipuli viso Domino.* Et Psal. 2. *Dominus dixit ad me: Filius meus es tu: ego hodie genui te: postula à me; & dabo tibi gentes hereditatem tuam; & possessionem tuam terminos terræ; Reges eos in virga ferrea; & tanquam vas figuli confringes eos.* Certum quidem est hereditatem, 1, Ecclesiam fidelium vsque ad terminos terræ protensam, non fuisse à Christo possessam, nec in virga ferrea, 1, nunquam frangenda rectam, & gubernatam actu, nisi multo tempore post passionem, & mortem suam: sed mortuus non dicitur possidere, aut regere, ergo si possedit, & rexit

post mortem suam, resurgere necesse fuit, vt viuus possideret, ac regeret.

70. Tertia prophetia est eiusdem Dauidis Psal. 3. *Domine, quid multiplicati sunt, qui tribulant me; multi insurgunt aduersum me. Multi dicunt animæ meæ: non est salus ipsi in Deo eius: Tu autem susceptor meus es, gloria mea, & exaltans caput meum: voce mea ad Dominum clamaui, & exaudivit me de monte sancto suo: ego dormiui, & soporatus sum; & exsurrexi, quia Dominus suscepit me.* Hic Psalmus totus est de Messia, vt Rabbini ipsi non inficiantur. Et clarissimè mortem Messiae, eiusque resurrectionem declarat. In primo versiculo narrat mortem à suis inimicis sibi illatā. *Multiplicati sunt, qui tribulant me, multi insurgunt aduersum me.* In secundo cum iam sanctissima illa anima esset à Sacrosancto Corpore per mortem statim separanda, describit linguas illas blasphemias Iudæorum dicentium Christum ab illis occisum non esse à morte saluandum, & resuscitandum per Deum Patrem suum. *Multi dicunt animæ meæ: non est salus ipsi in Deo eius.* Et hæ Iudæorum blasphemias proferendæ in morte Christi prædictæ fuerant per eundem Prophetam Psal. 21. qui Psalmus manifestè est de Messia, vt nullus negat, nec Christianus, nec Hebræus. *Omnes videntes me, deriserunt me; locuti sunt labijs; & mouerunt caput: & continuat, vt quasi per ironiam, & subrisoriè dicerent: Sperauit in Domino, eripiat eum, saluum faciat eum, quoniam vult eum.* Et id ipsum fuit prædictum Sapient. 2. v. 9. & omnia fuerunt impleta in Christo, dū è cruce moribundus pendebat, vt narrat Euangelium Matth. c. 27. vers. 39. *Blasphemabant eum mouentes capita sua, & dicētes: Vab, qui destruis templum Dei, & in triduo illud reedificas, salua te metipsum: si filius Dei es, descende de cruce. Similiter & principes Sacerdotum illudentes eum Scribis, & Senioribus dicebant: alios saluos fecit, seipsum non potest saluum facere. Si Rex Israel est, descendat nunc de cruce, & credimus ei: confidit in Deo, liberet nunc, si vult*

ſi uult eum: Dixit enim, quia Filius Dei ſum. Hoc ergo uoluit Dauid ſignificare in illo uerſiculo: Multi dicunt &c.

71. In tertio uerſiculo eiſdem Pſal. 3. loquitur Chriſtus cum Eterno Patre, dicens: Tu me poteſ a morte ſuſcipere, glorificare, & exaltare. *Tu ſuſceptor meus es, gloria mea, & exaltans caput meum.* In 4. uerſ. ait ſe clamare ad Patrem, & fuiſſe exauditum de Monte Caluario ſancto; quia in illo deleta eſt iniquitas, & ſanctitas amiſſa reparata per Chriſti mortem. *Voce mea ad Dominum clamaui; & exaudivit me de monte ſancto ſuo.* In quinto uerſiculo dicit idem Dominus ſe tandem mortuum fuiſſe, ſed hanc mortem fuiſſe, quaſi ſomnum, & ſoporem; quia mors illa fuit per tres dies, poſt quos Pater illum a mortuis reſuscitaui, ibi. *Ego dormiui, & ſoporatus ſum; & exurrexi; quia Dominus ſuſcepit me.* Hæc prophetia de reſurrectione Chriſti eſt manifeſta, & a nullo poteſt, qui rationis compos ſit, pernegari. Quarta prophetia eſt eiſdem Dauid Pſal. 40. uerſ. 9. *Verbum iniquum conſtituerunt aduerſum me: Nunquid qui dormit, non adiciet, ut reſurgat? Etenim homo pacis mea, in quo ſperaui: qui edebat panes meos, magnificauit ſuper me ſupplantationem: tu autem Domine miſerere mei, & reſuscita me, & retribue eis.*

72. In hac prophetia primo loquitur Dominus de illo falſo teſtimonio impoſito ipſi Domino a Iudæis: nam cum Chriſtus dixiſſet: *Soluite templum hoc, & in tribus diebus excitabo illud*, ut habet Ioan. cap. 2. uerſ. 19. Iudæi falſo exiſtimarunt Chriſtum loqui de templo materiali. Dixerunt ergo Iudæi: *quadraginta, & ſex annis ædificatum eſt templum hoc: & tu in tribus diebus excitabis illud?* Chriſtus uero non loquebatur de templo materiali, ſed de templo corporis ſui: quod per Iudæos deſtructum, poſt tres dies erat reſuscitandum: ut ait idem Ioan. citatus: quare falſum teſtimonium dixere, ut ait Marc. 14. uerſ. 57. *Et quidam ſurgentes falſum teſtimonium ferebant aduerſus eum, dicentes; quoniam uos audiuiſmus eum dicentem: Ego diſſoluam tem-*
plum

plum hoc manu factum; & per triduum aliud non manu factum edificabo: & non erat conueniens testimonium: vnus enim vno modo; & alius alio longè diuerso deponebant. Cum igitur Christus diceret de se à Iudæis occidendo; & testes de templo deposuerint per Christum destruendo, falsum dixere: de hoc ergo falso testimonio, & verbo iniquo conqueritur Messias in illo 4. versiculo Psalmi 21. citati: *Verbum iniquum constituerunt aduersum me.* Et statim in sequenti versiculo dat rationem iniquæ depositionis eorum, dicens: *Nunquid, qui dormit, non adiciet, vt resurgat?* idest; an crimen erat mortuum somno mortis resurgere vitæ resurrectionis? & mox subiungit traditionem, qua Iudas proditor, illum ad mortem tradidit: *Homo pacis meæ, in quo speraui, qui edebat panes meos magnificauit super me supplantationem:* quod verissimè fuit impletum, vt narrat Euangelica historia. Tandem, loquens Messias cum Patre Aeterno ait: *Tu autem Domine miserere mei, & resuscita me: & retribuam eis;* i, iam resuscitatus, & constitutus Iudex omnium mortalium retribuam vnicuique secundum opera eius, malis supplicium, bonis præmium. Si hæc solum posset facere viuus, quomodo id efficeret, si permansisset mortuus? ergo hic Propheta Dauid clarissimè locutus est de Messiae traditi, & occisi resurrectione.

73. Quinta prophetia est Isaïæ cap. 11. vers. 10. *In illa die Radix Iesse, qui stat in signum populorum, ipsum gentes deprecabuntur; & erit sepulchrum eius gloriosum.* Clarissima quidem est hæc prophetia, & in Christo Salvatore nostro verissimè impleta fuit: nam ille est radix Iesse; siquidem est filius Dauid, qui fuit filius Iesse. Deinde stat in signum omnium populorum; vtpote primarium caput vniuersalis Ecclesiæ suæ per omnes populos totius Orbis extensæ; illum omnes gentes deprecantur; nulla enim est natio in vniuerso mundo, in qua non sint aliqui Christiani Christum Deum suum orantes: eiusque sepulchrum fuit gloriosum; quia ex sepulchro gloriosus resurrexit.

Deni-

Denique omnes illæ prophetiæ, quæ prædicunt Messiam regnaturum in æternum, & regnum illius non habiturum unquam finem, necessariò prædicunt, (prædicentibus alijs illum esse moriturum pro peccatis hominum) eius resurrectionem; nam Rex solum regnat viuis; & cum moritur, regnare definit: ergo Prophetæ illi necessariò supponunt, Messiam post mortem suam esse resurrecturum.

CAPVT DVODECIMVM.

Offenditur Messiam post suam Resurrectionem debere ascendere in Cælum, & sedere ad dexteram Dei Patris.

74. **M**ESSIAM ascensurum esse in Cælum, & sessurum ad dexteram Patris ita clarè prædixit David Psal. 109. vt non indigeat multa explicatione: Sic enim spiritu prophetico loquitur: *Dixit Dominus Domino meo, sede à dextris meis, donec ponam inimicos tuos scabellum pedum tuorum.* Incredibilis est stultitia, ne dicam, proteruita Iudæorum; quando se aliquo Sacræ Scripturæ loco clarè conuictos intuentur, eas friuolas, vanasque adhibent explicationes, potiùs dixerim, implicationes; vt malle se videantur errores aucupari, quàm veritatem nancisci. Prædictum textum per se clarum de Messia exponunt: 1. de Abraham; ita vt hunc prorsus alienum sensum confingant: *Dixit Dominus Deus Domino meo Abraham: sede à dextris meis.* Exponunt 2. pro Dauid, fingendo non minùs vanè, stolideque ea verba cantùs proferri à cantore; & hunc cecinisse sic. *Dixit Dominus Deus Domino meo Regi Dauid: sede à dextris meis.* Vtramque expositionem falsissimam esse conuincitur: nam ille, qui sessurus ad dexteram Dei Patris prædicatur, ibi vocatur Sacerdos in æternum: vbi autem reperiunt Hebræi Abraham, & Dauid Sacerdotes fuisse, cum Abraham, vt constat ex sacra pagina; Sacerdoti Melchisedech decimas persoluerit, ab eodemque Sacerdote illam acceperit benedictionem? deinde Dauid homo fuit

sæcu-

secularis, non Pontifex Ecclesiasticus, & à Sacerdote panes propositionis accepit, nec infulas, sed arma gestabat.

75. Ridicula etiam est hallucinatio de cantore: nam carmen illud à Dauid diuino afflante Numine fuit compositum: & cantor carmen cantat eo modo, quo compositum est. His ergo stultitijs horum dementium Hebræorum risu potius, quàm solutione depulsis, cordatiores aliquos Rabbinos sequi debuerant; qui pro Messia textum illum vero, & germano sensu interpretantur; & in lib. Midras Tillim in expositione Psal. 2. pro Messia prædictum textum exponunt. *Dixit Dominus Domino meo.* Vbi hæc verba de Hebraico in Latinum fideliter translata reperiuntur: *Narrata sunt facta Messie in Scriptura Legis, Prophetarum, & Psalmorum.* In scriptura Legis; vt dictum est. *Filius meus Primogenitus Israel.* In scriptura Prophetarum; *Ecce intelliget seruus meus.* In scriptura Psalmorum: vt dictum est Psalm. 109. *Dixit Dominus Domino meo, sede à dextris meis:* ex quo testimonio clarè constat non loqui Psalmum de Abraham, aut de Dauid, sed de Sanctissimo Messia. Et in eodem libro exponendo Psalm. 17. in versic. 36. *Et dedisti mihi protectionem salutis tuæ, & dextera tua suscepit me.* Ita dicitur. *Rabbi Iudan nomine Dauid Chama ait: In seculo futuro Deus Sanctus, & benedictus sedere faciet Regem Messiam ad dexteram suam; sicut dictum est: Dixit Dominus Domino meo: sede à dextris meis.* Et Rabbi Isaac Harama in expositione cap. 47. Genes. citat vers. illum Psalm. 109. *Tecum principium in die virtutis tuæ,* & ibi dicit sic. *Non inuenimus virum ullum, aut ullum Prophetam, cuius natiuitas ante suorum parentum natiuitatem sit ante prædicta in sacra pagina, excepto Messia iusto nostro; ille est, de quo loquitur Psalm. 109. Sede à dextris meis.* Igitur non possunt Hebræi negare Psalmum de Messia loqui, illumque ad dexteram Patris sedere; quod omnes fideles firma fide credimus. Et hæc prophetia impleta fuit in Christo Salvatore nostro; vt constat ex Euangelio Marci 16. *Et Dominus quidem Iesus;*

Iesus, postquam locutus est eis, assumptus est in Cælum, & sedet à dextris Dei.

76. Hæc eadem veritas prædicta fuit ab eodem Propheta Psalm.8. *Domine Dominus noster, quàm admirabile est nomen tuum in uniuersa terra: quoniam eleuata est magnificentia tua super Cælos.* Qui Psalmus totus est de Messia; vt etiam Rabbinii communiter exponunt. Non eleuatur super Cælos ea, quæ semper ibi erat Diuinitas; sed ea, quæ ibi non erat, humanitas; mirabile est nomen Domini, non quòd vt Deus sedem fixerit in Cælo; sed, quòd vt Deus homo ad dexteram Dei sedeat. Et in eodem Psal. loquitur Christus: *Quoniam videbo Cælos tuos opera digitorum tuorum, Lunam, & Stellas, quæ tu fundasti.* Quomodo ibi humanis oculis videret; si illuc in sua humanitate non ascenderet? Idem in Psalmo 10. qui etiam est de Messia. *Quoniam, quæ perfecisti, destruxerunt: Iustus autem quid fecit?* i, Impij Iudæi occiderunt Messiam iustum; quem Pater in summa creauerat perfectione: quid autem fecit Messias iustus, vt tam sacrilega impietate occideretur? & mox subiungit: *Dominus in templo sancto suo, Dominus in Cælo sedes eius.* i, Christus Dominus noster verus Deus est sub Sacramento Eucharistiæ in sua Ecclesia in terra; & ad dexteram Patris est illius sedes in Cælo. Et Psalm.46. *Ascendit Deus in iubilo, & Dominus in voce tubæ:* i, inter festiuos Angelorum cantus, in iubilo, & voce Angelicæ tubæ ascendit Deus, vt factus homo; qui vt Deus de loco in locum moueri non poterat; & mox subiungit. *Regnabit Deus super gentes, Deus sedet super sedem sanctam suam.* Regnabit in Ecclesia Christiana ex gentibus iam ad fidem conuersis conflata; & ita regnabit Dominus in terra, vt simul ad dexteram Patris sedeat in Cælo. Et in Psalmo 96. *Quoniam tu Dominus altissimus super omnem terram; nimis exaltatus es super omnes Deos; super omnem terram,* i, super omnes Reges supremus Rex. *Super omnes Deos,* (iuxta illud, ego dixi, dii estis) i, super omnes Sacerdotes Sacerdos summus. Quomodo tamen altissimus esset Christus supremus Rex,

& supremus Antistes, si ad dexteram Aeterni Patris non sederet? & Psal. 102. *Dominus in Cælo parauit sedem suam. Benedicite Domino Angeli eius.* Messias Sanctus, de quo hic loquitur Propheta, in Cælo sedem suam parauit: Angeli, & Cherubin, qui sunt ad pedes Dei, iubentur in Cælo adorare Messiam: Messias adoratur à Cherubinis in loco inferiori existentibus: hi sunt ad pedes Dei; igitur Messias sedere debuit ad dexteram Dei.

77. Hoc Ascensionis mysterium exprimitur etiam in Psalm. 67. vers. 19. *Ascendisti in altum; cepisti captiuitatem: accepisti dona in hominibus.* In qua prophetia continentur tria, quæ impleta sunt in Christo Domino. 1. Post gloriosam Christi resurrectionem, triumphum agi gloriosum suæ Ascensionis in Cælum; hoc fuit in Christo impletum, vt dictum est. Marci 16. 2. Christum eduxisse ab inferis captiuas ibi Sanctorum Patrum animas, & duxisse secum in Cælum. Hoc impletum est in Christo Domino, vt constat ex Paulo Apostolo ad Ephes. 4. vers. 8. *Vnicuique autem nostrum data est gratia secundum mensuram donationis Christi: propter quod dicit: Ascendens in altum, captiuam duxit captiuitatem, dedit dona hominibus.* 3. Post suam mirabilem Ascensionem dedisse Christum suis fidelibus dona Spiritus Sancti, & hoc impletum est præcipuè, quando 10. dies post suam Ascensionem misit Spiritum Sanctum linguis ignitis dona supernaturalia Apostolis, ac discipulis mirabiliter largientem, vt constat ex Act. 2. *Cum complerentur dies Pentecostes, erant omnes pariter in eodem loco: & factus est repente de Cælo sonus, tanquã aduenientis Spiritus uehementis; & repleuit totam domum, ubi erant sedentes: & apparuerunt illis dispersite lingue, tanquam ignis, seditque supra singulos eorum, & repleti sunt omnes Spiritu Sancto: & ceperunt loqui varijs linguis; prout Spiritus Sanctus dabat eloqui illis.* Et notanda sunt verba prophetiæ. *Accepisti dona in hominibus,* non dixit: *Accepisti dona in te,* quia Christus in instanti suæ Conceptionis ea dona Spiritus Sancti iam acceperat in gradu perfectissimo, ita vt amplius non possent augeri: quod.

quod constat ex Isa. 9. *Egredietur virga de radice Iesse, & flos de radice eius ascendet; & requiescet super eum spiritus Domini, spiritus sapientiæ, & intellectus, spiritus consilij, & fortitudinis, spiritus scientiæ, & pietatis, & replebit eum spiritus timoris Domini*: quod totum dicitur de Messia, vt ipsi etiam Iudæi fatentur; vnde signanter dixit Propheta: *Accepisti dona in hominibus*, i, in Apostolis, & discipulis, & credentibus, & dixit: *Accepisti*, quia illa accepit corpus suum mysticum, i, Ecclesia. Ex quibus manifestum manet Psalmum illum cit. loqui de Christi Ascensione in Cælum, cùm describat omnes circumstantias, quæ illi sacræ Ascensionis mysterio coniunctæ sunt, & omnes in Christo Domino impletæ sunt, vt probatum est.

78. Non minùs clara est prophetia Prouerbiorum 30. vers. 4. *Quis ascendit in Cælum, atque descendit? quis continuit spiritum in manibus suis? quis colligauit aquas, quasi in vestimento? quis suscitauit omnes terminos terræ? quod nomen est eius, & quod nomen filij eius, si nosti?* Hæc prophetia tota est de Christo, & in illa dicit Spiritus Sanctus multa mysteria Sanctissimi Messie. 1. Explicat per interrogationem admirabilem eius Ascensionem in Cælum dicens; *Quis ascendit?* & vt insinuet, eandem personam ascendere in Cælum, quæ de Cælo descenderat, ascensum cum descensu copulauit dicens: *Quis ascendit, atque descendit?* Quod mirè explicauit eodem afflatus numine Paulus ad Ephes. 4. vers. 9. *Quod autem ascendit, quid est, nisi quia & descendit primum in inferiores partes terræ? qui descendit, ipse est & qui ascendit super omnes Cælos, vt impleret omnia.* i, Deus homo descendit de Cælo in terram; Deus homo ascendit de terra in Cælum: non descendit diuinitas, quæ aderat, sed apparuit, quæ latebat iuxta illud ad Tit. 3. vers. 4. *Benignitas, & humanitas, apparuit Saluatoris nostri Dei.* Descendere Deum in terram in forma hominis est iam apparere, & videri Deum factum hominem in terra. 2. Declarat Spiritus Sanctus hunc, qui ascendit in Cælum, esse illum, cui maria, & venti obediunt dicens: *quis continuit spiritum*

*in manibus suis? quis colligavit aquas? quod impletum est in eodem Christo Domino, ventos, & maris tempestates frænante, vt habetur Marci 4. vers. 39. Et exurgens comminatus est vento: & dixit mari: Tace, obmutesce: & cessauit ventus, & facta est tranquillitas magna, & dicebant ad alterutrum: quis, putas, est iste: quia & ventus, & mare obediunt ei? 3. Indicat idem spiritus hunc, qui ascendit in Cælum, illum esse, qui à mari terminos terræ fecit emergere, & quodammodo suscitauit; qui certè est ipse Deus. 4. Quod insinuat Spiritus Sanctus in illa prophetia, est nomen Dei, & nomen filij Dei Christi Iesu Redemptoris nostri esse prorsus mirabile, & semper restat interrogandum, quid sit: quod expressit Dauid Psal. 8. Domine Dominus noster, quàm admirabile est nomen tuum in vniuersa terra. Et Isaias 9. vers. 6. Paruulus enim natus est nobis, & filius datus est nobis; & factus est principatus super humerum eius, & vocabitur nomen eius, Admirabilis, Consiliarius, &c. Ex quibus manifestè patet prophetiam illam loqui de mirabili, glorio-
sæque Iesu Christi Saluatoris nostri Ascensione; cum omnia, quæ ibi dixit, in Christo verificata sint.*

79. Clarissimè etiam de hoc Sacrosancto gloriosæ Ascensionis mysterio loquitur Ierem. cap. 4. vers. 7. *Ascendit Leo de cubili suo, & prædo gentium se leuauit: egressus est de loco suo, vt ponat terram tuam in solitudinem: ciuitates tue vastabuntur, remanentes absque habitatore.* Hæc prophetia tota est de Messia; vt in eodem cap. vers. 2. ostenditur. *Benedicent eum gentes, ipsumque laudabunt: quod solum de Messia dicitur.* Vocatur ibi Leo: quia etiam Ezechiel illum vocat Leonem cap. 19. vers. 5. *Leonem constituit eum: & mox subiungit: & conuenerunt ad eum gentes undique de Prouincijs, & expanderunt super eum rete suam; in vulneribus earum captus est.* i, Mortuus est propter vulnera scelerum generis humani. Hoc etiam nomine appellatur apud Oseam cap. 11. vers. 10. *Quasi leo rugiet: quia ipse rugiet, & formidabunt filij matris;* i, Messia nomen adorabitur, & timebitur apud omnes Prouincias, etiam Insularum. Sic etiam

etiam vocatur Leo Apocal. 5. vers. 5. *Ecce vicit Leo de tribu Iuda, radix David*. Dicitur etiam ascendere de cubili suo, & de loco suo, vt significaret esse de natione Iudaica: dicitur prædo gentium, quia credituræ erant in eum gentes: dicitur terram, & Ciuitates Iudæ esse deuastandas; vt verè fuit impletum, postquam Saluatorem, Regemque suum iniuste occiderunt: illis à Deo datis 40. annis ad pœnitentiam; & cum pœnitentiam agere, conuertique nolissent; meritò patriam, Regnumque perdidere. Ex his omnibus manifestè constat prædictas prophetias loqui de Ascensione Messiae in Cælum; & cum omnia ibi à Prophetis dicta in Christo Saluatore nostro, nullo apice deficiente, impleantur, euidentissimè demonstratur illum esse verum Messiam à sanctis Prophetis prædictum, Hebræosque esse in æterna damnatione, si illum non agnoscant, & sequantur.

CAPVT DECIMVM TERTIVM.

Ostenditur ex prophetijs post Christi Ascensionem in Cælum Populum Hebræum à Deo esse deserendum, gentesque ad fidem esse conuertendas.

80. **Q**Vo ad Hebræorum reprobationem hîc non agam, quia de hac materia latius agendum est in libro 4. Verùm hic pauca quædam delibabimus, vt Isaïæ prophetia supra posita de morte Messiae ab Hebræis inferenda clariùs percipiatur. Siquidem postquam Propheta in cap. 53. Christi passionem spiritu prophetico prædixit; videns eodem spiritu prophetico populi Hebræi obstinationem in non recipiendo Messiam; & propter hoc à Deo esse deserendum, mentis oculos ad populum gentilem illico voluit: atque ita dicit in sequenti capite 54. *Lauda sterilis, quæ non paris*. Canta ò sterilis, i, canta ò popule gentilis; qui sterilis eras, & filios minimè generabas, i, cui deerat fides, ad filios spirituales Domino progignendos; incipe iam Deo hymnos, & cantica celebra-
re,

re, & causam huius iubili, & lætitiæ assignat Propheta: *Quoniam multi filij desertæ magis, quàm eius, quæ habet virum*, i, quia multò plures erunt filij eius, quæ sola sine viro erat, quàm eius, quæ virum habebat; i, multò plures filij spirituales, scil. fideles erunt in Ecclesia educa ex Populo gentili, qui erat quasi mulier olim Deo per fidem non copulata; quàm fuerunt in Synagoga sponsata Deo. Significare voluit Propheta plures esse ad Deum per fidem conuertendos, quàm erant Hebræi: quod nunc nostris oculis videmus: nam quondam fideles Hebræi in solis Iudææ limitibus clauderantur: at nunc Ecclesia Dei ad vniuersum Orbem extenditur; quod etiam fuerat prædictum à Dauid Psal. 1. *In omnem terram exiuit sonus eorum, & in fines orbis terræ verba eorum.* Et Psal. 112. *A solis ortu vsque ad occasum laudabile nomen Domini.* Et Psal. 2. *Postula à me, & dabo tibi gentes hereditatem tuam, & possessionem tuam terminos terræ.* Et à Michea cap. 5. vers. 4. *Conuertentur, quia nunc magnificabitur vsque ad terminos terræ.* Psalm. 97. vers. 3. *Viderunt omnes termini terræ salutare Dei nostri.* Isai. 52. vers. 10. *Parauit Dominus brachium sanctum suum in oculis omnium gentium, & videbunt omnes fines terræ salutare Dei nostri.* Sequitur. *Dilata locum tentorij tui*, i, non iam vnum erit templū; nec in solis vnius angusti loci, putâ in Ierusalem, terminis coarctabitur; sed multa erunt templa toto Orbe dilatata; ideoque *peltes tabernaculorum extende, ne parcas*, i, ædifica, non parcēs sumptibus, vbique terrarum templa: *longos fac funiculos tuos*: i, non prædicetur verbum Dei solū in Iudæa, sed in omni terra: *clauos tuos consolida*; i, Monasteria, & Religiosorum cætus votorum sacræ religionis clauis corrobora: *ad dexteram enim, & ad læuam penetrabis*, i, tam ad populum Iudaicum, quam ad gentilem. *Semen tuum*, i, Christus *gentes hereditabit*, i, Ecclesia Christi ex gentibus formabitur, iuxta illud; *Postula à me, & dabo tibi gentes hereditatem tuam. Ciuitates desertas inhabitabit*; i, Populos gentium ante à Deo derelictos, & verum Deum ignorantes Dominus ibi iam habitans reget; & ibi realiter sub Eu-
cha-

charitatis Sacramento assistet. Noli timere; quia non confunderis, neque erubescas: non enim te pudebit, quia confusio-
nis adolescentiæ tuæ obliuisceris, & opprobrij viduitatis tuæ non recordaberis amplius. Id est, iam tibi non erit illa pristina confusio, & rubor, quod non potueris generare, siue defectu temporis, in tua adolescentia, siue defectu viri in tua viduitate: iam nunc spirituales filios potes progignere, quia iam non habes impedimentum immaturi temporis: quia iam venit plenitudo temporis; nec habes iam defectum viri; quia facundaberis Spiritu Sancto per Christum Sponsum: & tibi tot erunt filij, quot fideles.

81. Sequitur. *Dominabitur tui, qui fecit te*, i, ille Dominus, qui tibi, & dedit esse naturale naturæ, & supernaturale gratiæ per veram fidem, & iustificationem, & fecit te suam Ecclesiam, & regnum; *qui fecit te*; est ipse Dominus tuus, & Rex tuus Christus: ipse erit tuus Deus, & non Iupiter, aut alia falsa numina: & *nominabitur Rex exercituum*, i, cælestis militiæ, siue Rex Angelorum. Vocabitur item *Redemptor tuus sanctus Israel*, & *Deus omnis terræ*. Quia ut mulierem derelictam, & mærentem spiritu vocavit te Dominus, & uxorem ab adolescentia abiectam, dixit Deus tuus. i, Te populum gentilem, quasi mulierem antea sine marito; i, sine Deo, mærentem, i, sine lætitiâ gratiæ Spiritus Sancti, vocavit te spiritu per Apostolos, & per Prædicatores Spiritu Sancto afflatos. Sequitur. *Ad punctum in modico dereliqui te*, & *in miserationibus magnis congregabo te, in momento indignationis abscondi faciem meam parumper à te*; & *in misericordia sempiterna misertus sum tui*. i, Popule gentilis, fuisti derelictus usque ad tempus, & abscondi faciem meam à te, sed per modicum tempus; quia totum illud tempus, quo deserui te, comparatum cum æternitate, in qua semper tecum ero, est quid modicum: *in modico*; est vnum punctum, *ad punctum*; vnum momentum: *in momento*; quia misericordia mea in te, ò Ecclesia, & Sponsa mea, in æternum permanebit; *misericordiâ sempiternâ misertus sum tui*: nam meum fœdus, & testamentum æternum

num erit, non finietur: sicut enim fœdus inivi cum Noë non amplius me aquarum diluuiò oppressurū terram; ita tecum, ò Sponsa mea ex gentibus efformata, pactum iniui, te à me non esse deserendam: Cælum, & terra transibunt, verba autem mea non præteribunt. *Sicut in diebus Noë istud mihi est: cui iuravi, ne inducerem aquas Noë ultra supra terram, sic iuravi, ut non irascar tibi, & non increpem te: montes enim commouebuntur, & colles contremiscent: misericordia autem mea non recedet à te, & fœdus pacis meæ non commouebitur; dixit Miserator tuus Dominus.*

82. Sequitur. *Paupercula tempestate conuulsa absque vlla consolatione, ò gentilitas pauper absque diuitijs gratiæ Spiritus Sancti conuulsa, tempestatem Diabolo commouente, & te in idololatriæ naufragium impellente; & priuata olim omni consolatione spirituali. Ecce ego fundabo in te Ecclesiam meam, aptabo lapides, Apostolos, Euangelistas, Martyres, Confessores, Doctores, Virgines; ex quibus omnibus, tanquam ex lapidibus pretiosis, margaritis, & sapphiris construeris, & ornaberis; & in perfectâ iustitia, & sanctitate fundaberis: erunt filij tui docti ab ipso Domino; à quo sacrum discant, prædicabuntque Euangelium. Paupercula tempestate conuulsa, absque vlla consolatione; ecce ego sternam per ordinem lapides tuos, & fundabo te in Sapphiris, & ponam Iaspidem propugnacula tua, & portas tuas in lapides sculptos, & omnes terminos tuos in lapides desiderabiles, vniuersos filios tuos doctos à Domino; & multitudinem pacis filiis tuis: & in iustitia fundaberis &c. Ecce accola veniet, qui non erat tecum, advena quondam tuus adiungetur tibi. i, Venient, & adiungentur Ecclesiæ Barbaræ, & remotissimæ nationes; ut lauentur Baptismi salutaribus aquis. Ecce ego creauī fabrum sufflantem in igne prunas; & proferentem vas in opus suum, i, produxi Christum ex Virgine Maria sine vilo creato patre; quamuis habeat putatiuum Patrem Ioseph fabrum, & ideo ab aliquibus faber ipse Dominus reputabitur; qui tamen Orbis totius faber, & opifex quidem est; sufflantem in igne prunas; i, igne Spiritus*
San-

Sancti prunas prædicationis; & *proferentem vas in opus suum*, i, eligentem Paulum in vas electionis, vt ad te, ò popule gentilis, portet nomen meum, vt ex te fiat Ecclesia mea, iuxta illud: *Vas electionis est mihi iste, vt portet nomen meum in omnes gentes*: & ego creauì interfectorem ad disperdendum; idest, ipsum Paulum, qui vt Saulus interficiebat gregem meum, sed iam illum de nouo spiritualiter regenerauì, ad disperdendum gentilismum, & Christianismum introducendum. *Omne vas, quod fictum est contra te, non dirigetur*, i, falsi prædicantes, & hæretici, qui contra Ecclesiam istam gannuerint, non dirigentur, i, non rectâ pergent ad vitam, sed præcipientes corruent ad mortem sempiternam; & *omnem linguam resistentem tibi in iudicio iudicabis*, i, ò Ecclesia mea loquacium hæreticorum hæreses condemnabis. *Hæc est hæreditas seruorum Domini*: i, ista Ecclesia est hæreditas, Regnum, & Imperium Domini: & in hac solùm est perfecta iustitia, & sanctitas, quæ ad Deum conducat; & *iustitia eorum apud me, dicit Dominus, qui nec nos fallere potest, nec ipse falli*.

83. Hæc prophetia est clarissima de conuersione gentium ad Sacrum Euangelium; & illam nostris oculis videmus impletam: nam post Christi passionem, quam in præcedenti cap. 53. prædixerat idem Propheta, Fides Christi in toto Orbe fuit promulgata, & à gentibus acceptata, & facta Ecclesia Dei, prout hic dicit Propheta, in perpetuum duratura; quod etiam fuit prædictum à Christo Domino ante suam passionem Io: 12. vers. 32. *Et ego si exaltatus fuero à terra, omnia traham ad me ipsum*; & prædixerat idem Dominus nouum hoc testamentum futurum æternum Matth. 26. vers. 28. Marci 14. vers. 24. Lucæ 22. vers. 20. prout intelligit Ecclesia, dum ponit formam Sacramenti Sanguinis. *Hic est Calix Sanguinis mei noui, & æterni testamenti*: licet enim Euangelistæ non ponant in citatis locis particulam, *Æterni*; at id exprimunt in alijs locis, vt Lucæ 1. vers. 33. *Regnabit in domo Iacob in æternum*; & *regni eius non erit finis*. Et Matth. 28. vers. 20. *Et ecce ego vobiscum sum omnibus*

diebus, vsque ad consummationem sæculi. Et prædixerat Daniel. c. 7. num. 14. Potestas eius, potestas æterna, quæ non auferetur, & regnum eius, quod non corrumpetur. Et Michæas 4. n. 7. & regnabit Dominus super eos in Monte Sion ex hoc nunc, & vsque in æternum. Itaque tria potissimum prædixit hîc Isaias. 1. gentes esse conuertendas ad fidem Christi. 2. hanc fidelium, & iam veram fidem profitentium Ecclesiam esse Christi regnum. 3. illud regnum futurum esse perpetuum; quod etiam consonat cum alijs Prophetis: duo prima sunt manifestè impleta. 3. constat durare Regnum Christi iam annos 1692. & durabit in terra vsque ad finem mundi, & in coelo per totam æternitatem. Igitur vel Hebræi intelligunt hanc Isaiæ prophetiam, vel non intelligunt. Si intelligunt, & Christum IESVM suum Salvatorem non recognoscunt, manifesta est illorum proteruitia, & malitia; si non intelligunt, manifesta est illorum cæcitas, & ignorantia; sed hæc certè culpabilis, & quæ illos ab æterna damnatione non excusat.

84. Miseri Hebræi videntes, si Propheta Isaias loquitur de populo gentili, teneri ipsos credere Messiam iam venisse; quia manifestè apparet, illam prophetiam, si de populo gentili loquatur, iam esse impletam, omnes adhibent vires, vt illam prophetiam interpretentur de populo Hebræo; quia vt sic adhuc non est impleta; siquidem adhuc non vident Synagogam à Gentibus acceptatam; nec Moysæ cas cærimonias vbique ab omnibus etiam Gentilibus obseruari. Sed hæc illorum interpretatio est falsissima, & manifestè sacro textui repugnans. Dicant nobis Hebræi, quando Propheta dicit: *Quæ non parturis: quæ non pariebas*, i, quæ fideles non generabas, sed semper infideles; quomodo potest intelligi de populo Hebræo; in quo ipsi Iudæi dicunt solum reperiri fideles, & non extra Synagogam; quod quidem erat verum, quandiu Synagoga non fuit à Deo reprobata; vt iam hodie est; quod infra ex Sacra Scriptura demonstrabitur? Deinde Propheta vocat illum populum sterilem, & infœcundum spiritualiter: non enim

enim loquitur de infœcunditate materiali ; nam vt sic prophetia effæt omnino falsa , & implicatoria ; siquidem non conseruatur populus , si filij non generantur : si igitur loquitur de populo spiritualiter infœcundo , non potest intelligi de populo Hebræo ; qui tunc non erat sterilis , sed gignebat filios spirituales , s, fideles : ergo necessariò debet intelligi de populo Gentili , non enim datur alius populus , nisi Iudaicus , & Gentilis , seu infidelis : & hïc populus verè erat spiritualiter infœcundus : quia fidei diuinæ fœcunditate carebat .

85. Præterea Propheta vocat illum populum mulierem sine sponso : Synagoga semper fuerat desponsata Deo ; & ideo omnis illa Natio , quæ Deo vero non credebat , desponsata Deo non erat ; nec populus Dei ; vt ipsi Iudæi fatentur : ergo cùm Propheta loquitur de non desponsata , non intelligitur de populo Hebræo , sed de Gentili : aliter falsum diceret Propheta . Tandem Propheta dicit huius antea non marito coniunctæ futuros esse plures filios , quàm fuerant filij illius , quæ virum habebat : sed marito illa coniuncta , erat populus Hebræus , qui solus tunc copulabatur Deo per veram fidem : ergo de alio populo , quàm de Hebræo , loquitur Propheta ; & non apparet alius , nisi populus Gentilis , qui postquam ad fidem conuersus est , relictâ idololatriâ , factus fuit Christi Ecclesia , quæ plures habet fideles , quàm habuit Synagoga : hæc enim solùm claudebatur in limitibus Iudææ : Ecclesia verò Christiana extenditur per Italiam , Franciam , Hispaniam , Europam , Asiam , Africam , Americam .

86. His conuicti rationibus confugiunt Hebræi ad aliam non minùs stultam , & ridiculam solutionem , & dicunt verba : *Quæ non parturis , quæ non pariebas* ; intelligi debere : quæ non parturis , nec pariebas filios ad mortem : quod , inquiunt , solùm potest intelligi de populo Hebræo : nam quilibet alius populus ab isto diuersus gignebat quidem filios ad mortem , i, ad damnationem æternam : vnde Synagoga , inquiunt , dicebatur à Propheta sterilis , quia

filios ad mortem non generabat. Sed hac stulta responsione non vident Hebræi se in eodem, quod tendunt, reti irretiri? Si ideo dicitur Synagoga sterilis, quia non gignit filios ad mortem: necessario debent concedere, quando illam dicit mox sæcundam, & plures filios parientem, illos gignere ad mortem: nam sterilitas opponitur sæcunditati. Si ergo non gignere filios ad mortem est sterilitas: ergo è contrario sæcunditas erit gignere filios ad mortem. Hoc autem repugnat eidem prophetiæ: in qua dicitur illos filios iam sæcundæ Deo esse seruituros, illum esse laudaturos; eosdemque Redemptos dicendos, & iam non adoraturos falsa Numina, sed Deum verum Salvatorem suum. Non potest igitur intelligi prophetia de populo Hebræo, sed de Gentili; qui quidem ante sterilis erat, nec pariebat filios spirituales, seu fideles; postquam verò ad fidem per baptismum conuersus est, & iam fuit factus populus Dei, & Christi Ecclesia, plures habet filios spirituales, quàm vquam habuit Synagoga; & sic manet clarissimus textus: *Lauda sterilis, quæ non paris, decanta laudem, quæ non pariebas: quoniam multi filij desertæ magis, quàm eius, quæ habet virum.*



LIBER TERTIVS.

De Dubijs, quæ Iudæi opponunt Christianis.

Hic liber specialiter instituitur ad dissoluenda dubia omnia, quæ Iudæi Christianis opponunt; ex illorum enim clarissima solutione inexcusabiles de sua obstinatione reddentur: unde quodlibet dubium in suo distincto capite dissolvetur.

CAPVT PRIMVM.

De Sacrarum Imaginum adoratione, quæ fit in Ecclesia.

I.



DE adoratione Sacrarum Imaginum tractant Theologi; de qua quæstione hic agere non intendimus; sed tantum volumus respondere Iudæis, qui nos carpunt, quasi idololatrias, Sacras Imagines adorando contra id, quod Deus prohibuit in præceptis Decalogi Exod. 20. vers. 4. Vt melius percipias, quam iniquè, & falsò perfidi Hebræi dicant Christianos idololatriam committere, dum sacras imagines adorant, aduerte: duobus modis posse considerari cultum imaginibus præstitum. 1. modo adorando ipsam imaginem sistendo in ipsa, quasi esset ibi aliquod Numen. 2. modo illam adorando non sistendo in ipsa, sed tendendo ad obiectum per ipsam repræsen-

sentatum, v.gr. in imagine Crucifixi adorando Christum; in imagine Virginis MARIE adorando ipsam Beatissimam Virginem Matrem Dei; in imagine alicuius Sancti adorando ipsum Sanctum. Hoc secundo modo non est adorare petram, lignum, colores; sed id, quod per eas imagines repræsentatur: vnde si quis etiam rudis Christianus interrogetur, quando adorat imaginem Beatissimæ Deiparæ Virginis MARIE, an adoret illos picturæ colores, vel lignum inauratum? illico respondebit, se adorare, venerari, & amare Sanctissimam Virginem MARIAM Matrem Dei; vnde ergo est ibi idololatria? Si primò modo fieret adoratio, idololatria foret, & hoc Ecclesia Christiana maximè abhorret; dum quotidie canit Psalmum illum David 134. vers. 15. *Simulacra gentium argentum, & aurum, opera manuum hominum: os habent, & non loquuntur: oculos habent, & non videbunt: aures habent, & non audient: neque enim est spiritus in ore ipsorum: similes illis fiant, qui faciunt ea, & omnes, qui confidunt in eis.*

2. Debent autem advertere Hebræi Deum non prohibere absolutè imagines fieri: sed solum præcipit, ne fiant ad hoc, vt adorentur tanquam Dij, quod manifestè colligitur ex verbis præcepti. Exod. 20. vers. 3. *Non habebis Deos alienos coram me: non facies tibi sculptile, neque omnem similitudinem, quæ est in cælo desuper, & quæ in terra deorsum, nec eorum, quæ sunt in aquis sub terra: non adorabis ea, neque coles: ego sum Dominus Deus tuus fortis, zelotes.* Tria Idolorum genera adorabant Gentiles. Alij adorabant res, quæ in cælo erant, vt Solem, Lunam, & Stellæ: alij res, quæ erant in terra, vt Ægyptij, qui adorabant agnum, & ouem; alij res, quæ erant in mari, vt Philistæi, qui adorabant idolum Dagon; quod habebat caput piscis. Igitur, Deus Hebræos admonet ad non facienda similia idola, cæli, terræ, maris, vt eis tanquam Dijs cultum exhibeant; & ideo dixit: non habebis Deos alienos, id est, illos falsos, quos alieni, id est, infideles, adorant; *Non adorabis &c.* quia ego sum Deus, & non illi Dij mendaces. Ex quo clarè colligitur

tur Deum non prohibere absolute imagines; sed imagines, & idola, quæ adorentur tanquam Dij. Et hoc ipsum debent Hebræi concedere; aliter discedent à lege, sacraque Scriptura; quæ fieri imagines (dummodo non adorentur tanquam Dij) non prohibet; vt patet 1. ex Exodi 25. vers. 18. vbi Deus iussit Moyse, vt faceret duas imagines Cherubin ex auro. *Duos quoque Cherubim aureos, & productiles facies ex utraq; parte oraculi. Cherub vnus sit in latere vno; & alter in altero.* 2. ex 3. Regum cap. 6. v. 23. vbi dicitur fecisse Salomonem duos Cherubinos ex materia oliuæ. *Et fecit in oraculo duos Cherubim de lignis oliuarum.* Et subiungit. *Et omnes parietes Templi per circuitum sculpsit varijs celaturis; & torno: & fecit in eis Cherubim, & palmas, & picturas varias.* Et in cap. 7. vers. 36. Fecit varia sculptilia Cherubin, leonum, & hominum. *Sculpsit quoque in tabulatis illis, quæ erant ex ære, & in angulis, Cherubim, & Leones, & palmas quasi in similitudinem hominis stantis &c.* 3. ex Numeri 21. vers. 9. Moyses ex præcepto Dei fecit serpentem æneum; vt quicumque percussus ab aliquo serpente intuens illum serpentem æneum sanaretur. *Fecit ergo Moyses serpentem æneum, & posuit eum pro signo, quem qui percussi aspicerent, sanarentur.*

3. Ex his manifestè redarguuntur Iudæi: nam vel incusant Christianos, quia faciunt absolute imagines, & sculptilia; vel quia Christiani adorant ipsas imagines factas, ac si ipsæ essent Dij, vt faciebant idololatræ. Si primum, iam condemnant Sacram Scripturam, quæ, vt videmus, non prohibet absolute imagines, & sculptilia: si secundum, committunt impudenter calumniam contra Christianos; qui nunquam adorarunt imagines putando illas esse Deos, vt faciebant Gentiles, & faciebant ipsi Iudæi, quando adorabant idola, vt Deos, & deficiebant à fide veri Dei: sed ita adorant sacras imagines Dei, Beatissimæ Virginis, & Sanctorum, vt in illis non adorent lignum, argentum, aurum, colores, sed in illis Deum cultu latriæ, Virginem Deiparam cultu hyperdulæ, Sanctos cultu dul-

liæ:

liæ: taceant ergo Iudæi, & confundantur, dum vel per ignorantiam, vel per malignitatem Christianos infestantur.

4. Sed quæres, cur Deus Christianis concessit vsum sacrarum imaginum, non ita vero Hebræis? Duas rationes assignant communiter DD. 1. est: quia Iudæi erant valde rudes, & materiales; vt faciliè laberentur in idololatriam, putando in ipsis imaginibus esse aliquod Numen; vt fecerunt, quando vitulum aureum adorauerunt, dicentes: *Hi sunt Dij tui Israel, qui te eduxerunt de terra Ægypti*. Et vt ostenderent se in illa bruta statua non adorare verum Deum, qui est vnus; in illa adorabant Deos infidelium; qui illos credebant esse multos, dicendo: *Isti sunt Dij tui*. Similiter postea adorarunt Serpentem illum æneum; ac si in illo inesset aliquod Numen; & vt tali obtulerunt incensum, vt constat ex lib. 4. Reg. c. 18. v. 4. *Confregitque Serpentem aneum; quem fecerat Moyses: siquidem vsque ad illud tempus filij Israel adolebant ei incensum*. At verò Christiani maiori luce illuminati optimè sciunt in eis imaginibus nullum inesse Numen; sed ex illis representantibus Deum, & Deiparam, & alios Sanctos excitari ad amandum, colendum, & venerandum Deum, eiusque Sanctissimam Matrem, & Sanctos; quin sequantur Deos alienos, sed verum Deum, & Saluatorem nostrum IESVM Christum, qui cum Patre, & Spiritu Sancto vnus est Deus. Et hæc etiam fuit causa, cur Hebræis non tam expressè fuit declaratum Mysterium Sanctissimæ Trinitatis, expressius verò in lege gratiæ: quia cum Iudæi extent adeò materiales, & propensi ad idololatriam, faciliè poterant dilabi ad credendum tres Deos, credendo tres personas.

5. Secunda ratio est: quia cum ante incarnationem non esset Deus visus in terris, poterant Hebræi fabricare aliquam imaginem adeò impropriad, vt illis alioquin rudibus esset occasio deficiendi à cognitione, fideq; veri Dei. Hæc ratio insinuat in Deuteronomij cap. 4. vers. 15. *Non vidistis aliquam similitudinem in die, qua loquutus est vobis Domi-*

Dominus in Horeb de medio ignis, ne fortè decepti faciatis vobis sculptam similitudinem, aut imaginem masculi, vel feminae: similitudinem omnium iumentorum, quæ sunt super terram, vel avium sub cælo volantium; atque reptilium, quæ mouentur in terra, siue piscium, qui sub terra morantur in aquis; ne fortè, elevatis oculis ad cælum, videas Solem, & Lunam, & omnia astra cæli, & errore deceptus adores ea, & colas, quæ creavit Dominus Deus tuus in ministerium cunctis gentibus, quæ sub cælo sunt. At verò postquam credimus ob testimonium Dei per Prophetas, & Apostolos nobis reuelatum Deum carnem humanam assumpsisse, & fuisse in terris visum, iam depingendo, sculpendo huius Dei facti hominis sic visi similitudinem, aut imaginem, nullum datur periculum errandi, falsoque credendi; quia nos iam adoramus, quod scimus, vt bene nos summa veritas edocuit. Ioan.4.verf.22.

CAPVT SECVNDVM.

Proponitur, ac dissoluitur secundum Hebræorum dubium contra legem Christianam.

6. **O**pponunt Hebræi Christianis: si Christus est verus Messias, cur non præcipit, vt lex diuina obseruetur; quæ prohibet vesci carnes porcinas, & alios cibos, vt habetur Leuitici 11.verf.7. & Deuteron. 14. At verò Christianis concessum est vesci huiusmodi carnes in Diuina lege prohibitas: ergo qui se opponit legi Dei non est à Deo. Messias autem debet esse à Deo: ergo Christus non est verus Messias. Miseri Hebræi, qui tam tenui lanæ filo irretiuntur, & vel etiam subtilissimis aranæ telis intrlicantur! quibus respondendum est salutem animæ non consistere in abstinentia ab his potius, quàm ab illis cibis; aliter nec Noe, nec Abraham, nec Isaac, nec Iacob, nec alij, qui omne genus ciborum manducabant, salui essent: quod tamen ipsi affirmare non aude-

R bunt.

bunt. Itaque considerandum est Deum secundum temporum varietatem præcepta dare. Sic in principio solum concessit hominibus vesci de fructibus terræ, non autem de carnibus, vt constat ex Genes. 1. vers. 29. *Dixitque Deus: Ecce dedi vobis omnem herbam afferentem semen super terram, & vniuersa ligna, quæ habent in semetipsis sementem generis sui, vt sint vobis in escam.* Et tamen postea tempore Noe concessit posse homines vesci omne genus carniū, ac reptiliū; vt constat ex Genes. cap. 9. vers. 3. *Omne, quod mouetur, & viuit, erit vobis in cibum; quasi olera viuentia tradidi vobis omnia.* Tempore autem Moysis Deus prohibuit vesci de carnibus quorundam animalium, vt dictum est, in cit. locis Leuitici, & Deuteronomij: sicut ergo Deus 1. concessit fructus in escam, & non carnes: 2. concessit edere de fructibus, & etiam de carnibus. 3. concessit de fructibus, & non de omnibus carnibus; sic idem Deus Messias tempore sui aduentus concessit de fructibus terræ vesci, & de omnibus animalibus terræ, volatilibus cœli, piscibus maris: vnde Rabbini ipsi in expositione Psalmi 145. vers. 8. *Dominus soluit compeditos*, ita dicunt: *Ne legas, Ascirim*, idest, *ligatos*, sed lege *Issurim*, idest, *prohibitos*: ex quo probatur tempore Messie omnes cibos antea prohibitos esse concedendos. Et loquendo in particulari de Sue, sic dicunt iidem Rabbini: *Sus fuit appellatus Chazir*, ex radice *Chazar*, idest, *redire*; quia iterum Israeli concedendum erat vesci carnes suinas. Et clariùs Midras Tillim supra eundem versiculum citati Psalmi 145. sic habet: quid significat, *Dominus soluit compeditos* & respondet, *Omne animal*, quod erat immundum sæculo in isto, idest, ante Messie tempus, *Deus benedictus mundum faciet in seculo futuro*, idest, tempore Messie: & sic dicitur Ecclesiast. cap. 1. vers. 9. *Quid est, quod fuit & ipsum, quod futurum est: quid est, quod factum est ipsum, quod faciendum est: scilicet: tempore Messie concedentur omnes cibi; qui antea erant concessi tempore Noe, & postea fuerunt prohibiti tempore Moysis.* Hactenus Rabbini: ex quibus patet ipsos etiam Rabbinos optimè sci-
re

re tempore aduentus Messiae tollendam esse Mosaicam prohibitionem ciborum: cur ergo inculant Iudaei Christianos, quodd Mosaicam illam legem à Christo Domino Deo nostro reuocatam non obseruent? imò eo ipso, quodd eam reuocauerit, secundum ipsos Rabbinos, ostenditur illum esse verum Messiam; cum ipsimet Rabbini, vt vidimus, affirmant tempore aduentus Messiae legem cibos certos prohibentem reuocandam esse.

7. Ex his colliges illam caeremoniam, seu potius superstitionem, qua vtuntur in occidendis animalibus ad vescendum, nonnisi illa iugulando, & non aliter; item tangendo cultellum duodecies digito, ad videndum, si sit perfecte exacutus; prorsus esse ridiculam; imò & contra textum Deuteronomij cap. 13. vbi praecipitur, vt nil addatur legi scriptae; illa verò caeremonia non inuenitur scripta in lege: nam illa scriptura, quam ipsi allegant cap. 12. Deuteronom. solum loquitur de vaccis, & pecoribus, in ordine ad sacrificium; ipsi verò perperam extendunt etiam ad aues, & alia animalia ibi non scripta, & addunt digitorum tactum in cultellis; quae caeremonia ab illis absque vlla scriptura perperam introducta fuit. Similiter aliam superstitionem non manducandi in eodem prandio carnem, & caseum prorsus esse vanam, & malè deducitur ex illo textu Deuteronomij 14. vers. 22. vbi prohibetur coqui hædum cum lacte matris: & ipsi existimant caseum cum carne in eodem prandio comedentes, facere, vt in stomacho caro cum lacte coquatur. Dato tamen, quodd praedictae caeremoniae ante aduentum Messiae obligarent, post illius aduentum iam non vigent, vt legitur in libro Midras Tillim in expositione Psalmi 145. ad illum versiculum: *Dominus soluit compeditos*: vbi dixit Dominum Messiam ab illis omnibus obligationibus, tum quo ad masculos, tum quo ad foeminas liberaturum esse omnes. Vnde ex ipsis Rabbinis probatur omnes illas caeremonias post aduentum Messiae cessaturas: quare perperam Hebræi colligunt Christum non esse Messiam, quia non fecit obseruare caeremonias

illas, cùm è contrario deberent inferre illum esse Messiam; cùm iuxta illorum Rabbinos Messias illas omnes tollere deberet.

C A P V T T E R T I V M.

*Proponitur, & dissolvitur tertium Iudæorum dubium
contra Christianos.*

8. **T**ertium dubium, quod Christianis opponunt Iudæi, est. Deus præcepit legem Circumcisionis, quæ duraret in æternum; Patrique Abraham id Deus intimavit, vt circumcisio illa esset pactum inter Deum, & populum; ita vt tamdiu duraret amicitia inter Deum, & populum, quamdiu duraret Circumcisio: quæ foret signum distinctivum veri populi Dei à non populo Dei: sed in populo Christiano non observatur Circumcisio; ergo populus Dei non est, proindeque Christus, qui hanc Circumcisionem sustulit, non est semen spirituale Abrahæ, & consequenter nec Messias. Hoc friuolum quidem, & debile Hebræorum argumentum, in triplici errore falsa suppositione fundatur. Primus error est, quo existimant Circumcisionem in æternum observari debere. Secundus error, quo putant Circumcisionem esse necessariam necessitate mediæ ad salutem, non solum ante, sed post aduentum Messie; ita ut sine Circumcisione nullus æternæ salutis particeps esse queat. Tertius error; quo arbitrantur, Circumcisionem fuisse illud pactum constitutum inter Deum, & Abraham, eiusque descendentes. Quare tribus his Hebræorum erroribus aperte depulsis, illorum fatuitas comparebit.

9. Quantum ad primum. Verbum *Holam* in præcepto Circumcisionis positum, quod Hebræi vsurpant ad significandum, *in æternum*, in Sacra Scriptura sæpius vsurpatur, *pro semper*, sed vsque ad certum tempus, & terminum; prout bene, doctèque consideravit D. Aug. in q. 3. l. supra

supra Genesim, & in quæst. 43. supra Exodum, & in lib. de sermon. supra Exodum cap. 91. Patet hoc 1. ex Exod. 21. v. 5. vbi dicitur: si aliquis seruus cedat iure septennij, ob amorem domini, vxoris, & filiorum, offerendum tunc esse à domino Sacerdotibus, vt seruiat templo, perforatis aribus subulâ, idque in æternum: *Quod si dixerit seruus: Dilego dominum meum, & uxorem, ac liberos, non egrediar liber: offeret eum dominus dijs, & applicabitur ad ostium, & postes, perforabitque aurem eius subulâ, & erit ei seruus in sæculum.* Vbi licet dicatur, quod in æternum maneret seruus; non intelligebatur, nisi vsque ad tempus Iubilæi, quod quinquagesimo quoq; anno recurrebat; & aliquoties illa seruitus durabat solum 10. annos, qui solum ad implendum numerum 50. deficiebant, casu, quo seruitus illa contraheretur anno quadragesimo post præteritum ante actum iubilæum; in quo omnis seruus cum vxore, & filijs suis euadebat liber, vt habetur. *Leuitici 25. vers. 41. Egredietur liber cum liberis suis ad cognationem, & possessionem patrum suorum.* Ex quo deduces; licet scriptura dicat Circumcisionem esse obseruandam in æternum, illud *in æternum*, intelligendum esse vsque ad tempus Messie; in quo tempore deberent cessare illæ cæremoniæ Mosaicæ, prout Rabbini colligunt ex supra allegato versiculo *Psalm. 125. Dominus soluit compeditos*: sicut illud, *in æternum* pro seruis, intelligebatur, vsque ad tempus iubilæi, in quo serui liberi euadebant: quare friuolum est argumentum Iudæorum, dum volunt, quod ex illa particula, *in æternum*, Circumcisio sit omnino perpetua: cum solum significet: *semper*, sed vsque ad certum tempus, vt patet ex citatis locis.

10. Quantum ad secundum: certissimum est Circumcisionem non fuisse semper, & respectu omnium personarum necessariam ad salutem: siquidem ante legem promulgatam Circumcisionis, multi sunt sine illa saluati; post illam autem promulgatam, adhuc multi sine illa salui fuerunt in fide Christi venturi, vt Iob, Iethro, Aman Syrus, & Ciuitas Ninie, cui Deus pepercit propter poenitentiam, quam-

quamvis multi postea ad vomitum redirent . Deinde fœminæ Hebrææ, quæ non circumcidebantur , per fidem in Christum venturum mundabantur . Hebræi verò masculii, quos obligabat lex Circumcisionis , non poterant quidem saluari sine circumcisione , quia Deus ita disposuit; sed illa eis fuit necessaria , quippe non erat tunc pro illis aliud medium ad tollendum peccatum originale : hoc tamen remedium eis fuit datum , solum vsque ad Messię aduentum ; vt mox probabimus .

II. Quo ad tertium: falsum est omnino Circumcisionem fuisse illud pactum constitutum inter Deum , & Abraham , suosque posteros fide tamen , & non carne , vt postea explicauit Paulus. Pactum igitur illud fuit de dando Messiam , vt pro peccato originali , primò , & deinde pro peccatis hominum actualibus plenè satisfaceret , viam salutis doceret , infernum clauderet , cœli portas referaret ijs , qui in eum crederent , eiusque præcepta seruarent. Circumcisio autem solum fuit signum huius pacti : vnde pacto adimpleto , necessarium erat , vt signum illud rescinderetur ; aliter peccatum esset grauissimum , illud signum adhuc post Christi aduentum retinere : quia in hoc ostenderent pactum non fuisse iam adimpletum , idest , Messiam nondum venisse , quod dicere grauissimum est peccatum ; & est affirmare Deum esse mendacem ; non credendo Prophetis , miraculis stupendis , & manifestissimis signis aduentus Saluatoris nostri in toto hoc opere manifestissime demonstratis . Totum hoc explicatur exemplo : si tibi ego promitterem dare centum mille denarios , & in fidem , & signum huius meæ promissionis tibi darem scripturam : dante me tibi postea illa centum millia ; iam illa scriptura deberet rescindi , & esset peccatum illam à te retineri ; quia in hoc ostenderes , me non satisfecisse meæ promissioni , & pacto . Sic illa circumcisio erat signum scriptum , & datum Iudæis in signum promissionis de dando Messiam Saluatorem : ecce iam Saluator tibi est datus , pactumque , & promissio adimpleta : igitur illa scriptura , signumue nihil
iam

iam valet, rescindique debet: aliter iniquè ostenderes promissionem tibi non esse impletam .

52. Itaque propter tres potissimum causas fuit Circumcisio instituta . Prima, vt esset signum pacti, quo Deus promiserat missurum in terras Filium suum in carne passibili ad redimendum mundum, & constituendam Ecclesiam in toto mundo, & non iam in angustiis Iudææ terminis . Secunda, vt per eam Circumcisionem in maribus originale peccatum tolleretur . Tertia, vt per illum populus Dei tunc distingueretur à quolibet alio populo, qui populus Dei non erat . In his omnibus causis etiam Rabini conueniunt: omnes hæ causæ post aduentum Messię cessarunt: ergo & Circumcisio debebat cessare per communem regulam, cessante causâ, cessat effectus . Probatur igitur post aduentum Messię has causas cessasse . Cessauit 1. vt dictum est: quia signum datum, in confirmationem alicuius pacti adimplendi; pacto illo postea adimpleto, rescinditur signum; vt probatum est; sed Circumcisio fuit data in signum pacti, seu promissionis de mittendo Redemptore: ergo impleto hoc pacto per aduentum Redemptoris tempore à Deo constituto, & per Prophetas significato, signum illud Circumcisionis debuit cessare, & omnino tolli, eratque iam non solum superfluum, sed nocuum .

13. Cessauit secunda causa: quia per aduentum Messię vnus tantum futurus erat populus Dei in vniuerso mundo, & non erat futura distinctio Iudæi, & Græci; prout considerauit Apostolus Paulus, & erat prædictum à Propheta Isaia cap. 11. vers. 9. vbi loquens de aduentu Messię: *Repleta est terra scientiâ Domini, sicut aquæ maris operientes. In illa die radix Iesse, qui stat in signum populorum; ipsum gentes deprecabuntur; & erit sepulchrum eius gloriosum .* Et nota; signum huius populi venturi Christum esse; & ideo populus dicitur Christianus, & per baptismum significatum per aquas maris terram operientes solum distinguendum esse populum Dei, idest, Ecclesiam Christianam, quæ est

est vbique baptismi salutaribus aquis irrigata, & quodammodo operata. Idipsum prædixerat Propheta Malachias cap. i. vers. ii. *Ab ortu enim solis vsque ad occasum magnum est nomen meum in gentibus, & in omni loco sacrificatur, & offertur nomini meo oblatio munda; quia magnum est nomen meum in gentibus. Dicit Dominus exercituum.* Et idem prædixit Dauid Ps. i. 12. vers. 3. *A solis ortu vsque ad occasum laudabile nomen Domini;* & in multis alijs prophetijs. Si ergo omnes Christum verum Messiam credentes debebant esse in vniuerso mundo populus Dei, non restabat alius populus Dei; vt inter populum, & populum opus esset aliqua nota distinctionis, prout erat opus ante aduentum Messiae, vt distingueretur populus Dei per Circumcisionem à populo incircumciso, & non populo Dei: vnde post aduentum Messiae superflua erat talis nota distinctiua, scil. Circumcisio: non enim datur distinctio, nisi inter duos: quare, si post aduentum Messiae vnus tantum erat futurus populus Dei, ex gentibus, & Iudæis; ad quid erat necessaria illa distinctio? Cessante ergo isto effectu, cessare debuit illa causa de distinctione populi Iudæi, à Gentili, iuxta illud: *Non est distinctio Iudæi, & Græci.*

14. Cessauit tandem tertia causa. Nam post aduentum Messiae, ab eo institutum fuit ad tollendum originale aliud medium plùs vniuersale, plùs vtile, & plùs suaue, scil. baptisma. Plùs vniuersale: quia Circumcisio non extendebatur ad fœminas, quæ vt dictum est, non circumcidebantur, sed tantum lauabantur, & illis originale remittebatur in fide Christi venturi; neque etiam extendebatur ad populum non Iudaicum, sed alijs non Iudæis seruantibus legem naturalem remittebatur originale per actum amoris Dei, vel contritionis ex auxilio supernaturali in fide Christi futuri, vt in Iob, & in alijs supradictis. At verò baptisma à Christo institutum est vniuersale ad omnes; tam ex natione Hebræa, quàm ex alijs nationibus totius mundi; ad omnes tam masculos, quàm fœminas. Plùs vtile: nam Circumcisio non remittebat peccatum,

nec

nec gratia conferebatur ex virtute Circumcisionis, sed in fide Christi: at baptismus remittit peccatum originale ex virtute Sacramenti baptismi, qui producit vt causa instrumentalis gratiam ex opere operato, sicut alia Christi Sacramenta: & ideo dicitur signum practicum gratiæ: plus etiam vtile: nam Circumcisio solum conferebatur octauo die post natiuitatem infantis, & si infans ante octauum diem moriebatur, non ei remittebatur originale, & sic à cœlo excludabatur sine vlllo remedio: at verò baptismus potest conferri statim, & si habet infans periculum mortis, præcipitur, vt mox ei baptismus conferatur, vt à cœlo non sit exclusus. Plus suaue: nam Circumcisio efficiebatur cum magno dolore, sanguinis effusione, & sæpe cum periculo vitæ, & in adultis cum maximo dolore, & pudore, & periculo etiam mortis; at baptismus confertur cum suauitate, sine vlllo dolore, & sine vlllo rubore, & sine vlllo periculo vitæ, sine effusione sanguinis, aut cruciatu ex aliquo vulnere.

15. Si igitur baptismus à Sanctissimo Messia fuit institutus, vt vniuersalius, vtilius, suauius originale peccatum extingueret; ad quid erat iam necessaria Circumcisio? Certè superflua erat. Et ideo ipsimet Rabbini in Talmud tractatu Iemaboth in cap. *Disceatatus*, dicunt in eis, in quibus peccatum originale remittebatur per lauacrum, vt in fœminis, opus non esse Circumcisione; ergo cum post aduentum Messiae originale peccatum per lauacrum baptismi remittitur, ex mente eorum Rabbiorum superflua est Circumcisio. Ex his concluditur contra Iudæos Circumcisionem iam non posse obseruari post legem gratiæ. 1. quia illa erat solum data in signum promissionis de dando nobis Messia; qua impleta, debuerat omnino rescindi. 2. quia ex ipsis etiam Rabbiniis cæremoniæ Iudaicæ, qualis etiam erat Circumcisio, debebant tolli per Messiam. 3. quia fuit data ad distinguendum populum Iudaicum à Gentili; post Messiam verò vnus solum erat futurus populus ex omnibus nationibus, nempe vniuersalis

Ecclesia Christiana: ergo debebat cessare nota illa distinctiua. 4. quia post Christi aduentum instituendum erat à Messia nouum, vniuersalius, vtilius, suauiusque medium ad delendum originale: ergo iam superfluum erat, imò inutile, & nociuum medium Circumcisionis. 5. quia Circumcisio erat vmbra, & figura baptismi; ergo quando iam adest lux, & figuratum, euanescit vmbra, & figura. Proindeque argumentum Hebræorum de Circumcisione illorum perfidiam condemnat, & nostram fidem confirmat.

C A P V T Q V A R T V M.

Proponitur, & dissoluitur quartum Hebræorum dubium, seu argumentum contra Christianos.

16. **Q**uartum Hebræorum dubium, quod mouent contra Christianos, est; quòd lex lata à Deo æterno est lex æterna, & consequenter in æternum duratura: Christiani autem hanc legem non obseruant; non enim obseruant festum Paschæ azy-morum, & festum Tabernaculorum; quæ festa etiam post aduentum Messie obseruanda esse credunt Hebræi: ergo Christus, qui non præcipit huiusmodi festa obseruari, non est Messias à Prophetis prædictus; nam hic venturus erat non ad destruendum legem, sed ad procurandum, vt lex perfectius, exactiusque obseruaretur.

17. In hoc argumento. clarè ostendunt Iudæi ipsos in lege antiqua parum esse versatos; vel illam prorsus ignorare, minimèque intelligere: vt tamen videas, quàm sint obcæcati, & quantum à vera legis intelligentia sint remoti; aduerte præcepta legis antiquæ in triplici esse differentia: alia enim sunt præcepta iudicialia; alia cæremonialia, alia moralia. Iudicialia tractant de modo iudicandi tam in civilibus, quàm in criminalibus. Cæremonialia agunt de modo sacrificandi, offerendique Deo. determinatis ritibus sacrificia, oblationemque, & holocausta. Moralia sunt, quæ continent legem naturalem, quæ obligant semper. Vt non occidere, non mæchari, nou furari, &c. De iudiciali-

cialibus fit mentio in Exod.cap.21. *Hæc sunt iudicia, quæ propones eis; &c.* De cæremonialibus agitur in toto Leuitico. Et omnia hæc præcepta tum Iudicialia, tum Cæremonialia solum debebant obseruari vsque ad tempus Messie: siquidem omnia erant vmbra, & figura; ideoque cessare debuerant, veniente veritate, & figurato; qualis est Sanctissimus Messias. Et Rabbinii affirmant præcepta hæc iudicialia, & cæremonialia solum in terra promissionis, scilicet in Iudæa obseruari debere: imò hoc ipsum expressè dicit Sacer textus Deuteronomij cap. 4. vers. 1. *Et nunc Israel, audi præcepta, & iudicia, quæ ego doceo te, vt faciens ea, viuas, & ingrediens possideas terram, quam Dominus Deus Patrum vestrorum daturus est vobis.* Et infra vers. 5. *Sic facietis ea in terra, quam possessuri estis.* Præcepta illa moralia sunt illa 10. quæ, vt dictum est, semper obseruari debent in quocunque loco, & tempore, cum contineant legem naturalem æternam. Et notandum est, præcepta illa iudicialia, & cæremonialia à Deo appellari non bona: quod etiam dicitur Ezechiel. 20. vers. 25. *Ego dedi eis præcepta non bona, & iudicia, quibus non viuent.* Non appellantur mala, sed non bona; id est, non perpetua, nec absolutè perfecta: quia verè illa præcepta non continebant illam perfectionem, quæ in lege Euangelica relucet: ideo Doctor gentium præcepta legis Mosaicæ meritò appellauit infirma, & egena. Sic enim scribit ad Galat. 4. *Nunc autem cum cognoueritis Deum, imò cogniti sitis Deo, quomodo conuertimini iterum ad infirma, & egena. elementa.* Decepti Galatæ intendebant Mosaicæ cæremonias ex parte obseruare: illos monet, qui iam deuenerant ad perfectam cognitionem legis Euangelicæ, ne descenderent, ad imperfecta, infirma, & egena præcepta legis Mosaicæ: neque lex illa antiqua iustificare poterat sine fide Christi: aliter opus non esset, vt Christus veniret ad iustificandum, & redimendum. Et sic ait in ead. epist. cap. 2. *Ex operibus legis non iustificabitur omnis caro, nisi per fidem IESU Christi: si enim per legem iustitia; ergo gratis Christus mortuus est.*

Quasi diceret Apostolus: ad quid veniret Verbum caro factum, pro nobis passurum; si vt nos essemus iustificati, & saluati, sufficiens fuisset lex Moyſis? Certum igitur est legem Moyſis ex se non potuisse iustificare nisi per fidem in Christum: vnde si solus Christus est, qui nos iustificat; lex Moyſis per præcepta iudicialia, & cæremonialia post Christi aduentum nihil iuuat; imò nocet; quia per id indicaretur non esse necessariam Christi mortem ad nostram salutem; quod omnino repugnat Prophetis, qui de Christi morte pro nobis toleranda prophetizarunt.

18. Cæterum decem præcepta moralia semper obseruanda erant, vt dictum est; & ideo hæc etiam post aduentum Christi perseuerant, nullo modo à Christo reuocata. Et considerata est differentia in intimandis his præceptis. Nam quando scriptura loquitur de præceptis moralibus, Deuteronom. 4. vers. 13. *Et ostendit vobis pactum suum, quod præcepit, vt faceretis, & decem verba, quæ scripsit in tabulis lapideis.* Vbi intimauit præcepta moralia, non limitauit certum locum, vel tempus; vt significaret in omni loco, & in omni tempore obseruanda esse; at quando intimauit præcepta iudicialia, & cæremonialia, determinauit certum locum, vbi solum obseruari deberent; nimirum in terra Promissionis, id est in Iudæa vers. 14. *Mibique mandauit in illo tempore, vt docerem vos cæremonias, & iudicia, quæ facere deberetis in Terra, quam possessuri essis.* In quo clarissimè indicauit Deus ea præcepta iudicialia, & cæremonialia solum esse duratura vsque ad tempus Messie; & post illud tempus nullo modo esse obseruanda: quia cum Deus optimè sciebat Iudæos post tempus aduentus Messie esse eiiciendos in perpetuum à Iudæa ob peccatum non recipiendi Messiam, & illum occidendi, eo ipso voluit, quòd cæremonialia illa, & iudicialia præcepta cessarent post aduentum Messie; quia post illius aduentum non erant permanfuri in Iudæa, in qua solum ex præcepto Dei obseruari deberent; & ex hac etiam ratione Iudæi nulla peragunt sacrificia, quia Deus noluit, vt hæc fierent extra Ierusalem.

rusalem : præuidens post aduentum Messiae illos esse perpetuò eiiciendos à terra illa ; & voluit , vt post aduentum Messiae nullum aliud fieret sacrificium , nisi sacrificium immaculati Agni Sanctissimi Messiae per sacrificium cruentum semel , & per incruentum in Eucharistia semper vsq; ad consummationem sæculi ; quod Christus ipse significauit , in illis verbis : *Quotiescūque feceritis , in mei memoriam facietis : & : Ecce ego vobiscum sum omnibus diebus vsque ad consummationem sæculi* . Quod prædixerat Propheta Malachias cap. 2. vers. 11. *In omni loco sacrificatur , & offertur nomini meo oblatio munda : quia magnum est nomen meum in gentibus* . Et hoc videmus nunc in Ecclesia in omni loco , dum sacrificium , & oblatio munda , id est , sine effuso animalium sanguine altaria quondam fædante , sed incruento modo æterno Patri offertur . Quare post Christi aduentum solum hoc sacrificium debebat fieri secundum prophetiam ; alia verò sacrificia fieri non debebant , nec fient in æternum .

19. Ex quibus manet satisfactum Hebræorum dubio de celebratione festi azymorum , & de alijs festis Iudæorum . Ratio est : quia , cum sint præcepta cæremonialia ; & hæc solum poterant obseruari antè aduentum Messiae in terra possessa à Iudæis ; id est , in Iudæa ; iam hodie obseruari non debent ; aliter iretur contra legem ipsam . Et hoc ipsum clarissimè demonstratur : quia festum Paschæ azymorum celebrabatur in memoriam exitus de Ægypto : hoc enim Paschæ nomen significat transitum ; & sic per festum illud fiebat memoria illius transitus de terra Ægypti in terram promissionis in actionem gratiarum ob tantum beneficium à Deo illis factum : sed post aduentum Messiae non debebat iam fieri memoria illius transitus : ergo non debet iam celebrari festum illud . Quod verò post aduentum Messiae non debuisset fieri commemoratio illius exitus , constat expressè Ieremiæ c. 23. vers. 7. *Propter hoc ecce dies veniunt , dicit Dominus : & non dicent ultra : viuit Dominus , qui edu-
xit filios Israel de Terra Ægypti : sed viuit Dominus , qui edu-*

educit, & adduxit semen Domus Israel de Terra Aquilonis, & de cunctis terris, ad quas eieceram eos illuc; & habitabunt in terra sua. Id est; non amplius celebrabitur festum Paschæ azymorum pro exitu de Ægypto; sed festum Paschæ Resurrectionis Christi, eiusque Passionis; per quam omnes gentes in cunctis terris fuerunt redemptæ de captiuitate peccati, & de Idololatria, vt habitent in terra sua, vt semen Abraham spirituale per propagationem fidei de vero Deo Israel. Hoc idem dixerat idem Propheta c. 16. v. 14. per eadem formalia verba: & adiungit mox: Ecce ego mittam piscatores multos, dicit Dominus, & piscabuntur eos; in quo indicat conuersionem gentium per Apostolos, qui erant piscatores piscium, & postea hominum, iuxta illud: Venite post me, & faciam vos fieri piscatores hominum. Sic intelligunt hos textus ipsi etiam Rabbini: nam in lib. Melchita in Exod. 13. in vers. 2. Sanctifica mihi omne primogenitum, &c. Sic dicitur, facta fideli translatione de Hebraico in Latinum: Discit illis filius Zomæ, veniet tempus, in quo Israel commemorationem non faciet de exitu Ægypti in seculo futuro, id est, in tempore aduentus Messie, sicut scriptum est in Ierem. cap. 16. & hoc significauit etiam Salomon Ecclesiastes cap. 1. vers. 11. Non est priorum memoria, nec eorum quidem, quæ postea futura sunt, erit recordatio apud eos, qui futuri sunt in nouissimo. Quæ verba sic exponuntur in lib. Midras coheleth: Quot signa, & miracula facta sunt in Israel, antequam egredierentur ex Ægypto cum illis, quæ postea facta sunt, quando egressi sunt ex Ægypto, de his loquitur Salomon, quando dicit: Non est priorum memoria, &c. id est, non fiet memoria de primis miraculis factis ante egressum Ægypti, nec de illis factis post egressum. Et mox interrogat: De quibus ergo miraculis fiet memoria? Et respondet: Fiet memoria de illis, quæ fient tempore Messie, sicut scriptum est in Ierem. cap. 16. Huic expositioni adhæret Targum Ierosolymitanum explicando illa verba: Cum illis, quæ facta sunt, id est, cum illis, quæ fient, in diebus Regis Messie.

20. Idem dicit Isaias cap. 43. vers. 2. *Ne memineritis priorum, & antiqua ne intueamini: ecce ego facio noua, & nunc orientur: utique cognoscetis ea: ponam in deserto viam; & in inuio flumina, &c.* quæ verba exponens Rabbi Salomon dicit sic: *Non memineritis priorum*, id est, priorum miraculorum, quæ ego feci in *Ægypto*, quia in tempore Messie vestrum exercitium erit totum in laudibus, & confessionibus erga Messiam Sanctissimum propter illius multo mirabiliora prodigia. Vnde ex prædictis textibus, & expositionibus Rabbīnorum clarè constat post aduentum Messie non esse iam celebranda Iudæorum festa ob prodigia illa facta à Deo tam ante, quàm post egressum ex *Ægypto*; sed solum faciendam esse commemorationem eorum mirabilium, quæ Messias factururus erat; vt nos nunc facimus, celebrando illius mirabilem Incarnationem, Natiuitatem, Epiphaniam, Transfigurationem, prædicationem miraculis plenam, Sanctissimam Passionem, gloriosam Resurrectionem, mirabilem Ascensionem, Pentecosten, seu Spiritum Sanctum in linguis flammeis super Apostolos, & discipulos descendentem. Et ratio horum omnium est: quia Messias Sanctissimus debuerat facere nouam aliam legem, nouum pactum, & testamentum, sicut etiam à Sanctis Prophetis diuino afflatis numine prædictum erat, vt constat ex Ieremia cap. 31. vers. 31. *Ecce dies venient, dicit Dominus, & feriam Domui Israel, & Domui Iuda fœdus nouum, non secundum pactum, quod pepigi cum Patribus eorum in die, quæ apprehendi manum eorum, vt educerem eos de terra Ægypti, pactum, quod irritum fecerunt: & ego Dominus sum eorum, dicit Dominus.* Et infra: *Dabo legem nouam in visceribus eorum, & in corde eorum scribam eam: & ero eis in Deum, & ipsierunt mihi in populum.*

21. Notandum hîc pactum nouum, & legem nouam pro eodem haberi; vt mox idem Propheta subiungit: *Dabo legem nouam.* Et constat ex cap. 34. Exodi vers. 29. *Et scripsit in tabulis verba fœderis decem.* Vbi decem præcepta vocat pactum. Quare pactum nouum idem est, atque lex.

lex noua: quæ lex debebat multò perfectior esse, quàm fuit illa, quam Deus illis dedit post exitum de Ægypto, vt bene habetur in lib. Midras coheleth, vbi sic dicitur: *Lex illa, quam homo accepit in hoc seculo*, id est, ante aduentum Messie, est nihil respectu legis Messie. Ex quibus verbis manifestè patet legem nouam, nimirum Euangelicam, multò esse perfectiorem Mosaicâ; vtpote data immediatè à Messia, qui non est solùm homo, vt erat Moyses, sed ipsemet Deus, qui illam laturus erat; vt fatentur ipsi etiam Rabbinii in lib. Rabboth, exponendo versiculum Genes. cap. 46. vbi dicit sic: *Dixit ei Deus Sanctus, & benedictus: tu docuisti filios tuos legem in hoc seculo: sed in seculo futuro*, id est, in aduentu Messie, ego ipse in gloria mea vos legem edocebo; sicut scriptum est in Isaie cap. 54. vers. 13. *Vniuersos filios tuos doctos à Domino*. Ex quibus verbis constat alteram legem dandam esse à Deo diuersam à prima data per Moysen; quæ ratione legislatoris melioris, vtpote Dei illam immediatè ferentis multò perfectior futura erat; & id fecit Christus; qui legem hanc nouam, scil. Euangelium docuit verbo, & exemplo. Et hanc legem Euangelicam, vt prædixit Ierem. cit. cap. 31. impressit Deus ipse Messias, non in tabulis lapideis, vt Mosaicam, sed in cordibus suorum fidelium. Quod etiam prædixit Ezechiel. cap. 11. vers. 19. *Et dabo eis cor vnum, & spiritum nouum tribuam in visceribus eorum, & auferam cor lapideum de carne eorum; & dabo eis cor carneum: vt in præceptis meis ambulent, & iudicia mea custodiant, faciantque ea; & sint mihi in populum, & ego sim eis in Deum*. Id est, fideles mei Christiani meam legem Euangelicam secuti habebunt cor vnum, iuxta illud: *Cor vnum, & anima vna*; non erunt duræ ceruicis, vt Hebræi, sed dociles, & nouum spiritum habentes. Et hoc etiam prædixit Isaïas cap. 24. loquendo de supplicio infligendo in vltimo iudicio violentibus vtramque legem; Mosaicam, quando vigeat, & postea fuit reuocata; & Euangelicam, quæ nunquam reuocanda erat. Vbi vers. 5. sic ait; *Quia transgressi sunt leges, mutauerunt ius, dissipauerunt*

runt fœdus sempiternum propter hoc maledictio vorabit terram. Vbi nota, non dici: Transgressi sunt legem, sed leges in plurali: quia in die iudicij de vtraque lege reddituri sunt rationem, de prima, quando obligabat; de secunda etiam à tempore Messiaë obligante in perpetuum, & ideo istam secundam appellat Propheta fœdus sempiternum. Et ita consentiunt Rabbini in lib. Ialcut in expositione Isa. cap. 26. & in lib. Rabboth exponendo Leuiticum cap. 11. & in lib. Mechilta in expositione Leuitici cap. 24. in quibus locis asseritur ferendam esse à Messia nouam legem, & pactum sempiternum.

22. Obmutescant igitur Iudæi, & erubescant; nec incusent Christianos, quod illa cæremonialia Mosaica omnino abhorreant; nam lex illa cæremonialis non solum est mortua, sed mortifera, id est, non solum est omnino abrogata, sed peccant mortaliter, qui illam obseruant: & hoc ipsum prædixit Isaias Propheta cap. 1. per totum; vbi dicit clarissimis verbis, postquam Messiam non acceptarunt, nec recognouerunt: eorum sacrificia, oblationes, festiuitates Deo esse execrabiles. Sic enim ait Propheta in loco citato vers. 2. *Filios enutriui, & exaltaui. Ipsi autem spreuerunt me.* Id est, Hebræos educaui, vt filios per filiationem adoptiuam gratiæ, hanc præ reliquis Nationem exaltaui assumendo ex illis humanitatem; sed ipsi spreuerunt me, non me recipiendo Messiam suum; nec mihi recens nato locum adhuc in communi omnibus diuersorio dedere, iuxta illud: *Non erat ei locus in diuersorio;* sed compulsus fui nasci in stabulo in Bethlehem; expositus in vili præsepio. Sed ibi me cognouit bos, & asinus: *Cognouit, bos possessorem suum, & asinus præsepe Domini sui: Israel autem me non cognouit:* irrationalia bruta habuerunt rationem, vt me cognoscerent: *Israel,* id est, videns Deum, me suum Deum non vidit: animalia, bos, & iumentum insipiens, me cognouerunt; vel illi, qui in illis brutis animantibus figurabantur, scil. Gentiles in me crediderunt. Populus meus antea fidelis, in me non credidit: neque scripturas

de me locutas intellexit: *Populus meus non intellexit. Sed* quia me dereliquerunt, & blasphemarunt me Sanctum Israel Messiam suum: *Reliquerunt Dominum, blasphemarunt Sanctum Israel, abalienati sunt retrorsum; elegerunt Cæsarem vt Regem suum; & me Regem suum Cæsari postposuerunt, dicentes: Non habemus Regem, nisi Cæsarem; ideo Cæsar Titus eos destruxit: Terra vestra deserta, Ciuitates vestre succense igni; regionem vestram coram vobis alieni deuorant, & desolabitur sicut in vastitate hostili, &c. & ideo iam non volo vestra sacrificia; erunt enim frustranea, & mihi abominatio: Ne offeratis ultra sacrificium frustra, incensum abominatio est mihi. Neomeniam, & Sabbatum, & festiuitates alias non feram: iniqui sunt cæus vestri; Kalendas vestras, & solemnitates vestras odiuit anima mea: & cum extenderitis manus vestras, auertam oculos meos à vobis: & cum multiplicaueritis orationem, non exaudiam; manus enim vestre sanguine pleue sunt. Id est, adhuc habetis manus noxias, & gaudetis fuisse me occisum à Patribus vestris, & affectu me semper occiditis: deponite vestram obstinationem; credite in lucem, vt filij lucis sitis: Lauamini, id est, suscipite baptismum, & mundi estote, id est, solum per hunc sanctum baptismum eritis mundi à peccatis vestris; sin minus moriemini in peccatis vestris; & in æternum condemnabimini: Qui crediderit, & baptizatus fuerit, saluus erit; qui verò non crediderit, condemnabitur. O miseri Hebræi, cur non aperitis oculos veritati? En clarissimis verbis Propheta vobis ostendit vestras cæremonias, Sabbathi solemnitatem, reliquasue festiuitates Deo esse execrabiles; iniquas vestras Synagogas; & nullum vobis iam esse remedium, nisi baptismum, vt mundi, & salui sitis.*

CAPVT QVINTVM.

*Proponitur, & dissoluitur quintum Hebræorum dubium,
quòd Christiani non obseruent Sabbatum, tempus
Expiationis, obseruent tamen Domi-
nicam.*

23.

Q Vintum dubium Hebræorum, seu argumen-
tum contra Christianos, est, quòd Deus
præcepit, vt Sabbatum, diesque Expiatio-
num in æternum solemniter obseruentur. Ita habetur in
Exod.cap.31.verf.16.*Custodiant filij Israel Sabbatum, & ce-
lebrent illud in generationibus suis. Pactum est sempiter-
num inter me, & filios Israel, signumque perpetuum.* Simi-
liter de die expiationis ita habetur Leuitici cap.23. verf.21.
*Et vocabitis hunc diem celeberrimum, atque sanctissimum;
omne opus seruile non facietis in eo, legitimum sempiternum
erit in cunctis habitaculis, & generationibus vestris.* Si igitur
vnum, & alterum præceptum est obseruandum in
perpetuum, vt æterna salus obtineatur; Christiani, qui
illa præcepta non obseruant; imò respuunt, & contem-
nunt, non sunt in statu salutis; consequenterque Christus,
qui præcipit, vt ea præcepta non obseruentur à suis Chri-
stianis, non est Messias à Prophetis prædictus; nam hic
uenturus est ad saluandum populum; vt omnes Prophe-
tæ clamant.

24. Resp. Vanam intelligentiam, quam Hebræi Sacræ
exhibent Scripturæ, illis quidem erroris occasionem esse,
& suæ perpetuæ damnationis. Legant igitur attentè, & se-
riò scripturas perscrutentur; & intelligent, si Christus ea
præcepta non abrogasset, non futurum fuisse verum Mes-
siam; & ipsam scripturam sibi contrariam fore. Vt hoc cla-
rissimè, & euidentissimè videas, aduerte nomen *æternum*,
in *æternum*, significatum per vocem Hebraicam *holam*,
duobus modis in Sacra Scriptura vsurpari. 1. modo, vt

significet perpetuitatem, sine vllō vnquam termino. 2. vt significet perpetuitatem, id est, *semper*, vsque ad terminum tamen certum, & designatum à Sacra Scriptura. Aduerte etiam, quoties scriptura vtitur illo termino, *in æternum*, *in perpetuum*, *in sempiternum*; & non ponit in alio loco certum, & determinatum limitem, semper intelligi, vt res illa nullum habeat finem, sed absolutè sit perpetua. v.gr. quando scriptura dicit de reprobis: *Ibunt in ignem æternum, in combustionem æternam*. *Quis ex vobis poterit habitare cum ardoribus sempiternis*? Et quando loquitur de gloria electorum: *Fulgebunt iusti in perpetuas æternitates*; cùm aliunde alius Sacræ Scripturæ locus non ponat certum limitem, & terminum; semper intelligendum est de pœna æterna reprobis, & de præmio æterno electis; & dicere pœnam illam, & præmium illud non esse perpetuò duratura, est aperta hæresis; & ratio est; quia Sacra Scriptura semper intelligi debet, prout verba sonant, nisi inde sequatur aliqua implicatio contra ipsam Sacram Scripturam, aliter nunquam haberemus certam formam credendi, si à propria vocis, & scripturæ significato pro libito nostro dilaberemur; quod optimè considerauit Trid. sess. 4. in decreto de editione, & vsu librorum.

25. Quoties verò scriptura vtitur terminis; *In æternum*, *in perpetuum*; & in alio Scripturæ Sacræ loco ponitur illius rei terminus, tunc solum intelligitur durare semper, vsque ad illum tamen terminum, & limitem statutum; & tunc dicere rem illam esse perpetuò duraturam, absque vllō vnquam fine, est apertè hæresis contra ipsam scripturam: ratio est: quia cùm scriptura ponat terminum, & limitem, ad quem vsque res illa sit duratura; si quis contendat vltra illum limitem rem esse duraturam, iam negat scripturam, & committit hæresim. De hoc dantur multa exempla in Sacra Scriptura. 1. ex Exod. 21. de quo supra diximus lib. 2. cap. 3. seruus dicitur in perpetuum: & tamen veniente anno Iubilæi, liber euadebat: vnde illud *in perpetuum* intelligitur, vsque ad tempus Iubi-

Iubilæi; aliter scriptura sibi contradiceret. 2. in textu Hebraico Samuel. cap.1. Vbi Anna dicit se facturam, vt filius suus seruiat Deo in templo in æternum: & tamen Rabbi Salomon explicat, illud *in æternum* intelligi debere vsque ad sæculum Leuitici, id est, per 50. annos; vt dicitur Numeri cap.8. vers.25. *Cumque quinquagesimum ætatis annum impleuerint, seruire cessabunt.* Tertiò in cap. 48. Genesis promissit Deus illis Sanctis PP. daturum terram promissionis, id est, Iudæam possidendam in æternum vers. 4. *Dabo tibi terram hanc, & semini tuo post te in possessionem sempiternam.* Et tamen id solum intelligendum est: vt illam possiderent vsque ad sæculum aduentus Messie: quia Hebræi iam illam terram Iudææ non possident ab annis 1600. & vltra, nec amplius possidebunt: igitur eodem modo intelligendum est, quando dicitur Sabbatum, & illas cæremonias in æternum obseruandas, id fieri debere vsque ad tempus Messie: quia illa omnia cæremonialia in diebus aduentus Messie cessatura erant, vt prædictum fuerat à Prophetis Ieremia, & Isaiâ, prout vidimus in capite præcedenti. Ex quibus manifestè apparet errare Hebræos, dum dicunt Sabbatum obseruandum esse in æternum etiam post aduentum Messie: siquidem, vt demonstratum est, illud *in æternum*, intelligi debet, vsque ad tempus Messie; aliter scriptura sibi esset contraria, & Deus foret mendax; quod dicere est manifesta blasphemia. Vnde si Hebræi perstant in obseruatione Sabbati, & in alijs cæremonijs post aduentum Messie, peccant mortaliter; & aduersantur Sacre Scripturæ; suntque in statu æternæ damnationis.

26. Replicant adhuc perfidi, & obstinati Iudæi. Saltem Sabbatum obseruandum est etiam post aduentum Messie: siquidem præceptum Sabbati est morale, & continetur in 10. præceptis decalogi; quæ etiam secundum nos perseverant post aduentum Messie. Hæc etiam Hebræorum obiectio manifestè ostendit summam illorum ignorantiam in percipiendo Sacre Scripturæ sensum. Vt illum sensum verum, & germanum percipias, aduerte præceptum

ceptum Sabbati partim esse morale, & partim cæremoniale; est morale, in quantum continet memoriam Creatoris Dei, qui creauit cœlum, & terram in spatio sex dierum, & postea cessauit ab omni opere, quod patrauerat; & septimo die requieuit: prout habetur in Genesi. 1. Est cæremoniale, in quantum celebrabatur in memoriam exitus ex Ægypto. Has duas differentias istius præcepti insinuat Sacra Scriptura: nam, in Exodo cap. 31. cum Deus præcepisset ea, quæ ad Arcam, & altare, ad oleum, & vntionem Sacerdotis pertinebant, quæ quidem ad cæremonialia spectant; subiungit circa Sabbatum vers. 15. *Sex diebus facietis opus: in die septimo Sabbatum est, requies Sancta Domino: omnis, qui fecerit opus in hac die, morietur.* Vbi vides præceptum Sabbati inter cæremonialia præcepta connumerari: & idcirco, quia cæremoniale etiam est, aliquoties ex diuina voluntate obseruatum non fuit; vt accidit tempore Iosue: quando Deus præcepit, vt Urbem Ierico per septem dies girarent ad illam expugnandam, & certum est intra illos septem dies Sabbatum esse. Constat id Iosue cap. 6. vers. 14. *Circuieruntque Ciuitatem secundo die semel, & reuersi sunt in castra: sic fecerunt sex diebus: die autem septimo diluculo consurgentes circuierunt urbem, sicut dispositum erat, septies.* Imò ipsa vrbs die Sabbati capta fuit, vt habetur in lib. Beresuh Rabba; in expositione cap. 17. Genes. & idem dicit in expos. cap. 4. Numer. idem etiam dicitur in lib. Sederholam. Et in lib. Sifre in expositione cap. 9. Numeri, dicitur in 40. annis in deserto vnum tantum Sabbatum fuisse ab Hebræis obseruatum. Et postquam ingressi sunt in terram promissionis, dum iam erant in tranquillitate, & in gratia Dei, non semper obseruabant Sabbatum: liquidem per spatium duorum mensium, nimirum mense Martio, & Septembri, vt possent sibi necessaria querere, Sabbatum non obseruabant: vt habetur in Thalmud tract. caput anni. Ex quibus colligitur præceptum Sabbati esse cæremoniale; quia, Deo etiam volente; aliquando non obseruabatur; quod ita non foret,

foret, si esset præceptum morale; quod nunquam sine graui offensa Dei violatur.

27. Vnde Moyſes bis facit mentionem de præcepto Sabbati prima vice in c.20. Ex.11. *Sex enim diebus fecit Dominus celum, & terram, & mare, & omnia, quæ in eis sunt, & requieuit in die septimo; idcirco benedixit Dominus diei Sabbati, & sanctificauit eum. Honora patrem tuum, & matrem tuam &c.* Et tunc ponit hoc Sabbati præceptum inter moralia, de quibus loquitur in eo capite 20. Et solum requirit ibi Deus, vt recordentur illius diei ob memoriam Dei Creatoris ibid. vers.8. *Memento, vt diem Sabbati sanctifices.* Et non ponitur ibi, vt recordentur de liberatione ab Ægypto. Secunda vice in Deuteronom. cap. 5. vers. 15. *Memento, quod & ipse seruieris in Ægypto, & eduxerit te inde Dominus Deus tuus in manu forti, & brachio extento; idcirco præcepit tibi, vt obseruares diem Sabbati.* Vbi vides obseruationem Sabbati præcipi propter duas causas. Primam: ob memoriam creationis mundi; & hîc solum requirit, vt recordemur illius diei, vt sit in nobis viva semper memoria nostri Creatoris; & hoc faciunt semper Chriſtiani, dum in Symbolo Fidei dicunt, credo in Deum Patrem Creatorem cœli, & terræ. Secundam, vt recordentur diei, quo egressi sunt de Ægypto: & ibi præcipitur vacare ab opere seruili: cùm verò Deus dixerit per Ieremiam Prophetam, vt post aduentum Messîæ non fiat memoria exitus de Ægypto, in supra citato cap. 23. prout supra in cap. 4. vidimus; restat, vt sit peccatum obseruare eo modo Sabbathum: ne inde inferatur nondum venisse Messîam: & ideo Ecclesia Sancto Spiritu illuminata sumpsit diem Dominicam, in qua abstinendo ab opere seruili Deo vacamus, & recordemur tum creationis mundi, tum Sanctissimæ Resurrectionis Chriſti, vt intelligatur iam venisse Messîam: Diabolus verò instigat Hebræos, vt obseruent Sabbathum cæremoniâ Mosaicâ; Circumcisionem, & alias cæremonias; vt illos inducat ad non credendum Messîam iam venisse, & in æternum damnentur..

28. Hoc facit Diabolus decipiendo miseros Hebræos; Deus autem è contrario voluit, vt post aduentum Mellæ Sabbathum eo cæremoniali modo minimè obseruaretur: vt habet Isaias cap. i. vers. 13. dicens. *Neomeniam, & Sabbathum, & festiuitates alias non feram; iniqui sunt catus vestri, &c.* Sed Hebræi potius diabolo volunt credere, vt in æternum damnentur, quàm Deo vera, & salutaria dicenti, vt salutem æternam consequantur.

29. Ex dictis facilè est respondere Hebræorum argumento contra nos factò, quòd Dominicam obseruemus, & non Sabbathum: nam quòd non liceat Sabbathum, eo modo, quo ipsi obseruant, obseruare, iam patet ex dictis; quòd verò sit conueniens obseruare Dominicam, patebit ex dicendis. Primo: quia præceptum Sabbati, vt dictum est, partim est morale, in quantum requiritur, quòd vnā diem Deo consecremus, quæcunque illa sit, & sic Ecclesia Christiana, in qualibet septimana Dominicam diem Deo solemniter deuouet; partim est cæremoniale, in quantum est memoria egressionis ex Ægypto; & hoc modo illud obseruare est post aduentum Mellæ prohibitum à lege, vt iam probatum est. Secundò: quia sicut populus Iudaicus fuit in Ægypto peregrinus, & manu Dei eduçtus ad terram promissionis, vt à laboribus duræ captiuitatis requiesceret: sic Messias peregrinus fuit in hoc mundo, & ab illo in diē Resurrectionis manu Dei forti eduçtus fuit in veram terram promissionis, scilicet, patriam cælestem, iuxta illud. *Ego exiui à Patre, & veni in mundum; iterum relinquo mundum, & vado ad Patrem;* Et vt etiam à laboribus, acerbissimisque huius exilij molestijs requiesceret, iuxta illud: *Surge Domine in requiem tuam.* Vnde sicut Sabbathum Domino sanctificabatur, in memoriam, quòd & Deus ab opere creationis cessauerat, & ipsi ab opere seruili in Ægypto requieuerant, & ab illa captiuitate emerferant: ita Dominica debet Domino sanctificari, (& ideo dies Dominica appellatur) quia in illa Christus resurgens cessauit ab opere Redemptoris, à laboribus molestissimæ, & acerbissimæ seruitu-

uitutis pro nobis vltro susceptæ; si Sabbatum, in quo perfecit Dominus opus creationis; Domino debetur; Dominica, in qua perfecit multò excellentius opus Redemptionis, cur Domino non debeat? Lex vetus cum Sabbato sepulta est; lex noua, Christo in Dominica resurgente, surrexit, & dies ista fuit, quam sibi fecit Dominus; exultemus, & lætemur in ea: & Hebræi, si nolint in tenebris delitescere, & cum sepulchrali Sabbato tumulari; surgant ad clarissimam Ecclesiæ Auroram, vt solem iustitiæ Christum intueantur; æternæque damnationis mortem feliciter deuitabunt: sin minus, in peccato suo morientur.

30. Ex tota hac doctrina colliguntur tres veritates. Prima: præcepta omnia cæremonialia per legem nouam esse reuocata; & non solum legem cæremonialem mortuam esse, sed mortiferam, id est, est peccatum illam obseruare. Secunda: quando dicitur in scriptura, quod leges illæ cæremoniales obseruentur in æternum; vocem, *in æternum*, semper intelligi, vsque ad tempus Messiæ; in quo secundum Prophetas illæ reuocandæ erant: sicut quando à Rege lex aliqua statuitur perpetua, semper intelligitur, vsque ad tempus; in quo illa reuocanda sit. Tertia: Sabbatum modo Mosaico celebrari, esse peccatum mortale; & loco Sabbati, Dominicam esse celebrandam; tum ne per cæremonias Sabbati insinuetur nondum venisse Messiam: dum secundum Prophetas non erant obseruandæ post aduentum Messiæ: tum vt per Dominicam recordemur illum iam venisse, & Redemptionem consummasse.

CAPVT SEXTVM.

Proponitur sextum dubium, & dissoluitur.

31. **A**rguunt Hebræi; quando venerit Messias, Magnus Rex Gog, & Magog, id est, gentes sequentes Gog, surgent cum innumerabili exercitu hominum, qui nascentur, & erunt stature vni tantum cubiti; bel-

Namque inferet acerbissimum Hierosolymæ: Messias verò istum Regem Gog interficiet vel vno oris flatu, & in tempore isto restituet 10. tribus Israel, quæ disiunctæ fuerant à duabus tribubus Iudæ, & Beniamin; & hoc colligunt ex Propheta Ezechiel cap. 38. Sed quando venit Christus Iesus nullum in terris, & maximè in Ierusalem erat bellum: nec Christus Regem Gog interfecit: ergo Messias nondum venit; sed veniet, quando hæc Prophetia fuerit impleta.

32. Hoc argumentum Iudeorum vanissimum quidem est. Et in primis falsissimum est, quod de nouo nascatur gens illa hominum staturæ tam parvæ, vt non excedat mensuram vnus cubiti: hoc enim illorum somnium inter cæteras fabulas, quas ipsi quidem fingunt, ridiculas connumerari potest; maximè, quia constat, etiam ex illorum Rabbiniis, qualis sit gens illa, & ex quibus Regionibus, & Nationibus congreganda sit. Dico igitur gentem illam appellatam Magog, non esse incognitam, & quæ de nouo sit nascitura: ob id, quod in Sacra Scriptura reperitur in cap. 10. Geneseos: vbi dicitur Magog secundum fuisse filium Iapheth filij Noë: ex quo Magog descendit gens illa ex patris nomine sic appellata, quæ hodie dicuntur esse Scythæ; & Dauid Rabbi Chimchim in hunc text. Ezechiel. cap. 38. dicit hunc Regem Gog esse Regem illius gentis Magog; & futurum etiam Regem duarum aliarum nationum Mesileph, & Tubal, vt dicit idem Propheta; quæ nationes hodie sunt Moscouitæ, & Tiberi, non Iberi Hispani, sed illi, ex quibus aliqui in Hispaniæ partem deuenerunt, ex suoque nomine Hiberiam appellarunt; & verè Tiberi illi sunt prope Moscouiam. Docet item prædictus Rabbinus huic Regi Gog aggregandas esse alias nationes; de quibus hic Propheta facit mentionem, scilicet, Paras, idest, Persianos, Cus, idest, Æthiopes, Put, idest, Gotos, Gomer, idest, Galatas, Togarma, idest, Turcas, & cum his venient Tartis, idest, Africa, Scæba, & Dedan gens intra Æthiopiam, vel secundum aliorum opinionem, gens Arabiæ felicitis: omnes hæ

hæ nationes sunt notæ, & corporis stature ordinariæ: ergo ratione etiam suorum Rabbiorum, falsum, & ridiculum dicunt illi Hebræi, illam gentem futuram esse incognitam, & illius ridiculæ stature.

33. Vt hoc melius intelligas, aduerte omnem illam gentem secuturam Regem Gog, originem trahere à Noë, vt constat ex cit. cap. 10. Genes. Nam Magog post diluuium filius fuit secundus Iapheth: Tubal eiusdem fuit filius quintus: Cus fuit filius primus Cham; Gomer fuit filius primus Iapheth. Togarma fuit filius tertius Gomer. Tarsis fuit filius Iauan filij quarti Iapheth. Dedan fuit filius secundus Ragma filij Cus filij primi Cham. Soba fuit primus filius Ragma. Igitur secundum etiam ipsos Rabbinos, iste Rex Gog congregabit ad se has vndecim nationes à prædictis filiis Noë originem trahentes, scilicet Moscouitas, Tiberos, Persas, Æthyopes, Gotos, Galatas, Turcas, Africanos, Idumæos, Tarsenses, Arabas; cum his nationibus sequacibus istius potentissimi Regis Gog inferet ipse fortissimum, & crudelissimum bellum toti orbi terrarum. Sed vt manifestè videas illud supra positum Hebræorum argumentum deductum ex Prophetia Ezechielis esse prorsus vanum, & nullius momenti; in duplici sensu potest illa prophetia sumi: primus sensus est mysticus; Secundus literalis. In primo sensu loquitur de nationibus infidelibus, quæ persequabantur nouā Ierusalem, id est, Ecclesiam Christianam, Diabolo duce, eosque instigante: illos verò Infideles, Gentiles, spiritualiter, vt sic dicam, Christus interfecit spiritu oris sui, id est, per suos Apostolos, qui sunt os Domini, iuxta illud: *non estis vos, qui loquimini, sed spiritus Patris vestri, qui loquitur in vobis*: atque vt sic populus gentilis fuit destructus, dum fuit ad fidem conuersus; & vt fieret ista conuersio, sæpius Deus eos puniuit, peste, fulminibus, morte, & clade multorum, destructione Ciuitatum, vt Romæ, & aliarum: huic sensui possunt applicari omnes prophetiæ, quæ de gentium conuersione loquuntur; vt supra vidimus. Quod verò Sacra Scriptura sæpius intelligatur in sensu

myſtico, reſ eſt omnino certa; & ipſi etiam Rabbinī docent; ut cum communi ſuorum Rabbīnorum aſſerit Rabbi Moyſes de Egypto in libro diſto *More*; qui author eſt apud Hebræos in maxima authoritate :

34. In hoc ſenſu myſtico impleta eſt iam hodie propheta: quia iam hæ gentes ſunt ad fidem conuerſæ, & gentilitas, ſeu idololatria certo quodammodo occiſa ſpiritu oris Chriſti, ſeu per Apoſtolos in vniuerſum Orbem miſſos; iuxta illud: *Euntes in mundum vniuerſum prædicate Evangelium omni creaturæ* &c. Nec obſtat primò, quòd Propheta dicat id euenſurū in nouiſſimis diebus: nam intelligitur in vltimis diebus in ordine ad primum Meſſiæ aduentum; prout alibi explicatum eſt ex iſdem Prophetis. Nec obſtat ſecundò, quòd Propheta alij dicant in primo aduentu Meſſiæ pacem tunc in toto Orbe futuram, & nullo modo bellum illud cruentum, de quo hīc loquitur Ezechiel: nam ſumptā Prophetiā in ſenſu myſtico, etiam bellum illud ſumendum eſt in ſenſu myſtico, id eſt, bellum ſpirituale; quod & Diabolus fecit excitando perſecutiones contra Eccleſiam; & Dominus illas repreſſit, fidem in gentes mirabiliter introducendo: & hoc bellum ſpirituale faciendum erat tempore primi aduentus, iuxta illud Chriſti Domini: *non veni pacem mittere, ſed gladium*; quod totum potuit eſſe, & verè fuit; cum eo, quòd tunc in illo primo aduentu nulla materialia bella gererentur. Ergo ex illa prophetia in ſenſu myſtico ſumpta, malè inferunt Hebræi, non veniſſe iam Chriſtum; cum potiùs ex illa in ſenſu myſtico ſumpta conſtet veriſſimè iam veniſſe.

35. In ſenſu literalī ſumptā prædictā prophetiā, per illum Regem Gog, & Magog intelligitur Antichriſtus: in hoc concordant noſtri DD. Theologi, ut videre eſt apud Card. Bellarminum de ſummo Pontifice, & Corneliū à Lapide in Ezechiel cap. 38. cum ipſis Rabbīnis doctioribus. Ita Rabbi de Pomis David nuncupatus in Diſtionario Zemach David; in quo exponit vocabula Hebraica, & alterius linguae extraneæ, & ibid. verb. *Armillos*, dicit hunc Regem Gog

Gog esse Armillos, & esse illum, qui à Christianis Antichristus appellatur. Adducet ergo Rex iste Gog Armillos, seu alio nomine Antichristus secum prædictas 11. nationes trahentes originem à prædictis filijs Noë; & licet hodie habeat diuersa nomina, vt etiam diuersum nomen sit habiturus Rex ille; at satis fuit Prophetæ declarare nomen ab origine deductum, quamuis taceret ab arbitrio impositum, vt verificetur eius prophetia: sicut si quædā esset prophetia dicens quendā Regem Lusitanum missurū esse Sacerdotes ad conuertendū Indos: dum postea Rex Emmanuel misit Sacerdotes in Indiam ad conuertendos illos Indos, verè intelligeretur impleta prophetia in Rege Emmanuele Lusitano; licet Prophetæ solum dixisset nomen originis, non impositionis. Præter illas 11. nationes Hebræi, sicut in alijs occasionibus, decepti hunc Regem tanquam suum Messiam sequentur; & ex varijs terrarum orbis partibus, vbi fuerint dispersi, ad illum hominem peccati adorandum alacriter concurrent, quasi iam ad optatum suæ vanissimæ Spei finem, vt falsò putabunt, feliciter obtinendum, & cum Canes suos canes contra Christianos adlatrabunt: festa illius miracula tanquam vera alijs narrabunt, & vt suum Messiam indubitatè recipient: quod Christus Dominus prædixit Ioan. 7. vers. 43. *Ego veni in nomine Patris mei, & non accipitis me; si alius venerit in nomine suo, illum accipietis.* Et deploranda lacrymis est istorum Hebræorum cecitas; quòd miraculis credent factis, qui non crediderant veris; recipient hominem peccatorem; qui non receperant iustum; adorabunt crudelem; qui adorare noluerunt mitem; placebit iniquitas, quibus displicuerat sanctitas: non aduertendo Messiam prædici à Prophetis sanctum, iustum; Agnum innocentem, misericordem; & amplectentur iniquum, iniustum, immanem feram, crudelem bestiam, & hominem omnibus vitijs, & sceleribus coopertum.

36. Nunc ad argumentum ab Hebræis factum facillimè dissoluendum procedamus. Concedimus igitur in primo aduentu Messie non fuisse factum illud bellum atrocissi-

cillimum, nec tunc mundum turbatum bello fuisse, nec Regem Gog tunc fuisse à Messia occisum, si prophetia sumatur sensu literali. Imò si hoc eueniret in primo aduentu Messiae, verè ille, qui tunc venisset, non esset verus Messias: quia Propheta Isaias cap. 2. quod expresse est de Messia, vt ipsi Rabbini fatentur, dicit vers. 4. quando primò venerit Messias, eo tempore in terris nullum gerendum esse bellum. *Et conflabunt gladios suos in vomeres, & lanceas suas in falces: non leuabit gens contra gentem gladium; nec exercebuntur vltra ad praelium.* Si ergo illa prophetia Ezechielis intelligitur de primo aduentu Messiae; vel opponitur contradictoriè prophetiae Isaiæ; vel si primò venisset, quando bellum gereretur toto orbe atrocissimum, ille, qui tunc venisset, non esset verus Messias: igitur vt vtraque prophetia sit vera, debet prophetia Isaiæ intelligi de primo aduentu; & prophetia Ezechielis de secundo: constat autem, quando Christus apparuit in terris, nullum tunc esse bellum, nec fuit, nisi 40. annos post mortem, & sanctissimam passionem Christi Domini; & in secundo Christi aduentu constat ex scripturis prius venturum esse Antichristum, & totum orbem praelijs disturbaturum, consequenterque non possunt negare Iudæi iam Christum venisse in primo aduentu; & venturum adhuc esse in aduentu secundo; sin minus, duæ illæ prophetiæ apertè essent falsæ, & implicatoriæ.

37. Præterea Messias non prædicitur venturus in diebus Regis Gog; sed verè dies aduentus Messiae erunt in vno tempore; & dies aduentus Regis Gog erunt in alio: quod fatentur etiam Rabbini in libro Berescith rabba, in expositione maiori Genesis, exponendo illum versiculum capituli 40. qui incipit num. 11. *Calicemque Pharaonis in manu mea, vbi allegat Psalmum 115. vers. 13. Calicem salutaris accipiam; & nomen Domini inuocabo*, & ait sic: non est scriptum, *Calicem salutaris* in numero singulari, sed *Calicem salutarium*, in numero plurali; ad denotandum vnā esse salutem in diebus Messiae, & alteram esse in diebus Regis Gog;

ex quibus verbis euincitur aliud esse tempus dierum Messiae, & aliud diuersum dierum Regis Gog, nimirum tempus Gog erit certè in fine mundi, quod ipse Ezechiel expressit cap.38. vers.16. *Et ascendes super populum meum Israel quasi nubes, ut operias terram. In nouissimis diebus eris, & adducam te super terram meam, ut sciant gentes me, cum sanctificatus fuero in te in oculis eorum, ò Gog, id est, super Ecclesiam meam iniquè, & superbè dominari audebis, ò Gog; exercitus tuus terram operiet sicut nubes; in fine mundi venies; permittamque te venire in Iudæam terram meam, quam ego pedibus peragraui, & in qua vt homo meum habui natalitium: vt gentes tandem omnes credant in me, cum in te occiso virtute mea me sanctum, & te deceptorem impium, & vanum diiudicabunt. Si igitur concedunt ipsi Rabbinī Messiam venire debere in vno tempore, & Regem Gog in alio diuerso, stultum est Hebræorum argumentum: Christus Iesus non venit in tempore Regis Gog: ergo Christus Iesus non est ille verus Messias, qui fuit per Prophetas prædictus: potius sequitur oppositum sic. Verus Messias non veniet in tempore Regis Gog, vt dicunt scripturæ, & etiā vestri Rabbinī: vos Hebræi speratis vestrum Messiam venturum in tempore Gog: ergo ille Messias, quem speratis, non est verus Messias: hæc argumentatio est vera; vestra prima argumentatio est apertè falsa, & optimæ rationi dissona; sed qui non habetis fidem, quasi iam vsum rationis non habetis.*

38. Restat modò ostendere falsissimum illud esse, quòd dicunt decem tribus à Iudæa ob suam rebellionem olim eiectas, tempore illo Messiae aduentus, esse reducendas. Hoc illorum dictum manifestè est contra Sacram Scripturam; & contra ipsos etiā doctiores Rabbinos: nam tum Scriptura Sacra, tum Rabbinī dicunt eas rē Tribus non esse iterum reuocandas. Sic enim ait Propheta Oseas cap.1. vers.6. *Voca nomen eius absque misericordia: quia non addam ultra misereri domui Israel; sed oblivione obliuiscar eorum, & Domui Iuda miserebor, & saluabo eos in Domino Deo suo.*

suo: & non saluabo eos in arcu, & gladio, & in bello, & in equis, & in equitibus. Duo dicit Propheta. Primum: domum Israel, id est, omnes, qui erant 10. illæ Tribus, quæ à Domino defecerunt, & sunt etiam omnes illi Hebræi, qui Christum non acceperunt, & adhuc in hac obstinatione contumaciter perseuerant, non esse amplius misericordiam consecuturos: Secundum: domum Iudæ, (quæ sunt illæ duæ Tribus Iudæ, & Benjamin, quæ à Domino non defecerat; & sunt etiam omnes, qui Messiam acceperunt, & ex quibus Christiana conflata est Ecclesia) consecuturam esse à Deo misericordiam, id est, solùm in Ecclesia Christiana æternam salutem esse consequendam; vnde omnes, qui Christo non adhæserint, ad illas 10. Tribus reprobatae pertinebunt; omnes autem, qui adhæserint Christianæ Religioni, ad illas duas electorum tribus spectabunt, & præcepta Christi seruando, sine dubio saluabuntur. Ista est vera intelligentia huius prophetiæ apud nostros Theologos, vt videre est apud Cornelium in expositione huius prophetiæ, & etiam apud Hebræorum Rabbinos, vt mox videbimus: vnde iuxta hanc interpretationem, reduci Tribus Israel, est conuerti ad Dominum: si illi verò Hebræi significati per 10. Tribus reprobatae, vsque ad finem mundi non conuertentur, vsque ad finem mundi non rediuntur: atque adeò erunt ipsi absque misericordia, & verificatur in eis prophetia: *Voca nomen eius, absque misericordia; quia non addam ultra misereri Domui Israel.* Et ita 10. illas Tribus non redituras dicunt Rabbini in libro Ialcut in Deuteron. cap. 29. exponendo versic. 28. *Et eiecit eos de terra sua, in ira, & in furore.* Vbi sic dicitur: *Illæ 10. Tribus non sunt rediturae ultra, vt dictum est, & eiecit eos de terra sua.* Sicut enim hic dies istius anni, qui præterijt, non iterum redibit; ita illæ Tribus non amplius redibunt; & in Thalmud in tractatu Sanhedrin cap. Chelec sic legitur: *Illæ 10. Tribus, non amplius sunt rediturae in Ierusalem, vt scriptum est in Deuteronomij cap. 29. Dixerunt nostri Rabbini. Decem Tribus partem non habebunt in sæculo futuro,*
dum

dum dixit. Eiecit eos de terra sua; vult dicere, ex hoc mundo. Et dum dixit: Proieci eos in terram alienam; vult dicere, ex seculo futuro. Hætenus hi Rabbini; ex quibus patet eas 10. Tribus non solum non esse redituras in Hierusalem; sed neque in Paradiso partem esse habituras: quod sanè intelligendum est, dum ad fidem Christi Salvatoris nostri non conuertentur.

39. Procedit vltèriùs prophetia vers.7. *Et Domui Iudæ miserebor, & saluabo eos in Domino Deo suo*: id est, duæ illæ Tribus, scil. duæ illæ partes, quæ Domino adhæserunt, meam consequentur misericordiam, id est, gratiam efficacem ad credendum in Messiam; & salutem æternæ gloriæ, quam illis dabo, & eos saluabo: *In Domino Deo suo*, id est, per merita Christi; quem Dominum Deum suum agnoscere: vnde patet 10. Tribus Israel, quæ reprobatae sunt, suâ culpâ, & rebellionè, esse illos, qui in Christum non credunt; quæ quidem, nisi priùs credant, non sunt rediturae: & cum semper persistent in sua incredulitate vsque ad finem mundi, meritò dicuntur non esse rediturae, nisi in fine mundi, quando apertis iam oculis, Christum recognoscent suum Redemptorem: duæ verò Tribus, scil. Iudæ, & Benjamin sunt omnes illi, qui Domum Iudæ sunt sequuti; id est, qui Christum Messiam sanctum, & benedictum ex Tribu Iudæ secundum carnem progenitum fide, & charitate sequuti sunt.

40. Sed dicent Hebræi hanc prophetiam loqui de 10. Tribubus nō probari: nam solum loquitur de domo Israel, non nominando Tribus. Resp. verum quidem esse, non nominari ibi expressè 10. Tribus; sed dum discernitur inter domum Israel, & inter domum Iudæ, per domum Israel intelliguntur 10. Tribus, reprobatae; & per domum Iudæ intelliguntur duæ aliæ Tribus Iudæ, & Benjamin electæ. Vt hoc planè intelligas, aduerte ad id, quod legitur in lib. 3. Regum cap. 12. Vbi dicitur in tempore Roboam Salomonis filio Regni diuisionem fuisse factam; & Regi Roboam adhæsisse Tribum Iudæ, & Benjamin; & reliquæ 10.

Tribus, se à domo Dauid per rebellionem separando, Ieroboam Nebat filium constituerunt Regem; & exinde 10. Tribus domus Israel fuerunt appellatæ; aliæ verò duæ Tribus dictæ sunt nomine Iudæ. Constat ex cit.cap. vers.20. *Cum audisset omnis Israel, quòd reuersus esset Ieroboam, miserunt, & vocauerunt eum congregato cætu, & constituerunt eum Regem super omnem Israel; nec sequutus est quisquam domum Dauid præter Tribum Iuda solam. Venit autem Ieroboam Ierusalem, & congregauit vniuersam domum Iuda, & Tribum Benjamin centum octoginta millia electorum virorum bellatorum, vt pugnarent contra domum Israel. Ex quo manifestum est: quòd ex eo tempore sub nomine Israel intelligebantur 10. Tribus rebelles domui Dauid; & sub nomine Iuda, intelligebantur duæ Tribus Iudæ, & Benjamin. Igitur, quando Propheta Hoseas in cit.cap.1. vers. 6. dixit: *Non addam ultra misereri domui Israel, sed obliuione obliuiscar eorum; & domui Dauid miserebor, & saluabo eos in Domino Deo suo*: per domum Israel intellexit 10. Tribus; & per domum Dauid intellexit alias duas Tribus, scil. Iudæ, & Benjamin.*

41. Ex his manent manifestè probatæ tres falsitates in proposito dubio Hebræorum. 1. falsitas, qua dicebant Messiam debere venire eo tempore, quo Rex Gog, & Magog atrocia bella gererent in terris; cum tamen, si prophetia sumatur in sensu mystico, intelligenda sit de bello cum Diabolo instigante Reges terræ contra Messiam, suosque fideles Christianos; quæ prophetia vt sic iam est impleta: si verò sumatur prophetia in sensu literali, intelligenda sit de secundo aduentu; & non de primo; & vt sic per Gog intelligendus sit Antichristus, qui in vltimis diebus mundi surget bellator atrocissimus; & postea virtute Dei occidetur in Iudæa; & cognoscetur, vt deceptor, & Pseudo-Christus ab omnibus, & Christus IESVS cognoscetur etiam à Iudæis, vt verus Messias; qui post aliquod tempus. 2. veniet ad iudicandum, qui primò venerat ad saluandum. 2. falsitas, qua dicebant gentes Regem Gog sequen-

quentes fore gentes incognitas, staturæ illius ridiculæ vnus cubiti; cùm ex scriptura, & ex ipsis Rabbiniis probatum maneat gentes illas futuras esse cognitās, idest, vndecim illas Nationes à filiis Noe originem trahentes. 3.

falsitas, qua dicebant 10. Tribus Israel fore reituras in Ierusalem; misericordiamque consecuturas; cùm tamen iam sit ostensum tum ex Sacra Scriptura, tum ex Rabbiniis, Tribus illas non esse iterum reuersuras, nisi in fine mundi, quando apertis ipsorum oculis credent in Christum IESVM filium Beatissimæ Virginis Mariæ; quamdiu verò fidem Christi non amplectentur, erunt semper in statu æternæ damnationis.

CAPVT SEPTIMUM.

Propositur tertium dubium, seu argumentum Hebræorum contra Christianos deductum ex Ierem. cap. 23.

42. **A**rguunt deinde Iudæi ex Propheta Ierem. cap. 23. vers. 5. *Ecce dies veniunt, dicit Dominus, & suscitabo David germen iustum, & regnabit Rex, & Sapiens erit; & faciet iudicium, & iustitiam in terra: in diebus illis saluabitur Iuda, & Israel habitabit confidenter; & hoc est nomen, quod vocabunt eum, Dominus iustus noster.* Vbi dicit Propheta, quando venerit Messias, saluandum esse omnem Israel: sed quando venit Christus IESVS Iudæi non fuerunt salui; imò fuerunt eieci extra Iudæam; & vsque ad hoc tempus in perpetuo sunt exilio ab illa Regione: ergo Christus non est ille Messias, per Prophetas prædictus; & consequenter nondum venit Messias; quia hæc prophetia nondum est verificata. Hoc argumentum nullius est momenti, & deinde satis ostendit imperitiam Hebræorum in Sacris Scripturis: nam certissimum quidem est vnā prophetiam alteri prophetiæ contradictoriè non opponi: cùm enim ex duabus contradictorijs altera necessario sit falsa; iam Deus, qui loquitur per Pro-

phetas, falsum diceret; quod non potest de Deo sine graui blasphemia dici.

43. Quòd verò prophetia illa Ieremiæ intellecta, vt illam volunt intelligere Iudæi, sit contradictoria alteri prophetiæ, constat manifestè ex Propheta Isaia cap.6.v.10. vbi sic ait: *Excæca cor populi huius, & aures illius aggraua; & oculos eius claudere, ne fortè videat oculis suis, & auribus suis audiat, & corde suo intelligat, & conuertatur, & sanem eum.* Et interroganti Prophetæ, vsquequo duratura esset illa Hebræorum obstinatio? Respondit Dominus, vsq; ad finem mundi esse duraturam; vt constat ex eodem textu vers.11. & dixi: *Vsquequo Domine?* & dixit, *donec desolentur Ciuitates absque habitatore, & domus sine homine, & terra relinquetur deserta.* Erunt igitur obstinati vsque ad finem mundi; sed quamdiu fuerint obstinati non saluabuntur: ergo si prophetia Ieremiæ intelligitur, quòd in primo aduentu Christi omnes Iudæi sint saluandi; falsò dixit Isaïas Iudæos, vniuersaliter loquendo, vsque ad finem mundi saluandos non esse: ergo cùm vtraque prophetia sit verissima, necessariò dicendum est prophetiam Ieremiæ intelligi de secundo aduentu in fine mundi, quando omnes Hebræi ad fidem conuertentur; & prophetiam Isaïæ intelligi de primo aduentu, in quo Hebræi vniuersaliter non sunt conuersi, & fuerunt, & adhuc sunt obstinati; quod etiam constat ex sacra historia Euangelica Matth. 13. v. 14. Marci 4. v. 12. Lucæ 8. v. 10. Ioan. 12. n. 40. Act. 28. v. 16. ad Rom. 12. n. 8. In quibus locis hæc Hebræorum cæcitas, & obstinatio declaratur. Et hoc ipsum docent ipsi met Rabbini in lib. Rabbith ad cap. 5. Numeri, exponendo 4. vers. *Feceruntque ita filij Israel, & eiecerunt eos extra castra.* Vbi sic dicitur: *Ita fecerunt filij Israel: quia in fine mundi conuertentur, & erunt redempti, vt scriptum est in Isaia cap. 30. num. 15. Si reuertamini, & quiescat, salui eritis. Et sicut lepram, & fluxum sanguinis patiens, & immunda animæ homo, non mundabitur in æternum, quousque munda aquæ non veniant: sic Deus benedictus, vt eos munda,*

det, mündas aquas super illos asperget, vt scriptum est in Ezechiel.cap.36. v.24. *Congregabo vos de vniuersis terris, & adducam vos in terram vestram; & effundam super vos aquam mundam, & mundabimini ab omnibus inquinamentis vestris.* Hactenus Rabbiorum verba de Hebræico in Latinum fideliter translata: ex quibus verbis constat Hebræos vniuersaliter conuertendos non esse, nisi in fine mundi; quando iam apertis oculis baptismi salutare aquas susceperint.

44. Prædictæ prophetiæ Isaiæ in cit. cap. 6. conformis est altera prophetia Amos cap. 5. v. 1. *Audite verbum illud: quod ego leno super vos planctum. Domus Israel cecidit; & non adiiciet, vt resurgat. Virgo Israel proiecta est in terram suam; non est, qui suscitet eam.* Ex quibus verbis clarè eruitur Domum Israel, idest, Synagogam, omnino cecidisse, sicut Domus, quæ ruinâ destructa est: *Et non adiiciet, vt resurgat;* idest, non erit reædificanda: in illaque ruina semper iacebit. Virgo Israel, idest, illa, quæ virginitate, idest, fidei puritate relucebat, proiecta est in terram; idest, iam amisit fidem veram; *Et non est, qui suscitet eam;* idest, non illam suscitabit lex Mosaica, quia iam est abrogata; non lex gratiæ; quia illam suâ culpâ non admittit; & sic in sua cæcitate persistet. Et solum in fine mundi vniuersaliter suscitabitur; quando Christiana fide suscepta sacro fonte baptismatis abluetur; nam iam tunc erit, qui illam suscitet, nimirum lex ipsa gratiæ; in qua solum æternæ vitæ salus per Christi merita reperitur. Vnde his duabus prophetiis Ieremiæ 23. & Isaiæ 6. In vero sensu explanatis manifestè apparet futilitas argumenti, quod Hebræi contra Christianos opponunt. Distinguendum enim est, de primo, & secundo aduentu: vt scilicet in primo aduentu erunt obstinati, vt nunc videmus, & prædixit Isaias; in secundo aduentu, erunt conuersi ad fidem, vt dixit Ieremias.

45. Alio etiam modo explicari optimè potest prophetia Ieremiæ cit. cap. 23. vt etiam intelligatur de primo aduentu, & fiat sensus: *Saluabitur Iuda, & Israel, &c.* idest, in

in tempore illo, in quo primo aduenerit Messias: *Saluabitur Iuda, & Israel*, si illum acceptent; sicut multi ex Hebræis acceptarunt, & saluati sunt, vt omnes Apostoli, & discipuli à Christo electi ad prædicandum sacrum Euangelium; qui quàm plurimos Christo peperere tam ex plebe Iudaica, quàm ex Ecclesiasticis, & nobilibus; cùm tamen Deus illos in suo libero reliquerit arbitrio, si liberè nolent ipsum cognoscere, & recipere, manebunt in sua obstinatione; & sic adimplebitur alia prophetia eiusdem Isaïæ cap. I. v. 19. *Si volueritis, & audieritis me, bona terræ comedetis*, idest, participabitis gratiam Sacre Communionis, aliorumque Sacramentorum nouæ legis; quæ bona spiritualia, ideoq; bona terræ dicuntur: quia hæc Sacramenta non in cælo Angelis, sed in terra fidelibus communicantur. Et subiungit: *Quod si nolueritis, & me ad iracundiam prouocaueritis, gladius deuorabit vos*, idest, si nolueritis in me credere; & per hanc vestram incredulitatem me ad iustam iram incitaueritis: gladius damnationis eterne vos deuorabit; quia os Domini locutum est; idest, quia nec etiam, quando, non iam Prophete, sed ipse Dominus Prophetarum Christus IESVS ore proprio vobis prædicauit, voluistis credere: & vt illi crederent, idcirco Propheta in eadem prophetia Ieremiæ cap. 23. v. 5. ab iisdem Hebræis allegata, illos monet, aduertant Messiam esse Deum dignissimum, vt ei credatur: *Et hoc est nomen, quod vocabunt eum; Dominus iustus noster*: præuidebat enim multos non esse credituros; & de istis ait in eadem prophetia v. 20. *Non reuertetur furor Domini, vsque dum faciat, & vsque dum compleat cogitationem cordis sui: in nouissimis diebus intelligetis consilium eius*. Id est, iustum supplicium Domini durabit vsque ad finem mundi; in quo tandem cognoscent, credentque doctrinam, & Euangelica consilia Domini, & Saluatoris nostri IESV Christi. Et in fine prophetiæ, sic ait: *Derelinquam vos, & Ciuitatem, quam dedi vobis, & Patribus vestris à facie mea; & dabo vos in opprobrium sempiternum, & in ignominiam eternam, que*
nun-

nunquam obliuione delebitur. Quis non videat hoc acerbissimum supplicium à Iudæis post Christi aduentum ubique terrarum miserrimè tolerari? Quis ignoret eorum opprobrium, & ignominiam? Ab omnibus vilipendi, contemnique? Sed hoc patiuntur supplicium: quia Filium Dei ad eos in carne missum non receperunt; sed vitæ authori mortem intulerunt.

46. Igitur Propheta, quando dixit tempore Messiae Hebræos saluandos esse, intelligitur, saluandos esse eos, qui in eum crediderint, & conuersi fuerint ad veram Christi religionem: de illis autem, qui in illum non crediderint, ait Propheta esse damnandos: malè ergo allegant Iudæi hanc prophetiam contra Christianos; cùm tota contra ipsos retorqueatur: siquidem omnes poterant, si voluissent, saluari; & dum noluerunt salutem, suâ culpâ derelicti sunt, suaque obstinatione damnati: vt bene Isaias prædixerat cap. 59. *Ecce non est abbreviata manus Domini, vt saluare nequeat; neque aggravata est auris eius, vt non exaudiat: sed iniquitates vestrae diuiserunt inter vos, & Deum vestrum, & peccata vestra absconderunt faciem eius à vobis, ne exaudiret: & rationem assignat Propheta: Manus enim vestrae pollutæ sunt sanguine, idest, Christi; quem occidistis; & adhuc affectu occiditis, dum à Patribus vestris occisum fuisse gaudetis: & ideo vobis non concedit misericordiam, & veniam, quia à culpa non receditis; solum ij, qui superfuerint ex vobis in fine mundi salui erunt; quia in fine mundi credent in authorem salutis; vt Propheeta Isaias prædixit cap. 10, v. 21. *Reliquiae conuertentur, Reliquiae inquam Iacob ad Deum fortem, idest, ad Christum Messiam, quem paulò ante Propheta idem Deum fortem appellauerat c. 9. v. 6. Parvulus natus est nobis, filius datus est nobis &c. & vocabitur nomen eius, Admirabilis, Consiliarius, Deus fortis.* Vnde si reliquiae conuertentur in fine prope secundum aduentum; signum est manifestum, noluisse Prophetam dicere in prædicta prophetia fuisse omnes saluandos in primo.*

47. Et quod ad Messiam, quem reprobaauerant, sint in fine mundi redituri, & illum quærent, agnoscentque Regem suum, & Dauidem suum; & ad illum pauebunt reuerentes, clarissimis verbis prædixit Propheta Oseas cap. 3. vers. 3. *Dies multos expectabis me: non fornicaberis*, idest, non adorabis idola: *Et non eris viro*; idest, Sponsio Christo non adhærebis: *Sed & ego expectabo te*; idest, expectabo tuam conuersionem. Et subiungit: quasi explicando idem verbis clarioribus: *Quia dies multos sedebunt filij Israel sine Rege, & sine Principe, & sine sacrificio, & sine altari, & sine ephod, & sine Teraphim: & post hæc reuertentur filij Israel, & quærent Dominum Deum suum: & David Regem suum, & pauebunt ad Dominum, & ad bonum eius in nouissimo dierum.* Quis non videt hanc prophetiam iam esse impletam: nam Hebræi adhuc expectant Messiam; non adorant Idola: & Messias, qui venit, estque in cælo, expectat illorum conuersionem: ipsi non habent Pontificem summum, qui est sponsus: sunt sine Rege, & sine Principe, vt omnibus est manifestum; sunt sine sacrificio; quia illud extra Ierusalem celebrare illis à lege prohibitum est; vt supra iam diximus: tandem post hæc quærent in fine mundi Dominum Deum suum Christum IESVM; & si in terra quærent; iam ille venerat; nam non quæritur ille, qui nondum venit; pauebunt, idest, iam illum adorabunt, sed in nouissimo dierum. Idem dicit Ezechiel. 34. num. 23. & sequentibus.

48. Hebræi respondent, si Propheta diceret: quærent Deum suum, & Messiam suum; tunc nullam ipsi obiectionem opponerent, & se conuictos textu illo faterentur; at textus Sacer non dicit, Messiam, sed Regem Dauid: ergo prophetia, non loquitur de Messia, sed de Rege Dauid. Hæc tamen responsio friuola, & vana omnino est: 1. quia Propheta dicit Hebræos in fine mundi quælituros esse Regem suum Dauid viuum, & qui eos regat, ac benedicat, & redimat; Dauid tot millibus annorum iam mortuus ab illis quæretur? & ipsi ab illo in puluerem conuerso regentur?

tur? Secundò, quia Propheta loquitur de Rege illorum omnium, & ipsius Dauid Redemptore, & saluatore mundi; qui etiam per Prophetas dicitur Dauid; & ipsi etiam Hebræorum Rabbini vocant Messiam, Dauid, vt videre est in libro, Midras Misle; vbi dicitur Messiam præter alia nomina, quibus ipse vocatur, vocari etiam Dauid; & ibi citantur loca Sacræ Scripturæ: quibus id optimè probant: ergo non est dubitandum loqui illic Prophetam de Messia: & consequenter Hebræos omnino esse deceptos, & in statu æternæ damnationis, si Christum Iesum verum Messiam non amplectantur: nec de sua obstinatione vllam excusationem habere posse.

CAPVT OCTAVVM.

*Proponitur, ac dissoluitur octauum Hebræorum dubium
contra Christianos.*

49. **A**rgumentantur Hebræi 8. ex Psalmo 88. versic. 30. *Et ponam in seculum seculi semen eius, & thronum eius sicut dies cæli.* Et ex Isaia c. 53. vers. 10. *Si posuerit pro peccato animam suam, videbit semen longæuum.* In quibus textibus dicitur Messiam habere debere plures filios; & debere viuere plurimos annos: sed Christus Iesus nullos habuit filios, nec per multum vixit tempus: nam quando occisus fuit habuerat solum 33. ætatis suæ annos. Igitur ille Messias non est. Hoc argumentum ostendit Hebræos prorsus esse carnales, & minimè intelligere Prophetarum sensum: qui non de semine carnali, sed spirituali; non de carnalibus filiis, sed de spiritualibus loquuntur; quod manifestè ex ipsamet allegata scriptura liquidò constat. Nam supra demonstratum manet ex Prophetis Christum esse Deum; quod, vt ibi vidimus, doctiores Rabbini asserunt; Deus verò non generat carnaliter, vt ipsi etiam crassiores Hebræi non inficiantur: si verò sumatur Messias, vt etiam verè est homo; etiam ex eisdem prophetijs

conuincitur non habiturum filios carnales : nam Prophe-
 ta dicit prius esse moriturum Messiam pro peccatis homi-
 num, & postea habiturum illos filios ; *Si posuerit pro pecca-
 to animam suam*, id est, si morietur, *videbit semen lon-
 gæuum* : potest ne homo post mortem carnales filios pro-
 gignere ? Quare verus sensus illius Sacræ Scripturæ est,
 quod Messias habiturus esset plures filios spirituales, vt
 fuerunt primi Apostoli, & omnes alij Christiani ; qui per
 Christum ex Sacro Baptismo spiritualiter generantur, &
 omnes per filiationem adoptiuam gratiæ iustificantur, ac à
 Deo generantur spiritualiter ; vt bene sacer Euangelista
 Ioan. cap. 1. declarauit. *Dedit eis potestatem filios Dei fieri,*
qui non ex sanguinibus, neq; ex voluntate carnis, sed ex Deo
nati sunt. Et ideo Isaias cap. 54. num. 3. dixit : *Et semen tuum*
gentes hereditabit, id est, filij tui, quales sunt Christiani
 multas quidem gentes, nationesque possidebunt, quas ipsi
 ad sanctam Christi Religionem conuertent : & subiungit
 idem Propheta num. 13. *Vniuersos filios tuos doctos à Do-*
mino, & multitudinem pacis filijs tuis, id est, ò Ecclesia, filij
 tui vniuersi docti erunt à Deo, id est, Christo, qui Deus
 est : & ipse primò docuit spirituales filios Apostolos, san-
 ctamque Ecclesiam : imò omnes fideles Christi sunt filij, vt
 dicitur Deuteronomij cap. 14. num. 1. *Filij estote Domini*
Dei vestri. Præterea Sacra Scriptura discipulos vocat filios,
 vt constat ex 4. Reg. cap. 2. num. 3. *Egressi sunt filij Prophe-*
tarum, qui erant in Bethel. Vbi Rabbi Dauid Chimchim in
 lib. Radicum verborum in Radice Bana, vbi refert authori-
 tatem suorum Doctorum, sic dicit : *Isti filij erant discipuli*
Propbetarum, qui suos discipulos tanquam filios habent : & sic
dixerunt nostri Rabbini, quicumque proximum suum legem
docet, Sacra Scriptura æstimat illius discipulum, atque si ab
 illo magistro esset generatus. Igitur quod Prophætæ dicunt
 Messiam videre debere semen suum longæuum, per semen
 intelligunt discipulos Messiæ, & multitudinem gentium,
 quæ ad fidem erant conuertendæ ; & non loquuntur de
 filijs per carnalem generationem, vt stultè Iudæi fabulan-
 tur.

tur. Hoc etiam confirmat Psal. 86. ubi enim nostra vulgata dicit: *Ecce alienigenae, & Tyrus, & populus Aethyopum hi fuerunt illic*, textus Hebraicus habet: *Ecce Palaestina, Tyrus, & Aethyopia hic nati sunt*: Quasi vellet dicere omnes illos populos ab Ecclesia fuisse spiritualiter generatos, & à fortiori à Christo, qui caput est vniuersalis Ecclesiae.

50. Hæc est vera intelligentia illorum textuum; illa verò, quam Hebræi prætendunt, stulta, fabulosa, ridicula, & alijs Sacrae Scripturae textibus de Messia loquentibus omnino repugnans: nam quo ad prophetiam David in dict. Psal. 86. *In sæculum sæculi semen eius*, vel per semen in æternum durans intelligere volunt, quòd in Regno Israel ex illo Rege Messia continuatur semper temporalium Regum successio; & hoc est manifesta hæresis, contra apertam prophetiam Osæ, aliorumque Prophetarum dicentium Israel post aduentum Messiae futurum esse sine Rege, & sacrificio, vt manifestè ostensum est in capite præcedenti; & si contra hoc diceret David; eius prophetia esset omnino falsa; quia nunc nostris oculis videmus à tempore Christi Domini, transactis iam plùs mille, & sexcentis annis nullam esse Iudæorum Regum successionem, nullum principatum. Vel tandem per semen illud intelligunt successionem fidelium descendantium à Christo in fide eius, & hæc successio continuabitur in sæculum sæculi; si hoc concedunt (vt necessariò debent concedere; quia non datur alia successio, quàm hæc duplex) iam consentiunt nobiscum, quia hoc modo semen est spirituale, & filij in hoc sensu spirituales sunt, non carnales, & solùm in hoc sensu debere intelligi Christi veri Messiae filios, & semen illius longæuum, intellexere sacri illi Antistites Ecclesiae Antesignani Apostoli: nam D. Petrus epist. 1. cap. 2. num. 23. ita ait: *Renati non ex semine corruptibili, sed incorruptibili per verbum Dei viui, & permanentis in æternum*. Et Paulus ad Rom. 9. num. 8. *Non, qui filij carnis, hi filij Dei; sed qui filij sunt promissionis, æstimantur in semine*.

51. Quo ad prophetiam Isaiae in dict. cap. 53. *Si posuerit*

animam suam pro peccato, videbit semen longæuum. Si intelligitur de semine carnali, dicant Hebræi; vel intelligunt de semine carnali, & de filiis carnalibus ante mortem Messię habitis; vel habitis post mortem illius. Si primum, itur contra apertas scripturas, in quibus dicitur Messię filios, & Redemptos pro eodem haberi; Redemptio autem per mortem Christi operanda erat, vt dicunt prophetię supra adductę, dum egimus de sanctissima Christi passione secundum scripturas: & deinde est contra ipsam prophetiam ab eisdem Hebræis allegatam: *Si posuerit animam suam, videbit semen longæuum*, id est, post mortem suam erunt illi filij. Vel tandem de filiis habitis post mortem: & hoc vel ante resurrectionem Messię, vel post resurrectionem: non ante resurrectionem, quia homo mortuus non generat carnaliter filios: non post resurrectionem, per quam resurgens ponitur in statu glorioso, vt ponendus erat Messias; vt dixit Propheta Isaias cap. 11. *Et erit sepulchrum eius gloriosum*; id est de sepulchro resurgens cum gloria; qui verò iam est in statu glorioso iam non generat carnaliter; vt ipsimet Hebræi consentunt: ergo Prophetę in illis, & alijs prophetijs solum loquebantur de semine spiritali per Verbum Dei, & de filiis spiritalibus sanctissimi Messię; quos ipse facit renasci per Baptismum, & per gratiam sanctificantem efficientem filiationem adoptiuam, per quam efficimur fideles filij Dei, & diuinę consortes naturę. Taceant igitur fabulosi Iudæi, & intelligant scripturas iuxta verum illarum sensum; credant, & saluabuntur; reddenturque filij Dei; sin minus, erunt filij perditionis; neque ab isto infelici statu emergent: nec ego spero, vt illi vniuersaliter conuertantur, nisi ad finem mundi, prout Deus videns ab æterno multorum ex illis obstinationem vsque ad finem mundi, id per suos Prophetas prædixit; vt supra demonstratum est; sed cum etiam viderit multos esse conuertendos; velint potius in numero fidelium, quàm in numero illorum miserabilium cæcorum infeliciter connumerari: animasque suas propter suam

suam cæcitatem, & obstinationem perdere in æternis inferorum cruciatibus, cum possent, saluari baptismo suscepto; frustum Redemptionis adipisci, æternaque frui felicitate.

CAPVT NONVM.

Proponitur, ac dissolvitur nomen Hebræorum dubium.

52. **A**rguunt nonò Iudæi ex Propheta Zacharia cap.6.num.12. *Ecce vir Oriens nomen eius, & subter eum orietur, & edificabit sibi templum Domino: & ipse extruet templum Domino, & ipse portabit gloriam, & sedebit & dominabitur super solio suo, & erit Sacerdos super solio suo.* Hæc omnia prædicuntur de vero Messia, ut nullus dubitat: sed hæc non sunt verificata in Christo Iesu; siquidem ille nullum templum ædificavit, nam primum templum à Salomone fuit ædificatum, & postea destructum: secundum templum reædificatum iam erat, quando Christus Iesus venit: deinde Christus non sedit in throno reali, nec in throno aliquo imperavit; imò fuit occisus in patibulo; & per ludibrium fuit purpurâ ignominiosâ vestitus, coronâ spinæ cruciatus; sceptro arundineo illusus, & cum opprobrio fide adoratus, tanquam Rex ludibrii, & non verus: ergo Christus Iesus non est verus Messias: proindeque nondum venit Messias in mundum.

53. Hoc argumentum, si prophetia Zachariæ in vero sensu intelligatur, in ipsos Hebræos retorquetur, illosque de sua obstinatione convincit; nam in primis concedimus in hac prophetia sermonem esse de Messia: negamus tamen, quod non impleatur in Christo Iesu: cum illi competat omne id, quod Propheta dicit: quod probo evidentiissimè. Christus verè dicitur oriens; & subter eum oriens; per quod denotatur duas habere natiuitates; primâ, ut est Verbum Divinum Patri consubstantialitè; & oritur à Patre per actualem intellectionem, & sic illi competit primum oriens,

oriens, iuxta illud Psal. *Filius meus es tu : ego hodie genui te*. Secundam, pro vt est homo; & est Filius Beatissimę Virginis Marię absque semine virili alicuius Patris creati; & ideo dicitur secundo oriens, *subter eum oriatur*, id est, ex se, quia vt Deus ipse increatus cum Beatissima Virgine Maria se vt hominem produxit, & vt alij Prophetę dicunt, sicut virgultum ex arbore, ita ille ex admirabili illa, & benedicta arbore Sanctissima Virgine Maria natus, iuxta illud: *De qua natus est Iesus*, & iuxta Symbolum Nycenū: *Incaratus est de Spiritu Sancto ex Maria Virgine, & homo factus est*. Vbi nota mirabilem reflexionem Prophetę bis ponentis oriens, prima vice: *Oriens nomen eius*; secunda, *subter eum oriatur*. In prima posuit *oriens*, absolutē, præscindendo à temporis circumstantia; vt significaret ante omne tempus, ab æterno esse oriens, scil. ex Patre sine Matre, & Filium eiusdē numero naturę cum Patre perfectissima generatione diuina, & consequenter idem Deus cum Patre; sicut suo modo homo generat hominem: in secunda posuit *oriens* iam sub circumstantia temporis, *oriatur*; id est, oriens erit, scilicet nascetur.

56. Vt autem magis conuicti, confusique maneant Iudęi, & apertē videant templum illud, de quo loquitur Propheta, templum materiale esse non posse; illis ego hunc syllogismum indissolubilem appono: Deus dixit non futura esse in Ierusalem, nisi duo templa: sed si illud templum, quod isti Hebręi dicunt esse ædificandum, sic esset: certē foret tertium templum: ergo vel Deus mendax fuit; vel ipsi errant; Deus non potest esse mendax; quia est summa veritas; ergo ipsi vehementer errant. Tota plenē argumentatio est euidens, & irrefragabilis, si maior illa propositio comprobetur; scil. duo tantū futura esse templa materialia, nimirum sub cultu Iudaico. Probat igitur primō ex ipsismet Rabbiniis, & in primis Rabbi Salomon sic exponit hanc prophetiam. *Oriens*, seu vt habet radix Hebraica, *germen est nomen eius*. Hoc tribuit Regi Messię. *Portabit gloriam*, id est, *dignitatem*, inter duos, scil. Iudam, & Israhel;

& hoc

& hoc ædificium intelligi debet, de ædificio secundi templi. Supponebat ille Rabbini solū esse futurum secundum templum; & in hoc secundo venturum esse Messiam; vt verē Christus venit tempore secundi templi. Hæc explicatio huius Rabbini partim attingit verum, & partim falsum: attingit verum; quia supponit duplex tantū debere esse templum; & in templo secundo venturum esse Messiam, vt prædixit Propheta Malach. cap. 3. *Dominus veniet ad templum sanctum suum*. Et Christus venit in hoc secundo templo. Dicit falsum, quia deceptus est, credendo hoc secundum templum debere ædificari ab ipso Messia; contra id, quod alia dixit prophetia, nimirum, quod Messias illud secundum templum inuenisset iam ædificatum, id enim significant verba; *Veniet ad sanctum templum suum*. Quomodo enim primò veniret ad templum, si veniens non inuenisset templum; sed postea esset illud ædificandum?

57. Clariùs tamen probatur secundo non debere condi tertium templum, ex libro Berechith Rabba cap. 1. in Genes. vbi allegat Rabbi Chiia dixisse, primum templum ædificatum figurari in illis verbis; *In principio creauit Deus Cælum, & Terram*: & per illa verba: *Terra autem erat inanis, & vacua*, figurari idem templum destructum, & ibi citat Ieremiam cap. 4. num. 23. *Aspexit terram, & ecce vacua erat, & nihil*; id est, Ciuitatem Ierusalem, & erat vastata, & in nihilum redacta; & *Cælus, & non erat lux in eis*, id est, templum, & tabernacula, siue priuata oratoria, & iam non habebant decorem illum splendidum, imò omnia deuastata, & destructa; & per illa verba: *Dixit, fiat lux, & facta est lux*, figurari templum reædificatum, scil. in tempore Messie; & citat Isaiam cap. 60. num. 1. *Surge, & illumina Ierusalem; quia venit lumen tuum, & gloria Domini super te orta est*. Et ideo ceteri Prophetæ dicunt hoc secundum templum maiori luce illustrandum, non ædificij pompâ, sed Messie assistentiâ; qui est & clarissimum lumen, & incomparabilis gloria Ierusalem. Ex quibus verbis duo tantum templa esse colliguntur: primum, quod fuit destructum: secun-

secundum reedificatum, quod Messias sanctissimus aduentu, & splendore luminis sui decorauit. Idem legitur in eodem libro, in cap. 27. Genes. exponendo versiculum 27. *Ecce odor filij mei, sicut odor agri pleni*. Et in libro vocato Scimphoni exponendo versiculum 17. Genes. cap. 28. *Quàm terribilis est locus iste! non est hic aliud, nisi domus Dei, & porta Cæli*. Dicitur figuratiue intelligi templum vtrumque dicendo sic: *per verba: Non est hic aliud &c. vidit templum destructum; per verba: Domus Dei, & porta Cæli; cognouit templum reedificatum, & ornatum ad sæculum futurum*, id est, tempore Messie. Ex quibus verbis declaratur solum primum, & secundum templum esse debere, & non tertium; deinde in tempore secundi templi Messiam venire oportere; quod nos infra latius demonstrabimus. Ergo necessariò inferendum est Messiam iam venisse, quia iam transactum est secundum templum, in quo Messias esset venturus: & non est ædificandum tertium templum secundum authoritatem etiam Rabbiorum; quorum sententia pluris apud Hebræos æstimatur.

58. Dicunt Hebræi primò illos Rabbinos illa colligere ex scriptura magis subtiliter, & figuratiue, quàm literaliter, & verè. Quicquid tamen sit de hac illorum subtilitate, & figuratiua, seu mystica expositione; saltem negare non possunt Hebræi illos Rabbinos esse istius sententiæ de duobus tantum templis, & nullo modo de tertio ædificando. Sed, ne hoc etiam habeant effugium, aliam Rabbiorum authoritatem appono plus literaliter loquentium, & qui plus in veritate scripturæ innituntur: quæ authoritas veritatem hanc apertè demonstrat. Igitur in libro Seder ghiam, id est, Chronica mundi antiqui; libro certè antiquissimo, & ab Hebræis habito in summa authoritate, exponendo illum versiculum 5. cap. 30. Deuteronomij. *Assumet, atque introducet in terram, quam possederunt Patres tui, &c.* Sic dicitur: *Hæreditas prima; id est, Terra promissionis ab illis possidebitur; item hæreditas secunda: sed tertiam hereditatem non amplius possidebunt*. Vide quàm apertè dicat
non

non obtenturos tertio Ierusalem, & consequenter non esse ædificandum tertium templum in illa.

59. Dicunt secundo: hoc tantum probari authoritate Rabbīnorum; se tamen non teneri authoribus, sed tantum Sacræ Scripturæ credere. At neque hoc illis proderit effugium: nam multi sunt textus Sacræ Scripturæ hanc veritatem expresse probantes, quibus Hebræi credere tenentur. Primus est Ieremi. cap. 7. num. 3. *Bonas facite vias vestras, & habitabo vobiscum in loco isto: Nolite confidere in verbis mendacij, dicentes, templum Domini, templum Domini, templum Domini est.* Et postea num. 11. subiungit. *Nunquid ergo spelunca latronum facta est domus ista, in qua innocatum est nomen meum in oculis vestris? ego, ego sum: ego vidi, dicit Dominus. Ite ad locum meum in Silo, ubi habitavit nomen meum à principio: & videte, quæ fecerim ei propter malitiam populi mei Israel.* Et paulo post: *Faciā domui huic, in qua innocatum est nomen meum, & in qua vos habetis fiduciam, & loco, quem dedi vobis, & Patribus vestris, sicut feci Silo, & projiciā vos à facie mea; sicut proieci omnes fratres vestros, uniuersum semen Ephraim: tu ergo noli orare pro populo hoc; nec assumes pro eis laudem, & orationem, & non obsistas mihi: quia non exaudiam te.*

60. In hac prophetia plurima obserua. Primum id, quod Deus Hebræis ait, scil. *Si vias bonas faciant; seu si præcepta diuina plenè obseruent, Messiamque recipiant, habitaturum Deum cum illis; vt nunc habitat cum fidelibus Christianis in Ecclesia.* Secundum, vt non confidant, quòd futura sint tria templa: nam quòd ædificandum sit tertium templum, est manifestè falsum: solùm enim erunt duo; & cùm in secundo sit venturus Messias, est error, & mendacium, dicere, quòd nondum venit in secundo, sed expectandum esse, vt in tertio templo veniat. Tertium, quòd ideo videtur protulisse Propheta illa verba: *Nunquid ergo facta est domus mea spelunca latronum*, quia in spiritu vidit Dominum in templo, eijcientem Iudæos ex eodem templo, flagello ex funiculis aptato, dicentem: ego,

ego sum; *Domus mea domus orationis est: vos autem fecistis illam speluncam latronum*: quod in Christo impletum est, quando Iudæos eiecit è templo, vt refert Ioan. 2. num. 15. *Et cum fecisset quasi flagellum de funiculis, omnes eiecit è templo. Et Matth. 21. 12. Eiciebat omnes vendentes, & ementes in templo; & mensas numulariorum, & cathedras vendentium columbas euertit; & dixit eis: scriptum est: Domus mea domus orationis vocabitur: vos autem fecistis illam speluncam latronum*. Idem assert Marc. 11. num. 17. & Luc. 19. num. 46. in quo facto ostendit Dominus, se reprobare Iudæos, illosque punire velle; illorum supplicium, & flagellum esse ipsa funicula, id est, peccata; quia non potest acerbius esse supplicium, quàm illos esse in perpetua suimet peccati, & infidelitatis obstinatione.

61. Quartum obserua: in eadem prophetia Deus illos monet, vt attendant ad Silo, in quo antea erat arca Dei; & propter peccata Arcam ex eo loco sustulit; & nunquam eidem loco illam restituit; vt constat ex Psal. 77. num. 60. *Et repulit tabernaculum Silo tabernaculum suum, ubi habitauit in hominibus*; sic etiam ipsum Deum eos esse priuaturum templo, & hæreditate terræ promissionis; vt non iterum templum sit reædificandum, nec ipsi iterum ad terram illam promissionis, id est, Iudæam vsque ad finem mundi sint redituri. Et similiter ait eiecturum se illos, sicut eiecit, 10. Tribus: vnde sicut ipsæ non redierunt, nec vnquam sunt redituræ: sic nec ipsi Iudæi, qui post secundum templum destructum sunt reiecti à Ierusalem, iterum Ierusalem sunt redituri: quomodo ergo erit tertium templum ædificandum Ierusalem; si nunquam iuxta hanc prophetiam sunt Ierusalem redituri? & ideo Pater Æternus dicit Filio suo in figura Prophetæ, ne oret efficaciter pro illis, quia non exaudietur: & sic Christus ineffaciter tantū rogauit in cruce pro illis, dicens: *Pater dimitte illis, quia nesciunt, quid faciunt*; si enim vellet efficaciter orare pro illis, obstitet Patri; & ideo dixit, *ne obstitas mihi*. Et quasi nostris manibus palpamus, nostrisque oculis videmus transactis.

factis iam plūs mille sexcentis annis, à Ierusalem illos esse eiectos. Igitur ex ista prophetia Ierem.in d.cap.7. manifestè patet non esse amplius tertium templum materiale reedificandum, sub rituque Iudaico colendum.

62. Secundus textus est eiusdem Ieremiæ cap.3. nu.16. *In diebus illis, ait Dominus: non dicent ultra: Arca testamenti Domini: neque ascendet super cor; neque recordabitur illius, nec visitabitur, nec fiet ultra.* In quibus dicitur post aduentum Messię cessaturas esse cæremonias omnes spectantes ad Arcam Testamenti, non esse de illa memoriam faciendam, nec amplius eam esse visitandam; & optimè sciunt Hebræi Arcam Testamenti rem esse templi præcipuam. Si non futura erat Arca fœderis amplius, nec utique futurum erat amplius templum post aduentum Messię; dum enim tunc incipiendum erat per Messiam nouum fœdus; erat Arca finienda fœderis antiqui; templumque sub ritu Iudaico minimè condendum. Et ideo dixerat num. 14. *Conuertimini filij reuertentes, dicit Dominus, quia ego vir vester.* Idest; ego non iam solum sponsus Deus; sed sponsus vir; iuxta illud: *Fœmina circumdabit virum;* sponsus, inquam, vester, vir per carnem assumptam, reuertentes à vestra cæcitate conuertimini ad me Christum, & Messiam vestrum: *Assumam vos vnum de Ciuitate, & duos de cognatione; & introducam vos in Sion;* idest, paucos eligam efficaciter, & introducam in Ecclesiam nouam; sicut in terram promissionis paucos introduxi. Et addit: *Et dabo vobis pastores iuxta cor meum,* idest, Apostolos, & alios prædicatores: *Et pascent vos in scientia, & doctrina;* idest, in doctrina fidei Christianæ. Vnde manifestè patet post promulgatam Christi legem per Apostolos, neciam Arcam, nec illud, in quo Arca erat, templum sub ritu Iudaico reedificandum esse; & idcirco dicit Prophetæ: *In tempore illo vocabunt Ierusalem solium Domini,* idest, Ecclesiam Christianam: *Et congregabuntur ad eam omnes gentes in nomine Domini in Ierusalem: & non ambulabunt post prauitatem cordis sui pessimi,* idest, post idololatriam.

triam. Et nota, dici de Iudæis, vnum, aut duos, idest, paucos ad Christum esse conuertendos: de Gentilibus autem omnes, vel ferè omnes; seu de omnibus gentibus plurimos ad Christum conuertendos esse. Igitur clarissimè loquitur Propheta in hac prophetia, quòd neque Arca, nec Iudaicum templum mansurum sit post Christi aduentum: sed in loco Arcæ, & Templi antiqui, nominanda sit Ecclesia vt solium, & imperium Christi.

63. Tertius textus est Prophetæ Agæi. cap. 2. vbi loquendo de secundo templo, illud vocat vltimum; quod non diceret, si esset futurum aliud templum, quod esset tertium; sed de hac prophetia inferiùs dicendum est copiosius; ideo hîc illam enucleatiùs non versamus. Quartus textus est Isaïæ cap. 25. n. 2. vbi loquens de ruina Ierusalem, ita dicit: *Quia posuisti Ciuitatem in tumulum, urbem fortem in ruinam, domum alienorum, vt non sit Ciuitas; & in sempiternum non ædificetur.* Ciuitatem, idest, Ierusalem; destructam à Romanis post aduentum Christi, & in tumulum saxorum redactam, antea urbem fortem; postea factam domum, siue palatium, aut habitaculum impiorum, seu infidelium, qui alieni sunt à fide: itaut non sit amplius ciuitas Iudæorum, nec in æternum ædificetur. Ecce expressè ait Deus non esse iterum ædificandam Ierusalem, & consequenter nec templum, quod iuxta Hebræos solùm in Ierusalem poterat fundari: & iam est impleta hæc prophetia; quippe sunt iam præteriti 1680. & plures anni, & non est ædificatum, nec in æternum ædificabitur, vt Deus per hunc Prophetam prædixit.

64. Ex his constat templum illud, quod ædificandum erat à Messia iuxta prophetiam Zachariæ in dist. cap. 6. contra nos ab Hebræis allegatam, non posse esse templum materiale; quia aliter esset tertium templum; quod, vt vidimus, repugnat Sacræ Scripturæ, & etiam ipsis Rabbiniis: vnde solùm potest intelligi de Ecclesia, quam Christus ædificauit supra firmam petram; ob quod non esset in perpetuum destruenda, iuxta illud: *Super hanc petram ædifica-*

bo Ecclesiam meam, & portæ Inferi non præualebunt aduersus eam : vel intelligi potest de omnibus templis in toto populo Christiano, quæ sunt veluti partes templi maioris, in Vrbe Roma Pontificia, & integrantes vnum fidelium vniuersale templum, vbi est Apostolica Sedes, verum in terris solium Christi; & ibi dicitur Messias Christus IESVS sedere per suos Vicarios, vt dixit Propheta: *Ecce vir oriens nomen eius, & subter eum orietur, & ædificabit sibi templum Domino; & ipse extruet templum Domino; & ipse portabit gloriam; & sedebit, & dominabitur super solio suo, & erit Sacerdos super solio suo.* Neque hoc templum à Messia ædificatum potest dici tertium templum eo modo, quo Hebræi falsò putabant, scilicet, ritu Mosaico, vt Sanctuarium Synagogæ; quia est sub ritu Christiano, & vt Sanctuarium Ecclesiæ Christianæ, quæ est noua, & cælestis Ierusalem, cuius illa terrestris erat tantum figura, & umbra; & sic oportebat euanescere, noua hac veniente Ecclesia; sicut adueniente luce, umbra penitus euanescit.

65. Aliqui Hebræi videntes se his rationibus prorsus esse conuictos, si prædicta Zachariæ prophetia loquatur de Messia, vt verè loquitur, dicunt non loqui ibi Prophetam de Messia, sed de Zorobabel: vnde per Orientem accipiunt Zorobabelem, qui Babylone quasi mortuus; inde rediens, quasi oriri, & reflorescere cæpit, dum populi redeuntis factus est Princeps: vnde censent alteram coronam Zorobabeli à Zacharia fuisse impositam: sic ergo totum hunc versum ei applicant, & explicant: Zorobabel cum IESV Sacerdote, quasi nouum germen, nouisque populi Sol ædificabit templum Domino, & perficiet; alteramque coronam gestabit; quia ipse reget populum, quò ad res ciuiles; sicut IESV Sacerdos habebit coronam Pontificalem ad regendas res sacras: & inter hos duos, inquirunt hi Hebræi, puta inter Pontificem, & Principem erit consilium pacis, & summa concordia. Hæc tamen illorum explicatio vana, & prorsus falsa est: 1. quia Propheta hic non facit vllam mentionem Zorobabelis, sed solum de IESV

Sacerdote, vt antitypo, & figura IESV Christi summi, & æterni Sacerdotis secundum ordinem Melchisedech, coniungentis sceptrum Regis cum tiara Sacerdotis, iuxta illud Genes. 34. num. 18. *Melchisedech Rex Salem proferens panem, & vinum: erat enim Sacerdos Dei Altissimi*. 2. quia vtraque corona, vel trina (iuxta vocem Hebraicam atarot, quæ significat numerum trium) imponebatur IESV Sacerdoti, vt typo Summi Pontificis Christi, & Vicarij illius Pontificis Romani, cui triplex imponitur corona. 3. quia nomen oriens in textu Hebraico scribitur per hoc nomen schemach, idest, germen, quod est nomen proprium Messiae, vt alibi probatum est: & ideo textus Caldæus vertit: *Ecce vir, cuius nomen est Messias*: & sic intelligunt textum de Messia præter Rabbinos supra citatos, etiam alij plures apud Galatin. lib. 3. cap. 16. & nostri DD. Christiani apud Cornelium in hunc text. Zachar. c. 6. ex quibus etiam Lyranus, qui Hebræus fuit; & censet coronam illam duplicem, vel triplicem, vt aliqui explicant, à Zacharia IESV Sacerdoti figuratiuè imponi: *Quasi diceret. Hanc coronam impono tibi o IESV fili Iodech, non propter te, sed propter Orientem*, idest, Christum, vt scilicet eius typum geras, eiusque Sacerdotium, & Principatum representantes. Non igitur loquebatur Propheta de Zorobabele, nec de templo secundo à Zorobabele fundato; nec de tertio sub ritu Mosaico; aliter esset falsa prophetia, vt iam probatum est: sed de templo Ecclesiæ à Messia fundando; vt vidimus fundatum esse super petram ipsius Messiae Christi firmissimam, & super petram ipsius Vicarij Petri Apostoli. Vnde Caldæus vertit: *Oriens nomen eius; Christus nomen eius, qui reuelandus, & magnificandus, & edificaturus templum Domini*.

66. Vnde non negamus, quando Zacharias illud diuinum oraculum protulit in capite illo 6. alluisse ad templum secundo reedificatum à Zorobabele, & à Sacerdote IESV filio Iodech, sed spiritus prophetiæ tendebat ad illum, cuius Sacerdos ille IESV, & Zorobabel erant typus, & figura: & ideo expressit in prophetia sua Sanctissimi Mes-

siae

fiæ nomen, nimirum oriens, & germen; quasi prævidendo, quòd aliqui Hebræi erraturi essent sumendo vnum pro alio; ideoque omnes admonuit se de vero Messia loqui, qui simul est Rex, iuxta illud: *Ego autem constitutus sum Rex*; & Sacerdos æternus, iuxta illud: *Tu es Sacerdos in æternum*. Taceant ergo Iudæi, & veritati acquiescant, vt salutem æternam obtineant.

CAPVT DECIMVM.

*Proponitur, & dissoluitur decimum Hebræorum
dubium.*

67. **O**pponunt Hebræi decimò. Quando venerit Messias, omnes Hebræi, qui sunt toto Orbe dispersi venient in Hierusalem, & habitabunt in Iudæa; sed quando Christus IESVS venit, non ita fuit, sed potius contrarium; siquidem post aduentum Christi omnes fuerunt expulsi ex Ierusalem, & ex Iudæa, & fuerunt dispersi per totum Orbem, vt nunc videmus: ergo Messias adhuc non venit; sed adhuc debet expectari, vt hæ prophetiæ impleantur: de his prophetiis non potest dubitari: nam ita ait Moyses Deuteronomij 30. num. 3. *Reducet Deus tuus captiuitatem tuam, & miserebitur; & rursus congregabit te de cunctis Populis, in quos te ante dispersit: si ad cardines cæli fueris dissipatus; inde te retrahet Dominus Deus tuus; & assumet, atque introducet in terram, quam possederunt Patres tui, & obtinebis eam, & benedicens tibi, maioris numeri te esse faciet, quàm fuerunt Patres tui.*

68. Non minus clara est alia prophetia Ezechielis 39. num. 25, *Nunc reducam captiuitatem Iacob, & miserebor omnis domus Israel: & assumam zelum pro nomine sancto meo: & portabunt confusionem suam, & omnem præuicationem, qua præuicati sunt in me, cum habitauerint in terra sua confidenter neminem formidantes: & reducere eos de populis, & congregare de terris inimicorum suorum, & sanctificatus fuero*

fuero in eis in oculis gentium plurimarum: & scient, quia ego Dominus Deus eorum; eo, quod transtulerim eos in Nationes, & non dereliquerim quenquam ex eis ibi; & non abscondam ultra faciem meam ab eis; eo quod effuderim spiritum meum super omnem domum Israel; ait Dominus Deus.

69. Miserabiles Hebræi, obcæcati, & quasi iam sine intellectu! existimo, vel eos attentè non legere scripturas; vel de industria illas intelligere nolle. Vna, & altera prophetia manifestè loquitur de liberatione à captiuitate Babylonis; & minimè loquuntur de aduentu Messie; & vtraque prophetia impleta fuit, quando Deus eos reduxit à captiuitate illa in terram antea à Patribus suis possessam; quod euidenter tibi declaro. 1. quia Propheta Ezechiel hanc protulit prophetiam, quando erat ipse in ea captiuitate; & eam ad illos direxit, qui in eadem erant captiuitate: & in persona ipsius Dei dixit eisdem: *Nunc reducam captiuitatem, &c.* Quis adeò hebes erit, vt illud *Nunc* non intelligat de liberatione, quæ mox facta fuit; & illud velit detorquere ad liberationem, quam expectant, transactis iam plùs duobus millibus annorum, ex quo prolata fuit prophetia? Cui etiam mediocriter intelligenti non pateat Prophetam loqui de liberatione ab illa captiuitate, in qua ipsi tunc erant; & non de liberatione ab illa captiuitate, quam post quingentos annos habituri erant; & in qua miserè iacent, iam plùs mille sexcentis transactis annis? Quomodo poterat Propheta loqui de liberatione, quæ, vt ipsi dicunt, nondum venit post totum illud tempus duorum millium annorum, nec veniet; & non loqui de illa, quæ illis venit post aliquot annos paucos? Non erat magis verisimile intelligi illud *nunc reducam* de reductione proxima futura; quàm de liberatione, quam ipsi expectant à tàm longo tempore, & serie sæculorum, & nondum venit? Quod solatium illis foret, si promissa liberatio non esset illis proxima, sed dilata post illam sæculorum seriem? Euidens ergo est prophetiam illam fuisse impletam, quando Hebræi à captiuitate Babylonis fuerunt liberati; & tunc
 obti-

obtinerunt secundam hereditatem illis promissam; prout dixerat Propheta Moyses in citata prophetia Deuteronomij 30. *Rursum congregabit te de cunctis populis; & ita exponit hunc locum Rabbini in lib. Sedernegholam. Quia omne illud, quod Deus illis promiserat, impletum est, quando à Babylone redierunt liberi in Ierusalem, vt narrat Esdra lib. 2. cap. 7. num. 6. Isti filij provincie, qui ascenderunt de captiuitate migrantium, quos transtulerat Nabuchodonosor Rex Babylonis, & reuersi sunt in Ierusalem, & in Iudæam, unusquisque in ciuitatem suam.*

70. Replicant Hebræi. Prophetia supraposita ait nullum omnino Babylone mansisse; vt patet ex illis verbis: *Et non dereliquerim quenquam ex eis ibi.* Sed tempore Esdræ non ita fuerunt congregati omnes, vt non mansissent ibi aliqui ex Hebræis: ergo prophetia illa non fuit impleta in liberatione à captiuitate Babylonis; proindeque debet impleri alio tempore, quod certè erit tempus aduentus Messie: cum verò tempore aduentus Christi IESV impleta non fuerit, vt patet; sequitur adhuc Messiam non venisse. Resp. Falsissimum esse, quòd tempore Esdræ mansissent aliqui ex Hebræis in captiuitate Babylonis: contrarium enim constat ex eodem libro Esdræ citato num. 73. *Habitauerunt autem Sacerdotes, & Leuitæ, & ianitores, & cantores, & reliquum vulgus, & Nathinei, & omnis Israel in ciuitatibus suis:* proindeque tempore illo prædicta prophetia exactissimè fuit impleta. Similiter impleta fuit tunc alia prophetia Ieremiæ cap. 29. num. 10. quæ idem refert, quod refert Ezechiel supra; & ita ait cit. num. 10. *Cum ceperint impleri in Babylone septuaginta anni, visitabo vos, & suscitabo super vos verbum meum bonum, vt reducam vos ad locum istum.* Et infra: *Reducam captiuitatem vestram, & congregabo vos de vniuersis gentibus, & de cunctis locis, ad quæ expuli vos, &c.*

71. Neque obstat, quòd non fuerint captiui in omnibus gentibus, & populis, locisque totius mundi: nam ideo dixit; de omnibus gentibus, populis, locis, ad quæ expu-

li vos: quasi diceret, non ab omnibus populis, & locis totius mundi, sed ab omnibus, ad quæ vos ego expuli. Vnde evidens est loqui Prophetas de captiuitate Babylonis; scil. per 70. annos, quibus fuerunt in illa captiuitate. Consonat Propheta Isaias cap. 11. num. 11. *Et erit in die illa, adijciet Dominus secundò manum suam ad possidendum residuum populi sui, quod relinquetur ab Assyrijs, & ab Ægypto, & à Phetros, & ab Æthiopia, & ab Ælam, & à Sennaar, & ab Emath, & ab Insulis maris.* Hanc prophetiam existimant aliqui, vt Gaspar Sanch. & alij fuisse impletam in liberatione à captiuitate Babylonis; quia Isaias multò ante illam captiuitatem id prædixit; & si intelligeretur de alia liberatione posteriore, non diceret secundò adijciet manum, sed tertio: quia, inquit, prima liberatio fuit tempore Pharaonis ab Ægypto: secunda, tempore Cyri à Babylone; ergo illa alia foret tertia, & non secunda. Deinde diceret, fore liberandos ex Romanis, qui Iudæos à Ierusalem eiecerunt; & non ab Assyrijs, & alijs Regionibus à Propheta commemoratis; quæ omnes erant sub potestate Cyri: videtur ergo loqui Propheta de liberatione à captiuitate Babylonis. Hæc interpretatio probabilis quidem est: & confirmat præfatam doctrinam. Verùm existimo Prophetam hic loqui de liberatione spirituali à captiuitate peccati per aduentum Messie, & dicitur secunda respectu liberationis materialis ab Ægypto, & à Babylone; licet hæc possit etiam dici secunda respectu primæ materialis; & hæ duæ materiales integrant vnā totalem liberationem materialem; respectu cuius optimè dici potest secunda illa spiritualis liberatio; quæ fieri promittebatur tempore Messie. Ratio huius est, quia reuera Isaias in hac prophetia cap. 11. expressissimè loquitur de Messia, vt legenti prophetiam illam patebit: quare videtur minùs conuenienter descendere ad liberationem imperfectam à captiuitate corporum, dum prima accipiebat diuinum oraculum de Redemptore, & liberatore animarum ex captiuitate peccati. Nec obstat primò, quòd Propheta mentionem faciat Nationum, quæ Regi

Baby-

Babylonis erant subiectæ; nam etiam ibi memorat Insulas maris, quæ non erant ei subiectæ: & certè hæ prouinciæ occidentales prædictæ insulæ non erant subiectæ Regi Babylonis; in omnibustamen illis Regionibus erat aliquod residuum Iudæorum, quibus Apostoli prædicarunt; multosq; conuerterunt, vt patet ex Euangelica historia, Actor. & epist. D. Pauli, & Petri. Nec obstat secundo, quòd Propheta Isaias protulerit illam prophetiam multò ante captiuitatem Babylonis, & consequenter videtur de illa loqui, & non de illa liberatione peccati postea per Messiam facienda: respondeo enim etiam fuisse prolatam multò plùs antequàm fieret hæc per Messiam liberatio; quæ certè maioris erat momenti, quàm prima, ideoque de hac præcipuè tractabat.

72. Quicquid tamen sit de hac prophetia Isaiæ; certè duæ aliæ priores de captiuitate Babylonis clarissimè loquuntur; & iam fuerunt impletæ, vt probatum est: igitur argumentum Hebræorum nullius est momenti. Dices. Non videtur bene probari saltem primam illam prophetiam Deuteronomij loqui de captiuitate Babylonis; ergo loquitur de reductione Hebræorum facienda per Messiam; cùm verò, quando Christus venit, Iudæi non fuerint reducti, sed potius dispersi; in qua dispersione nunc sunt: adhuc non est impleta, sed implebitur, quando venerit Messias, & consequenter adhuc non venit. Respondetur in hoc etiam hallucinari Iudæos: siquidem ex citato capite Esdræ constat euidenter prophetiam Deuteronomij de captiuitate Babylonis intelligi: nam hic Propheta erat in Babylone captiuus cum cæteris Hebræis, Dominum deprecabatur, vt recordaretur suæ promissionis per Moysen factæ, vt ab ea captiuitate liberarentur secundum suam promissionem; & Propheta fuit exauditus, quando mox populus Hebræus fuit ab illa captiuitate liberatus. Sic enim ait Esdras in loco supra cit. lib. 2. cap. 1. num. 8. *Memento verbi, quod mandasti Moysi seruo tuo, dicens: cùm transgressi fueritis, ego dispergam vos in populos, & si reuer-*

*ramini ad me, & custodiatis præcepta mea, & faciatis ea: etiam si abducti fueritis, inde congregabo vos, & reducam in locum, quem elegi, ut habitaret nomen meum ibi. Ergo illa prophetia Deuteronomij loquebatur de hac captiuitate Babylonis; aliter & Esdras erraret sic orando; & Deus errori consentiret, sic petitionem illius adimplendo. Et non loquebatur de hac Hebræorum dispersione, in qua ipsi voluntariè sunt, verificando illam in seipsos iactatam maledictionem: Sanguis eius super uos, & super filios uos-
tros.*

73. Confirmatur hoc, quia Deus nunquam volebat populo suo supplicium aliquod graue infligere, nisi prius illud alicui Prophetæ aperiendo, & durationem eius determinando, prout legitur apud Prophetam Amos cap. 3. nu. 7. *Quia non facit Dominus Deus uerbum, nisi reuelauerit secretum suum ad seruos suos Prophetas.* Sic volens, ut populus in Ægypti seruitute per quadringentos maneret annos, id prius Abrahamæ Patriarchæ reuelauit, ut constat ex Genesi 15. & volens eundem ob peccata commissa in Babylonem relegare per 70. annorum spatium; id prius Ieremiæ Prophetæ reuelauit, ut patet ex Ierem. cap. 25. Itaque semper Deus reuelabat, quanto tempore duraturum esset supplicium; quia præuidebat populi pœnitentiam: in hac verò dispersione Iudæorum non reuelauit Deus præfixum terminum; quia vniuersaliter omnes pœnitentiam non agent de peccato, quod commiserunt non acceptando suum Saluatorem, imò illum ignominiosè tractando, & crucifigendo; cum verò solum in fine mundi de hoc peccato aeturi sint pœnitentiam; solum in fine mundi misericordiam consequentur.

CAPVT VNDECIMVM.

*Proponitur vndecimum argumentum Hebræorum,
& dissoluitur.*

74.

Arguunt vndecimò Hebræi. Quando veniet Messias, Lupus cum Agno, Leopardus cum Hædo habitabunt: pascuntur simul Bos cum Vrfo, &c. vt constat ex Isaia cap. I I. num. 6. *Habitabit Lupus cum Agno, & Pardus cum Hædo accubabit: Vitulus, & Leo, & ouis simul morabuntur; & puer paruulus minabit eos: Vitulus, & Vrsus pascuntur: simul requiescent catuli eorum: & Leo quasi Bos comedet paleas.* Hæc prophetia adhuc non est impleta; siquidem hæc mutatio naturæ in terris visâ nunquam fuit: ergo Messias nondum venit, sed veniet, quando hæc prophetia fuerit impleta. Resp. Hanc prophetiam iam fuisse impletam: quando gentes fuerunt conuersæ ad fidem: in qua conuersione Reges, & Imperatores, qui sua ferocitate fuerant quasi Leones, iam habitant cum mansuetis Agnis, qui sunt fideles: gentes ipsæ, quæ sine fide erant quasi feræ, brutaque animantia; feritate deposita, Christi mansuetudinem induerunt. Igitur prophetia non debet intelligi materialiter, vt illi materiales Hebræi volunt; sed per parabolam: quo pacto etiam ipsi Rabbini exponunt: nam in lib. Rabeno Moyse in fine, sic dicitur: *In aduentu Messie nulla natura mutatio fiet: vnde non tibi veniat in mentem, quod in diebus Messie opera naturæ debeant variari: & id, quod dicit Isaia: Habitabit Lupus cum Agno, &c. parabola est, & anigma: & significant fideles simul cum impijs, idest, cum Gentilibus tuto permanensuros.*

75. Et hic est frequens, & vsitatus modus loquendi Sacræ Scripturæ. Sic in cap. 49. Genes. num. 9. Iacob appellauit Iudam, Leonis filium: *Catulus Leonis Iuda: ad prædam fili mi ascendisti: requiescens accubuisti vt Leo, &c.* Et nu. 14. Issachar alterum filium vocat Asinum fortem. *Issachar*

ebat Asinus fortis accubans inter terminos. Et nu. 27. Benjamin appellat Lupum rapacem. Benjamin Lupus rapax mane comedet prædam, & vespere diuidet spolia. Atque ita Ieremias in hoc loco vocat populum Israel agnum dispersum: quemadmodum etiam ait cap. 50. num. 6. Grex perditus factus est populus meus. Et num. 17. Grex dispersus Israel. Et ibi Reges vocat Leones gregem discerpentes. Leones eiecerunt eum, scilicet Regem Assyriæ, & Nabuchodonosor Regem Babylonis. Igitur sicut scriptura vocat Reges infideles Leones, & populum fidelem Agnum; sic Prophetia in ea supraposita prophetia, per Lupos, & Leones intelligit infideles; & per Agnos fideles; & inter hos, & illos tempore Messiae concordiam esse faciendam per conformitatem fidei in Christum Saluatorem omnium, ac Redemptorem.

76. Et in hoc certè conueniunt ipsimet Rabbini antiqui, doctioresque, vt videre est in Rabbi Moyse de Ægypto in lib. Morè in 1. lib. circa medium. Vbi sic ait: *Scias clauem intelligentiæ dictorum cuiusque Prophetæ in eo consistere, quòd eorum parabolas, metaphoras, ac similitudines bene intelligas: bene enim scitur Deum dixisse per Oseam Prophetam cap. 12. num. 10. Sequibusdam per Prophetas explicandum esse similitudinibus, & ænigmatibus. In manu Prophetarum assimilatus sum. Et idem Rabbini in sententijs suis ita ait: Non existimes in aduentu Messie Deum rerum naturas mutare debere: vnde aduerte illa verba Isaie dicentis: Habitabit Lupus cum Agno, significare in sensu suo vero, quòd Israel confidenter habitabit cum impijs, qui similes quidem sunt Leonibus, Leopardis, Lupis, & Ursis, vt dictum etiam est per Ieremiam cap. 5. nu. 6. Percussit eos Leo de sylua: Lupus ad vespertam vastauit eos, Pardus vigilans super Ciuitates eorum. Igitur confundantur illi stulti Iudæi, & erubescant, intelligendo prophetiam Isaie tam materialiter; sed Doctores adhæreant potius Rabbinijs suis, illam in vero sensu exponentibus: imò ex ipsomet textu clarè dignoscitur Prophetam per Leones, & Lupos gentes signi-*

significare: vt mox subiunxit Isai. cap. 11. num. 9. *Non nocent, neque occident in vniuerso monte sancto meo: quia repleta est terra scientiâ Domini*, idest, iam Reges illi antea Leones vniuersam Ecclesiam Sanctam non persequuntur; quia omnes fidem Christi suscipient; terraque omnis scientiâ Domini repleta erit.

CAPVT DVODECIMVM.

Dissoluitur duodecimum dubium Hebræorum contra Christianos.

77. **A**rgumentantur Hebræi duodecimò. Secundum scripturam, quando veniet Messias non amplius bella gerentur, sed summa erit in terris pax, & armorum cessatio: sed post Christi IESV aduentum non fuit ista pax, armorumque cessatio; sed potius plurima bella sunt gesta, vt nos nunc videmus; & ex historijs aperte constat, ac Chronicis cuiusque Regni, Nationumque. Igitur Christus nondum venit; sed veniet, quando hæc prophetia fuerit impleta, quam assert Isaias cap. 2. num. 4. *Et iudicabit gentes, & arguet populos multos: & constabunt gladios suos in vomeres, & lanceas suas in falces: non leuabit gens contra gentem gladium; nec exercebuntur ultra ad prælium* - Resp. Hanc prophetiam fuisse omnino impletam, quando Christus venit: quia toto tempore, quo Christus vixit in terris, nulla extitere prælia, summa fuit pax, & tranquillitas; sic enim conueniens erat, vt subditi in præsentia supremi sui Regis inter se non contenderent, quæ pax in terris post Christi resurrectionem annos 40. durauit, donec Hebræi sub falso suo Messia Bencusba appellato contra Imperium Romanum bella mouerunt: quos ideo Tito Imperatore regnante Romani captâ Ierusalem, & ferro ignique deuastatâ expugnarunt, & à Iudæa in varias mundi plagas eiecerunt; vt narrant historiæ. Non negent ergo perfidi Iudæi hanc prophetiam fuisse impletam; imò illam.

illam videndo impletam, credant in Christum IESVM Saluatorem, verumque Messiam.

78. Dicunt Hebræi verum quidem esse toto illo tempore fuisse pacem, ac bella cessasse; attamen hæc pax non duravit multum; Propheta verò dixit post aduentum Messie pacem fore in æternum duraturam: ergo adhuc non fuit impleta hæc prophetia; proindeque Messias nondum venit; sed veniet quando hæc fuerit impleta prophetia. Hæc obiectio satis indicat Hebræos nec scripturas legere, nec intelligere: siquidem deberent aduertere illam vocem *nghod*, positam in illa prophetia non semper significare in æternum; imò sæpius significare modicum tempus. Patet primò ex 1. Reg. cap. 7. num. 13. *Humiliati sunt Philistiim, nec apposuerunt ultra, ut venirent ad terminos Israel*: vbi vox *nghod* ibi posita non significat in æternum; siquidem in eodem lib. cap. 13. legitur Philistæos tempore Saulis iterum in terminos Israel venisse: vnde sensus est, vt non venirent ultra tempore Samuelis Iudæam regentis: sic ergo intelligendum est; vt non esset bellum ultra tempore Messie in terra degentis. Secundò in cap. 35. Genesis. n. 10. vbi legitur sic: *Non vocaberis ultra Iacob; sed Israel erit nomen tuum*, & ibi vox *nghod*, idest, non ultra; non potest significare, in æternum. Siquidem postea in eodem capite bis quatuor vicibus appellatur per nomen Iacob. Igitur illa vox *nghod*, idest, non ultra, aliquando non significat, nisi paruam temporis durationem: & hoc confirmant etiam ipsi Rabbin: nam Rabbi Dauid Chimchim in suo Dictionario appellato *sciarascim* exponendo dictam vocem *nghod*, idest, non ultra, dicit sic: *Vox ista nghod*, idest, *non ultra sæpe reperitur significare modicum tempus*; & allegat ibi lib. Prouerb. c. 31. vbi vox *nghod*, idest, in æternum, seu non ultra; non significat nisi breue tempus. Tertiò in lib. 2. Reg. cap. 6. & lib. 2. Samuelis cap. 1. Vbi in omnibus illis locis vox *non ultra*, seu *in æternum*, non significat, nisi breuem temporis durationem. Similiter ergo, quando Propheta dixit: *Non exercebuntur ultra ad bellum*;

bellum; vox illa *ngbod*, seu non ultra, non significat, nisi durationem certam, id est, non ultra, videlicet tempore, quo vixerit in terris Messias, belli non exercebuntur: sed in exercitio pacis, & agriculturæ, armis ferreis conuersis in vomeres, & gladijs in falces ad metendum segetes: & ita euenit, dum Christus in terra vixit, imò & 40. annis post Christi resurrectionem, vt dictum est: ex quo patet, quàm debile sit Hebræorum argumentum.

CAPVT DECIMVM TERTIVM.

Proponitur, & soluitur decimum tertium Hebræorum dubium.

79. **O**pponunt 13. Iudæi. Messias venturus est in fine mundi, vt prædixit Isaias cap.2. num.2. *Et erit in nouissimis diebus præparatus mons domus Domini in vertice montium, & eleuabitur super colles, & fluent ad eum omnes gentes: & ibunt populi multi, & dicent: Venite, & ascendamus ad montem Domini, & ad domum Dei Iacob, & docebit nos vias suas; & ambulabimus in semitis eius, quia de Sion exhibit lex; & Verbum Domini de Ierusalem.* Sed Christus Iesus non venit in fine mundi, imò à natiuitate sua iam 1693. numerantur anni: ergo Christus non est Messias à Prophetis prædictus, & nondum venit; sed veniet, quando in fine mundi fuerit impleta hæc prophetia. Hoc argumentum, dubiumque Iudæi satis ineptè formant; quia cæca sua obstinatione non capiunt germanum, verumque istius oraculi sensum. Scire debuerant, quando Propheta dixit Messiam nouissimis diebus esse venturum, per nouissimos dies non intelligi finem mundi; aliter alijs prophetijs omnino contradiceret, quæ dicunt Messiam venturum tempore secundi templi: & iam hodie non est illud templum secundum: siquidem destructum fuit 40. annis post Christi Resurrectionem, gloriosamque illius in Cælum Ascensionem; vt iam nos supra ostendimus; & in-

fra in 4. libro magis ostendemus: vnde necessariò intelligendum est, quòd dies illi nouissimi dicantur respectiue ad Ecclesiam sub ritu Mosàico duraturam; & vltimis diebus istius Synagogæ, seu Ecclesiæ sub ritu Mosàico, venit Christus: igitur ex hac prophetia potiùs inferre deberent Hebræi iam venisse Messiam, quàm stultè inferre nondum venisse.

80. Quòd verò in Scriptura Sacra, quando dicitur, *in nouissimis, vel in vltimis diebus*, non semper intelligatur in fine mundi; (nisi concurrant aliquæ circumstantiæ, quibus non possit id intelligi, nisi pro fine mundi) probatur ex multis sacræ paginæ locis. 1. ex Ieremia cap. 49. num. 39. *In nouissimis autem diebus reuerti faciam captiuitatem Ælam, dicit Dominus*; & tamen hæc prophetia diebus Cyri Persarum Regis impleta fuit, vt narrat Esdras lib. 4. cap. 1. num. 1. dicens: *In anno primo Cyri Regis Persarum, vt compleretur verbum Domini ex ore Ieremias, suscitauit Dominus spiritum Cyri Regis Persarum*. Secundò ex Deuteronomij cap. 31. num. 29. vbi sic dicit. *Et occurrent vobis mala in exilium tempore, quando feceritis mala in conspectu Domini, ut irriteis eum per opera manuum vestrarum*. Et tamen hæc mala illis euenere, quando à via Domini defecerunt: quòd certè non fuit in fine mundi, sed multò antea: nec possunt dicere, hæc mala illis in fine mundi euentura: quia ipsi in fine mundi non mala, sed bona sperant. Siquidem ipsi exspectant Messiam in fine mundi venturum, & in aduentu Mellix sperant prospera, non aduersa: bona, & non mala: igitur illa Moyse prophetia impleta fuit diebus aduentus Mellix, quem noluerunt acceptare, & à via Domini discessere; propter quod illis hæc mala, & infortunia perpetui exilij à Ierusalem acciderunt. 3. ex Genesi 49. num. 1. quando voluit Iacob filijs suis aduentum Mellix significare, illos ad se vocans sic ait: *Congregamini, vt annuntiem, que ventura sunt vobis in diebus nouissimis*. Et sic num. 10. annuncians aduentum Mellix, ait. *Non auferetur sceptrum de Iuda, & dux de femore eius, donec veniat, qui mittendus est*.

est; & ipse erit expectatio gentium. Et tamen dum dixit, *in nouissimis diebus*, non potest intelligi in fine mundi: siquidem ibi posuit signa, quæ concurrere deberent in aduentu Messiae, scil. tunc primò defesturos Reges Iudæ; quod factum est in aduentu Christi. Ex his omnibus colligitur manifestè; quando in scriptura dicitur: *In nouissimis diebus, in extremo tempore*, non intelligi semper in fine mundi; sed terminum quendam dierum ad id tempus, in quo aliquid ex promissione diuina fieri expectatur; & ideo Sacra Scriptura ponit semper aliqua signa, quibus intelligatur, de quibus vltimis diebus loquatur; quæ signa si aduerterent Hebræi, à veritatis tramite non aberrarent.

81. Vt tamen hoc ipsis magis verificetur, non omittam hîc asserre autoritatē Rabbīnorum. Rabbi David Chimchi in expositione eiusdem prophetiæ ab Hebræis allegatæ sic ait: *Vbicunque reperitur in scriptura scriptum: In nouissimis diebus, intelligitur de diebus Messiae*. Ergo quando Isaias dixit Messiam nouissimis diebus venire debere; de diebus Messiae dixit, non de fine mundi: maximè, quia in illa prophetia ponuntur aliqua signa aduentus Messiae, quæ pro fine mundi verificari minimè possunt; vt ex breui illius prophetiæ explicatione mox ponenda fiet manifestum. Nec Hebræi, quī tantum autoritatis tribuunt Talmud suo, possunt dicere Messiam primò venturum in fine mundi: nam in Talmud tractatu Sanhedrin cap. Chelech dicitur mundum post aduentum Messiae bis mille annos duraturum: quomodo ergo dicunt Messiam venturum in fine mundi, si dicunt mundum duraturum bis mille annos post aduentum Messiae? quare nullius momenti est Hebræorum argumentum ex illa pro se, contra nos allata prophetia; quæ potius pro nobis contra ipsos debeat allegari.

82. Vnde prophetia illa sic breuiter explicatur. *In nouissimis diebus*, id est tempore legis gratiæ; quod est vltimum respectu Legis scriptæ, & naturæ: quia primum tempus est legis naturæ, secundum legis scriptæ; vltimum le-

gis gratiæ; quæ incepit ab aduentu Christi Legislatoris legis gratiæ. *Mons*, id est Ecclesia, & Christus primum caput Ecclesiæ; *preparatus*, alij vertunt fundatus, quia scribitur per nomen Hebraicum Nachon, quod significat fundare: quia Ecclesia fundata fuit à Christo, iuxta illud: *Ædificabo Ecclesiam meam*, quod etiam patet ex Psal. 23. num. 3: *Super flumina preparauit eam* (terram) id est, fundauit, & firmavit, & iuxta Prouerb. 8. num. 27. *Quando preparabas Cælos*, id est, fundabat. Mons etiam significabat Beatissimam Virginem Mariam Matrem Dei: cuius Sanctissimæ Virginis sanctitas super omnes Sanctos, & Angelos effulgit, & instar altissimi montis eminuit: *ipsa enim*, ait D. Gregorius lib. 1. Reg. cap. 1. sub initium, *meritorum verticem. supra omnes Angelorum Choros vsque ad solium Deitatis euerxit. In vertice montium*: quia Ecclesia est in vertice montium, primò, quia sua altitudine, dignitate, & gloria superat Iudæorum montes, scilicet, Sion, in qua erat Arx Dauid; Moria, in quo erat erectum templum: hi enim montes erant figura, & quædam umbra corporis Ecclesiæ Christianæ; & quis negat umbram subesse corpori? secundò, quia superat omnia templa, & sacra Iudæorum, & Gentilium per allusionem ad templa, quæ olim semper supra montes altiores fundabantur; & ideo appellabantur *excelsa*. Tertiò, quia montes dicuntur Apostoli, Prophetæ, & Patriarchæ; & super hos montes fundata est Ecclesia.

83. *Et fluent ad eum omnes gentes*. Fluent more fluminis spontè fluentis, quia gentes non armorum vi coactæ, sed voluntate sua conuertebantur: quia id Christus Dominus posuit in voluntate libera, dicens. *Si quis vult venire post me*; & ideo inermes, & quasi agnos inter lupos misit Apostolos: iuxta illud: *Eccce ego mitto vos sicut agnos inter lupos*. *Fluent*: quia non simul conuersio fuit facta; sed successiuè more fluminis successiuè fluentis. Primò Iudæi conuersi sunt ad fidem; postea gentes tractu quodam successiuo, & fluenti. *Et dicent: venite, & ascendamus ad montem Domini*, id est, ad Christum, & Ecclesiam, & ad domum

mun Dei Iacob, id est, non iam ad Deos fictos; sed ad Deum, qui est Deus verus, qualis est Deus Iacob. *Et docebit nos vias suas*, id est, diuinas, & salutaria documenta; quibus refertum est Christi Euangelium. *Quia ex Sion exibit lex*, id est, lex gratiæ, & non Mosaica, sed lex viuificans data tam Iudæis, quam gentibus; *& verbum Domini*, id est, Euangelium, de Ierusalem: quando nimirum Apostoli, & discipuli accepto Spiritu Sancto in die Pentecostes ex Ierusalem, & Iudæa exhibunt, seque diuident, & dispergent in omnes Regionem, vt impleant Christi præceptum. Matth. 28. *Euntes docete omnes gentes. Et iudicabit gentes*, id est, iam fideles in foro Ecclesiastico per summum Pontificem sui vicarium, & per Episcopos; in foro poenitentiae Sacramentali per Sacerdotes condemnando, & absolueno iudicium faciet. Iudicabit item inter probos, & improbos, probis præmia gratiæ, & gloriæ: improbis verò supplicia æternæ damnationis retribuet. Cætera omitto breuitatis causâ: & satis hæc dicta, vt reddantur Hebræi conuicti ex hac prophetia, quam contra Christianos afferebant: cum potius illa videatur historia præteriti, quam prophetia futuri: quare vel illos oportet negare prophetiam, vel credere Euangelium.

84. Incredibile dictu est, quanta cæcitate, ne dicam, dementia, mens Hebræorum obnubiletur: credunt aliqui eorum in ea prophetia Isaïæ in dict. cap. 2. & Michea cap. 4. *Et erit in nouissimo dierum mons domus Domini præparatus in vertice montium; & sublimis inter colles; & fluent ad eum populi &c.* Eleuari hunc montem super alios montes, & colles, adhuc, non vidimus, inquiunt isti Iudæi; quem tamen eleuari oportet in aduentu Messiae, vt dicunt hi Prophetæ: ergo Messias adhuc non venit. Hæc est consequentia istorum hominum, tam stulta, & fatua, vt responsione vlla indigna esse videatur. Videant illi an ipsorum sensus planè ineptissimus cum Prophetæ sensu cohæreat? Propheta dicit, quod mons iste docebit nos vias; an mons materialis docebit? loquitur ergo Propheta de Messia, qui
expli-

explicatur per nomen montis: & quòd Messias mons appelletur, primò probatur ex ipsismet Rabbini in libro Berescith rabba in cap.28. Genesis vers.10. *Egressus Iacob de Barsabee. Vbi sunt hæc verba:Leuabo oculos meos in montes, vnde veniet auxilium mihi:* hoc est, quod scriptum est in Zacharia cap.4. num.7. *Quis tu mons magne coram Zorobabel? Mons iste magnus est Rex Messias;* & cur illum appellat montem magnum? Et ibi respondet: *quia ille est maior Patribus antiquis; vt scriptum est in Isaia cap.52. num.13. Ecce iutelliget seruus meus, exaltabitur, & eleuabitur, & sublimis erit valde: hic est Messias, qui exaltabitur plusquam Abraham; plusquam Moyses, plusquam Angeli celestis ministerij.* Ex quibus verbis constat Rabbinos per montem intelligere Messiam; & sic interpretari Prophetam, dum illum appellat montem magnum. Secundò ex Daniele cap.2. vbi per montem explicat Messiam, quando dixit. *Abscissus est lapis de monte sine manibus, & percussit statuam, &c. & factus est mons magnus &c.* In quem textum Rabbi Salomon per istum lapidem, qui factus est mons magnus, interpretatur Messiam. Igitur similiter Isaías, & Michæas non loquuntur de illo monte, ita vt ipse debeat crescere materialiter per augmentum terræ supra alios montes, sed nomine montis explicant Sanctissimum Messiam; cuius sanctitas, dignitas, & excellentia, instar altissimi montis super omnes eminet, & sublimatur.

85. Aliter etiam Rabbini ipsi interpretantur montem illum, quem dicunt esse montem Sion; vt nimirum ita excreseat, ac exaltetur in dignitate, & veneratione, quia in illo Messias multa mirabilia operabitur, & illum suâ præsentia sanctificabit, quod in Christo Domino impletum fuit; vt constat ex sacro Euangelio: & ideo illum montem sanctum super omnes alios totius orbis montes fideles maximè venerantur; & summa pietate, ac deuotione visitant. Igitur friuolum, & vanum est argumentum illorum rudium Iudeorum; & potius debuissent sapientiores Rabbinos in hac parte sectari.

CAPVT DECIMUMQVARTVM.

*Dissoluitur decimumquartum argumentum Hebræorum
contra Christianos.*

85. **A**rguunt deinde Iudæi ex Propheta Isaia cap.2. vbi dicit, in aduentu Messie ad illum fluere debere omnes gentes; hoc est ad illum omnes esse conuertendos: sed de facto non sunt conuersi omnes: siquidem Turcæ, Hebræi, multique alij infideles, Christi legem minimè sequuntur: ergo Christus verus Messias non est. R. Hoc Hebræorum argumentum prorsus esse vanum, nulliusque momenti, quod etiam ex ipsorum cordatioribus Rabbinis planè euincitur; nam vox illa Hebraica Col, non semper significat totum; sed sæpius magnam aliquam partem totius. Ita respondet Rabbi David Chimchi, & plures alij in suo Dictionario in radice, Col; vbi explicando huius vocabuli significationem, sic dicunt: *vox ista Col aliquoties pro maiori parte totius, non verò pro toto sumitur: vt in cap.41. Genesim. 57. Omnes Prouinciæ veniebant in Ægyptum*, id est, magna pars omnium Prouinciarum terræ; non enim est credibile, quod omnes omnino totius orbis Prouinciæ in Ægyptum conueirent; & allegat ibi etiam cap.24. eiusdem libri, & lib.2. Reg. cap.8. & sunt infinita alia exempla in Sacra Scriptura; in quibus vocabulum Col non significat totum; sed magnam partem totius: igitur, quando dicitur in prophetia Isaia in cit. loco in aduentu Messie omnes esse conuertendos; non intelligitur, *omnes*, ita vt nullus omnino remaneat non conuersus; sed quod maxima pars mundi ad Christi fidem conuerteretur: & sic impleta fuit in Christo Domino prædicta prophetia; nam videmus nunc in omnibus totius orbis partibus, in Europa, scilicet Africa, Asia, America, Christi fidem propagatam; & omnem terram repletam scientiâ Domini, vt prædixit Propheta: prout supra vidimus..

87. Dicunt Hebræi fateri se in scripturis sæpissimè vocem, Col, id est, totum, non significare totum, sed partem magnam totius: at in hoc loco significare omnes omnino; consequenterque non fuit impleta prophetia: siquidem non omnes omnino gentes ad Christum conuersæ fuerunt. Sed mihi dicant Hebræi; cur in hoc loco vox illa, Col, id est, totum, significet totum omnino, & non magnam partem totius: in alijs verò locis, partem certè totius, & non totum significet? Respondent ex adiunctis circumstantijs id deprehendi: bene: sed etiam multæ sunt circumstantiæ, cur particula, *omnes gentes*, significet bonam partem gentium, & non omnes omnino; ergo hîc etiam dicendum est, vt non significet omnes omnino gentes, sed bonam, vel maiorem partem illarum, quod ego probo manifestè: nam scriptura dicit in multis locis Hebræos negaturos esse Christum, iuxta illud Danielis: *& post hæc occidetur Christus, quem populus negaturus est*, & consequenter saltem Hebræos vniuersaliter non esse conuertendos; deinde illos permansuros in sua obstinatione vsque ad finem mundi, vt supra vidimus; præterea dicit scriptura multis in locis plurimos à gentilibus esse interficiendos, & martyrio cruciandos propter fidem Christi, vt conuincitur ex omnibus Prophetis; & præcipuè ex Psalmis David multis in locis; vt Hebræi ipsi non inficiantur; & consequenter hi persecutores supponuntur infideles, & ad Christum minimè conuersi: ergo ne scriptura sibi contradicat, necessariò dicendum est; particulam, *omnes*, in illo versiculo: *Fluent ad eum omnes gentes*: significare non posse omnes omnino; sed magnam partem gentium. Et idcirco Michæas, qui prædixit eandem rem, & eodem spiritu veritatis, quasi interpretando prophetiam Isaïæ, non posuit omnes, sed plures dicens: *Et fluent ad eum populi*, vt vidimus in fine capitis præcedentis. Erubescant igitur Iudæi similia vanâ argumenta opponendo, seriò amplectantur Sacras Scripturas, Deumque, & Saluatorem suum agnoscant; sin minùs, sine vlla excusatione præcípites in Tartara detrudentur.

CA-

CAPVT DECIMVMQVINTVM.

Proponitur, ac dissoluitur decimumquintum Hebræorum argumentum.

88. **D**Ecreueram quasi contemnere hoc argumentum certè ridiculum, quod Hebræi nobis opponunt; sed vt illorum stultitiæ, & ineptiæ pateant magis, illud refero; & est hoc. Isaias dicit, quando Messias venerit, gentes dicent: Ascendamus ad montem Domini, & ad domum Dei Iacob: vt patet ex supra posita prophetia in capitulis præcedentibus: sed Christiani non dicunt: ascendamus, aut eamus ad templum, siue ad domum Dei Iacob; sed eamus ad S.Petrum, S.Andream, S.Paulum, &c. Ergo cum prophetiæ debeant adamussim, & in omnibus adimpleri; signum est adhuc Messiam non venisse. Quis non rideat has telas aranæ; quibus Hebræi quasi humanæ rationis expertes intendunt fidelium pedes fortissimos intricare? Non aduertunt, quo fine Christiani templa, sacraque oratoria visitent: certè fidelium intentio tota est verum Deum adorare, & illius sanctos, vt seruos Dei amore colere, & venerari: Deus autem verus, qualis est, nisi ille Deus, quem Iacob, & alij Sancti Patres adorauere? Imò Propheta ideo posuit, *ad domum Dei Iacob*; vt manifestaret gentes adoraturas non Deos falsos, & simulacra Dæmonum, sed illum Deum viuum, sanctum, & verum, quem Iacob credidit, adorauitque: quid verò aliud faciunt Christiani, nisi hunc Deum Iacob verum quærere, & adorare?

89. Vnde omnia templa in toto orbe ædificata sunt domus Dei Iacob, id est, Dei veri; & quando Pontifex consecrat aliquod templum, non illud alteri consecrat, quàm Deo; vt ex cæremonijs, quas exercet, manifestè patet; quamuis ibi etiam sanctos peculiari adoratione dulciæ, id est, cultu propter sanctitatem illis datam à Deo colat, & veneretur Populus Christianus; non illos adorat, vt Deum,

sed ut seruos, & electos Dei: quare ipsa etiam Ecclesia Petri, Pauli, Ioannis, & aliorum Sanctorum, domus Dei dicitur: atque adeo, dum fideles quodlibet templum visitant, ad domum Dei Iacob, id est, veri supplices tendunt: prophetiaque Isaiae optimè verificatur, & similiter impletur alia prophetia Malachiae cap. 1. num. 10. *Non est mihi voluntas in vobis, dicit Dominus exercituum, & munus non suscipiam de manu vestra: ab ortu enim solis, usque ad occasum magnum est nomen meum in gentibus; & in omni loco sacrificatur, & offertur nomini meo oblatio munda.* Id est; ò Hebræi perfidi, & increduli, obstinati, & Deo vestro rebelles; vos non volo, quoniam vos me acceptare noluitis: oblationes vestras non suscipiam, vestras adorationes, & preces, ac orationes, dum me Messiam Dominum, & Deum vestrum negatis, non accepto; imò respuo: in omni loco mihi fit à fidelibus Sacerdotibus meis sacrificium, non ex effuso animalium sanguine sœdum; sed purum, mundumque ex pane, & vino secundum ordinem Melchisedech, qui panem, & vinum obtulit Deo; & certè in omni loco, etiam in medio Turcarum, aliorumque infidelium, ubi missæ peragitur sacrificium, hæc munda Deo Iacob, id est, vero Deo semper offertur oblatio. Igitur manifestè patet hanc nunc impleri prophetiam; proindeque non nisi ab obstinatissimo quoque, & prorsus dementi negari potest Christum Iesum verum esse Messiam; ac Synagogam prorsus esse à Deo derelictam, ac reprobata: & quamdiu in hac sua obstinatione persistent Hebræi; semper Deo maximè displicebunt, & certè damnabuntur, nisi suscepto salutari Baptismo credant in Christum.

90. Vnde argumentor modò contra istos infelices Hebræos: vel hæc prophetia Malachiae est iam hodie impleta, vel non: si est impleta; ergo Christiani Deum Iacob, id est, verum, & non falsum adorant, verum sacrificium peragunt; & dum templa visitant, ad domum Dei ascendunt; quia hoc dicit prophetia, & si iam impleta est, ipsi Hebræi omnino errant hæc templa non visitando; & hunc Deum, quem

quem Christiani adorant, non adorando, & hoc sacrificium Sanctissimæ Eucharistiæ, quod Christiani peragunt, non peragendo. Si non est impleta: ergo illa prophetia est falsa, nugatoria, & frustranea: siquidem duo dicit prophetia, primum, quod, quando venerit Messias, populus Hebræus non sit factururus illa priora sacrificia, nec Deus iam sit suscepturus illa eorum priora munera, antiquasque eorundem oblationes; secundum, quod tunc in omni loco ipsi Deo offerendum semper sit sacrificium purum, oblationesque Deo maximè placituræ sint; vnde, si Hebræi hodie in toto orbe dispersi facerent Deo acceptabile sacrificium: prophetia esset falsa; quæ dicit eorum sacrificia Deo esse execrabilia, & minimè accepta. *Non est mihi voluntas in vobis; munus non suscipiam de manu vestra.* Si iam non faciunt sacrificia, vt verè non faciunt, nec facere possunt secundum legem extra Ierusalem, extra quam nunc sunt, & erunt vsque ad finem mundi, licut dicunt expressè prophetiæ, vt supra vidimus; iam Deus in terris est sine vlllo sacrificio; nam est sine Hebræorum, vt patet; & est sine nostro, vt falsò ipsi contendunt, & sic iam prophetia est falsa; quæ dicit in omni loco semper esse faciendum Deo sacrificium. *Ab ortu solis vsque ad occasum magnum est nomen meum in gentibus, & in omni loco sacrificatur, & offertur nomini meo oblatio munda.* Sed prophetia non potest esse falsa; quia aliter Deus loquens per Prophetas esset mendax, & consequenter non esset Deus: quia Deus mendax non est Deus verus: Deus enim verus est essentialiter verax; vt lumine naturæ patet: ergo Hebræi non credendo in Christum, in summo errore, & in æterna damnatione sunt, & eorum argumentum supra positum contra Christianos est prorsus vanum; & prophetia illa ab eis adducta, maleque ab eis intellecta in ipsos retorquetur: & illos de eorum perfidia, summaque obstinatione redarguit.

CAPVT DECIMVMSEXTVM.

*Proponitur, & dissoluitur 16. dubium, seu argumentum
Iudæorum contra Christianos.*

91. **D**Ecimumsextum nobis opponunt argumentum obstinatissimi Hebræi; quod certè manifestat eorum contumaciam, cæcitatem, & incredibilem in hominibus rationis rectæ capacibus obstinationem. Sic illi argumentantur: Negari non potest post Christi Iesu aduentum in populo Hebræo etiam per vniuersas mundi nationes disperso reperiri Doctores Hebræos sapientissimos; in veteris Testamenti libris Hebraicè scriptis versatissimos: & qui plùs alienigenis Hebraicam vocabulorum radicem, eorumque proprium, ac germanum significatum melius capiunt, & intelligunt: & qui sæpe, ac sæpius versant diurna, nocturnaue manu nostrum Euangelium; rimantur omnia, matureque considerant; quæ Christus effecerit, quæ prædicauerit, quæ docuerit Apostolos, ac discipulos suos; quæ ipsi quoque discipuli, & Apostoli, Euangelistæque toto orbe peregerint, ac scripta, traditaque reliquerint; qui ordo, quæ series rerum, quæ cærimonix, ritusque in Ecclesia Christiana seruentur: & nihilominus fidem Christi non amplectuntur; Euangelium reiiciunt, leges Christianas contemnunt; & credibile non est velle ipsos damnari, & à cælesti Regno excludi; imò credunt alios damnari; se ad æternam salutem admitti, & rectâ pergere ad beatas illas Angelorum sedes Patribus suis sanctissimis à Deo promissas; incedere se per suorum sanctissimorum Antistitum vias; per suorum semitas Patriarcharum: à quibus, qui recedunt, rectâ pergere nullo modo possunt.

92. Huic argumento certè fallaci, debiliue facillimè respondetur, interrogando Hebræos: an eorum Rabbini sint sapientiores Angelis malis, qui à Deo recessere, suumque principatum amifere? Respondebunt sanè plus sapien-

piētiæ, maioremque intelligentiæ lucem Apostatas Angelos habuisse; sed eò superbiæ deuenisse, vt obliuio luminis que sui, æternæque salutis in eam sempiternam calamitatem sponte sua se præcipites deturbarent: sic ego vobis respondeo Rabbinos vestros tantâ superbiâ intumescere, vt cæteros elato supercilio, fastuque dæmoniaco despiciant; captiuareque intellectum in obsequium fidei per summam tumidæ suæ mentis elationem recusent: & sic in præceps ruant, & in æternam damnationem miserè detrudantur. Similiter ego ipsos interrogo; an sui Rabbini Salomone sint sapientiores? Non esse respondebunt: & tamen ipse in fine etiam contra veram religionem ea perpetravit scelera, vt nobis de suæ salutis æternæ adoptione dubium planè vehementissimum reliquerit: cùm constet certò de culpa; de poenitentia certò non constet: præsumendum igitur est de Angelis maiorem lucem habentibus, de Salomone plùs sapienti, enormiter errasse; de Rabbini autem minorem habentibus intellectum, minorique sapientia locupletatis errare minimè præsumendum; maximè cùm ea loquantur, quæ Prophetis, sacrisque alijs scripturis contradicunt?

93. Respondent Angelos, & Salomonem à via Domini deuialle; illos desiderâdo altissimo solium Deitatis adimere; hunc audendo idolis cultum Deitatis addere: at verò Hebræos nihil tale committere; sed viam Patrum sectari; & ipsum Deum adorare, quem sui Patres adorauere; quem Moyses, quem Abraham, quem Isaac, & Iacob, quem Dauid, quem cæteri Prophetæ; easdemque, quas ipsi Sanctissimi Patres obseruarunt leges, ipsos eorum quidem filios obseruare velle. Sed huic argumento satis inter Hebræos antiquo Diuina Sapientia incarnata, dum in terris degebat, respondit, dicens non venisse se soluere legem, sed implere. Itaque lex ipsa scripta, & Synagoga, quasi in vtero grauida continebat Christum, & legem gratiæ; ideoque Iudei, qui Christum, gratiæque legem negant, legem ipsam scriptam negant: & dum alienantur ab hac lege gratiæ,

tiæ, & à Legislatore illius Christo, à lege ipsa scripta, quasi ab vtero errare dicuntur, quod prædixerat David Psal. 57. num. 4. *Alienati sunt peccatores à vulua; errauerunt ab vtero; locuti sunt falsa.* Id est, dicentes Hebræi se suorum Patrum seruare legem, alienando se à Christo, locuti sunt falsa; nam qui non acceptat legem gratiæ, & Legislatorem eius Christum à lege scripta, promissum; falsò dicit se Patrum legem seruare: siquidem lex antiqua, & scripta præcipiebat; vt, quando lex noua sanctissimi Messiae fuisset promulgata, non iam obseruaretur antiqua cæremonialis; vt supra ex ipsamet ostendimus scriptura: quomodo ergo dicunt se legem Patrum suorum seruare, si, quod lex ipsa dicit, non obseruant? totum quod fecit Christus, dixerat de scripta; deinde illum verum fore Messiam, qui fecerit, quæ Christus fecit, vt hastenus demonstratum est; & infra demonstrabitur: ergo qui negant Christum ea omnia facientem verum Messiam esse; negat quod lex scripta dixit: quomodo ergo dicit se legem scriptam seruare? Ex quo patet, quàm vanum sit hoc etiam Hebræorum argumentum.

CAPVT DECIMVMSEPTIMVM.

Proponitur decimumseptimum Hebræorum dubium, ac dissoluitur.

94. **O**pponunt etiam hoc argumentum perfidi Iudæi. Deus in antiqua lege Sacerdotibus, ne mortuorum corpora tangerent, in temploue sepelirent, seuerè prohibuit, vt habetur Leuitici cap. 21. vers. 1. *Loquere ad Sacerdotes filios Aaron; & dices ad eos; Ne contaminetur Sacerdos in mortibus ciuium suorum.* Sed hæc lex violatur à Christianis, dum in templis Sacerdotum ministerio mortuorum corpora tumulantur; nec lex ista diuina per Euangelium fuit abrogata: imò per textum in L. Mortuorum, Cod. de Religiosis, & sumptibus funerum, præ-

præcipitur mortuorum corpora extra Ciuitatem sepeliri; & in iure Canonico extra Ecclesiam corpora mortuorum humanda esse innuitur cap.vbicunque.13.quæst.2.& id manifestè statuitur, cap. Præcipiendum, & cap. Nullus, cap. Grauia 13 quæst.2.vbi habetur nullum esse in Ecclesia sepeliendum; sed solum in atrio, porticu, vel exedris, id est, in fornicibus ad exterioris partis parietem Ecclesiæ positis, vt explicat glossa in dict.cap.Præcipiendum.Ergo Christianorum Religio, quæ iuri diuino, ciuili, & etiam Canonico aduersatur, vera esse non potest. Hoc argumentum quidam Iudæus homini Christiano, qui illum ad fidem Christi hortabatur, opposuit. Sed Christianus illum hac ratione conuicit; dicendo legem illam Leuiticæ cæremonialem esse, consequenterque per Sacrum Euangelium abrogatam: siquidem, vt Iudæus ille (erat enim aliquialiter in lege, & Prophetis peritus) fatebatur, omnes cæremoniales per aduentum Messiæ cessare debebant; vt iam ex capitibus præcedentibus constat: quare lex illa Leuitici contra Christianos inutiliter allegatur; quia est iam mortua, & mortifera.

95. Accedit optima congruentia, videlicet; quòd tempore legis antiquæ cælum animabus etiam iustis clausum erat, & indecens videbatur aperiri portas templi terreni corporibus, quorum spiritibus templi cœlestis portæ clauderentur: idcirco etiam in lege gratiæ decedentes absque Baptismo infantes, Pagani, & in peccato mortali notoriè morientes in templo minimè tumultantur. Imò adhuc in ea Leuitici lege non omnes mortui in templo sepeliri vetabantur: non enim comprehendebat lex illa Patrem, Matrem, filium, filiam, fratrem, sororem, virginem, id est, non nuptam viro; vt expressè habet textus: fortasse, vt viui consanguinei templum ingredienti, videntes ibi sepultos consanguineos, monerentur, & ad vitam suam corrigendam, & ad animas suis suffragijs adiuuandas; & ideo sepulchra dicuntur monumenta, quasi moneant mentem. Ad leg. illam Codicis R.id tunc prohiberi propter fœtorem,

rem, quæ ratio iam hodie cessat: cum subter fœlis valde profundis corpora tumultentur. Ad citatos iuris Canonici textus R. ad rem non venire: nam ibi expresse text. in cap. Nullus, solos infideles in templo tumulari prohibet: ita enim ait textus: *Nullus mortuus intra Ecclesias sepeliatur, nisi Episcopi, aut Abbates, aut digni Presbyteri, vel fideles Laici.* Et semper fuisse pium, fidelium corpora intra Ecclesias tumulari, tradit D. Aug. in lib. de cura agenda pro mortuis, Sanct. Thom. Ricard. & omnes Theologi, qui agunt de Ecclesiastica sepultura. Verbo sepultura; ac docetur in Decretalibus in toto titulo de sepulturis, & in decreto 13. quæst. 2. vbi multa Sanctorum Patrum testimonia proferruntur; estque totius Ecclesiæ ab Spiritu Sancto illuminatæ recepta praxis.

96. Igitur Iudæus vanè, friuolèque hoc contra Christianos vtitur argumento; cum nec iuri illi diuino cæremionali per eundem Deum iuxta Prophetarum Oraculum abrogato: nec iuri humano ciuili, nec Canonico aduerfetur; sed Religioni, Christianæque pietati valde conforme sit, non claudi portas templi terreni eis corporibus mortuorum; quorum animabus cœlestis templi fores aperiantur; quod à Deo fuit concessum post Christi Ascensionem, vt Prophetæ ante prædixerant: *Attollite portas Principes vestras &c.*



LIBER QVARTVS.

De Hebræo Conuictio.

Continet rationes euidentes , quibus contra Iudæos demonstratur Messiam à Prophetis promissum iam venisse ; & esse Christum IESVM Saluatorem nostrum Sanctissimum , Beatissimæ Virginis MARIAE Domine nostræ Filium . Licet autem hac veritas ex præcedentibus tribus libris manifestè constet , & sufficientissimè quidem ad Iudæorum perfidiam compescendam , lapideamque illorum cordis duritiem emolliendam : sequentes tamen probationes eo fine erunt expediendæ , ut neque vllam excusationem opponere ; neque hinc , ac inde tergiversari vllò modo possint . Quia verò passim Prophetæ varia tractant de Messia , quæ possint intellectui minùs instructo difficultatem ingerere : modò enim illum prædicunt summa cum paupertate venturum ; modò cum summa pompa , & maiestate ; modò cum mansuetudine agni , modò cum seueritate Leonis ; distinguere oportet duos aduentus Messie , diuersaque tempora , diuersasque functiones : atque sic distinguendo tempora , cernes optimè iura concordari . Sit igitur .

CAPVT PRIMVM.

Demonstratur duos esse Sanctissimi Messiae Aduentus.

1.



IDES Catholica docet Sanctissimi Messiae duos esse aduentus. Id non solum nos Christiani credimus, sed ipsi etiam Iudæi credere tenentur: siquidem veritas hæc in scripturis veteris testamenti expressè reperitur; quod Hebræi ipsi negare non possunt, si nolint à lege discedere. Primus aduentus debuerat esse cum paupertate, humiliatione, & cum proprii sanguinis effusione: quia primò veniebat ad duos fines: primus fuit virtutes docere verbo, & exemplo: vnde necesse fuit pauperem venire, vt paupertatem edoceret: pati, & humiliari, vt patientiam, humiliationem, cæterasque alias virtutes efficacius intimaret. Secundus finis fuit satisfacere pro peccatis nostris, & sic necessarium fuit pro nobis proprium sanguinem effundere; quia ex diuina dispositione sine sanguinis effusione non fieret remissio. Secundus aduentus debet esse cum pompa, & maiestate, cum splendore, & magnificentia; quia secundò veniet ob duos fines. Primus est condemnare sceleratos. Secundus præmia iustis redonare: & sic necesse est, vt cum maiestate Iudicis, & cum magnificentia Remuneratoris veniat.

2. De primo aduentu cum paupertate, & sanguinis effusione expressè loquitur Zacharias in cap. 9. vt iam supra vidimus cap. 4. lib. 3. & hîc ad intentum nostrum breuiter expendemus. Sic enim ait Propheta vers. 9. *Ecce Rex tuus veniet tibi iustus, & Saluator, ipse pauper, & ascendens super asinam, & super pullum filium asine: & disperdam quadrigam ex Ephraim, & equum de Ierusalem: & dissipabitur arcus belli: & loquetur pacem gentibus; & potestas eius à mari vsque ad mare, & à fluminibus vsque ad fines terræ: tu quoque*

quoque in sanguine testamenti tui emissisti vinctos tuos de lacu, in quo non est aqua. In hac prophetia multa dicuntur. 1. Messiam venturum Regem: *Ecce Rex tuus veniet.* 2. futurum iustum, & Salvatorem: *Iustus, & Saluator.* 3. venturum pauperem: *Ipse pauper.* 4. ingressurum super asinam, & successivè super pullum asinæ: *Ascendens super asinam, & super pullum filium asinæ.* 5. in eo primo adventu belli strepitum, armorumque exercitium omnino aufe-
rendum: *Disperdam quadrigam, & equum. Dissipabitur arcus belli. Loquetur pacem.* 6. Messiae dominium extendendum à mari Mediterraneo vsque ad Oceanum: quia omnibus gentibus dominabitur, quas hæc duo maria complectuntur; & à mari rubro vsque ad mare Palæstinæ; id est, in tota dominabitur Iudæa, quæ illis duobus maribus terminatur. Et à fluminibus, id est, Tigri, & Euphrate, aliisque vsque ad extremos terræ limites, prout etiam dixerat David Psal. 71. *Dominabitur à mari vsque ad mare; & à flumine vsque ad terminos Orbis terrarum.* 7. postquam ingressus sit Messias urbem cum illo paupere triumpho, effusurum esse sanguinem testamenti, id est, crucifigendum, eiusque pretiosissimum sanguinem futurum esse pretium nostræ redemptionis secundum pactum, & testamentum diuinum, iuxta illud: *Si posuerit animam suam pro peccato, videbit semen longævum;* id est, fideles in perpetuum: *Tu quoque in sanguine testamenti, &c.* 8. Post mortem illius animam descensuram ad inferos ad liberandas animas Patrum ibi vinctas in lacu, in quo aqua non est; id est, iuxta terræ centrum: *In sanguine testamenti emissisti vinctos tuos?* Ex tua natione Patres.

3. Hæc prophetia clarissimè impleta est in Christo IESU Filio Beatissimæ semper Virginis Mariæ Domine nostræ. Constat 1. ex D. Matth. cap. 21. vbi postquam narrauit Christum ingressum fuisse Ierusalem super asinam, dicit: *Hoc autem totum factum est, ut adimpleretur, quod dictum est per Prophetam dicentem: Dicite filiæ Sion: Ecce Rex tuus venit tibi, &c. Sedens super asinam.* Secundò

tum, descensurum ad liberandas in Inferno vinctas animas Patrum per illum sanguinem pacti; quod ipsæ ibi detentæ expectabant: totum verò hoc est impletum, quando ascensum in cælum liberas illas secum duxit: vt loquens de hac diuina, & gloriosa Ascensione prædixerat Dauid; vt supra manet demonstratum. Denique dicit Propheta dominaturum vniuerso mundo: & hoc ipsis nostris videmus oculis regnum, seu imperium Christi, id est, Sanctam Ecclesiam extendi à mari vsque ad mare; à fluminibus vsque ad terminos Orbis terrarum: ergo cum in hoc primo aduentu hæc omnia sint impleta in Christo IESV, concluditur manifestè Christum iam venissè in primo aduentu: & si adhuc Hebræi non credunt, manifestæ veritati opponuntur; & legem, ac Prophetas negant: in æternumque damnabuntur, nisi ad Christianam religionem conuertantur.

5. Eundem aduentum primum sine pompa, armis, vel exercitu significauit idem Zacharias cap. 4. sub persona Zorobabelis ædificantis secundum templum, vt typo, figuraque Mellæ ædificaturi in primo aduentu templum Dei, id est, Ecclesiam. Vbi num. 6. sic dicit: *Hoc est verbum Domini ad Zorobabel, dicens: Non in exercitu, nec in robore, sed in spiritu meo, dicit Dominus exercituum.* Id est, Messias Sanctissimus figuratus in Zorobabel, quando primò venerit, Ecclesiam fundabit, id est, fidelium Congregationem; non armis, & bello, sed in Spiritu Sancto. Ex his duabus prophetiis, & ex multis alijs supra adductis, & infra adducendis constat Christum in primo aduentu venire debuissè pauperem, mansuetum, humilem sine externa regalis pompæ maiestate: quod etiam cum cæteris Rabbiniis fatetur Rabbi Salomon in expos. huius prophetiæ: prout vidimus supra lib. 2. cap. 4. In secundo autem aduentu veniet Messias, non iam pauper, humilis, mansuetus, sed terribilis, formidabilis, cum pompa, & maiestate; cum exercitu militiæ cælestis. Ita prædixit Daniel. cap. 7. nu. 13. *Aspiciebam in visione noctis; & ecce cum nubibus Cæli quasi filius*

filius hominis veniebat, & usque ad antiquum dierum pervenit: & in conspectu eius obtulerunt eum, & dedit ei potestatem, & honorem, & regnum, & omnes populi, tribus, & lingue ipsi serviunt: potestas eius, potestas aeterna, quae non auferetur; & regnum eius, quod non corrumpetur, &c. Conferamus modo hanc prophetiam Danielis cum illis duabus prophetiis Zachariae cap. 4. & 9. In illis duabus dicitur Messiam pauperem, ac sine vlla pompa, & sine exercitu venire debere: Daniel autem dicit venturum cum pompa, maiestate, & potestate magna: ergo vel dicendum est prophetias has esse contradictorias, quarum vna necessarîo erit falsa; vel dicendum est, eas loqui de diuersis aduentibus; itaut in primo adueniat sine exercitu, & sine pompa; in secundo cum pompa, & maiestate. Ex quo infallibiliter demonstratur duos esse eiusdem Messiae aduentus. Primum fuisse iam peractum; secundum verò in fine mundi peragendum, vt prophetiae, quae quidem sunt infallibilis veritatis, inter se amico fœdere concilientur.

6. Dicunt Hebraei se non hos credere duos aduentus, sed duos Messias; & vnumquemque suo destinato tempore venturum. Et vnum esse filium Dauid, alterum verò filium Ephraim. Resp. id illos dicere, sed illud nec probare; nec vnquam probare posse: siquidem ex Sacris Scripturis vnus tantum probatur Messias, bis tamen venturus, semel ad saluandum, & redimendum; & iterum in fine mundi ad iudicandum; vt iam satis supra manet probatum, ac explicatum iuxta verum sensum Prophetarum. Et hoc ipsum probatur ex ipsis Rabbinis, qui aliquando vocant Messiam filium Dauid, aliquando autem filium Ephraim; semper tamen dicunt esse vnum tantum Messiam, & non duos. Et ideo asserunt Messiam filium Ephraim discessurum à filiis Israel; & iterum rediturum, & se illis manifestaturum: vt constat ex libro Tanchuma in expositione Psalmi 125. qui incipit: *In conuertendo Dominus captiuitatem Sion, &c.* Vbi sic dicunt Rabbini: *Hoc, quod dicit Propheta, verificabitur in bello Messiae filij Ephraim: quia quando*

do ille desinet opem ferre filiis Israel, tuti erunt sicut somniantes, non dormient, non euigilabunt: quando autem redibit ad manifestandum se; exultabunt, & letabuntur omnes; & tunc agnoscetur ut verus primus eius aduentus, &c. Ex quibus verbis constat Rabbinos tueri vnum tantum esse Messiam in utroque aduentu; licet modò Dauid, modò Ephraim filius appelletur. Et in libro Ialcut in cap. 60. Messias modò vocatur Dauid, modò Ephraim, proindeque ex duobus his nominibus malè inferunt esse duos Messias.

7. Hæc eadem veritas de duobus aduentibus vnus tantum Messiae Dei nostri probatur clarissimè ex Isai. c. 8. n. 13. *Dominum exercituum ipsum sanctificate; ipse pauor vester; & ipse terror vester: & erit vobis in sanctificationem, in lapidem autem offensionis, & in petram scandali duabus domibus Israel, in laqueum, & ruinam habitantibus in Ierusalem, & offendent ex eis plurimi, & cadent, & conterentur, & irruentur, & capientur.* Et subiungitur: *Et expectabo Dominum, qui abscondit faciem suam in domo Iacob; & prestolabor eum.* Quibus dicere voluit. O Hebræi, quando in terram vestram venerit Christus vobis promissus, qui verè Deus est exercituum, ipsum sanctificate, id est, cultu latriæ soli Deo debitæ illum adorete pauidi, & reuerentes; ille vos sanctificabit, id est, iustificabit, remittendo peccata vestra per baptismi Sacramentum; omnis enim vestra iustificatio, & sanctificatio ab illo fluit: sed vos vestra cæcitate, & superbia decepti illum tanquam lapidem offensionis, & petram scandali habebitis, minimèque recipietis; & propterea ruina vos, & Ciuitatem vestram Ierusalem miserè opprimet; & sic in vestro laqueo capiemini, in vestro rete intricabimini, dum illi inferetis mortem, moriemini; dispersi eritis; sine Rege, & Republica, sine Deo; & ipse Deus vester faciem suam à vobis abscondet, & auertet; ut eum non agnoscatis. Et mox Propheta sumens personam populi huius derelicti, & suâ culpâ reprobati, ita ait: expectabo Deum Messiam, qui faciem suam abscondit à domo Iacob; illum eundem, qui in primo aduentu
non

non fuit acceptatus, in secundo aduentu erit cognitus; & tunc scient illum ipsum, qui iam se ostendit in secundo aduentu, esse eundem, qui venerat in primo: omnes tunc summâ lætitiâ exultabunt, & illi, qui primo illum receperunt, & attigerant veritatem; & qui in secundo recipient, & suum agnouerint errorem. Hic est germanus prophetiæ sensus: ex quo manifestè apparet vnum tantum esse Messiam; & credere duose esse apertè hæresim contra Sacram Scripturam, & Prophetas. Nos tamen hic nolumus tractare de secundo illo aduentu; sed tantum de primo, & in toto hoc 4. libro demonstrabimus Messiam iam venisse in primo aduentu; quod per capitula sequentia maiori, quam possim, breuitate, & claritate expediam.

C A P V T S E C V N D V M.

Proponitur prima probatio contra Hebræos: qua ostenditur Messiam iam venisse.

8. **P**rima probatio desumitur ex clarissima prophetia in cap. 49. Genes. n. 10. Vbi Sanctus Patriarcha Iacob cum vellet significare filiis suis Redemptorem mundi sanctissimum Messiam venturum in fine dierum, ut authorem felicitatis hominum; eos ad se vocando sic prædixit: *Non auferetur sceptrum de Iuda, & dux de femore eius, donec veniat, qui mittendus est; & ipse erit expectatio gentium: ligans ad vineam pullum suum; & ad vitem, & fili mi, asinum suum. Lauabit in vino stolam suam; & in sanguine vuae pallium suum: pulchriores sunt oculi eius vino: & dentes eius lacte candidiores.* Hæc dixit Iacob filio suo Iudæ; à cuius Tribu Messias descensurus erat: alijs vero undecim filiis suas particulares tribuit benedictiones; diuersosque euentus prædixit.

9. Itaque Iacob videndo Messię promissionem omnium, quas Deus fecerat, & erat factururus, maximam esse, illum esse nasciturum ex MARIA Virgine Sanctissima descen-

scendentē à Iuda ipsius Iacob filio; cum quo tunc loquebatur; dedit illud signum clarum; ne fortè vnus pro alio falsò crederetur, dixitque tunc venturum; quando auferretur sceptrum de Tribu Iudæ, id est, de descendantibus Iudæ; & sceptrum illud non esse auferendum, donec veniret Messias; qui quidem futurus erat expectatio gentium, & desiderium Collium æternorum. Hæc prophetia fuit plenissimè impleta in Christo IESV: nam ille est de Tribu Iuda; siquidem descendebat à Dauid, vt narrat historia Euangelica Matth. 1. *Liber generationis IESV Christi filij Dauid*, qui à Iuda descendebat: & hoc ne ipsi Hebræi inficiantur. Deinde, quando Christus venit, sceptrum Regni ablatum erat à Tribu Iudæ; & translatum ad Herodem alienigenam; vt fatentur Iudæi, & nos statim videbimus: & nunc videmus Hebræos nec Regnum iam habere, nec Scribas; ergo iam venissè Messiam, & hunc esse IESVM Christum negari nullo modo potest: sin minus, assignent Hebræi aliquem, in quo impleta fuit hæc prophetia; assignari non potest, nisi Christus IESVS, qui est de Tribu Iuda, & venit eo tempore, quo defecit sceptrum de Iuda; & in illo omnia alia, quæ de ipso Prophetæ prædixerunt, verificantur; vt hucusque manifestè probatum est, & inferius probabitur: credant ergo in Saluatorem, si desiderant salutem.

10. Sed dicunt Hebræi prophetiam esse claram, si probetur vocem illam *sceuet* in textu Hebraico positam significare sceptrum; & vocem illam *Mechobec* significare Scribas. Resp. Hoc facillè probari ex ipsis Rabbiniis: nam in libro Rabbot fol. 62. distinct. 99. exponendo vocabulum, *sceuet*, sic dicitur: *Non auferetur sceptrum, hoc est, solium Regni*: atque ita secundum expositionem Rabbi David Chimchi, *sceuet* significat regnum, & dominium; & *Mechobec* significat Scribam; vt videri poterit in libro Radicum verborum in radice *sceuet*; vbi exponendo sic dicitur: *Rex, & Dominator dicitur sceuet, idest, sceptrum, quia Reges tenere in manu sceptrum consueverunt*. Et citat locum allegatum:

Ee

& in

& in radice Chacac afferendo multa exempla simul cum prædicto textu, dicit sic: *Omnia hæc vocabula significant Scribam: & sic exponendum versiculum, & dux, siue scriba de femore eius.*; id est, Scriba de pedibus eius: quia mos est Dominatores habere ad pedes suos, id est, apud se Scribas: & ita id exponit Targum, id est, Paraphrasis Caldæa. Erant autem Scribæ Doctores quidam appellati ab Hebræis Sanhedrin: quos prima vice elegit Moyses, vt & causas, litesque inter populum exortas diiudicarent, legemque explicarent, & res difficiles deciderent: qui Doctores non solum habebant authoritatem regendi populum, viuentem Rege; sed etiam rege non existente, illorum authoritas statuta, firmaque permanebat; & in vno templi loco residebant appellato Camera iudiciali; vbi iudicabant causas; nec poterant iudicare, nisi simul essent ibi congregati; prout legitur in Thalmud in tractatu Sanhedrin.

11. Igitur voluit etiam dicere Iacob non auferendam esse authoritatem, potestatemque ab istis Sanhedrin, seu Scribis, aut Doctoribus Regi assistentibus, quamdiu non venisset Messias: restat modò probare, hanc illis potestatem fuisse sublatam, quando Christus venit. Probatur facillè ex ipso Thalmud in tractatu Sanhedrin in cap. quod incipit: *Erant quærentes*, & similiter in tractatu Harcodazara in eo capite, quod incipit: *Ante illorum festa*. Vbi sunt hæc verba fideliter translata: *Quadraginta annis ante ruinam templi sublata fuerunt Sanhedrin ex Camera iudiciali, scilicet ex loco illo, vbi congregabantur; quando iudicare volebant*. Igitur fuit sublatum prædictum tribunal, quando Christus venit, mundumque sua passione redemit: nam Christus crucifixus fuit 40. annis antè, quàm templum destrueretur. Hinc est, quòd quando dominium illud amisere, vestiti sacco effusas inter lacrymas hæc dicebant: *Vae nobis, quia defecit à Iuda sceptrum Regni, & Filius David adhuc non comparet: nobis conuenit præ dolore facto caput obtegere; vt impleatur dictum Prophete Amos cap. 8. num. 9. & 10. Et erit in die illa, dicit Dominus Deus, occides Sol*

Sol in meridie, & tenebrescere faciam terram in die luminis: & conuertam festiuitates vestras in luctum, & omnia cantica vestra in planctum: & inducam super omne dorsum vestrum saccum, & super omne caput caluitium. Cognoscebant ergo illud esse tempus, in quo venire deberet Messias, & in planctum soluebantur; quod non facerent, si adhuc tempus veniendi scirent non adesse. Sed obcæcati Iudæi cur non attendunt ad integram prophetiam Amos? Ecce Propheta dicit duo. Primum, Christi veri Solis iustitiæ occisionem in meridie, & tenebras in vniuersa terra mox secutas. Occidet Sol in meridie: & tenebrescere faciam terram in die luminis. Quod verificatum est in Christo crucifixo in meridie, & mox tenebræ sunt factæ in vniuersa terra, vt constat ex historia Euangelica. Secundum, quòd ipsi Hebræi obtesturi essent sacco caput suum præ dolore ablatae potestatis ex Scribis, & Doctoribus tribunalis Sanhedrin, vt ipsi fatentur. Si ergo Propheta in eadem prophetia dicit hæc duo, scil. Christi aduentum, dum eum prædicit occisum; & tristitiæ saccum in Hebræis ob sublatam potestatem à Scribis; cur credunt hoc secundum, & non credunt primum? Igitur manifestè patet impletam fuisse tunc prophetiam tam Iacob, quàm Amos; dum in aduentu IESV Christi defecit sceptrum Regni, & potestas Sanhedrin, siue Scribarum.

12. Alio testimonio probat Iosephus Hebræus, & alij Authores tempore Christi IESV defecisse sceptrum Regni Iudæ, & potestatem Scribarum tribunalis Sanhedrin, dicentes Herodem Ascalonitam, qui genitus fuerat ex Patre Idumæo, & Matre Araba, ideoque alienigenam, occidisse omnes Machabæos, & Scribas Regi assistentes; vt Hebræis tolleretur omnem spem recuperandi sceptrum Iudæ, & dominium scribarum Sanhedrin; relicta tantum vna virgine ex illo sanguine regio pulchra nimis; intendendo illam ducere vxorem; quæ tandem se de vna fenestra præcipitauit; ne cum illo alienigena se commisceret; atque ita sceptrum Iudæ, & Scribarum dominium sublatum est. Ita

legitur in Thalmud in tractatu Baccabathra in capite illo, quod incipit. *Harei vittasin*, & in hoc tempore venit Christus, sicut fuerat prædictum à Patriarcha Iacob: ergo Iudæi hanc perfidè, stultèque negant veritatem; cùm ex hac clarissima prophetia iam venisse Messiam, & esse Christum IESVM liquidò constet, quod etiam reliqua prædictæ prophetiæ verba confirmant: *Ipse erit expectatio gentium*, idest, fidelium, qui ex gentilitate ad fidem conuerli sunt; & illum in secundo aduentu venturum expectant in fine mundi, iuxta illud: *Et iterum venturus est iudicare viuos, & mortuos*; & in illo sperant æternam gloriam in Cœlo possidendam. *Ligans ad vineam pullum*, idest, ad Ecclesiam, quæ dicitur vinea, iuxta illud: *Ite & vos in vineam meam*. *Pullum suum*, idest, populum Gentilem; qui filius dicitur Synagogæ, quam per asinam significat; & ideo dicit; *Et ad vitem*, idest, Christum, qui vitis dicitur, iuxta illud: *Ego sum vitis, & vos palmites*. *Asinam suam*, idest, Synagogam; quia Ecclesia non solum formata fuit ex gentibus conuerlis ex Gentilismo, sed ex Hebræis conuerlis ex Iudaismo: & idcirco, vt iam supra adnotauimus, Christus intrauit in Ierusalem Rex pauper, & mansuetus, sedens super asinam, & super pullum eius; quia per asinam, vt dictum est, significabatur Synagoga; ex qua per fermen spirituale fidei genitus fuit populus gentilis in populum fidelem. *Lauabit in vino stolam suam*; & in sanguine vix pallium, idest, sanguine Eucharistico lauabit Ecclesiam, quæ dicitur vestis Christi. *Pulchriores sunt oculi eius vino*; oculi Christi vigiles sunt Apostoli, & Episcopi, quorum doctrina multò efficacior est vino. *Dentes eius lacte candidiores*. Dentes sunt prædicatores Euangelici, & Sacri Expositores quodammodo mastigantes durum fidei cibum, vt cibum filijs spiritualibus in fide adhuc tenellis accommodent; pascanturque puritate doctrinæ multò candidioris lacte. Vides, quàm sit accommodata Christo prophetia Patriarchæ Iacob.

13. Hac prophetia conuicti Iudæi, ne veritati manifestæ

stę succumbant; prophetię illi adeo clare de Christo aliquas falsissimas quidem, ac ridiculas exhibent solutiones: dicuntque prophetiam loqui de Rege Saule; in illoque fuisse impletam: & intelligendam esse prophetiam, in hunc sensum: *Non auferetur sceptrum de Iuda, donec veniat Saul unctus in Silo*. Et tunc defecisse sceptrum de Tribu Iudæ, & fuisse translatum in Tribum Benjamin; de qua Tribu erat Saul: ergo prophetia non loquitur de Messia, sed de Saule; in illoque fuit impleta. Respondetur hanc Hebræorum expositionem esse prorsus vanam, & sine vilo fundamento excogitatam ad obnubilandam veritatis lucem, quæ seipsa has nubeculas omnino discutit: nam textus non dicit: *Donec veniat unctus in Silo*; sed *donec veniat Silo*; qui quidem est locus quidam immobilis: quomodo igitur potuisset dicere; donec veniret locus immobilis; qui eo ipso venire non potest: loquitur ergo de Messia, qui etiam ex ipsis Rabbiniis appellatur Silo, ut infra videbimus. Deinde expositio illa Iudæorum manifestè apparet falsa: siquidem Saul non fuit unctus in Silo: Arca enim tempore Saulis non erat in Silo, cum antequam Saul esset electus Rex, & antequam vlla de Saule fieret mentio, Arca includens oleum ad unctionem pro Regibus, & Sacerdotibus translata fuit in Chiriath Iegharim; & inde in Domum Abinadab in Gabaa, ut legitur in Samuel. lib. 1. cap. 7. *Wenerunt ergo viri Chariatthiarim, & reduxerunt arcam Domini, & intulerunt eam in Domum Abinadab in Gabaa*. Vbi stetit semper, donec Dauid fuit confirmatus Rex; qui illam de domo Abinadab transtulit in Ierusalem; ut constat ex lib. 2. Samuel. cap. 6. n. 3. *Et imposuerunt Arcam Dei super plaustrum novum, tuleruntque eam de Domo Abinadab, &c.* Vnde sic conuincitur falsitas expositionis Rabbiorum illorum: non poterat Saul vngi nisi ex oleo seruato in Arca: Arca non fuit in Silo, quando Saul fuit Rex: ergo non fuit unctus in Silo; & consequenter, quando Iacob prædixit: *Donec veniat Silo*, non potest intelligi hic sensus: *Donec veniat Saul unctus in Silo*. Deinde primus

primus Rex de Tribu Iuda fuit Dauid: Saul fuit prius Rex, quàm Dauid, vt constat ex lib. Regum: quomodo ergo potuit dicere Iacob non auferendum esse Regnum de Tribu Iuda, antequam veniret Rex Saul; si primò datum fuit Regnum Tribui Iuda, postquam Saul fuit factus Rex?

14. Hebræi hac ratione conuicti, propter odium in Christum IESVM, ad aliam expositionem non minùs falsam confugiunt, & dicunt; debere intelligi prophetiam Iacob: *Donec veniat Silo*, idest donec veniat finis illius loci Silo appellati; & sic prophetiam Iacob impletam fuisse in Dauid: quia quando regnavit Dauid, finitus fuit ille locus Silo, vt constat ex Psal. 77. num. 60. *Et repulit tabernaculum Silo, tabernaculum suum, ubi habitauit in hominibus.* Ita Dauid Rabbi Chimchi, cuius expositio si esset vera, oporteret, quòd tunc, quando finitus fuit ille locus, finiretur etiam sceptrum in Tribu Iuda; ille autem Dauid in eo Psalmo dicit; tunc incepisse Regnum Iudæ. Potuitne Regnum Iudæ eodem finiri tempore, quo incepit? Quis non videat hanc stultam, vanamque Rabbini illius explicationem, seu potiùs implicationem? Sed qui ex industria vult fugere veritatem, ex industria vult incidere in errorem: & tanto odio habent Saluatorem, vt malint perfidi Iudæi in errore comprehendi, quàm ad credendum illum veritati assentiri.

15. Alij Hebræi confugiunt ad aliam expositionem non minùs fatuam: dicuntque prophetiam loqui de Ieroboam; in illoque fuisse impletam: quia Regnum Iuda translatum fuit in Ieroboam, qui non fuit de Tribu Iuda, sed de Ephraim. Hæc tamen expositio est omnino falsa: quia tunc non fuit ablatum sceptrum à Tribu Iuda: siquidem quando 10. Tribus ad Ieroboam per rebellionem defece-
runt, adhuc Regnum permanfit in Tribu Iuda, scil. in Ieroboam filio Salomonis, & in Tribu Iudæ semper fuit vsque ad transmigrationem Babylonis; & Babylone erant illi Sanhedrin, idest, Assessores Scribæ, qui erant de Tribu Iudæ, & semper conseruabantur ibi descendentes à Regia stirpe,

stirpe, à quibus Messias debebat nasci, & propterea Dominus illa Iudæ semper fuit Deo maximè grata, & plus fidelis: & post transmigrationem Babylonis vsque ad aduentum Christi IESV semper Regnum in Tribu Iudæ perseueravit: & solum, quando Christus venit, Regnum ablatum fuit à Tribu Iudæ: non ergo impleta fuit prophetia in Ieroboam: quomodo enim possunt dicere Ieroboam esse Sileo, illumque fuisse desideratum à cunctis gentibus, & illarum expectationem fore? Item congregatas ad illum fuisse omnes gentes, & populos? totum verò hoc fuit impletum in Christo, & minimè in Ieroboam: cur ergo detorqueant Hebræi prophetiam ad sensum ridiculum, & prauum; & non potius ad verum, planum, & inconcussum?

CAPVT TERTIVM.

Alia falsa expositiones Rabbiorum refelluntur.

16. **A** Liqui Hebræi asserunt prædictam prophetiam Patriarchæ Iacob intelligi debere de Rege Nabuchodonosor, qui sustulit Regnum à populo Hebræo, Regemque Sedechiam cum omnibus suis liberis occidit; qui Rex Sedechias erat de Tribu Iudæ: atque ita, inquiunt, ex tempore illo ad eos vsque dies nullus de Tribu Iudæ regnauit in Iudæa: ista expositio est omnino falsa, & homine rationis capace indigna. Primò, quia quo pacto accommodant Regi illi infideli, quòd sit expectatio omnium Nationum, collumque æternorum desiderium; & quòd ad illum barbarum Regem omnes Nationes confluerent? Quis hoc legit de Nabuchodonosor, & tamen hoc Patriarcha Iacob de illo Messia clarè prædixit. Secundò, quia, Sedechia Regè occiso, eiusque liberis; non ideo Scribarum dominium sublatum est: hi quippe, Rege Nabuchodonosor permittente, adhuc in captiuitate dominium illud exercebant; vt legitur in Thalmud in tractatu Sanhedrin cap. Iudicia dandi, & habendi. Vbi sic exponunt prædictam

diſtam prophetiam : *Non auferetur ſceptrum , &c. Iſti ſunt capita illa captiuorum in Babylone ; quæ dominabantur Iſraeli cum ſceptra ; Dux de femore eius , &c. iſti ſunt filij Hillel , qui legem ibi publicè docebant .* Quæ verba magis declarat Rabbi Salomon ſic dicens : *Sceptrum ſignificat dominationem ; & hi dominantes poteſtatem habebant in publico tribunali cauſas liberè iudicandi . Dux , ſive Scriba erat poteſtas inferior ; & erant illi , qui regendi plebem à Rege Perſarum licentiam obtinuerant . Filij filiorum Hillel Principes erant .* Haſtenus Rabbi Salomon . Principes autem , quos ipſe vocat capita in captiuitate , fuerunt Zorobabel , eiufque ſucceſſores : & Princeps ille , qui fuit in Iſrael , fuit Matathias : Machabæi verò , filijque Hillel fuerunt Sanhedrin . Et hi , vt iam ſupra vidimus , dominium habuere uſque ad tempus Herodis Aſcaloniæ , quo tempore venit Chriſtus . Item Paraphraſis ſuper Cantica in illo verſiculo : *Dilectus meus descendit in hortum ſuum ;* exponit illud ; vt intelligatur Deum deſcendiſſe in Babylonem ad Scribas Sanhedrin , & populo ſuo ſolatum regiminis attuliſſe : ex quo liquet dominium Sanhedrin Babylone adhuc perſeuerari . Imò poſt tranſmigrationem Babylonis populus Hebræus ad Herodis uſque tempus ſemper fuit gubernatus à Principibus de Tribu Iudæ ; ſiquidem Zorobabel , qui poſt tranſmigrationem clauum tenuit in Iudæa , fuit de Tribu Iudæ : quomodo ergo impleta fuit prophetia in Nabuchodonofor ; ſi nec eius tempore , nec etiam multò poſt , non ceſſauit dominium Scribarum Sanhedrin de Tribu Iuda ; & prophetia apertè dicit , tunc eſſe implendam , quando & ſceptrum Regni , & dominium ceſſauerit Scribarum de Tribu Iudæ ? imò ſi tempore Nabuchodonofor ſceptrum illud , & Scribarum dominatio de Tribu Iudæ ceſſauiſſet ; oporteret tunc veniſſe Meſſiam ; ſicut dicit Propheta : hoc autem nec ipſi perfidi Iudæi dicunt ; ſiquidem adhuc illum ſperant ; nec apparet ex ſcripturis , nec ex aliquo facto , vllum tunc veniſſe , qui poſſet dici Meſſias , & cui , quæ de Meſſia Prophetæ dicunt , applicari poſſint .

17. Quòd autem Zorobabel, qui post transmigrati-
nem regnavit in Iudæa, fuisset de Tribu Iudæ, constat ex
Propheta Aggæo cap. 1. Vbi vocat Zorobabel filium Sala-
tiel Principis Iudæ; soli autem de Tribu Iudæ descenden-
tes poterant esse Principes Iudæ. Si ergo Regni sceptrum,
& dominium Scribarum tempore Nabuchodonosor non
fuit omnino sublatum de Tribu Iudæ, vt euidenter manet
ostensum, sequitur euidenter in tempore Nabuchodonosor
prophetiam illam non fuisse impletam. Alij ex Hebræis as-
ferunt prophetiam prædictam intelligi de Daud: quia, in-
quiunt, Silo significat vnctum, & Daud fuit vnctus; alij
verò loqui de Moyse, & nullo modo de Messia. Sed quàm
vanè, & stultè sic exponant prophetiam, patet primò: quia
si loqueretur de Daud, aut de Moyse, oporteret, quòd
tempore Daud, & Moyse cessaret sceptrum Iudæ: quo-
modo autem potest dici tunc cessasse; si primò incepit Re-
gnum Iudæ tempore Daud, & nondum inceperat tem-
pore Moyse? Igitur horum Hebræorum expositio pror-
sus vana est, & ridicula.

18. His reiectis expositionibus; quidam Rabbi Ioseph
osto adducit expositiones in prophetiam Iacob non minùs
friuiolas, & ridiculas. Prima est: per sceptrum Iuda intel-
ligi præcipua capita Iudæorum, seu Principes; qui adhuc
Babylone viuunt; proindeque prophetiam nondum esse
impletam; nec adhuc venisse Messiam, sed veniet, quan-
do cessauerint illa prima capita, & Principes de Tribu Iu-
da, qui adhuc Babylone conseruantur. Si hæc expositio
esset vera; ad quid tantum desudarent alij Rabbini quæ-
rendo mille solutiones, & subterfugia pressi illius prophe-
tiæ clarissima veritate? quia tamen iudicant illam prædi-
cti Rabbini expositionem fatuam omnino esse; ideo quo-
tidie varias accumulunt solutiones, in quibus semper va-
cillare videntur. Deinde si iam non est Babylon, quomo-
do illi Principes gubernantes sunt Babylone? Quòd verò
sit omnino destructa Babylon, constat ex Isai. 13. num. 19.
Et erit Babylon illa gloriosa in Regnis, sicut subuertit Domi-

nus Sodomam, & Gomorrhā, non habitabitur vsq; in finem, & non fundabitur vsque ad generationem, & generationem; nec ponet ibi tentoria Arabs; nec pastores requiescent ibi; sed requiescent ibi bestie, & replebuntur domus eorum draconibus. Hæc prophetia ex multis sæculis est iam impleta, vt fatentur ipsi Doctores Hebræi antiquiores; & omnes historici dicunt, iam Babylonem illam antiquam esse omnino destructam: quomodo ergo sunt Babylone nunc, si nunc iam non est Babylon? imò si nunc essent Principes de Tribu Iudæ sceptrum, dominiumque tenentes, omnes Hebræi illuc confluerent. Præterea non videmus nunc impletam prophetiam Osæ, de qua supra, dicentis populum Hebræum futurum esse multo tempore sine Rege, & Principe; quod impletum est, quando per Titum Ierusalem fuit deuastata, & expugnata Iudæa, Iudæique dispersi sine Rege, & Principe, sicut prædixerat Propheta? imò etiam ante hanc destructionem iam dominium Scribarum Sannhedrin fuerat sublatum; vt ipsi flentes confitebantur Hebræi, prout supra vidimus. Igitur vana est hæc prima expositio, siue responsio.

19. Secunda illius Rabbinum expositio: *Non auferetur sceptrum, &c.* id est, inquit hic Rabbinus: *Quamdiu hic populus habeat Regem; Rex iste semper erit de Tribu Iudæ; non vult autem dicere Propheta, venturum esse Messiam; quando hic populus non habeat sceptrum, aut dominium: unde licet nunc Populus hic iam non habeat sceptrum, & Regni dominium, non inde sequitur Messiam iam venisse. Solum enim veniet, quando sceptrum transeat ad aliam Tribum.* Hæc expositio est fallissimā, & ineptissimā. i. quia si esset vera, solum posset impleri prophetia Iacob, & venire Messias, quando sceptrum transfret ad aliam Tribum diuersam: hoc autem est contra ipsos etiam Rabbinos, qui dicunt Messiam futurum Regem de Tribu Iudæ; & est manifestè contra ipsosmet Prophetas; qui dicunt Messiam futurum ex Domo David. Sic Isaias cap. 11. *Egredietur virga de radice Iesse, &c.* Et Ieremias cap. 33. num, 15. *In tem-*
pore:

pore illo germinare faciam David germen iustitiæ, & faciet iudicium, & iustitiam in terra. Et omnes Hebræi, & Prophetæ dicunt Messiam regnaturum esse, non in regno ex hoc mundo; sed cum sit Deus, eius regnum futurum esse æternum, ut ait Daniel. cap. 7. num. 27. *Regnum autem, & potestas, & magnitudo Regni, quæ est subter omne cælum, datur populo Sanctorum Altissimi; cuius regnum, regnum sempiternum est; & omnes Reges servient ei, & obedient.* Quomodo ergo, quando venerit Messias, qui erit de Tribu Iudæ iuxta scripturas, transferendum est regnum in aliam Tribum; si regnum est dandum Messię, non ut regnet per certum tempus, ut regnant Reges huius mundi, sed in perpetuum; utpote qui non solum est homo, sed Deus etiam?

2. Falsa est expositio, dum dicit, populum Hebræum, aut debere esse sine Rege; aut si habeat Regem; semper debere esse de Tribu Iuda: falsum, inquam, hoc est absolutè: nam Saul fuit Rex populi Hebræi, & tamen fuit de alia Tribu, scil. Benjamin, ut constat ex scriptura. Sensus igitur illius prophetiæ Iacob est: quando deficiet sceptrum Iudæ, & Scribarum dominium, tunc venturum esse Messiam: & sic iam venit Messias Christus IESVS; qui venit, quando Herodes Ascalonita Idumæus usurpavit Regnum Israel; & Scribarum dominium omnino defecit, ut supra vidimus.

20. Tertia expositio prædicti Rabbini ita habet: *Non auferetur sceptrum de Tribu Iudæ, &c.* Vult, inquit, indicare: *Non florebit Imperium Iudæ, donec destruaturn Tabernaculum Silo; & ideo, ubi primum illud tabernaculum Silo fuit destructum; mox Samuel unxit David in Regem; ut dictum est Psal. 77. Et repulit tabernaculum Silo.* Et subiunxit: *Et elegit David Ieruum suum.* Vnde infert prophetiam impletam fuisse in David; & non loqui de Messia. Non potuit excogitari plus fabulosa, & ridicula expositio. 1. quia quod non possit prophetia in David impleri, supra iam manet ostensum. 2. quia, quæ subiungit Iacob in eadem prophetia, soli Christo, & non David possunt applicari; siquidem de solo Messia potest dici, quod sit gentium

expectatio, ac desiderium collium æternorum; quòd omnes gentes in illius obsequium congregabuntur; vt fiat vna Messianorum, id est, Christianorum congregatio; quæ est Ecclesia Christi illum sequens, & vt suum Regem adorans; quæ omnia de Dauid dici nullo modo possunt. 3. quia illa significatio, quam mendax ille, & falsus Rabbini apponit, seu confingit verbo sacri textus, *diuidi, excidi, vel auferri*, in nullo dictionario Hebraico reperietur, vt significet florere: quare exemplum, quod ille portat ex Ierem. cap. 2. num. 10. non significat florere, sed ramos, qui à vite amputantur, ac diuiduntur: nam, vt bene ait Rabbi Dauid Chimchi, alijque Grammatici Hebræi in lib. significationum verborum in radice Sur; textus ab illo Rabbinno adductus ex Ierem. d. c. 2. non significat florem, sed rammum ex vite excisum, ablatum, seu amputatum. Deinde si sic intelligeretur textus: *Non florebit Imperium*, deberet dici, non florebit Imperium Iudæ in genitiuo; & non de Iuda in ablatiuo; dicitur autem de Tribu Iuda, seu de Iuda, & sic fit sensus rectus; *non excidetur, seu amputabitur, aut auferetur sceptrum de Tribu Iuda, donec, &c.* Quarto, quia illud vocabulum, quod in textu sumit ad significandum *destruere*; nunquam, & in nullo dictionario inuenitur pro ea falsa significatione; sed pro significatione aduentus; & ita bene à Sanctis Patribus ponitur; ad significandum: *Donec veniat, qui mittendus est*; nec Silo ibi sumitur pro loco; aliter ineptissimus fieret sensus Prophetæ: neque enim ille locus poterat esse expectatio, & desiderium gentium, neque ad illum congregarentur omnes populi: vnde relicta hac ridicula huius Rabbini explicatione, ad quartam transeamus expositionem.

21. Quarta expositio eiusdem Rabbini est, vt legendum sit: *Non perueniet sceptrum Iudæ, donec vastetur Silo, atque vt sc*, inquit hic Rabbini, *iam fuit impleta prophetia illa in Dauid: nam post destructionem Silo, fuit Dauid de Tribu Iudæ descendens electus: vnctusque Rex Iudæ: & nullo modo prophetia loquitur de Messia: proindeque Christiani ex-*
ista

ista prophetia nihil colligunt pro sua Religione tuenda. Hæc stultissima expositio tertiæ supra reiectæ valde affinis est; & ideo ijs rationibus, quibus tertia fuit reiecta, hæc quarta reiicienda est; non enim reperitur dictionarium, nec grammaticus ullus Hebræus, qui talem significationem sic oppositam illi textui adpropriet: unde, si vnusquisque pro suo libito potest mutare verba scripturæ; illaque ad sensum sibi liberos detorquere; nihil certi haberemus in scriptura; sed quando illa affirmat, nos negare; & quando illa negat, nos affirmare possemus: unde ex hac sola ratione, hæc monstrosa huius Rabbini expositio non solum à codicibus, sed à cogitatu procul est ableganda: & potius risu exhibilanda; quàm responsione vllâ, aut argumento refellenda. Nihilominus, dato quoddam verba illa textus possent admittere illam significationem; quo pacto id cohærere posset cum cæteris, quæ apponit Propheta? nunquid Dauid fuit expectatio omnium gentium? ad illum fuerunt congregati omnes populi? Deinde facta ista enormi corruptione Sacræ Scripturæ per hunc audacissimum, & temerarium Rabbinum, nullo modo potest cohærere eius deprauatus sensus, quin apertè contradicatur alijs scripturis: nam falsum omnino est id, quod dicit, nimirum Dauidem fuisse admissum ad sceptrum Regni simul ac fuit Silo destructa; siquidem prius regnavit Saul post destructam Silo; vt constat ex Samuel. cap. 4. 5. & 10. ex quibus manifestè patet, quàm falsa sit hæc quarta expositio.

12. Quinta eiusdem Rabbini expositio est; vt non debeat poni ea vox, *ghad*, quæ significat, *Donec*; sed ista: *hade bad*; quæ significat, *in æternum*. Et tunc debet legi sic: *Non auferetur sceptrum de Tribu Iudæ in æternum; quia veniet Messias*. Unde, inquit, licet de facto Tribus Iudæ sine scepro Regni sit; non semper, & in æternum erit sine scepro; quia veniet Rex Messias, qui descendens de Tribu Iudæ sceptrum tenebit. Hic Rabbinus vtitur paraphrasi Caldææ, quæ sic habet: *Non auferetur sceptrum de Tribu Iudæ in æternum, nec Scribe de filiis filiorum eius, donec veniat*

veniat *Messias*, quæ versio verum continet; ille tamen mendax Rabbini, vt textum ad sensum, quem vult ipse, detorqueat; tollit vocem *ghad*, id est donec; & tunc non fiet vllus sensus, nisi addat causalem, *quia*; & mutet tempus verbi, de *veniat*, in *veniet*. At sicut pro suo libito temerè, & audacter mutat sacrum textum, ita falsum sensum apponit: vnde talis expositio ipsâ suâ falsitate conuincitur, & refellitur. Ecce quales Doctores, seu potius Sacræ Scripturæ corruptores habent miseri Hebræi: vt relicta luce clara, tenebras quærant, vt tandem mittantur in tenebras exteriores, vbi erit fletus, & stridor dentium; & gentes, quæ luce Sacræ Scripturæ acceptâ Christum amplexe sunt, ad cæleste Regnum feliciter admittantur; prout Saluator noster dixit Matth. 8. de illis Hebræis ad suos discipulos loquens: *Dico autem vobis: quia multi ab Oriente, & Occidente venient, & recumbent cum Abraham, & Iacob in Regno Cælorum: filij autem Regni eijscentur in tenebras exteriores; ibi erit fletus, & stridor dentium*. Ponamus tamen huic Rabbino, quodd legendum sit ita: *Non auferetur Regnum in æternum, quia veniet Messias*, prout legit Targum; certè clarissimè inde deducitur aduentum Messię causam fore, cur Regnum in Tribu Iudæ in æternum sit permansurum: sed iam à plùs mille sexcentis annis Tribus Iudæ absque Rege est: ergo si, quando Regnum fuit ablatum ex Tribu Iudæ, Christus IESVS, qui quidem de Tribu est, non est ille à prophetia promissus Messias, prophetia vana fuit; & solùm vera erit in Christo IESV, qui homo est, & post resurrectionem iam immortalis, & est Deus æternus: proindeque solùm vt sic Regnum poterat esse æternum; si enim immortalis non esset, ac æternus, sed sicut alij Reges mortales, & non æterni; quomodo eius Regnum esset æternum? Deinde si Christus IESVS non est Messias in ea prophetia promissus, non potest etiam prophetia in altero verificari: quia iam hodie Tribus Iudæ cum alijs confusa est; itaut qualis sit Iudæ, & qualis non, ipsis etiam nunc fatentibus, prorsus nesciatur: quomodo

ergo

ergo sciri poterit Messiam ex Tribu Iudæ nasciturum, si iam qualis sit Tribus Iuda, nescitur? Christum autem esse de Tribu Iudæ, nec ipsi Iudæi negant. Igitur etiam sequendo versionem Targum: *Non auferetur sceptrum de Tribu Iudæ in æternum, &c. quia veniet Messias*; propheta illa in Christo IESV, qui Deus æternus est, verificatur. Quomodo enim Regnum euadet æternum; quia veniet Messias, si Messias non esset Rex æternus? cognouit ergo Targum Messiam Deum esse æternum; & concordat cum Psal. 109. *Tu es Sacerdos in æternum, &c.* Præterea dicit Propheta Messiam fore de Tribu Iudæ: si verò iam hodie Tribus Iudæ cum aliis Tribubus. ita est confusa, testibus ipsis Hebræis, ut iam cognosci, distinguere nequeat: quomodo Messiam iam hodie sperare poterat de Tribu Iudæ nasciturum? Igitur vel credere debent Messiam iam venisse, & esse Christum IESVM; vel Messiae spes omnis illis sublata est.

23. Sexta expositio eiusdem stulti, temerarijque Rab-
bini ita est: ut vox *ghad*, quæ significat, *donec*, ponenda sit in significatione, quam habet hæc vox Caldæa *ghiddan*, quæ significat tempus: & sit legendum sic: *Non auferetur sceptrum in tempore, quo veniet Messias*: ex quo infert; licet nunc deficiat sceptrum; quando tamen Messias venerit, sceptrum Regni restituetur Tribui Iudæ. Hæc expositio falsa omnino est, & mera Sacra Scripturæ corruptio, verique sensus deprauatio; & ideo penitus reiicienda: 1. quia apud Hebræos vox *ghad* nullo modo tempus significat. 2. quia si ibi tempus significare vellet, oporteret expungi illam dictionem, *Cbi*, in textu positam; quæ iuncta cum dictione antecedente, *ghad*, fit *donec*, prout legitur in sacro textu, & tunc iam posset fieri sensus, quem falso vult ignorantissimus expositor, seu potius impostor; quin sacer textus corrumpatur. 3. quia vanè, & stultè ait debere poni dictionem Caldæam *ghiddan* significatiuam temporis in textu Hebraico: quasi hoc foret propter inopiam linguæ Hebraicæ: nam si Sacra Scriptura tempus significare vo-

luit.

Iuisset in sensu illius Rabbini, posset vti vocabulo Hebraico *zeman*, & *gheh*, quæ tempus significant; & non esset illi opus emendicare vocem alienam: deinde si vellet scriptura vti voce Caldæa, vteretur certè voce Caldæa propria *biddan*, temporis significatiua; & minimè poneret vocem Hebræam loco Caldææ. Ex quibus manifestè patet falsitas illius sextæ expositionis, procedamus ad septimam.

24. Septima expositio illius Rabbini est, vt per sceptrum non intelligatur dominium Regni, sed intelligatur virga, id est, flagellum captiuitatis, & fiat hic sensus; *Non cessabit flagellum captiuitatis, donec veniat Messias*: ex quo infert perditissimus Nebulo adhuc Messiam non venissè; siquidem adhuc persistit flagellum captiuitatis, in qua sunt exules à patria, & per nationes alienas miserè dispersi: quando autem venerit Messias, in æternum cessabit flagellum. Quid inanius, & stultius, quàm hoc istius Rabbini deliramentum? Nam si ita foret, oporteret, quòd à puncto prolatae prophetiæ non cessaret hoc captiuitatis flagellum, vsque ad tempus aduentus Messiæ: hoc autem est falsissimum: siquidem flagellum captiuitatis in Ægypto finem habuit: & postquam reuersi sunt in terram promissionis, vbi omnia huius vitæ bona possederunt, adhuc Messias non venit. Deinde fuerunt iterum flagellati in captiuitate Babylonis; in qua 70. annis seruierunt; & hoc finito tempore regressi sunt in Ierusalem liberi; & per multa sæcula cessauit captiuitatis flagellum; & tamen Messias non venit; igitur mendax est hæc Rabbini expositio. Nec potest dicere se loqui de omnimoda cessatione flagelli; ita ut amplius non sit flagellum; at verò prima cessatio flagelli non fuit perfecta: quia iterum venit secunda flagellatio Babylonica: & hæc secunda non fuit perfecta; quia venit tertia flagellatio Romana, in qua nunc sunt ab annis 1600. & ultra per Titum, & Romanos eiekti à Iudæa, per omnes mundi Nationes dispersi, subiectique principibus alienis; & solum veniente Messia, cessabit hæc persecutio, captiuitas, & flagellatio. Non potest, inquam, hoc dicere: nam
 si ita

si ita foret, potius aduentus Messiae esset signum cessationis flagelli; quàm cessatio flagelli signum aduentus Messiae: hoc autem est manifestè contra sensum prophetiae: nam sensus prophetiae est, vt prius auferatur sceptrum, vt ex ablatione sceptri cognoscatur tanquam ex signo certo, & infallibili venisse Messiam, & hoc signo directi Hebræi non deciperentur recipiendo Pseudo-Chrístum pro vero Chrísto, & Messia: ergo si sceptrum hic intelligendum est pro flagello, necesse est, vt prius auferatur flagellum, vt postea intelligatur venisse Messiam; hoc verò signum non fieret certum, & infallibile; nam supponamus, quòd his temporibus Iudæi restituerentur ad suam pristinam libertatem, & Rempublicam iam dominantem per Regem proprium, & Scribas, vt antea; adhuc liberatio à captiuitate, sublatioque flagelli non esset signum, quòd venerit Messias; quia possent dubitare, sicut in prima liberatione, & in secunda non venit Messias, sic etiam non venisse in tertia, & sic in infinitum: ergo nunquam haberent certum, & infallibile signum aduentus Messiae; quod est contra intentum Patriarchæ Iacob volentis dare certum, & infallibile signum, ex quo infallibiliter cognosceretur aduentus Messiae: ergo in hac prophetia ablatio sceptri non potest intelligi pro ablatione flagelli; & consequenter expositio istius Rabbini prorsus vana est; & sacro textui omnino aduersa.

25. Tandem quia sequentia verba prophetiae, verbi gratia, *Dux*, seu Scriba; vel principes, & prima capita, de femore eius, id est, de filiis filiorum eius, verè intelliguntur de Scribis, & Principibus dominantibus; vt ipsi Hebræi, & etiam ipse, in hoc non stultus Rabbini, intelligunt: ergo etiam sceptrum de vero sceptro Regni, & de Rege, & non de flagello intelligendum est; aliter vanus esset sensus prophetiae: sic enim fieret sensus. Non cessabit flagellum, nec cessabunt Principes de Tribu Iudæ, donec veniat Messias: qui sensus est falsus, si huic interpretationi adhæreat: nam iam dominium Scribarum cess-

fauit, & Principes Iudæ non dominantur, vt omnes vident, & ipsi Hebræi plorant; & tamen dicunt Messiam adhuc non venisse: ergo vel prophetia fuit falsa; vel illa expositio omnino falsa est: prophetia non potest esse falsa; aliter Deus, qui est essentialiter verax, falsum loqueretur per suos Prophetas; quod dicere, est enormis blasphemia: ergo illa expositio vanissima, & falsissima est. Quod si multo stultius velit exponere; vt per Principes dominantes intelligatur etiam flagellum, ac tribulatio captiuitatis, vt subsequenter verba prophetiæ antecedentibus cohæreant, sibi ipsi aduersatur iste egregius expositor: quia tunc fieret hic sensus: est tribulatio, quando cessat sceptrum; tribulatio est, quando non cessat sceptrum: quomodo autem potest sustineri, vt vera, hæc propositio; tribulatio captiuitatis est, quando Iudææ nullus est Princeps; tribulatio captiuitatis est, quando Iudææ aliquis est Princeps dominans, & regens, qualem dicit esse Scribam dominantem? Vides in quas angustias redigatur falsus ille Rabbīnus falsa sua, & prorsus inepta, ridiculaque expositione!

26. Octaua, & vltima expositio istius Rabbīni est ista: *Non deficiet dignitas, scilicet hoc, quod est primum locum tenere in Tribu Iudæ, donec veniat David; qui fuit principium Imperij Iacob: & ita verè fuit factum: quia quando Tribus castra mouebant, Tribus Iudæ, tanquam dignior, vexillum prima erigebat: & eadem semper ascendeat prima; & dicendo, non auferendum esse sceptrum, seu dignitatem, non est intentio Prophetæ dicere, quando venisset Silo, defecturam esse illam dignitatem; sed vt solet dici, non deficiet panis huic homini, donec habeat prædia multa.* Ecce vltima huius Rabbīni expositio, tam aliena à mente Patriarchæ Iacob, quam iste videtur à mente alienus.

27. Vnde falsa illius opinio refellitur facillè primo: quia vox *scænetb*; quam ille exponit per dignitatem, non significat dignitatem eo modo, quo ille dicit: nam secundum sententiam omnium Rabbīnorum tam antiquorum, quam recentium significat virgam, & sceptrum; quod solent Reges.

gestenere in manu : ideoque communiter vsurpatur pro dominio Regni ; vt ait Rabbi Dauid Chimchi in libro radicis verborum . Significat item virgam flagelli , Tribum , progeniem , familiam ; & in nulla alia significatione vsurpatur in Sacra Scriptura : quare illa significatio in sensu illius Rabbini est omnino ab illo solo conficta . 2. est falsum id , quod dixit , semper Tribum Iudæ castra mouere primò , vexillumque primò erigere , dum non venit Dauid : Siquidem moueri primò Tribum Iudæ obseruatum non fuit nisi tempore Moylis ; quando omnes Tribus mouebantur de vno deserto in aliud ; postea uerò non ita fuit obseruatum , quando bellum inferebant alicui Regno , aut Ciuitati : ideoque in eis rebus gestis , quæ fecit Iosue contra Iericho , aliasque Ciuitates , & Regna , non legitur Tribum Iudæ illam præferentiam habuisse , vno solo excepto prælio contra Cananæum : postea uerò multa prælia gesserunt Hebræi : quin interuenisset Tribus Iudæ ; vt in prælijs , quæ fecerunt Iudices , & Debora contra Barac ; quæ accepit decem millia hominum de Tribu Nepthali , & de Tribu Zabulon ; vt irent aduersus Sisara ; & similiter in prælio Gedeon , qui milites delegit de Tribu Aser , de Tribu Zabulon , & Nepthali , vt contra Madianitas insurgerent ; prout legitur in lib. Iudicum cap. 4. & 7. Vnde vides falsum esse , id quod dixit , Tribum Iudæ semper habuisse illam præeminentiam prius castra mouendi , donec veniret Dauid . 3. falsum etiam est Dauid fuisse principium Imperij Iacob : siquidem ex scriptura constat prius regnasse Saulem . 4. falsum est illius Rabbini dictum , nimirum textum per Silo intelligere Dauid ; quia , vt iam supra ostensum est , ad Dauid non sunt congregatæ omnes Nationes , & populi : textus uerò dicit expressè , quod ad Silo omnes populi , & Nationes congregandæ essent . Ex quibus constat , quàm falsæ sint omnes illæ expositiones , quibus ille textus Patriarchæ Iacob pro altero , quàm pro Messia perperam exponitur .

28. Vnde verissima est nostra expositio à nobis facta pro Messia : & ita Silo exponitur ibi pro Messia per Tar-

gum, id est, per paraphrasim Caldæam ab illo falso Rabbi-
no defraudatam : quæ ita dicit : *Non auferetur dominium de
domo Iuda, & Scriba de filiis filiorum eius in æternum, donec
veniat Messias : quia suum est Imperium ; & illi seruiunt om-
nes populi.* Targum verò est tantæ authoritatis apud He-
bræos, vt illi æquè fidem adhibeant, atque ipsi textui sa-
cro. Eiusdem veræ sententiæ sunt alij Rabbini in libro Mi-
dras miske, & glossa in Prouerb.cap.19. Vbi sic legitur :
*Planta Imperij cognoscetur in Tribu Iudæ, donec floreat Rex
Messias, sicut scriptum est. Non auferetur sceptrum de Tri-
bu Iudæ, &c. donec veniat Messias.* Idipsum asserit à veri-
tate conuictus Rabbi Salomon, & sic exponit hunc textum,
vt per Silo intelligatur Messias ; & Ialcut liber maximæ au-
thoritatis apud Hebræos signo 160. exponit hunc textum :
Non auferetur, &c. vt intelligatur de Messia : *Iste est Mes-
sias filius David.* Et in eodem libro exponendo Isaiæ c.18.
ita legitur : *Gentes mundi munera deferent Regi Messie ; &
ita est id, quod dicitur. Donec veniet Silo, id est, Rex Mes-
sias.* Item in Targum Ierosolymitano exponendo eundem
textum : *Non auferetur, &c.* sic legitur : *Non deficient Re-
ges ex Domo Iudæ, neque Scribæ, qui doceant legem filios
eius, donec veniat Rex Messias.* Deinde in lib. Berescith
rabba glossa maiori Genesis fol.61.dist.89. exponendo præ-
dictum locum : *Non auferetur, &c.* sic legitur : *Donec ve-
niet Silo ; hic est Messias, & ad illum congregabuntur omnes
populi, &c.* Denique in libro Echa Rabbathi glossa maiori
Lamentation. Ieremiæ exponendo versiculum cap. 1. sic le-
gitur : *Quod est nomen Messie ? Illi ex Cathedra Rabbi schola
dixerunt. Silo est nomen Messie ; vt dictum est, Donec veniet
Silo.*

29. Ex quibus omnibus clarissimè patet textum illum
nec posse intelligi de Dauid, nec de Saule, nec de Moyse,
nec de Nabuchodonosor, nec de Ieroboam, nec de vilo
alio ; nec minùs de loco illo appellato Silo ; quia contra
has opiniones sunt efficacissimæ rationes in contrarium ;
& quia intelligendo prædictam prophetiam de Sanctissimo
Messia,

Messia, id non potest vlla ratione impugnari; vnde manifestè patet loqui de Messia. Nec de hoc potest dubitari; imò hoc apud omnes scholas Hebræorum communiter docetur. Igitur Patriarcha Iacob hoc dedit signum; vt cognosceretur aduentus veri-Messia, quando scilicet deficerent Reges, & Scribæ dominantes de Tribu Iudæ, & cum tempore, quo Christus IESVS venit, defecerint Reges de Tribu Iudæ ad nostrum vsque tempus; in quo numerantur iam transacti plus mille, & sexcenti anni, in quibus sunt sine Regno, Rege, & sceptro; necessariò dicendum est Messiam iam venisse, & esse Christum IESVM Redemptorem nostrum, cum omnia omnino, quæ de Messia à Prophetis sunt prædicta, in illo verificentur, & non possit assignari alius, cui illa omnia competant; vt hætenus demonstratum est; & infra demonstrabitur. Aperiant ergo mentis oculos Iudæi; & si propter suam exorbitantem cæcitatem sunt incapaces videndi lucem adedò claram; & patentem, Deum humiliter orent; qui clementissimus, & summè misericors est, & illos faciet veritatem cognoscere.

CAPVT QVARTVM.

Proponitur secunda, & tertia probatio, quibus demonstratur contra perfidos Hebræos iam venisse Messiam, & esse Christum IESVM Dominum nostrum.

30. **S**Ecunda probatio desumitur ex prophetia Isa. cap. 8. quam adduximus supra lib. 1. cap. 4. ad probandum Messiam esse verum Deum: nunc autem illa vtimur, ad ostendendum hunc Messiam verum Deum incarnatum venisse iam in terram, esseque IESVM Christum Redemptorem, & Salvatorem totius mundi. Probatio sic formatur. Quando venerit Messias, sanctificabit, & iustificabit credentes in eum; & erit in scandalum, & in petram offensionis duabus domibus Israel, id est, Iudæ, & Israel: & ex eis plurimi non credent; verum offendendo in illum.

illum lapidem cadent; & propterea erunt capti, destructi, in exilium pulsi, & Deus abscondet faciem suam ab eis; & populus ille eundem Christum Messiam, quasi nondum venerit, expectabit: hæc omnia euenerunt, quando Christus IESVS venit: ergo iam venit, & est verus Messias. Consequentia est euidens. Maior est expressa in citato loco Isaïæ vers. 13. *Et erit vobis in sanctificationem; in lapidem autem offensionis; & in petram scandali duabus domibus Israel, in laqueum, & in ruinam habitantibus Ierusalem; & offendent ex eis plurimi, & cadent, & conterentur, & irretientur, & capientur.* Idem dicitur in Psal. 117. num. 22. *Lapidem, quem reprobauerunt adificantes, hic factus est in caput anguli. A Domino factum est istud, & est mirabile in oculis nostris.* Id est, illa petra angularis, Christus, quem reprobauerunt Hebræi, qui debuerant cum illa ædificare Ecclesiam, esseque membra illius Ecclesiæ nouæ, sicut erant membra ædificantia, seu constituentia antiquam; illa, inquam, petra ab Hebræis reprobata, facta est primum caput Ecclesiæ nouæ; à Domino facta est, id est Christus, non sicut alij homines generati à patre terreno; fuit mirabilis in oculis omnium, qui illum viderunt mortuos suscitare, surdis auditum, cæcis visum, mutis loquelam restituere, & alia mirabilia operari; hunc lapidem viuum, sanctum, firmum odio habuere Iudæi, & tanquam petram scandali, & offensionis existimarunt.

31. Probatur iam minor illa propositio; scilicet, quòd hæc omnia in Christo IESV sunt omnino verificata. Prophetia ait. *Erit vobis in sanctificationem;* quod non solùm ostendit; debere haberi ab omnibus, vt sanctum, & colli, vt Deum; quo pacto fuit, & est habitus, vt sanctissimus, & honoratus vt Deus ab omnibus fidelibus ex gentilitate conuersis, & à multis Hebræis, qui primò in illum crediderunt; & illum nobis prædicauerunt; sed significat etiam, quòd ipse sanctissimus Messias nos sanctificaret, & sanctos, & iustos, filiosque Dei per adoptionem redderet; quod fecit Christus peccatores ad veram sanctitatem reducendo,
vt

vt Mariam Magdalenam, Matthæum publicanum, Zachæum, & innumeros alios; instituendo Sacramenta operatiua gratiæ sanctificantis, vt Baptismum, Pœnitentiam, Eucharistiam, & alia Sacramenta; docendo veras virtutes, leges sanctissimas instituendo, dando salutaria consilia, quibus plenum est illius sacrum Euangelium. Quod quidem Hebræi non negant, nec possunt negare, nisi resistendo apertissimæ veritati; vnde verificata est in Christo pars illa prophetiæ: *Erit vobis, in sanctificationem*; & ideo ab alijs Prophetis, sanctus, iustus, sanctificatio, nostra redemptio, & iustitia nostra passim appellatur. *In lapidem autem offensionis*, &c. Omnes perfidi Iudæi, qui illum sanctum lapidem reprobarunt, scandalum sumpsere, quod homo crucifixus foret suus Messias; vt obseruauit Paulus Apostolus sanctissimus: *Iudæis quidem scandalum*; & hodie hæc genimina viperarum, quæ ab illis viperis peccato suo mortuis originem trahunt, adhuc etiam in hoc scandalizantur: sed hoc scandalum infidelitatis eorum est firmentum nostræ fidei: si enim Christus non fuisset illis in scandalum, non esset ille, qui à Prophetis fuerat promissus, ac prædictus: idem scandalum, quod est effectus erroris ipsorum, est nostræ veritatis confirmatio. Prosequitur prophetia, quod Messias futurus esset illorum ruina: quis ignoret ruinam Ierusalem post Christi mortem? Sed hæc infausa ipsis ruina ab illorum culpâ, diuina id poscente iustitia, promanauit, non accipiendo salutem prius illis oblatam: parum foret ruina corporum, si cum illa non veniret damnum pariter animarum: *Erit in laqueum, & ruinam*, &c.

32. Dicant igitur Hebræi, si illis veniret vnus ab illis putatus suus Messias, qui non esset pauper, sed diues: non crucifixus, sed bello potens: superbus pompâ, spolijs onustus, plenus trophæis, militibus, & copijs armatus, scandalizarentur ipsi? Respondebunt, non se esse scandalizandos. En veniet in fine mundi vnus, qui se publicabit Christum, non pauper, sed diues, bello potens, trophæis su-

per-

perbus ; illum ipsi recipient ; & ipse non erit illis in scandalum , nec in petram offensionis ; sed propterea non erit Christus , sed Antichristus , quia verus Christus secundum prophetias futurus erat in scandalum Iudæis . Vnde vltimò concludo : vel Hebræi credunt scripturam illam , vel non credunt ; si non credunt , cur sperant Christum ex Prophetis , negando veritatem prophetarum ? Si credunt , debent sperare , & recipere illum , qui Hebræis futurus sit in scandalum . Si illum alterum recipient , qui illis sit in scandalum , vt impleatur prophetia ; cur non istum , cui non solum hoc , sed cætera omnia , quæ de Messia Prophetæ dicunt , omnimodè competunt ? Dicunt aliqui Hebræi argumentum concludere , si Propheta hîc loquatur de Messia . Verùm , quòd Propheta hîc loquatur de Messia , non possunt negare Hebræi : nam loqui de Messia fatentur , & probant Rabbini ipsi , vt latè ostendimus in lib. 1. cap. 4. vbi id videre potes . Vel igitur neganda est hæc prophetia à Iudæis , & erunt hæretici contra Sacram Scripturam ; vel non est ab illis negandum Christum iam venisse , vt sint fideles secundum sacrum Euangelium , & prophetias .

33. Secunda probatio desumitur ex Propheta Osea cap. 3. num. 3. de qua prophetia iam supra fecimus mentionem : & ex illa euidentissimè colligitur Messiam iam venisse , & esse Christum IESVM . Sic enim habet Prophetia : *Et dixi ad eam : Dies multos expectabis me , non fornicaberis : & non eris viro : sed & ego expectabo te : quia dies multos sedebunt filij Israel sine Rege , & sine Principe , & sine sacrificio , & sine altari , & sine Ephod , & sine Theraphim : & post hæc reuertentur filij Israel ; & quarent Dominum Deum suum , & David Regem suum , & pauebunt ad Dominum , & ad bonum eius in nouissimo dierum .* Id est , tu o Popule Hebræe , per multum tempus me Dominum tuum , & Messiam venturum *expectabis* . Et non fornicaberis , id est , non idola coles : nam in scriptura fornicari , & adulterari contra Deum est idola sectari : quia cum Deus sit Ecclesiæ spon-

sponsus iuxta illud: *Sponsabo te mihi*; sponsa, quæ alterum adorat, quàm ipsum verum Deum, contra Deum dicitur committere adulterium: & ideo subiungit, & *non eris viro*; id est, eris repudiata à Deo olim sponso tuo, & à Christo vero sponso: *Sed expectabo te*; id est, tu expectabis me, quasi nondum venerim; & ego expectabo te, vt me agnoscas, qui iam veni. Sequitur: *Per dies multos*, id est, per multum tempus, *sedebunt filij Israel*, id est, non surgent ad veram cognitionem veri Messiae sui, sed sedebunt in sua cæcitæte, & ignorantia, sine Rege, & sine Principe, & sine Sacrificio; & in hoc misero statu sunt, postquam Christus venit in terram ad nostrum vsque tempus, iam annis transactis plus mille, & sexcentis; sine altari, & sine ephod, id est, sine superhumerali, primaria veste Sacerdotali, & sine theraphim, id est, sine imaginibus, verbi gratiâ, Seraphinorum, qui erant iuxta altare; id est, sine Sacrificio, sine illis rebus, quæ ad sacrificium pertinebant: cùm enim non possint iuxta legem facere sacrificium extra Ierusalem, necesse est, vt toto hoc tempore, in quo sunt expulsi à Ierusalem, & erunt vsque ad finem mundi, sint sine sacrificio. Et post hæc reuertentur filij Israel; omnes illi Iudæi, qui in Christum non crediderunt, & ideo reprobati fuerunt à Deo; & hi omnes dici optimè possunt filij Israel, id est, 10. Tribus reprobatæ: quia illi, qui Christum, qui est de Tribu Iudæ, amplexi fuerint, dici optimè possunt illæ duæ Tribus Iudæ à Deo electæ: omnes, inquam, Iudæi illi, qui antea non crediderant, fuerintque tunc viui, ad suum Messiam conuertentur: *Et quærent Dominum Deum suum*, & *Dauid Regem suum*; id est, suum Messiam filium Dauid, qui est simul Deus, & homo, & ideo secundum humanitatem filius est Dauid, id est, de Tribu Iudæ, à Dauide descendens; *quærent*, inquam, qui iam est; non enim quæritur in terris, qui nondum est, sed erit: *Et pauebunt ad Dominum*: id est, colent, & adorabunt: ac reuerebuntur: nam in scriptura pauor de Deo, sumitur pro veneratione, & reue-

rentia ; & ad bonum eius , id est , ad Eucharistiæ Sacramentum ; quod dicitur bonum eius iuxta illud Zachariæ 9. num. 17. *Quod bonum eius , & quod pulchrum eius , nisi frumentum electorum , & vinum germinans virgines* ; Et sic Hebræi iam admissi ad communionem fidelium , Eucharistiæ Sacramentum , quod antea abominabantur obcæcati , & obstinati , iam apertis oculis , & antiquo suo velamine ablato , summa veneratione colent , adorabunt , magnaque suorum cordium lætitia , & exultatione percipient : *In nouissimo dierum* . Sed hoc illis eueniet in fine mundi ; impleturque illud Christi seruatoris nostri pronunciatum : *Erunt nouissimi primi , & primi nouissimi* ; id est , Gentiles , qui erant vltimi , primi sunt conuersi ; & Hebræi , qui erant primi , generaliter erunt conuersi vltimi . Et tunc vnus erit pastor Christus ab omnibus , gentibus simul , & Hebræis receptus , & vnum ouile ; ex Hebræis simul , & gentibus constitutum .

34. Ex hac prophetia sic iuxta verum sensum explicata manifestè colligitur , seu potius demonstratur Messiam iam venisse , esseque Christum IESVM Beatissimæ Virginis MARIÆ Filium . Nam tria præcipuè dicit Propheta . 1. quod Hebræi post primum Messiae aduentum illi non credentes , vniuersaliter loquendo , futuri sint sine Rege , & Principe , & sine Sacrificio ; & expectaturi adhuc Messiam , ac si adhuc non venisset : & quod Messias venerit , nec sit ab illis vniuersaliter receptus , & expectaturus sit illorum conuersionem : *Filij Israel multos dies sedebunt sine Rege , sine Principe , sine Sacrificio , &c. Expectabitis me , & ego expectabo vos* . Secundum : illos quasituros in fine dierum Dominum Deum suum , & Dauidem Regem suum , id est , Messiam , qui simul est Deus , & Rex qua Homo filius Dauid : *Quarent Dominum Deum suum , &c.* Tertium : admitte-
 tendos tandem esse ad fidelium communionem : *Post hæc reuertentur , &c. Et pauebunt ad Dominum , & ad bonum eius* , id est , ad Sacramentum Eucharistiæ , quod est bonum eius , ut dictum est . Vbi nota : si , postquam per multum tempus per-

permanferint sine Rege, & Sacrificio, vt à tempore Christi vsque nunc permanent, tandem reuerfuri fiant ad suum Meffiam. ergo ab illo, qui iam venerat, auerfi erant; si enim nondum veniffet, quomodo ab illo recederent, & auerterentur? ergo vel prophetia est falſa: vel Chriſtus iam venit: prophetia non poteſt eſſe falſa: ergo Chriſtus iam venit. Nota ſecundò: illos expectaturos Chriſtum; & Chriſtum expectaturum ipſos. Si Chriſtus non veniſſet, expectaretur; & non expectaret: qui enim nondum venit non expectat, ſed expectatur. Conſiderabat Propheta duplicem ſpem, vnā ex parte Hebræorum: & hæc erat vana: quia ſperaturi erant, vt venturum, qui iam venerat; alteram ex parte Chriſti, & hæc erat vera: quia ſperaturus erat, vt crederent illi, qui nondum credebant, & in fine mundi credituri erant. Nota tertio: Hebræos in fine mundi prædici credituros Sacramentum Communionis Corporis, & Sanguinis Domini: ſed hoc fuit inſtitutum tempore paſſionis Chriſti: ergo antequam Hebræi crederent in fine mundi, iam multò ante Chriſtus venerat: igitur hæc prophetia iam eſt impleta quò ad duas partes; ſcilicet quòd Chriſtus iam venerit; & quòd Hebræi ſint abſque Rege, & Sacrificio: reſtat, vt impleatur tertia pars, quòd ipſi in fine mundi credant: vnde cùm iam certiffimè ſint impletæ illæ duæ, ſic certiffimè implebitur illa tertia.

35. Hebræi videntes ſe prorsus eſſe conuiſtos, ſi illa prophetia loquatur de Meſſia, ſine vllò fundamento, ſed ſumma temeritate dicunt non loqui de Meſſia, ſed de Deo, & de Rege Dauid. At hæc reſponſio de falſitate conuincitur tum ex Prophetis. tum etiam ex ſuiſmet Rabbiniſ; & ex ipſa ratione. Probatur ex Prophetis 1. ex Ezech. 34. n. 23. *Suscitabo ſuper eas paſtorem vnū, qui paſcat eos, ſeruum meum Dauid.* 2. ex Ierem. 30. n. 9. *Seruient Dauid Regi ſuo, quem ſuscitabo eis.* In quibus locis per nomē Dauid intelligitur Meſſias etiam ſecundum ipſos Rabbinos in expoſitione illorum textuum. Probatur ex authoritate Rabbiorum. 1. ex Thalmud in tractatu Sanhedrin cap. Chelech. Vbi Meſſias etiam ap-

pellatur Dauid. 2. in libro Midras misle in glos. super Pro-
uerb. cap. 19. in versiculo 21. quod incipit: *Multæ cogitatio-
nes in corde viri*. Vbi sic legitur: *Oſo nominibus Meſſias
appellatur*. *Innon*, Deus, *Iuſtus noſter*, germen, ſue oriens,
Menachem, id eſt, Conſolator, *Dauid*, *Silo*, *Eliabu*; & ci-
tat ibi Sacre Scripturæ loca, in quibus ea Regis Meſſiæ no-
mina deſcribuntur. 3. ex Targum in expoſitione prædictæ
prophetiæ Oſæ in d. cap. 3. vbi per Dauid exponitur Rex
Meſſias. Et idem Targum in Ierem. cap. 30. per Dauid ex-
plicat Meſſiam: eſtque phraſis Hebraica, vt filij appellen-
tur ſæpe nomine patronimico. Et in libro Zobar. fol. 34 in
expoſitione Leuitici cap. 19. Meſſias appellatur Dauid; &
dicit Deum Patrem illum intueri, quando vult homini-
bus miſereri, & ipſum illuminare omnem mundum, eſ-
ſeque dominum Angelorum. Probat ex ratione: quia
Propheta dicit Iſraelitas in nouiſſimo dierum quæſituros
eſſe Dauid Regem ſuum: quis ergo credat, illos quæſitu-
ros eſſe Dauid Salomonis Patrem à tot millibus annorum
ſepultum? ergo nullum eſt dubium prophetiam loqui de
Chriſto vero Meſſia: quòd verò ibi Meſſias vocetur Deus,
hoc probat Meſſiam non ſolùm eſſe hominem, ſed etiam
Deum: & quidem Meſſiam eſſe Deum euidentiſſimè ex te-
ſtamento veteri, quod credunt Hebræi, ſupra in primo
loco demonſtratum eſt.

36. Alij Rabbini dicunt hanc prophetiam loqui de ca-
ptiuitate Babylonis duarum Tribuum vſque ad eius laxa-
tionem per Cyrum: proindeque non poteſt intelligi de
hac captiuitate præſenti, in qua nunc ſunt. Sed hæc re-
ſponſio maniſeſtè contradicit prophetiæ, quæ dicit Iſrae-
litas in hac ſua captiuitate futuros eſſe ſine Sacerdote, &
Principe: in captiuitate autem Babylonica hæ Tribus
Pontificem habuere, ſcil. Joſedech; item legem, & Iudices, vt
patet ex Dan. 13. v. 5. *Et conſtituti ſunt de populo duo ſenos Iu-
dices in illa anno, de quibus locutus eſt Dominus, quia egreſ-
ſa eſt iniquitas de Babylone à ſenioribus Iudicibus, qui vide-
bantur regere populum*. Similiter in captiuitate Babylonica ha-

habuerunt Regem Ioachim, & Principes Zorobabel, & Salathiel; insuper altare, vt patet ex Baruch 1. num. 10. *Ecce misimus ad vos pecunias, de quibus emite holocaustum, & tibus, & facite manna, & offerite pro peccato ad aram Domini Dei nostri.* Habebant item in captiuitate Babylonica Prophetas, vt Danielelem, Ezechielem, &c. Sed Propheta Oseas loquitur de ea captiuitate, in qua omnia ista deficerent; ergo non loquitur de captiuitate Babylonica, sed de hac captiuitate, in qua Iudæi nunc sunt, & erunt vsque ad finem mundi, vt dicit Propheta; siquidem omnia ista per Prophetam dicta, scil. Rex, Princeps, Sacrificium, in hac præfenti captiuitate defunt.

37. Aliam expositionem fingit Rabbi David, dicendo hanc prophetiam loqui de tempore Machabæorum: tunc enim subacti sunt Iudæi ab Antiocho Epiphane, eiusdemque posteris, qui sacra Iudæorum prophanarunt, & Pontificatum vendebant: & licet tunc Machabæi Principes essent, non tamen erant legitimi, vtpote oriundi ex Tribu Leui, & non Iudæ, cui tantum Deus sceptrum dedit; vt patet ex Genes. cap. 40. num. 10. Verum errat omnino hic Rabbini: quia eo tempore florebat Religio, virtus, & fortitudo Iudæorum, Principesque illi erant legitimi, vtpote à populo electi; licet enim illi essent de Tribu Leui; quia ex illis assumebantur Sacerdotes; erant etiam de Tribu Iuda, ex latere feminino, vt bene ostendit Cornel. à Lapide ad cit. locum Genes. quod sufficiebat, vt cum fuisset principatus datus Machabæis, non posset dici rectè esse sine Rege, & sine Principe: ergo falsum est, quod prophetia loquatur de tempore Machabæorum: non enim potest verè dici Iudæos esse sine Rege, & sine Principe, eo tempore, quo Machabæi dominabantur.

38. Concluditur igitur Messiam verum Christum IESVM iam venisse, Iudæosque esse in statu damnationis æternæ, si in illum non credant, Baptismumque suscipiant, vt ad Sanctam Christi Ecclesiam ingrediantur: nam Propheta dicit post Christi veri Messie aduentum Iudæos futu-

futuros esse sine Rege, sine Principe, sine Altari, sine Sacerdotio, sine sacrificio; & solum in sine mundi esse ad Christum conuertendos, & ad fidelium communionem per Eucharistiæ Sacramentum admittendos; illi iam à tempore Christi IESV vsque ad hodiernam diem, transactis iam 1600. annis, & ultra, sunt sine Rege, Principe, Sacrificio: ergo vel prophetia fuit falsa; vel Christus iam venit: non audebunt dicere prophetiam esse falsam: ergo necessario debent dicere Christum iam venisse; si iam venit; quis ille est, nisi IESVS Christus Beatissimæ semper Virginis Mariæ Filius; cui cætera omnia, quæ de vero Messia Prophetæ prædixere, summâ concordia conueniunt; vt ex toto hoc opere manifestè constat; & vterius etiam clarissimè constabit.

C A P V T Q V I N T V M.

*Proponitur quarta probatio, qua probatur contra Hebræos
Messiam iam venisse, esseque Christum IESVM
Redemptorem Mundi ex prædicatione
Apostolorum.*

39. **Q**uarta probatio desumitur ex Isaia cap. vlt. n. 19. vbi dixit, quando Messias venisset; gentes conuertendas esse per Apostolos ab eo missos: sed iam videmus nostris oculis gentes esse ad Deum conuersas per sanctos Apostolos à Christo IESV in hoc ministerium electos: ergo Messias iam venit; & est Christus IESVS. Hæc consequentia non potest negari, nisi velint Hebræi negare illius prophetiæ veritatem, & nisi velint Deum loquentem per suos sanctos Prophetas facere mendacem. Lege iam prophetiam attentè, & seriò; eiusque proprium, & germanum percipe sensum. Sic ait Propheta: *Et ponam in eis signum; & mittam ex eis, qui saluati fuerint, ad gentes in mare, in Africam, & Lydiam tendentes sagittam; in Italiam, & Græciam, ad insulas longè; ad eos,*

eos, qui non audierunt de me, & non viderunt gloriam meam: & annuntiabunt gloriam meam gentibus: & adducent omnes fratres vestros de cunctis gentibus donum Domino in equis, & in quadrigis, & in lecticis, & in mulis, & in carrucis ad montem sanctum meum Ierusalem, dicit Dominus; quomodo transferant filij Israel munus in vase mundo in domum Domini. Et assumam ex eis in Sacerdotes, & Levitas, dicit Dominus. Hæc prophetia est adeò clara, vt non multa indigeat explicatione.

40. *Ponam in eis signum*, id est, in eis gentibus conuersis ponam signum, scil. signum indelebile, siue caracterem Baptismi, per quod distinguuntur à non fidelibus; sicut in lege scripta Circumcisio erat signum, per quod Iudæi ab infidelibus distinguebantur. Signum item, id est, Charismata Spiritus Sancti; vt fuerunt illæ cælestes linguæ in die Pentecostes; quibus signati Apostoli profecti sunt ad prædicandum Euangelium in Mare, Africam, Lydiam, Italiam, &c. vt hic dicit Propheta. *Signum*, scil. signum Sanctissimæ Crucis, quo signantur fideles Christiani. *Signum*, id est, Eucharistiæ Sacramentum; quod solum baptizati communicare possunt. Signum enim etiam significat mysterium; & per hoc Sacrosanctum Sacræ Eucharistiæ mysterium fideles ab infidelibus discernuntur. *Signum*, id est, Deipara Sanctissima Virgo MARIA; quæ est *signum magnum apparens in cælo*; eiusque meritis, & intercessione confirmatur, conseruatur; protegitur, & augeatur Ecclesia. *Signum*, id est, templa, & oratoria toto Orbe fundata; quæ omnia sunt signum, quo fideles in eis Deum verum Patrem Æternum, & filium suum IESVM Christum, & Spiritum Sanctum venerabundi adorant, & colunt; & per quod signum ab impijs, & infidelibus fideles Christiani distinguuntur.

41. *Qui saluati fuerint*, id est, mittam ex eis, qui primò saluati fuerint, id est, gratiam Saluatoris receperint, quales fuerunt Apostoli, & discipuli Saluatoris Domini nostri IESV Christi. *Tendentes sagittam*, id est, mittam
Apo-

Apostolos ad gentes sagittandi peritas; puta, Afros, & Lydios, scilicet inermes contra armatos: sed faciam, vt eas non timeant, imò conuertant. *In Italiam*; & sic D. Petrus, & D. Paulus, ac D. Ioannes Euangelista Romam venere, illamque ad Christum conuertere. Textus Hebraicus loco Italiæ, habet Tubal; per quod, inquit D. Hieronymus, potest quoque accipi Hispania præcipuè in ea parte, quæ dicitur Lusitania. *Tubal enim* (inquit Cornelius à Lapide in hunc locum Isaïæ vers. 19. litera C.) *filius Iapbet incoluit Hispaniam, & ab eo ferunt conditum, & denominatam Vrbem Setubal, quæ extat in Lusitania*. Hucusque Cornelius à lapide: vt videas Prophetam spiritu prophetico multò ante præuidisse harum duarum Nationum consimilem pietatem, & in Christi fide exactissimam obseruantiam: quod circa templorum nitorem, maximam erga Matrem Dei MARIAM Virginem deuotionem, & amorem, ac zelum propagandi fidem in exteris Nationes, optimè cerni potest: imò apud Indos Orientis, in quibus (proh dolor) ab hereticorum, illuc diabolo instigante, cõfluentium perfidia superfeminata sunt zizania; vt Christiani ibi probent se esse Catholicos, satis est dicere se fidem Lusitanorum sectari; sicut inter Nationes infectas labe hæresis, satis est dicere se sequi fidem Romanam, vt intelligatur Catholicam sequi.

42. *Ad eos, qui non audierunt de me; & non viderunt gloriam meam*. Id est, ad gentes, quæ de me Deo vero notitiam non habuerant, quia illis nullus de me prædicauerat; nec viderant gloriam meam, vt vos Hebræi vidistis, data vobis mea lege per Moysen in Monte cum meæ assistentiæ maiestate; vel alio modo, ad eos, qui non audierunt me prædicantem in Ierusalem, & Iudæa, nec meam gloriam, scilicet miracula, & prodigia à me facta, Resurrectionem, Ascensionem viderunt; ideoque multo vobis feliciores; qui non viderunt, & crediderunt; quod etiam ipse Dominus dixit Thomæ; *Quia vidisti me Thoma, credidisti; beati qui non viderunt, & crediderunt*: crescit enim fidei meritum, vbi deficit visus experimentum.

43. *Adducent fratres vestros de cunctis gentibus donum Domino*, id est, Apostoli illi missi à Christo Domino, ò Israelitæ, qui legem Christi accepistis, adducent ad vos ex gentibus multos, qui credent, & iam fratres vestri erunt, scilicet ab eodem Patre Christo per baptismum regenerati; eiusdemque Patris spirituales filij; & se Domino, vt donum, & holocaustum offerent. *In equis, & quadrigis, &c.* non solum se se dedit Domino pauperes, hominesque priuati, sed potentes, & Reges, qui equis, quadrigis, lecticis, caruccis vehuntur: quod totum iam impletum est; dum Reges, & Imperatores, alijque Principes Christo se, donaque sua deferunt, *in vase mundo*, id est, iam mundati per sanctum Baptismum. *Et assumam ex eis Sacerdotes, & Leuitas*, id est, ex ipsis gentibus factis iam fidelibus per baptismum assumam Presbyteros, siue Sacerdotes, & Diaconos. Olim solum ex Iudæis, & ex sola Tribu Leui Deus assumebat Sacerdotes, & Leuitas; at Christus, vt hîc prædicit Propheta; ex omnibus gentibus eos elegit: vnde errat Kemnitius, dum perfidè asserit omnes Christianos esse Sacerdotes: nam apertè scriptura dicit ex Christianis Sacerdotes eligi; & consequenter non eo ipso, quòd Christiani fiunt, Sacerdotes illico esse, nisi prius assumantur, & ordinentur. Et postea prosequitur Propheta suam prophetiam, dicendo Deum facturum hanc nouam Ecclesiam multò perfectiorem, quàm Synagogam Ecclesiam antiquam, sicut post finem mundi perfectiorem terram, & cœlos nouos, perfectioresque facturus est. Deinde ipsos Christianos frequentius in templo Deum adoraturos; singulis mensibus, & singulis festis *coram facie Dei*, id est, Sacramento Eucharistiæ reuerenter asstituros, quod totum nostris oculis impletum videmus. Dicant modo nobis Iudæi, quid clariùs poterat Propheta loqui? Et vbi eius prophetia poterat plenius impleri, quàm in omnibus his, quæ nos, & ipsi suis oculis intuentur?

44. Aliqui Hebræi, licèt his rationibus conuicti, adhuc tamen se velle dicunt aliquod miraculum de nouo suis

oculis inspicere, & tunc ipsi conuertentur. Verum illis responderi potest id, quod Abraham Epuloni diuiti in Inferno damnato respondit: habent legem, & Prophetas: si illis credere nolunt; neque etiam si quis à mortuis resurgat, credent. Legant ipsi Prophetas, considerent legem, rimentur Psalmos, Euangelium scrutentur, Christi, & Apostolorum facta perspiciant; & si his non credant, noua certè ad credendum miracula frustra quærent.

45. Sed ab Hebræis inquirō, quod maius signum esse potest Christum verum esse Messiam, verumque Deum; quàm ex sola Apostolorum Prædicatione prædicantium venisse iam Messiam à sanctis Prophetis promissum, illumque fuisse à Iudæis crucifixum, & occisum; & post tres dies resurrexisse; & post 40. dies, in quibus se præbuit ipsis viuum, cum illis comedentem, & bibentem, & ab iisdem palpari se sinentem; & omnia, quæ ipse ante mortem prædixerat, verificantem, tandem cum maiestate, & gloria triumphantem; ad cælum spectantibus omnibus ascendisse; & solum ex horum testimonio gentes Christum confessæ sunt, falsosque Deos dereliquere; adoraruntque, adorant, semperque adorabunt hunc Crucifixum, vt Deum suum, Saluatoremque, & Redemptorem; idque non vnus populus, non vna Ciuitas, non vnum Regnum, non vna Natio, sed omnes Ciuitates, omnes populi, omnes Nationes; in quibus erant tot Reges potentiâ superbi, tot sapientes, scientiâ inflati; an hoc facere poterat humana potentia? Certè à Domino factum est istud, & est mirabile in oculis nostris. Si lex ista Christi ab Apostolis promulgata contineret libertatem carnis, armorumque requireret adiutorium, vt prorsus immunda, carnalis, & scelerata Mœtæ fatuitas, ac dementia; miraculum non foret illam sectari plurimos, dum mortales ad illecebras carnis naturâ ipsâ proni labuntur; & amore vitæ bella refugiunt, armaque detestantur. At lex Christiana illa est, quæ bellum indicit carni; vitia prohibet; humilitatem præcipit, labores, vigiliæ, ieiunia, asperitates, vitæ contemptum pro-

con-

conseruatione virtutis; & nihilominus legem hanc naturæ contrariam mundus sequitur vniuersus; & ipsi Apostoli, discipuli, alijque credentes pro hac religione seruanda, tuenda, defendendaque se vltro, & cum gaudio tormentis, cruciatibus, patibulo, igni, mortique offerebant; & sæpe pro vno martyre occiso mille, & ampliùs infideles ad fidem conuertebantur, videndo tot martyrum miracula, tot prodigia, tot monumenta virtutum, tantam in cruciatibus, & horribilibus tormentorum generibus lætitiā, & exultationem. Hocne potuit euenire, nisi ex diuina potentia, & ex efficacissima gratia Christi?

46. Præterea, si foret hæc Christi fides falsa, si foret hic Christus noster fabulosus; quæ esset Æterni Dei Patris prouidentia in filios, videndo hominem, qui se publicat Dei Filium, Messiam promissum, Saluatorem mundi, & nasci in Bethlehem, de Tribu Iuda, pauperem, humilem, sanctissimum, à Iudæis occisum, resurgentem, leges sanctissimas ferentem, Apostolos in vniuersum Orbem mittentem, & vniuersum mundum conuersum, adorantemque Deum ipsum, quem Iacob, Isaac, Abraham, David, alijque Patriarchæ adorarunt; (quæ omnia Deus prædixerat per Prophetas de vero Messia) quæ, inquam, foret Dei Patris prouidentia, si hic, cui hæc, quæ in scriptura sunt prædicta, conueniunt, falsus foret Christus; & non effecisset aliquod ingens miraculum, ad demonstrandum hunc falsum esse Christum? Verum è contrario hanc Christi Religionem tot confirmauit semper miraculis stupendis, quibus historiæ plenæ sunt, & ad nostrum vsque tempus continuat in sanctissimis hominibus, & sæminis pietate feruentibus, tot sanctissimorum Religiosorum Conuentibus, tot Monachorum, Eremitarumque Cænobijs spectabili sanctitate fulgentibus? Certè si hanc Christi fidem sequentes, decepti nos fuiffemus, Deus ipse nos deciperet, iniustusque foret; si sequentes hanc Religionem adèò sanctam, rationabilem, puram, rationi, sacrisque scripturis conformem damnaret, puniretque.

47. Igitur, ô infelices, miserabilesque Hebræi, & cer-
tè pro vestra cæcitate commiseratione, planctuque deplo-
randi, ad hoc tantum respicite signum; hoc enim vobis
Deus præcipuè signum ponit: *Et ponam in eis signum*, non
aliud quæritis signum; signate vos signo Crucis, in quo
est posita vestra salus. Sin autem alia signa desideratis: tria
vobis appono ex vestris etiam Rabbinis, qui in libro Bere-
scith rabba exponunt cap. vlt. Genes. in vericulo 23. *Locu-
tus est fratribus suis*: Vbi sic legitur: *Filius fratris Rabbi
Ioseph dixit: Tria signa dedit senex Ioseph fratribus suis.*
1. *Patebit in modo loquendi, quo ostendatur ipse Deus esse, di-
cendo: Ego sum.* 2. *Si Sacerdotes ex vobis consecrauerit.* 3. *Si
dixerit vobis, visitans visitabo vos: Iste erit Redemptor, ni-
mirum Messias.* Ecce signa, quæ Rabbini proponunt ad
cognoscendum Messiam Redemptorem. Omnia hæc si-
gna in Christo IESV sunt verificata. 1. quia Christus Sal-
uator noster, sæpius vfas fuit modo illo loquendi, dicen-
do: *Ego sum*: vt quando dixit Samaritanæ: *Ego sum, qui
loquor tecum.* Et discipulis: *Ego sum, nolite timere.* Et ca-
pientibus illum in horto Gethsemani: *Ego sum.* Et Pontifi-
ci: *Ego sum.* Et sæpe in alijs locis sacri Euangelij: in quo
ostendit se Deum esse, iuxta id, quod ipse dixerat Moyfi:
Ego sum, qui sum. Verificatum est in Christo secundum
signum: siquidem ordinauit Sacerdotes Apostolos, illosque
misit prædicare in vniuersum mundum. Verificatumque
est tertium signum: quando promisit se suos visitaturum
esse; dicens, quando ab illis discedebat ad Patrem: *Ego vo-
bis cum sum usque ad consummationem sæculi.* Ecce hæc tria
signa, ô Hebræi, quæ vobis assignant Rabbini vestri ad co-
gnoscendum Redemptorem Messiam in Christo IESV ve-
rificata: quid expectatis? Cur non creditis? Quid am-
plius desideratis? Cur decor ille speciosissimus vestros non
capit oculos? Vestras non allicit voluntates?

48. Hoc etiam signum vobis ostendo, ad quod si ve-
stræ mentis aciem dirigatis, vestrum non potestis nō agno-
scere Redemptorem. A 1692. Christiana durat Religio: Deus
illam

illam locupletat Sanctissimis Doctoribus, illustrat sanctissimis Prælatiſ, ornat ſanctiſſimis hominibus, confirmat miraculis; protegit Regibus, & Imperatoribus, condecorat templis, adeo ſumptuoſis, & magnificis, ornatis, & illuſtribus, vt nullibi præterquam in hac Chriſti Domini Sacroſancta Eccleſia tantus vnquam templorum ſplendor illuxerit. Si hæc Deo diſplicerent; quomodo durarent tranſactis iam ſexdecem ſæculis, & vltra; quin vllâ poſſint humanâ, diabolicaue potentiâ labefactari? Hoc certè ſignum eſt euidentiffimum diuinam eſſe fabricam, contra quam non poteſt vlla poteſtas Inferi præualere; prout Chriſtus ſeruator noſter, dum in terris vixerat, ante prædixit. Imò licèt multi Reges, & Imperatores, aliq; Principes infideles, Diabolo inſtigante, totis animi viribus, & conatibus procurarunt Eccleſiam Chriſti funditus euertere, non potuerunt: imò quot occidebant martyres fortiffimos, tot cædebant lapides firmiſſimos ad hanc ſublimem Eccleſiæ fabricam conſtruendam: ex ipſa clade vires, augmentumque deſumebant: ex ipſa ruina ædificium, & moles altiùs erigebatur. Si res foret humana, ſuperbâ hominum potentiâ periret; dum igitur nec diabolica, nec humana corruiſt poteſtate; remeſſe diuinam clariùs innotefcit. Idcirco Gamaliel, in quodam concilio Iudæorum in Ieruſalem pro Chriſtiana Religione extirpanda; (videbant enim Iudæi Chriſtianorum numerum in dies crefcere; & Moſaicam legem paulatim minui) hoc prudens dedit conſilium: vel hæc res ex Deo eſt, vel ex veritate hominum; ſi hoc ſecundum: non durabit, ſed in ſeiſpſa euaneſcet; ſi ex Deo, nullâ humanâ potentiâ poterit impediti. Conſtat hoc ex actibus Apoſtolorum: vnde, cùm iam ſuis oculis videant Hebræi ſanctam hanc Chriſti Religionem à tot annorum ſæculis, quauis in contrarium ſe opponente potentiâ, ſemper immotam perſiſtere, & inconcuſſam manere, in eaque Religionem, ſanctimoniam, & pietatem florere, ex Deo eſſe dubitare minimè debent.

49. Hebræi opponunt: Deum permittere à tot annorum

rum

rum sæculis perstare Mahumethis sectam ; quam tamen nos dicimus esse falsam ; cur ergo non potuit Deus ipse permittere vestram diu persistere, falsa licet foret ? Vana quidem obiectio Iudæorum . Non negamus Deum multa mala permittere, multosque errores sæpe non impedire ob altissimos suos fines, & incomprehensibile, inscrutabileque iudicium suum; nunquam tamen errores illos, falsamque aliquam superstitionem miraculis comprobavit ; at nostram Religionem ab exordio nascentis Ecclesiæ ad nostros usque dies stupendis miraculis, prodigiisque humanam naturam ; & diabolicam superantibus comprobavit, confirmavitque, nunquam verò Ethnicorum idololatriam, Mahumethanorum spurcitiam, Iudæorum perfidiam, & exorbitantem obstinationem, quas superstitiones, & deliramenta diu permittit, aliquo miraculo comprobavit; imò cū Religio Catholica doceat Sectas omnes sibi contrarias esse falsas, quot miracula confirmant Catholicam Religionem, hoc ipso simul aliarum falsitatem manifestant. Neque aliæ falsæ superstitiones ullis distinctis egent miraculis, vt à Deo reprobatae esse censeantur : cū per seipsas illæ appareant impiæ, iniquæ, & sceleratae : idololatria enim iuri ipsi naturali, rectæque rationi repugnat ; Turcarum, Mauro- rumque spurcitia, & carnis immunditia, impuritasque seipsam condemnat. Hebræorum vesana, execrabilisque dementia legi, ac Prophetis repugnat ; si enim ipsi perfidi Iudæi velint serio legem, Prophetasque legere ; seduloque rimari, apertè videbunt legem gratiæ, Christumque Redemptorem in Scripturis Sacris, sanctissimisque prophetis clarissimè contineri : vnde omnes illi perfidi falsarum superstitionum Sectatores nullam excusationem habent; & nisi Christianam Religionem susceperint, perpetuò damnabuntur ; & atrocius Hebræi punientur ; dum ad illos primum verbum Dei est missum ; quibus primum fuerat promissum .

50. Præterea primi Christianæ Militiæ duces Iudæi fuerunt, à Deoque illustrati, & à Diuina, incarnataque Sapien-

Sapientia immediatè edocti ; prout etiam Prophetæ prædixerant , vt supra ostensum est ; & tot , tantaque miracula patrauerunt ; vt Hebræi ipsi obstupescerent , multiq; quotidie conuerterentur ; fructusque istius conuersionis vbiq; videbatur in omnibus fidelibus , nimirum charitas , castitas , humilitas , misericordia , modestia , benignitas , diuitiarum contemptus , timor Domini sanctus , pietas , pax , & aliæ virtutes , donaque Spiritus Sancti ; in multis donum prophetiæ , donum linguarum , sacrasque scripturas rectè interpretandi diuina quædam facilitas , spirituum discretio : quæ omnia non nisi à Sancto Spiritu profluere poterant . Hoc est manifestissimum nostræ Religionis Christianæ signum , & irrefragabile argumentum ; ad quod debent Hebræi , si salui esse desiderant , oculos mentis dirigere ; ac nullum aliud de nouo signum quærere ; & hoc signum in hac supradicta prophetia posuit Propheta , dicens : *Et ponam in eis signum* , &c.

CAPVT SEXTVM.

*Propouuntur quinta , & sexta probatio , quibus contra Iudeos probatur iam venisse Messiam , qui est
Christus IESVS.*

51. **Q**uinta probatio sic efformatur . De Messia prædictum est per Prophetam , quòd subiugaturus esset Romam : sed nunc videmus Romam Christo esse subiugatam : ergo iam venit Messias , & est Christus IESVS , quem nos Christiani colimus , vnicè diligimus , & adoramus . Hæc consequentia non potest à Iudæis negari , nisi dementes sint . Minor illis est aded certa , vt ab iisdem experta Romæ , in qua ipsi subduntur Christo in suo Vicario , non tanquam filij , sed vt mancipia , & miserabiles serui , multò quidem miserabiliores : quia cùm liberi esse possint , & filij , sponte sua in seruitute vili iacent sordidi , quia per sistunt surdi : sed ideo Christus sum-

summâ clementiâ eos ibi tolerat, vt sanctæ Ecclesiæ clamoribus excitati, à graui suæ obstinationis lethargo resurgant; quod sæpe multis euenit, qui, diuina inspirante gratia, sacro baptismi fonte lustrantur; & ad filiorum libertatem excusso diabolicæ seruitutis iugo feliciter adducuntur. Itaque minor, & consequentia syllogismi nostri ab Hebræis non negantur. Probatur iam maior, quòd, scilicet per Prophetas prædictum fuerit Messiam subiugaturum esse Romam illam nobile caput mundi. Id clarissimè constat ex Isaia cap. 26. num. 1. *In die illa cantabitur canticum istud in terra Iuda. Vrbs fortitudinis Sion, Saluator ponetur in ea murus, & antemurale. Aperite portas, & ingredietur gens iusta custodiens veritatem. Vetus error abiit: seruabis pacem; pacem: quia in te sperauimus. Sperastis, Hebraicus habet: Sperate in Domino in sæculis æternis: in Domino Deo forti in perpetuum: quia incuruabit habitantes in excelsu, Ciuitatem sublimem humiliabit: humiliabit eam vsque ad terram, detrabet eam vsque ad puluerem. Conculcabit eam pes: pedes pauperis, gressus egenorum.* Id est, in die aduentûs Messiæ, in terra Iuda, id est, in Regno Christi, quod est Ecclesia, terra, & hæreditas Christi de Tribu Iudæ; illius enim hæreditas desumpta est ex gentibus, iuxta illud: *Dabo tibi gentes hæreditatem tuam.* Cantabitur; id est, celebrabitur cantu Ecclesiastico, vt sit modò in Ecclesiâ, dum cantatur fortitudo Ecclesiæ Christianæ, in templorum dedicatione, decantatis illis Hymnis: *Cœlestis Vrbs Ierusalem*, & alijs, præcipuè in illa Matrice Romana omnium Ecclesiarum sub solemnitate Saluatoris; & ideo dicitur, *Vrbs Sion, Saluator.* Ponetur in ea murus, id est, Christus, & antemurale, id est, Apostoli, & alij Sancti, à Christo spiritualiter geniti, & ideo alij apud nostrum Cornelium, *Antemurale*, vertunt, *filius muri*. Murus etiam intelligitur Sacra Scriptura, scilicet vetus testamentum, & nouum, quod est Sacrum Euangelium; antemurale, intelligitur ius Canonicum ex Sacris Concilijs, & Pontificum decretis; quæ Sacra Scriptura, & Concilia, sunt murus for-

fortis, & antemurale : quibus Ecclesia Christi conseruatur firma, & stabilis; & omnino inexpugnabilis. Et mox vertit sermonem ad ipsos Israelitas, ex quibus Apostoli prodierunt, dicens: *Aperite portas*, id est, Apostolos; qui sunt duodecim portæ, per quas ingressæ sunt gentes, *gens iusta*, id est, iam fidelis; iuxta illud, *iustus ex fide uiuit*; *custodiens veritatem*, id est, veram fidem, & veram Religionem ad consequendam salutem æternam, quia solum in Ecclesia Christiana vera fides, vera Religio, salusque reperitur: & ideo textus Hebræus habet: *Vrbs fortitudinis Sion, salus*.

52. *Vetus error abiit*; id est, idololatria; quia gentes hanc sanctam Ecclesiam ingressæ, quæ per errorem Deos falsos colebant, iam expulso veteri errore verum Deum adorant. *Seruabis pacem, quia in te sperauimus*. Vertit Propheta sermonem ad Christum, quasi diceret: ò Sanctissime Saluator Messia pacem nobis dedisti, dicens: *Pacem relinquo vobis, pacem meam do vobis*: hanc ergo pacem seruabis nobis; quia in nullo iam, nisi in te salutis nostræ æternæ spem collocauimus. Mox Propheta sermonem dirigit ad fideles, dicens: *Sperate in Domino in seculis æternis*, id est, in æternum; vt statim se explicat, dicens: *In Deo forti in perpetuum*; *in Deo forti*, id est, in Messia; qui à Prophetis dicitur *Deus fortis*; vt supra vidimus. *Quia incuruabit habitantes in Excelsis*; id est, Romanos habitantes Romæ, vt explicant ipsi Rabbinii infra allegandi, quasi diceret: Vos fideles Christiani, qui per portas Apostolorum Petri, & Pauli iam ingressi estis in Christi Dei fortis Ecclesiam; non timeatis superbos istos Romanos Imperatores, Neronem, Diocletianum, & alios Ecclesiæ persecutores; qui Romæ habitantes Romanum tenent Imperium: quia Christus, qui est Deus fortis, faciet eos incuruari, & genua flectere ante Christum in hac Ecclesia; vt euenit Constantino Imperatori, alijsque Imperatoribus Christianis; atque adeò erunt humiles Agni, qui ante fuerant Lupi superbi, & rugientes Leones. *Ciuitatem sublimem*, id est,

Romam, iuxta ipsos etiam Rabbinos, *humiliabit*: ut illam iam videmus à multis sæculis humiliatam, & reuerentem ad pedes Christi. *Humiliabit illam usque ad terram*: quasi diceret; prius ipsa sublimis Roma solo æquabitur; & conculcabitur pede pauperis, id est, Petri; qui illam domuit non armis, sed paupertate, spiritu, & prædicatione Evangelica, & pedibus egenorum, id est, suorum successorum: qui illam spiritualibus, & non materialibus armis expugnarunt, & Christo tributariam effecerunt.

53. Hæc est huius prophetiæ vera, germanaque declaratio, quam multi sacri expositores nostri tenent apud nostrum Cornelium super hunc textum; quamvis ipse prophetiam illam intelligat de gloria Paradisi, ac de Ecclesia triumphanti: cæterum id verum est in sensu mystico, non literali: quia in literali omnia conueniunt Ecclesiæ militanti, Romanæque Urbis, non Orbis excidio. Et ita etiam Rabbinii hanc prophetiam exponunt: sic enim ait Rabbi Salomon: *Habitatores Excelsi sunt Tyro, populusque illius, atque Italia; pedes pauperis, iste est Messias*. Ex quibus verbis Prophetæ, & Rabbiorum eruitur Messiam subiugaturum esse Romam. Et Rabbi Abraham bene Esdra exponendo eandem prophetiam, sic dicit: *Pedes pauperis: dictum est de Rege Messia, de quo scriptum est: ecce Rex tuus pauper sedens super asinam. Et existimo dixisse, habitatores Excelsi per Edom: nam vox illa Excelsum denotat Romam: siquidem hæc duo vocabula Roma, & Marom idem significant; & cum dicit Ciuitatem sublimem, Ciuitatem fortem intelligit: quæ vocabula idem significant, & ad significandum Romam dicta sunt*. Hactenus Rabbi Abraham. Et Rabbi Salomon, dum per gressus egenorum explicat Israelitas, non potest aliter intelligi, quam per Apostolos, qui verè Israelitæ fuerunt, & pauperes, ac egeni, & Christum pauperem sunt secuti, & Romam pedibus calcarunt, Christi-que virtute domuerunt, & illam eidem Christo subiugauerunt; Romam Ethnicam destruentes, & Romam Christianam ædificantes.

54. Ex quibus instauratur nostra contra Iudæos argumentatio. Quando Messias venerit, Romam subiugabit, vt exprellit Propheta, & interpretantur Rabbini: Roma est subiugata Christo, à multis iam sæculis: vt nostris oculis videmus: ergo Christus à multis iam sæculis venit. Vnde, ò Iudæi, si negatis prophetiam, estis hæretici contra vestram scripturam; si negatis consequentiam, estis stolidi contra lumen rationis: ergo, ne sitis stolidi, concedite consequentiam; ne sitis hæretici, non negetis scripturam.

55. Sexta probatio iam venisse Messiam desumitur à Propheta Isaia cap. 60. Vbi postquam prædixit aduentum Messiae tanquam lumen mundi, & gloriam Domini, gentes ad fidem conuersas; Ecclesiam Dei constitutam; sublatum peccatum, mundum redemptum, omnes iustos, populum Dei, in cœlo regnatos in perpetuum, in vltimo versiculo subiungit: *Ego Dominus in tempore eius subito faciam istud*, id est, citò Messiam mittam. Quæ verba Propheta exponendo Ialcut ita dicit: *Scriptum est: Messias tempore suo veniet; scriptum est: Messiae tempus accelerabo. Si tempore suo, quomodo anticipabitur; si anticipabit, quomodo tempore suo?* Et tunc soluit difficultatem hac distinctione; *si non demereantur, anticipabo; si mali sint, tempore suo mittam*: tempus autem destinatum, & præfixum allignat Daniel. cap. 9. Et ipse Isaïas cap. 54. vt infra dabimus. Ipse autem Isaïas significans citò venturum Messiam dicit cap. 66. num. 7. *Antequam parturiret, peperit: antequam veniret partus eius, peperit masculum*. Et subiungit: *Quis audiuit vnquam tale? Et quis vidit huic simile? Nunquid parturiet terra in die vna? Aut parietur gens simul? Quia parturiuit, & peperit Sion filios suos, &c.* Dicit hîc Propheta populum similem esse foeminæ parturienti; iuxta Rabbinos, & iuxta Targum; & significare voluit populum Hebræum, antequam haberet grauem tribulationem captiuitatis vltimæ (quam tribulationem exponunt ipsi per dolorem partus) pariturum fuisse filium masculum, Messiam per filium masculum intelligentes. Quia tamen vi-

debatur res noua, & incredibilis, quod prius fuisset partus, & postea partus dolor sequeretur, ideo addit: *Quis audiuit unquam tale?* Quod verò Propheta loquatur de Messia venturo ante illum partus dolorem, seu tribulationem captiuitatis vltimæ, in qua nunc sunt Hebræi, bene Galatinus lib. 4. cap. 11. pag. 116. cum sapientioribus Rabbini: quamuis aliqui minus docti Rabbini fallantur, existimantes vocem Terem in textu Hebraico idem valere, atque dum aduerbium latinum, & sic falsò putant destructionem Ierusalem non post Messiam, sed dum vixerit in terris Messias, peragendam esse. Sed vocem illam Terem significare, *Antequam*, ostendit cit. Galat. pag. 118. ex doctioribus Rabbini: & ideo antequam Iudæa pateretur dolorem ruinæ Ierusalem, significatum per dolorem partus, Synagoga per Virginem MARIAM Sanctissimam, semper Virginem purissimam, peperit Christum, videlicet 75. annis ante Ierosolymæ, templique secundi ruinam. Vide, quæ Targum dicit exponendo hunc textum. Sic enim ait: *Antequam veniat illa angustia, erit saluata Israel; & priusquam ei veniant illi partus dolores, erit reuelatus, & manifestatus Rex Messias:* volens significare, quod, antequam veniret illa captiuitas vltima, & perpetua dispersio; in qua sunt de præfenti, & erunt vsque ad finem mundi, venturus esset Messias. Et in lib. Ialcut signo 371. exponendo eundem versiculum Isaïæ, sic dicit: *Antequam natus sit subiugator principalis populi Hebræi, natus iam erit Redemptor vltimus, nimirum Messias.* Nunc sic. Principalis subiugator populi Hebræi fuit Titus, & Vespasianus Pater, Romanorum Imperator; tum quia fuit atrocissima omnium, quas passi sunt Hebræi, subiectio; vt narrant illius tempestatis historici; tum quia ab eo tempore nostrum ad vsque tempus flagellum illud perseuerat: si ergo Messias venire debuerat, antequam natus esset Titus, & hic est iam mortuus ab hinc tot sæculis, necessariò fateri debent Hebræi, iam venisse Messiam.

56. Opponent Hebræi, illam vocem Riscion, quam
nos

nos assumimus ad significandum principale, non significare principale, sed primum: ergo non potest intelligi de Tito, qui non fuit primus subiugator; nam ante Titum fuit subiugator Pharaos, & postea Babylone Nabuchodonosor. Respondetur; cum ista prophetia fuerit pronunciata multo tempore post mortem Pharaonis, qui fuit primus populi Hebræi subiugator, si vox Riscion significasset primum, iam non posset intelligi de Pharaone; neque etiam posset intelligi de Nabuchodonosor: quia si ita de illo posset intelligi, dici oporteret, quod Messias venisset ante Nabuchodonosor; quod tamen ab omnibus negatur: Christus verò fuit natus, antequam Titus nasceretur; qui fuit subiugator populi Hebræi: ergo vox Riscion non potest ibi significare primum, bene tamen significat principale: nam licet hæc vox in aliquibus Sacræ Scripturæ locis primum significet; in multis alijs locis significat principale; ut bene ait Rabbi David Chimchi in suo Dictionario in radice rosc, ubi adducit versiculum illum 13. cap. 10. Danielis: *Et Ecce Michael unus de Principibus primis*. Et ibi exponit illam vocem Riscionim; quæ est plurale vocis riscian, ita ut significet principalis: non enim potest intelligi de primis ordine temporis; siquidem Angeli omnes fuerunt creati simul: ergo licet in priori illo textu illa vox riscion ponatur, non debet intelligi de Tito subiugatore primo ordine temporis; sed de principali subiugatore, sicut verè fuit Titus, iuxta ea, quæ supra diximus. Ex quo patet prophetiam verè intelligendam esse, ut Messias venire deberet, antequam vltima captivitas, & dispersio facta esset per Titum, in qua nunc sunt Hebræi, & erunt semper usque ad finem mundi; & consequenter venisse iam Messiam, non debent Hebræi vlla ratione dubitare.

57. Vellem ego, legissent Hebræi doctiores, probatoresque suos Rabbinos, & præcipuè Rabbi Moysen Addarscian illorum doctissimum, & probatissimum prædicatorem, & Scripturæ interpretem: à quo se didicisse Magistro fatetur Rabbi Salomon; & certè eorum desiderio fieret satis:

fatis : ille enim melius , quàm cæteri , declarat dictum Rabbinorum allegatum in libro Ialeut ; exponitque versiculum citatum Isaïæ , dicens : *Antequam sit ille natus , qui ablegaturus est populum Hebræum in vltima captiuitate , nascetur Redemptor , nimirum Messias* . Ex quibus verbis constat , nasciturum esse Messiam ante vltimam captiuitatem , in qua nunc miserabiliter iacent Hebræi . Ex his fit euidentissima demonstratio contra Hebræos . Vltima captiuitas , seu dispersio populi Hebræi fuit facta per Titum , qui ab hinc mille sexcentis annis mortuus est ; vt nullus negat : Messias debebat nasci ante dolores vltimæ captiuitatis , vt prædixit Propheta , & explicat Targum cum probatoribus Rabbinis ; ergo Messiam ab hinc 1600. & vltra venisse necessariò debent Hebræi concedere , & est Christus IESVS , qui ante Titum natus est annis iam transactis 1692. postquam ille in Bethlehem , ex Beatissima semper Virgine MARIA , prout prædixerant Prophetæ , est natus ; & constat ex Euangelica historia .

§ 8. Additur id , quod dixit Isaïas cap. 65. num. 1. *Custodite iudicium , & facite iustitiam : quia iuxta est salus mea , vt veniat : & iustitia mea , vt reueletur* . In quibus verbis ostendit Deus citò Messiam salutem mundi venturum esse ; dicendo , *iuxta est , vt veniat* . Igitur , si tam citò venturus erat Messias ex testimonio diuino , & si venturus erat , ex eodem diuino testimonio , ante vltimam captiuitatem , & dispersionem ; quomodo esse potest , vt sint iam transacti 2278. anni à tempore , quo Isaïas protulit illam prophetiam , & non venerit iam Messias ? Oportet igitur credere , si non simus rationis expertes , iam venisse Messiam , & esse Christum IESVM ; qui quidem natus est , annis 1692. à sua natiuitate transactis ; & antequam natus esset Titus Romanorum Imperator , qui posuit Hebræos in ista vltima dispersione , in qua nunc sunt , & vsque ad finem mundi manebunt .

CAPVT SEPTIMVM.

Proponitur septima demonstratio aduentus Messiae ex reprobatione populi Hebræi.

59. **S**eptimò demonstratur contra obcæcatos Hebræos Christum verum Messiam iam venisse, ex illorum reprobatione. Vnde sic formatur demonstratio; Prophetæ dicunt, quando Messias venerit; populum Hebræum esse à Deo reprobandum, & deferendum; gentesque ad fidem Messiae vocandas, & conuertendas; sed postquam Christus venit, populus Hebræus fuit à Deo reprobatus, & derelictus; & gentes fuerunt ad fidem Christi vocatæ, & conuersæ, vt nostris oculis nunc videmus: ergo vel prophetiæ sunt falsæ, quod Hebræi non dicent; vel Messias iam venit; & est Christus IESVS. Legantur iam prophetiæ. Prima est Oseæ cap.9. num.15. *Propter malitiam adinventionum eorum de domo mea eiiciam eos; non addam, vt diligam eos: omnes Principes eorum recedentes.* Quasi diceret: excogitauerunt Iudæi mille dolos, falsa testimonia, accusationes, insidias, maligna conciliabula iniere, vt me Messiam suum perderent, & occiderent: sed ego propter hæc illorum flagitia ab Ecclesia domo mea eos eiiciam; & non iterum eos diligam: eorum Principes omnes recedent, & non ampliùs erunt. Et num. 16. *Abijciet eos Deus meus; quia non audierunt eum, & erunt vagi in nationibus.* Loquitur hîc Propheta, quasi diceret: quia non audierunt Christum verum Messiam Deum meum; ideo ipse illos abijciet, & reprobabit, eruntque vagi, ac per nationes alienas dispersi.

60. Idem Oseas cap.1. num.6. *Voca nomen eius absque misericordia: quia non addam ultra misereri Domui Israel; sed obliuione obliuiscar eorum.* Et num.9. *Voca nomen eius, non populus meus: quia vos non populus meus; & ego non ero vester.* Et idem in c.4.n.5. *Corruet hodie, & corruet etiam*
Pro-

Propheta tecum. Quod quidem videmus nunc impletum: quia à tempore, quo eiectioni sunt propter occisionem Messie; corruit illa Monarchia Hebræa, & nulli inter eos dispersos per varias Nationes Prophetæ ampliùs extitere, neque iam eos vnquam sunt habituri. Et num. 6. *Quia tu scientiam repulisti, repellam te, ne Sacerdotio fungaris mihi*. Id est, quia noluisti à Messia Doctore, ac Magistro tuo scientiâ instrui: quia scientiam, seu Sapientiam incarnatam à Ierusalem repulisti, vulnerasti, percussisti, crucifixisti, & abstulisti vitam Authori vitæ tuæ; ideo te reprobaui, reieci, dispersi, vt iam non habeas Sacerdotium, nec vllum mihi offeras Sacrificium: quia nulla tua oblatio mihi acceptabilis est, imò execrabilis, & abominabilis: *Oblita es legis Dei tui, obliuiscar filiorum tuorum & ego*. Id est, noluit recordari legis scriptæ, quæ de me loquebatur; neque legis gratiæ, per quam tibi loquebar; quæ vtraque lex erat lex Dei tui; siquidem ego ipse, qui loquebar tibi per legem scriptam, tibi iam factus homo ex generatione tua locutus fui per legem gratiæ: *Oblita es legis Dei tui, ideo obliuiscar filiorum tuorum & ego*.

61. Secunda prophetia est Prophetæ Amos cap. 5. n. 1. *Israel cecidit, & non adiiciet, vt resurgat. Virgo Israel proiecta est in terram suam; non est, qui suscitet eam*. Sed non potest Propheta intelligi de prima dispersione in Ægyptum: nec de secunda in Babylonem; quia de vtraque redierunt: ergo de hac tertia, quia iam ex mille, & sexcentis annis, & ultra à sua illa ruina, & dispersione non surrexerunt, neque ad finem vsq; mundi resurgent. Et idem Amos c. 6. n. 8. *Iurauit Dominus Deus in anima sua, dicit Dominus Deus exercituum: detestor ego superbiam Iacob, & domos eius odi, & tradam Ciuitatem cum habitatoribus suis*. Quod quidem impletum est in destructione Ierusalem, & dispersione Iudæorum facta per Titum, quem Deus sumpsit vt flagellum ad eos sic flagellandum. Et mox num. 13. huius causam assignat tam atrocis supplicij: *Quoniam conuertistis in amaritudinem iudicium, & fructum iustitiæ in absinthium,*

thium. Id est, quia, cū Messias venisset, vt faceret iudicium, & vt vos iustificaret, & saluaret; conuertistis ipsum iudicium, & iustitiam, seu supremum vestrum Iudicem, & iustificatorem dulcissimum in amaritudinem Crucis, in qua ipsum filium Dei, & Saluatorem vestrum iniustissimè posuistis. Breuius; dispersi estis, quia Christum crucifixistis. Et quamdiu in hoc peccato perstiteritis, in hac dispersione, & exilio permanebitis: quia Deus verissimus, summèque misericors est; pœnitentibus illico miseretur; impœnitentibus nunquam dimittit.

62. Tertia prophetia est Prophetæ Isaïæ cap. 24. nu. 20. *Et grauabit eam iniquitas sua, & corruet; & non adiciet, vt resurgat*. Id est, populus Hebræus, qui Messiam suum summa iniquitate interficiet, pondere huius horribilis sacrilegij grauatus corruet; & non ampliùs resurget.

63. Quarta prophetia est Ieremiæ 15. nu. 1. *Si steterit Moyses, & Samuel coram me, non est anima mea ad populum istum: eijce illos à facie mea, & egrediantur*. Id est, propter horribile peccatum Iudæorum non recipiendo me; imò me interficiendo, nec etiam sanctis maximæ sanctitatis intercedentibus, ad eos, vtpote de suo peccato impœnitentes, affectum dirigam: sed egredientur eiekti à Ierusalem, vt non ampliùs reuertantur. Et num. 5. *Quis enim miseretur tui Ierusalem? aut quis contristabitur pro te? aut quis ibit ad rogandum pro pace tua?* Quasi diceret. Non erit iam tibi Rex, aut Princeps, qui mittat legatum, pro pace obtinenda, sed perpetuò in captiuitate, dispersioneq; permanebis. Et num. 6. dat rationem, causamque assignat huius Hebræorum infelicissimi infortunij, dicens: *Tu reliquisti me, dicit Dominus, retrorsum abiisti; & extendam manum meam super te, interficiam te: laboraui rogans* Quasi diceret: Tu, ò popule Hebræe, reliquisti me, & Cæsarem vt Regem tuum voluisti, dicendo non habemus Regem, nisi Cæsarem; recepisti homicidam, & sceleratum, & me authorem vitæ, innocentem, & iustum deseruisti, & ad mortem iniustissimam impulisti; ego destruiam te, & di-

spergam ; omnem conatum adhibui, vt te ad regnum, ad
 pacem, ad quietem adducerem ; prædicando, docendo, ro-
 gando . *Laboravi rogans* . Idem Ierem. lamentat. cap. 5.
 num. 20. inquit à Deo sic: *Quare in perpetuum obliuisceris*
nostri ? derelinques nos in longitudinem dierum ? Cui inter-
 rogationi respondit Dominus. Ierem. prophetiar. cap. 8.
 num. 5. *Apprehenderunt mendacium ; & noluerunt reuerti ;*
i, apprehenderunt falsam cogitationem, scil. me suum non
esse Messiam, suum Redemptorem, & Saluatorem ; & in
hoc apprehenderunt mendacium ; quia ego verus Messias
sum, qui loquor eis ; & ideo sic decepti non reuerterunt
ad me . Et num. 6. Attendi, & auscultau ; nemo, quod bo-
num est, loquitur : nullus est, qui agat pœnitentiam super
peccato : dicens, quid feci ? quasi diceret : ego eos audiui, &
 omnes loquebantur blasphemias contra me ; calumnias,
 falsa testimonia, contra me eructabant : & quod peius est,
 de peccato homicidij, aut Deicidij, quo me è cruce suspen-
 derunt, post vulnera, post flagella, post coronam spina-
 rum capiti meo impositam ; post clauos, quibus me affli-
 xerunt ; post fel, & absynthium, quæ mihi potanda inhu-
 maniter porrexerunt ; post lanceam, qua latus meum
 aperuerunt ; nullus est, qui de hoc grauissimo peccato do-
 leat, pœnitentiamque agat ; & ad me reuertatur . Et n. 7.
Miluius in cœlo cognouit tempus suum : turtur, & hirundo, &
ciconia custodierunt tempus aduentus sui : populus autem
meus non cognouit iudicium Domini ; id est, Aues illæ ratio-
ne carentes cognouerunt tempus aduentus sui ; populus
autem meus non cognouit tempus aduentus mei : qui ve-
ni ad faciendum iudicium rectum, ad iustificandum, re-
dimendum, & saluandum illum ; cum tamen per Prophe-
tas, per miracula, per alia signa manifesta potuissent co-
gnoscere illud esse tempus aduentus mei, & me cognosce-
re, recipere ; & noluerunt ; & adhuc obfistunt, reluctan-
tur, aduersanturque ; hæc est tota causa, cur ego illo-
rum oblitus sum, eosque ad finem vsque mundi meritò
dereliqui .

64. Quinta prophetia de hac Hebræorum reprobatione habetur in Deuteronomij cap. 32. num. 18. *Deum , qui te genuit , dereliquisti , & oblitus es Domini Creatoris tui: vidit Dominus , & ad iracundiam concitatus est: quia prouocauerunt eum filij tui , & filia: & ait: Abscondam faciem meam ab eis , & considerabo nouissima eorum: generatio enim peruersa est , & infideles filij .* Id est , quia Messiam verum Deum Creatorem tuum non agnouisti , nec recepisti ; idcirco faciem meam abscondam a te , o popule Hebræe , id est , non miserebor tui , sed procurabo nouissimis tuis , scil. ultimo iudicio , morte , inferni cruciatibus te iustissimè affligere .

65. Sexta prophetia de Hebræorum reprobatione habetur in psalmo 2. vbi postquam Propheta prædixit mortem Christi; ad quam Herodes, Pilatus, & Principes Iudæi concurrerent , in illo versiculo 2. *Asiterunt Reges terræ; & Principes conuenerunt in unum aduersus Dominum, & aduersus Christum eius: dixit num. 4. Qui habitat in celis, irridebit eos, & Dominus subsannabit eos.* Id est , Christus, qui ascendens in cælum iam ibi habitat, illos puniet , reprobabit , ablegabitque; & Pater Æternus in loco illorum Rebellium , Regnum , & hæreditatem ex gentibus constitutam filio suo dabit. ibi n. 8. *Dabo tibi gentes hæreditatem tuam; & possessionem tuam terminos terræ.* Et n. 9. Pater vertens sermonem ad Rebelles Hebræos loquitur sic Messia filio suo: *Reges eos in virga ferrea, & tanquam vas figuli confringes eos .* Id est , istos rebelles, & obstinatos Hebræos, qui noluerunt esse hæreditas , Regnum , & populus tuus: reges, non suauitate Sacramentorum , Sacroque Eucharistiæ pane pascere , ac dirigere , sicut filios tuos fideles : sed iudicio acerbissimo , & ferreo , sicut vilia mancipia tractabis , & in carcere perpetui exilij frænabis: & confringes sicut vas figuli , quod confractum inutile iam redditur ad cælestes aquas recipiendas ; id est , inutiles erunt ipsi miserabiles Hebræi ad recipiendam gratiam Sacramentorum , quæ solum fideles baptizati recipiunt .

66. Hanc etiam Hebræorum reprobationem fatentur illorum Rabbinī, vt legitur in libro Ialcut in cap. 4. super Ezechiel. vers. 3. vbi sic dicitur: *A die destructionis Templi fuit interpositus murus ferreus intra Israel, & Patrem eius, qui in Cœlis est, sicut scriptum est in Ezech. loco cit. Et tu sume tibi sartagine ferream, & pones eam murum ferreum inter te, & inter Ciuitatem;* quibus docere voluit, quod post templi ruinam inter Deum, & Hebræos interponendus sit murus ferreus, ne scilicet orationes, & preces eorum ad Deum transeant, id est, ne ipsi à Deo exaudiantur. Et hoc ipsum experientiâ compertum est; siquidem transactis 1680. annis, in quibus illi continuas effundunt preces ad Deum, ab illo non exaudiuntur; & illis à Deo reprobatis, ac derelictis, gentes in populum suum dilectum elegit. Vt autem hanc reprobationem Deus illis manifestaret, 4. signa manifestissima eisdem præbuit. 1. fuit, quod 40. annis ante templi ruinam, in quo tempore Christus fuit in Monte Caluario à Iudæis crucifixus, fors manus dexteræ cessauit. 2. quod splendoris lingua, quæ erat parua quantitas lanæ rubræ in figura lingue, non ampliùs candorem acquirebat. 3. quod lucerna vespertina ab eo tempore semper exinguebatur. 4. quod vastæ illæ Templi portæ, quæ vix à 20. hominibus antea poterant aperiri, ab eo tempore à seipsis, nullâ hominum quæsitâ industriâ aperiebantur. Hæc omnia habentur in Thalmud in tractatu dicto Ioma, titulo de die expiationis cap. 4. vbi leguntur hæc verba fideliter translata. *Quadraginta annis ante ruinam Templi (qui fuit annus Passionis Domini) non ampliùs fors illa dexteræ manus obuenit, nec splendoris lingua reddita fuit alba, nec Vespertina lucerna ardebat; & Templi portæ per seipsas aperiebantur, semperque apertæ inueniebantur.* Hæc sunt verba Thalmud, quæ etiam in libro Ialcut, super Zachariam cap. 5. 1. reperiuntur. Ex his quatuor signis à Deo datis populo Hebræo manifestè patet, Deum iam nolle illum populum, nisi Christum acceptet, & vt suum Saluatorem recognoscat; & quamdiu ipse stultus

tus populus in sua fuerit obstinatione, esse à Deo reprobatus, & nolle se ab vno tantum populo adorari, sed ab omnibus Nationibus totius mundi, quas omnes Christus Dominus redemit in cruce pro omnibus passus.

67. Ut autem hæc 4. signa melius intelligas, illa oportet hic paulò ampliùs explicare. Quoad primum scire debes, quòd in solemnì expiationis die; in qua credebant Hebræi Deum ipsis peccata populi remittere, statuebantur ante summum Sacerdotem duo hirci; vnus ad dexteram, alter ad sinistram summi Sacerdotis; ex quibus, qui ad dexteram erat, significabat populum Hebræum; qui verò ad sinistram, populum Gentilem. Ille autem, qui populum Hebræum significabat, offerendus erat Deo in sacrificium pro peccatis populi; alter verò, qui significabat populum Gentilem, eiiciendus erat in desertum, ad Azazel, id est, ad Dæmonem. Positis igitur duobus his hircis: vno ad sinistram, altero ad dexteram Sacerdotis; faciebant duas schedulas; in vna erat scriptum, *Deo*; in altera, *Azazeli*, seu *Dæmoni*. Schedulæ sic scriptæ in vas quoddam mittebantur; & inde sorte educebantur, & vna supra vnum hircum, altera super alterum ponebantur. Res mira! semper schedula, in qua erat scriptum, *Deo*; Sorte obueniebat hirco posito ad manum dexteram Sacerdotis; illa altera semper obtingebat hirco posito ad sinistram; per quod Deus maxima cum Hebræorum exultatione significabat populum Hebræum tunc esse electum, fidelem, Deoque placere; & populum Gentilem reprobum esse, diabolique seruire; & ideo solus ille dexter Deo sacrificabatur; sinister verò in solitudinem, tanquam reprobus eiiciebatur. Postquam verò Christus Dominus crucifixus est, semper fors felix obueniebat hirco posito ad sinistram; & fors sinistra obueniebat hirco posito ad dexteram; per quod Deus illis significabat, post mortem Redemptoris sortes esse mutatas, Gentilem populum esse electum, fidelem, & Deo placentem; & populum Hebræum reprobum, infidelem, & Deo execrabilem, quamdiu Saluato-

rem suum pro eis crucifixum non agnouerint, Christianamque eius legem non acceperint; & baptismum non susceperint.

68. Quantum ad secundum signum. Solebant Hebræi eadem die inter cornua hirci vnā partem lanæ rubræ ponere; quam splendoris linguam appellabant: & ibi manebat vsque ad finem celebrationis sacrificij; & eo finito, & venienti iam tempore eiiciendi hircum ad solitudinem, lana illa rubra reddebatur alba, sicut nix; & hoc erat signum Deum peccata populi remisisse, iuxta illud Isaïæ 1. num. 18. *Si fuerint peccata vestra, vt coccinum, quasi nix dealbabitur: & si fuerint rubra, quasi vermiculus, velut lana alba erunt.* At postquam ipsi Hebræi crucifixerunt Dominum, illumque acceptare noluerunt verum Messiam, Redemptoremque suum; non ampliùs lana illa rubra reddita est alba, sed remanebat rubra, sicut antea. Quod erat signum euidentissimum, quòd Deus illis non remittebat peccata, cum ipsi manus sacrilegas respersas habuissent Sanguine Christi veri Messiae; quin illos pœniteret peccati illius horribilis, quo effecerunt, vt Christus verus Messias crucifigeretur: & impleretur id, quod dictum est per eundem Prophetam Isaïam eod. cap. 1. num. 15. *Et cum extenderitis manus vestras, auertam oculos meos à vobis: & cum multiplicaueritis orationem, non exaudiam: manus enim vestræ sanguine plene sunt.* Non remittet Deus illis peccata, quamdiu illarum manus sint respersæ sanguine Messiae occisi; vt semper sunt, quando eos non pœnitet illius peccati; & non acceptent Christum vt verum Messiam, lauando se salutari aqua baptismi; vt mox illos ad hoc exhortatur Propheta, dicens: *Lauamini, mundi estote.*

69. Tertium signum fuit; quòd lucernæ candelabri, quæ antea semper erant accensæ, præcipuè lucerna, quæ erat in medio, accensa semper erat, neque vnquam exinguebatur, quamuis ventus perflasset, vel oleum defecisset: at postquam Christus Dominus crucifixus est; semper exinguebatur, licèt plena esset oleo: quo signo Deus illis manifestare

stare voluit legem cæremonialem extinctam iam esse. Quartum signum fuit, quòd portæ templi, quæ finito sacrificio, claudebantur; & antea, quando volebant illas aperire, ad minùs 20. hominibus opus erat; postquam Messias ab illis fuit crucifixus, & recusatus, ac reprobatus, semper inueniebantur apertæ; & quando ab illis claudebantur, post mediam horam reperiebantur apertæ: quo signo Deus voluit Hebræis significare portas templi apertas esse debere, vt posset intrare Titus, templumque destruere non ampliùs reedificandum; vt impleretur prophetia Danielis cap. 9. dicentis post Christum occisum, venturum esse populum, scil. Romanum, cum suo Duce, scil. Tito, & destructurum esse ciuitatem, & templum, & hanc desolationem permanfuram esse vsque ad finem mundi; quam prophetiam infra expendemus; ideo hîc illam solùm attingo.

70. Ex his prophetijs, & ex his 4. signis datis à Deo ipsis Hebræis, vt ipsimet Hebræi in suo Thalmud citato fatentur, manifestè constat populum Hebræum à Deo esse reprobandum; & quòd Messiam suum negaturus, occisurusq; erat; sed nostris oculis videmus omnia ista impleta; Christum fuisse ab illis Hebræis negatum, & crucifixum; & ab illo tempore, vsque ad hoc præsens illos esse à Deo reprobatos, eiectos, & sine Rege, & Principe dispersos: ergo euident est Christum iam venisse; ipsosque Hebræos esse obstinatissimos in errore suo, & in statu æternæ damnationis, nisi conuertantur, & baptizentur. Totum hoc confirmatur ex ipsismet Rabbinis in libro Ialcut signo 368. & in lib. Midras Tillim exponendo primum versiculum Psalmi 10. vbi sic dicitur: *Dixit Rabbi Iocanan: Annis tribus, & medio in monte Oliueo stetit Diuinitas; clamabat, vociferabatur: querite Deum, quando inueniri potest; ipsi verò audire noluerunt; aut non respuerunt, sicut scriptum est: Inuentus sum ab illis, qui me non querebant, & quæsitus ab ijs, qui me non requirebant. Dixit Rabbi Hamina. Adest exemplum vnius iter facientis, nocte iam appetente, qui ob*
banc

hanc causam fuit amicè inuitatus ab vno ostiario, ut ad domum suam diuerteret, qui tamen illuc diuertere recusauit: media autem nocte coactus metu reuersus est ad inuitantem, qui respondit intempestè iam venire, iamque tempus non esse fores aperiendi. Sic Deus benedictus, & sanctus dixit: querite Deum, quando inueniri potest, implorate, conuertimini filij rebelles, & noluerunt illum audire: tunc Deus dixit: ego reuertar iterum ad meum locum: illi verò, quando in tribulationem inciderunt clamare cœperunt: quare Deus longè es à nobis? Tunc Deus sanctus, & benedictus dixit: quando ego vos quæsiui, vos nolulistis: nunc, quando vos me queritis: ego nolo: vos non cognosco: mensura pro mensura. Hucusq; Rabbin, qui bene cognouerunt, Christum Dominum tribus annis, & medio vocasse, & Hebræos in terra quæsiuisse, ab illis non fuisse auditum, ignominiosè tractatum, & tandem crucifixum: & quando à mortuis resurrexit, in locum suum, id est, in cœlum, à quo exierat, rediisse; illosque rebelles iam exaudire nolle. Igitur etiam ex his Rabbini constat, Hebræos, qui Christum verum Messiam reprobarunt, ab eodem Christo nunc iustissimè reprobari. Hoc ipsum Rabbin ex prophetijs, Psalmis, & lege veteri collegerunt; & Christi factis, quæ ipsi Hebræi, suismet oculis videre, rem penitus confirmari. Agnoscant ergo miserabiles Hebræi suam infelicitatem, conuertantur ad suum Redemptorem, qui adhuc orat Patrem pro illis, dicens: *Pater ignosce illis: quia nesciunt, quid faciunt*; quamdiu verò ad Filium non recurrent, à Patre non exaudientur.



CAPVT OCTAVVM.

*Propositur octava demonstratio, qua demonstratur contra
Iudæos, Messiam Christum IESVM Filium
Virginis Mariæ beatissimæ iam
venisse.*

71. **S**eptima demonstratio est complementum demonstrationis præcedentis, in qua ostensum est Messias aduentum probari manifestè ex reprobatione Iudæorum, & ex vocatione gentium; de primo iam dictum est; nunc agendum de secundo. Itaque hic instauratur eadem demonstratio capite præcedenti exposita. Prophetæ prædixerant, quando venisset Messias, ad illum gentes esse conuertendas: nos videmus nostris oculis gentes ab idololatria ad verum Deum esse conuersas per prædicationem Christi Domini, suorumque discipulorum: ergo Messias iam venit, vel prophetiæ sunt falsæ, quod Hebræi non dicunt. Maior propositio non aliter probatur, quàm adducendo prophetias, quæ de hac gentium conuersione expressissimè loquuntur. Prima prophetia est Osee cap. 1. num. 10. Vbi, postquam dixerat Synagogam non esse iam populum suum, vertit se ad gentes iam ad fidem Christi conuersas, quas propterea vocat Israel, non in sanguine, sed in fide Dei Israel: dicit hos fideles Christianos tot numero futuros, vt sicut arena maris numerari non possint. *Et erit numerus filiorum Israel, quasi arena maris, quæ sine mensura est, & non numerabitur.* Et mox de his gentibus iam ad Deum conuersis, subiungit: *Et erit in loco, vbi dicitur eis: Non populus meus vos; cum antea non possent dici populus Dei; siquidem adorabant idola, seu Deos sine vita; in loco istius pristinæ nominationis: Dicitur eis, Filij Dei viuentis; id est, vos iam estis filij Dei viuentis; & non, vt antea, adoratores Dei falsi, siue idoli sine vita. Et congregabuntur filij Iudæ, & filij Israel pariter.*

ter: & ponent sibi met caput vnum, id est, Descendentes à Tribu Iudæ: & 10. Tribus Israel, simul cum gentibus, quæ Tribus 10. & gentes auersæ erant à Deo, postea per conuersionem ad fidem Christianam iam habebunt vnum solum caput Christum, & eius Vicarium Summum Pontificem, eiusque successorem Pontificem Romanum: *Et ascendent de terra*; id est, illis iam erit ascensus ad cælestia: *Quia erit magnus dies Iezrahel*, id est, populi Christiani, seu Ecclesiæ dies erit magnus, & festiuus; vt est quilibet dies, in quo aliquod festum Christi, puta, Natiuitatis, Resurrectionis, Ascensionis in Ecclesia celebratur.

72. Quòd verò hîc Propheta loquatur de populo Christiano ex Gentibus, & ex aliquibus Hebræis, tam ex duabus Tribubus Iudæ, & Benjamin, quàm ex alijs 10. Tribubus ad Christum conuersis, & non de populo Hebraico ad Christum non conuerso, probatur manifestè 1. quia de populo Hebraico dixerat eodem cap. num. 9. quòd iam populus eius non erat: *Voca nomen eius, non populus meus: quia vos non populus meus: & ego non ero vester*. De his verò dixit; quòd populus suus erit, vt mox in cap. 2. num. 24. dicitur: *Et dicam non populo meo*, id est, populo gentili, *Populus meus es tu: & ipse dicet: Deus meus es tu*. Deinde populum Hebraicum dixit futurum esse absq; misericordia, postquam Christum non acceptauit. cap. 1. num. 6. *Voca nomen eius absque misericordia, quia non addam ultra misereri Domui Iisrahel*. De populo autem gentili iam ad Christum conuerso, dixit cap. 2. num. 23. *Et seminabo eam mihi in terra, & miserebor eius, quæ fuit absque misericordia*. Id est, gentes, quæ non participabant de mea misericordia; id est, de mea fide, & gratia, iam in me credent; & ex meæ misericordiæ, siue gratiæ diuinæ participatione saluæ erunt: quia in illam gentem, vt in terram, & hæreditatem meam, siue prædium meum seminabo, id est, verbum Dei spargam per meos Apostolos, & discipulos, ac prædicatores. 3. tandem, quia postquam Deus dixerat se derelicturum absque misericordia in sempiternum ipsos Hebræos ob horribile sacrilegium

legium occidendi Messiam, vt patet ex nostro capite præcedenti; vertens se ad gentes, dicit se desponsaturum esse sibi populum illum Gentilem iam conuersum; & hoc sponsalitium in perpetuum duraturum, vt ait cap. 2. num. 19. *Sponsabo te mihi in sempiternum: & sponsabo te mihi in iustitia, & iudicio, & in misericordia, & in miserationibus: & sponsabo te mihi in fide.* In iustitia, scil. per baptismum; per quod iustificantur baptizati. In iudicio, id est, per iudicium Sacramentale Sacramenti poenitentiae, si post baptismum in peccatum labantur. In misericordia, id est, per actum contritionis, non habendo copiam Confessoris; per quem actum, qui est Sacramentum in voto, Deus largitur ex sua misericordia gratiam iustificantem. In miserationibus, id est, in multis auxilijs efficacibus, illustrationibus, scil. & inspirationibus ad fugiendum malum, & sequendum bonum æternæ salutis. In fide, id est, stabili, firma, per quam certò credant in sola Ecclesia Dei salutem æternam obtineri posse. Et subiungit mox: *Et scies, quia ego Dominus;* id est, cognosces me solum esse Deum; & alia, quæcunque à gentibus credebantur, numina falsa esse, & vana: & ideo iam non inuocabis Deum Iouem, Mercurium, Martem, Apollinem, &c. prout idem Dominus dicit per eundem Prophetam Oseam cap. 2. n. 17. *Auferam nomina Baalim,* id est, Deorū inanum, *de ore eius,* id est, populi huius Christiani: *Et non recordabitur ultra nominis eorum,* scil. vt eos colat, sed vt eos tanquam falsos excretur.

73. Ex quibus omnibus manifestè patet Oseam Prophetam in ea prophetia in capite. i. loqui de populo Christiano ex Gentilibus conuerso; & non de populo Hebraico in lege veteri cærimoniali, post Christi aduentum perseverante. Ratio est i. quia loquitur de illo populo, cui Deus largiturus erat misericordiam in perpetuum, vt dictum est: populo autem Hebræo dixit, in æternum fore absque misericordia, si Messiam non acceptet, vt etiam dictum est: ergo omnino secum pugnancia ponerentur;

si Propheta de Christiano populo non loqueretur. 2. quia loquitur de illo populo, quem antea Deus sibi non desponsauerat; populum autem Hebræum sibi desponsauerat. 3. quia loquitur de illo populo, in quo fieret iustificatio per primam iustificationem ex baptismo; & per secundam ex iudicio Sacramentali Sacramenti poenitentiae, quæ non fuerunt in populo Hebraico, & sunt in Christiano; & de frequentioribus auxilijs efficacibus, & frequentioribus operibus charitatis, & miserationis: quæ tot non erant in populo Hebraico, & sunt in Christiano; vt omnes vident. 4. loquitur de innumerabili fidelium numero, qui est in Ecclesia Christi toto Orbe dispersa: populus verò Hebraicus ad angustos cæcellos Palestinae ardebatur; & hodie multò minor est numerus. 5. quia loquitur de populo, qui postquam fuerit conuersus, non ampliùs ad vomitum idololatriæ rediturus erat: *Non recordabitur ultra nominis eorum, &c.* & ideo Deus de hoc populo dixit, illum futurum esse ipsi Deo in fide semper vnitum; quod solum visitur in populo Christiano; in Hebræo autem erat fides adeò debilis, vt toties, quoties idolis seruirent, vt est plena scriptura; & licet modò non seruiant Hebræi idolis; ideo est, quia cum non acceptando legem Christi, mancipia sint Diaboli, hac seruitute contentus Diabolus, non curat illos ad idololatriam instigare, sicut faciebat, quando illi sequendo legem Moyse ante aduentum Christi promulgantis legem nouam promissam per Prophetas, populus erant Dei, & filij Dei viuents. Ex parte verò Dei est altera ratio, cur ipsi modò non permittantur à Deo seruire idolis; ne, scilicet existiment esse à Deo dispersos, & eictos propter idololatriam; sed aliam esse causam vrgentior tam horribilis supplicij, videlicet perpetui exilij iam à mille, & sexcentis annis, & ultra; nimirum verum Messiam non acceptare; & in hoc peccato sine poenitentia persistere. Imò, quòd ipsi perfidi Hebræi propter horribile sacrilegium contra Christum ab eis patratum dispersi, & in perpetuum

petuum relegati non essent idolis seruituri, prædictum fuit etiam per Prophetas, vt supra iam vidimus: loquitur ergo Propheta de conuersione gentium ad Christum.

74. Secunda prophetia de conuersione gentium est Isaïæ cap. 45. num. 22. *Conuertimini ad me, & salui eritis omnes fines terræ.* Et mox subiungit: *quia mihi curuabitur omne genu, & iurabit omnis lingua.* Et idem Isaïas cap. 49. num. 6. loquendo in persona Dei ad Messiam, dicit sic: *Ecce dedi te in lucem gentium, vt sis salus mea vsque ad extremum terræ.* Et idem Propheta cap. 65. num. 1. *Quæsierunt me, qui ante non interrogabant: inuenerunt, qui non quæsierunt me. Dixi: Ecce ego, ecce ego, ad gentem, quæ non inuocabat nomen meum.* Vbi vide: manifestè loqui de conuersione gentium, quæ antea verum Deum non quærebant, nec inuocabant; quod quidem non potest dici de Hebræis, qui illum inuocabant, & quærebant: imò in confusionem rebellium Iudæorum ad illos dixit in eodem loco: *Expandi manus meas tota die ad populum incredulum, qui graditur in via non bona post cogitationes suas.* Id est, ego in cruce sublatus huic populo incredulo manus expandebam meas; sed ille falsò imaginando me non esse Messiam, post has suas falsas imaginationes ferebatur; & graditur semper in via non bona, id est, in illa lege Mosaica, antea bona; postea verò per me vtriusque legis authorem reuocata, iam non est bona, & non solum mortua, sed mortifera; quod ipsi deberent, si bene Prophetas legèrent, attentè considerare; & cognoscere leges cæremoniales solum vsque ad aduentum Messix durare debere. Vbi vides Prophetam in eadem prophetia prædixisse, & conuersionem gentium, & incredulitatem Iudæorum. Idem Isaïas c. 11. num. 10. *In die illa radix Iesse, qui stat in signum populorum: ipsum gentes deprecabuntur.* Et Patriarcha Iacob Genes. c. 39. num. 10. *Et ipse erit expectatio gentium.* Ad illum congregabuntur omnes populi; quos textus exponunt Rabbinii in libro Raboth, vbi sic dicunt: *Congregabuntur, &c.* loquitur de Messia: *Quia illi omnes gentes congregabuntur,*

ut scriptum est in Isaia cap. 11. in illa die radix Iesse, &c.

75. Tertia prophetia est in Psal. 99. pro confessione: *Iubilate Deo omnis terra, seruite Domino in letitia*; quem Psalmum exponendo Rabbini in libro Midras Tillim sic dicunt: *Dixit Rabbi Iacob in nomine Rabbi Abbu, in nomine Acha, Psalmus pro confessione denotat; quod Deus dicat: omnes gentes me confitebuntur; & ego illas recipiam; sicut scriptum est in Isaia cap. 45. Mibi curuabitur omne genu, &c.* Et hoc etiam confirmat Dauid Chimchim Rabbi in cap. 16. Isaïæ, ubi sic ait: *Deus meus fortis, & fortitudo mea, vult ostendere; hi, quos ego increpo propter adorationem Idolorum, scilicet Hebræi, nolunt à via sua mala redire; sed ego scio, quod veniet tempus, in quo gentes à longe venient à finibus terræ; & dicent: certè Patres nostri errauerunt, sequendo Deos inanes, & falsos, & hoc erit in diebus Messiae.* Vbi vides etiam Rabbinos bene agnouisse, gentes esse conuertendas in aduentu Messiae.

76. Idem Isaïas cap. 61, num. 11. *Sicut enim terra profert germen suum, & sicut hortus semen suum germinat; sic Dominus Deus germinabit iustitiam, & laudem coram vniuersis gentibus.* Idem dixerat cap. 25. num. 3. *Laudabit te populus fortis, id est, populus Romanus, Ciuitas gentium robustarum, id est, Roma, timebit te; id est, seruiet tibi, & adorabit te.* Et infra prædicit Sacrum Eucharistiæ Sacramentum, quod continuabitur in Ecclesia fidelium vsq; ad sæculi consummationem. *Faciet Dominus exercituum omnibus populis in monte hoc, hoc est, in Ecclesia fidelium, conuiuium pinguium, conuiuium vindemiæ, pinguium medullatorum; vindemiæ defecatae; id est, panis, & vini consecrati in Corpus, & Sanguinem Domini, in quo sunt omnes diuinæ gratiæ dapes continentes omnis saporis suauitatem.*

77. Idem Isaïas cap. 42. num. 1. ita habet: *Ecce seruus meus, suscipiam eum: electus meus, complacuit sibi in illa anima mea; dedi spiritum meum super eum; iudicium gen-*
tibus

tibus proferet. Et infra. In veritate educet iudicium: non erit tristis, neque turbulentus, donec ponat in terra iudicium, & legem eius in insula expectabunt. Et mox subiungit: Et dedi te in fœdus populi, & in lucem gentium, ut aperires oculos cæcorum, & educeres de conclusione vinctum, de domo carceris sedentes in tenebris. Et infra: laus eius ab extremis terræ; qui descenditis in mare; & plenitudo eius Insula, & habitatores earum. Et tandem præuidens Propheta Hebræos vniuersaliter non credituros, subiungit: Et noluerunt in vijs eius ambulare, & non audierunt legem eius; & effudit super eum indignationem furoris sui, & forte bellum, & combussit eum in circuitu; & non cognovit, & succendit eum, & non intellexit. Perinde est, ac si diceret: Ecce seruus meus, Messias verus Christus IESVS, seruus, in quantum homo: seruitute filiali dilecti, & diligentis filij, non timore seruili coacti mancipij. *Meus*, quia de meo accepit, à me processit, ut Deus in diuinitate æqualis, licet in personalitate diuersus, & in humanitate minor iuxta illud Athanasij: *Æqualis Patri secundum diuinitatem, minor Patre secundum humanitatem.* Et iuxta illud Pauli ad Phil. 2. v. 6. *Non rapinam arbitratus est, esse se æqualem Deo, formam serui accipiens in similitudinem hominum factus, & habitu inuentus ut homo.* Et à me creatus ex Beatissima MARIA Virgine, absque vlllo viri consortio: *Suscipiam eum*, affligendo affligentes illum, condemnando eos, qui illum damnauerint, percutiendo, qui illum percusserint, in æternum reprobando, qui illum reprobauerint: *Suscipiam eum*, miraculis, & prodigijs, quæ nullus alius fecit, illum mundo manifestando: *Suscipiam*, in morte illum gloriosè resuscitando. *Suscipiam eum*, illum ad dexteram meam sedere faciendo. *Electus meus*, ut me glorificet, ut nomen meum hominibus manifestet. *Electus*, ut pro debitis peccatorum plenè, abundanter, exactissimè satisfaciat; *Electus*, ut sit salus hominum, atque Angelorum. *Complacuit sibi in illo anima mea*, id est, diuinitas mea; quod etiam declarauit Apostolis, dum dixit: *Hic est Filius meus dilectus, in quo*
mibi

mibi bene complacui &c. Dedi spiritum meum super eum; Dedi super eum plenitudinem omnis gratiæ Spiritus Sancti, gratiæ substantialis increatæ, id est, sanctitatis diuinæ; sanctitatis creatæ substantialis hypostaticæ vnionis, & accidentalis gratiæ habitualis, plusquam Moyfi, Abraham, Isaac, Iacob, & alijs Patriarchis, & Prophetis, & plusquam Angelis; quod etiam de illo expressit Isaias cap. 11. num. 2. Requiescet super eum spiritus Domini, spiritus Sapientiæ, & intellectus, spiritus consilij, & fortitudinis, &c. Cum quo concordat Euangelium Ioan. 1. num. 33. Super quem videris spiritum descendentem, & manentem super eum, hic est, qui baptizat in Spiritu Sancto: & ego vidi, & testimonium perhibui, quia hic est filius Dei.

78. *Iudicium gentibus proferet: Omnibus rectum faciet iudicium, rectamque pronuntiabit sententiam condemnando malos, præmijs bonos cumulando, quod etiam exprimit idem Isaias cap. 7. num. 14. Butyrum, & mel comedet, ut sciat reprobare malum, & eligere bonum. Et legem eius, id est, Euangelium, Insulæ expectabunt, id est, expectabunt promulgationem Euangelicam. Dedi te in fedus populi, scil. Hebræi, cum quo Deus fedus inierat mittendi Messiam; & in lucem gentium: quia gentes erant in tenebris ignorantæ, & Christus lux vera eos illuminauit, iuxta illud: Illuminare his, qui in tenebris, & in umbra mortis sedent: quod etiam denotant verba sequentia; Ut aperires oculos cæcorum, &c. Laus eius ab extremis terræ; id est, in vniuersa terra nomen Christi laudabitur, in summaque veneratione habebitur.*

79. De eadem conuersione gentium in aduentu Messie loquitur idem Isai. c. 26. n. 2. *Aperite portas, & ingrediatur gens iusta custodiens veritatem*, iuxta illud Apoc. c. 21. v. 14. *Portæ sunt Apostoli: per illos gens intrauit in Ecclesiam Christi iustificata iam per baptismum, & custodiens veram legem, veramque doctrinam; cum antea errasset falsa numina cultu superstitioso adorans. Idem Propheta cap. 44. num. 3. loquitur in persona Dei sic: Effundam aquam super*

superfluentem ; baptisimi aquâ irrigabo gentes terram siccantem, id est, aridam sine humore gratiæ, nullum fructum vitæ æternæ germinantem : quod idem denotant sequentia verba ; *Et fluenta super aridam . Effundam spiritum meum super semen tuum* ; semen tuum spirituale, scilicet quia gentes ad Christum conuersæ dicuntur filij Abrahæ spiritualiter per fidem Dei veri ; quem credidit Abraham, Isaac, Iacob, &c. *Et germinabunt inter herbas, quasi salices iuxta præterfluentes aquas*. Id est, gentes istæ Sacramenti baptisimi rigatæ aquis in vberes gratiæ, operumque bonorum fructus germinabunt ; sicut in campis herbarum virore amænis iuxta fluentes riuos virides salices vndique germinant ; & subiungit : *Iste dicet: Domini ego sum ; & ille vocabit in nomine Iacob*. In hoc significare intendit, fideles in Ecclesia in baptismo vocandos esse nominibus, vel Domini, vel Sanctorum, vt nunc videmus istum vocari Dominicum, id est, Domini ; alium Iacobum ; & idem denotant verba sequentia : *In nomine Israel assimilabitur*, id est, habebunt similia nomina, quæ Israelitæ habebant ; v. gr. Thomæ, Ioannis, Petri, Matthæi, Matthiæ, Iosephi ; & *scribet manu sua: Domino* ; quod quidem faciunt Christiani, dum in epistolis, librisque, & alijs scripturis scribunt nomen Domini. Vbi vides, quo pacto sancti Prophetæ etiam has minutias in Ecclesia Christiana ex gentibus conuersis formata prædixerint.

80. De hac etiam gentium conuersione, simul & Hebræorum reprobatione ob non acceptandum Messiam, clari simè loquitur idem Isai. c. 65. de quo iam supra. Vbi n. 9. ita ait Propheta in persona Dei : *Et educam de Iacob semen*, id est, de Hebræis Apostolis filios in fide gentes conuersas : & *de Iuda possidentem montes meos* ; nimirum, cælorum felicitatem gentes ad Christum conuersæ possidebunt, non Hebræi rebelles, & obstinati. Quod idem denotant sequentia verba : *Et hereditabunt eam electi mei*, id est, fideles Christiani electi, & non vos Hebræi propter vestram obstinationem reprobati, hæreditabunt eam gloriam, iuxta

illud: *Hæredes quidem Dei, coheredes autem Christi. Et serui mei habitabunt ibi*, id est, illi, qui me adorant, & mihi seruiunt Christiani fideles habitabunt ibi; ibi, in Ecclesia militanti, vsque ad finem mundi, iuxta illud: *Vobiscum sum vsque ad consummationem sæculi*; ibi, in Ecclesia triumphanti, in perpetuum, iuxta illud: *Fulgebunt iusti in perpetuas æternitates*. Vos autem Hebræi perfidi, qui vestrâ culpâ ingressi non estis in Ecclesiam militantem, neque intrabitis in triumphantem: sed his vestris in hac mortali vita tenebris adiungentur in altera Inferni tenebræ in perpetuum duraturæ.

81. *Et erunt campestria in caulas gregum, & vallis Achor in cubile armentorum populo meo, qui requisierunt me*. Id est, in nationibus, vbi erant greges diaboli, scilicet infideles, gentiles idolis seruientes; erunt Tempa, oratoria gregis Christiani, populi mei, qui me requiret; adorabit, & obediet. *Et vos, qui dereliquistis Dominum, qui obliti estis montem sanctum meum; qui ponitis fortunæ mensam, & libatis super eam*; vos, ò Hebræi rebelles, qui Christum Dominum verum Messiam non recepistis, & eum reliquistis, & occidistis; & obliti estis montem illum præparatum in vertice montium Christum, ad quem fluent omnes gentes; & vos cum eis fluere nolulistis; vos, *qui ponitis fortunæ mensam, &c.* id est; qui munera, & libamina Diabolo offertis, vt gentes idololatræ idolis in mensâ offerebant; vos, inquam, qui putatis vestras oblationes Deo à vobis offerri, offertis illas Dæmoni: siquidem illas ego execror, dum in Ecclesiam meam, in qua solum mihi sacrificatur, intrare non vultis; *numerabo vos in gladio; & omnes in cade corruetis*, id est, gladio iustitiæ meæ interficiemini, & in Infernum in perpetuum damnati corruetis. *Pro eo, quod vocaui, & non respondistis*: ego ipse ore meo vos vocaui, dicens: *Venite ad me omnes*; & me contempnistis. Loquutus sum vobis, prædicando, exhortando, dicendo palàm in templo: *Eram quotidie docens in templo*; & aures vestræ surdæ sunt factæ. *Non audistis, & faciebatis malum in oculis meis*, id est,

id est, in mea præsentia, iniurias, blasphemias, percussiones, irrisiones, flagellationes, alapas, & alia innumera sacrilegia vsq; ad necem ignominiosam Crucis inter duos Latrones, quasi essem vnus ex illis, perpetrastis in me omnia hæc meis oculis videntem; & omnia sustinentem; *Et quem nolui, elegistis*, Cæsarem infidelem pro Rege vestro Christo, qui est Rex Regum, & Dominus dominantium: Barabbam homicidam pro vestro Messia vitæ authore. Propter hæc dicit Dominus Deus: *Ecce serui mei comedent, & vos esurietis*. Id est, electi mei Christiani Sacro Eucharistiæ pane lactabuntur: vos autem ieiunabitis. *Serui mei bibent, & vos sitietis*. Id est, serui mei fideles Christiani Eucharisticum Sanguinem potabunt; vos illum non bibetis. *Ecce serui mei lætābuntur, & vos confundemini*; id est, illi semper læti, exultantes, vos eritis in æterna confusione. *Dimitteris nomen vestrum in iuramentum*, id est, in execrationem electis meis, scil. nomen Iudæi erit abominabile, execrabile, & magnæ ignominie, ac in dedecus nominabitur, quod hodie manifestè videtur impletum. Quis enim non abominetur vbique nomen Iudæi? imò quando aliquis vult contrarium suum opprobrio, & contumeliā diuexare, illum Iudæum vocat. *Et seruos suos vocabit nomine alio*; id est, nomine Christi Christianos, & non nomine Iudæ Iudæos. Ex qua prophetia clarissima quidem vides in aduentu Messie gentes ad Deum conuertendas, Hebræos à Deo reprobandos.

82. Quarta prophetia est Malachiæ cap. i. num. 10. vbi in persona Dei loquentis ad Hebræos, ita dicit: *Non est mihi voluntas in vobis, dicit Dominus exercituum*. Id est, nec vos, ô Hebræi, nec vestra sacrificia, oblationes, nec vestre orationes mihi iam placent; imò mihi sunt abominabiles, & execrabiles, ex eo tempore, quo me reliquistis, & vt vestrū Redemptorem acceptare nolulistis. *Munus non suscipiam de manu vestra. Ab ortu enim Solis vsque ad Occasum, magnum est nomen meum in gentibus*. Id est, omnes gentes iam ad fidem meam conuersæ non in meum ma-

gnificabunt; meque adorabunt vt Deum suum, Redemptorem, & Saluatorem. *Et in omni loco sacrificatur*, id est, non iam in Solis Ierosolimæ angustis terminis, sed vbique terrarum; vbi erunt innumera templa, & oratoria, vbi Missæ sacrificium peragetur: & hoc sacrificium, & oblatio munda erit; id est, absque sæditate sanguinis animalium altaria, & templa conspurcantis; sed mundiissima oblatio panis, & vini consecrati in Corpus, & Sanguinem meum, vbiego sum realiter, & sacramentaliter. Hæc prophetia est clarissima; & cui perfidi Hebræi nullo modo possunt respondere.

83. Rabbi Salomon videns Hebræos hac prophetia omnino conuinci, excogitauit solutionem adeò friuolam, imò ridiculam, & indignam nomine, quo Rabbini ille nuncupatur. Ait igitur, verum quidem esse, vt ait Propheta, gentes adoraturas esse Deum tanquam Deum magnum, sed adhuc permansuros in sua idololatria adorando falsos Deos, tanquam Deos non magnos, sed inferiores. O miseri Hebræi, obstupenda est certè vestra cæcitas, & obstinatio! Dicite, quomodo posset placere Deo oblatio facta in peccato idololatriæ? Quomodo munda, oblata cum tam horribili sacrilegio, quale est idololatriæ peccatum? Non placebit oblatio vestra; quia illam offertis Deo pollutis manibus sanguine iusti à vobis occisi, & placebit Deo oblatio polluta, & facta ab idololatræ; qui pollutas habent manus cultu idolorum? At Deus dicit illam illorum oblationem esse mundam, ipsi placentem, & honorificam: ergo supponit illos sacrificantes esse fideles, non idololatræ; illos dicit seruos fore suos, & electos, regnum æternum possessuros: quomodo erunt serui electi, & gloriam possidentes idololatræ?

84. Præterea Deus dicit Exod. 22. num. 19. *Qui imolat Dijs, occidetur, præterquam Domino soli*. Nunc sic: Deus dixit occidendum esse illum, qui immolat Dijs falsis, vel alteri, nisi soli Deo: Deus dixit gentes illas non esse occidendas, hoc est, damnandas, sed Regnum Dei esse possessuras,

furas, vt supra vidimus: ergo gentes illæ non sunt Deos falsos, sed solum Deum verum adoraturæ: aliter Scriptura Sacra, & Deus ipse manifestè secum pugnaret, & falsum loqueretur. Erubescant igitur Hebræi talem solutionem sacro textui adhibendo: & fateantur Prophetam dixisse, & intellexisse gentes illas verè esse conuertendas, & futuras populum Dei electum, & ipsos Hebræos iam esse populum diaboli, & à Deo reprobatum, & in æternum damnandum, nisi baptizentur acceptantes Christum verum Messiam, & Ecclesiæ Christianæ membra fiant.

85. Opponunt obcæcati Hebræi: Isaias in citato cap. 44. dicit hos populos, qui conuertentur, vocandos esse Israel; sed nulla Natio vocatur Israel, nisi soli Hebræi: ergo Isaias, non loquitur de gentium conuersione, sed de ipsis Hebræis. Huic Hebræorum obiectioni nulla alia potest dari melior responsio, quàm illa, quæ illis ab eodem Propheta datur in eodem c. 44. n. 18. *Nescierunt, neque intellexerunt: obliti enim sunt, ne videant oculi eorum, & ne intelligant corde suo.* Legant Hebræi attentè textum. Propheta ibi loquitur de gentibus, quæ baptismum suscipient; vt ait ib. num. 3. & has dicit in Deum conuersas vocandas esse nomine Israel, & Iacob: ergo non potest loqui de Hebræis, qui nolunt baptizari. Deinde dicit vocari alio nomine, scil. Iacob, Israel, quo antea non vocabantur: ergo non potest intelligi de Hebræis; nam isti iam antea vocabantur Israel. Igitur gentes conuersæ per sanctum baptismum vocandæ essent, nomine Israel, id est, nomine Christi, qui etiam in Sacra Scriptura dicitur Israel, iuxta illud: *Seruus meus Israel*; id est, iam alio nomine appellabitur, nempe populus Christianus, & non Gentilis, vt antea, quando non erant baptizati. Et sic optimè dicuntur Christiani verus populus Dei Israel, Dei Iacob, id est, veri Dei, qui Deus est Iacob, & Israel, & non populus Dei alieni fisci, Iouis, Martis, &c. Atque ita fatentur Rabbini in Ialcut; in quo exponitur ille textus Isaïæ citati per hæc verba. *Iste dicit: Domini sum ego, &c. sunt dilecti conuersi; ideoque in omni loco sunt vocati*

cati Israel serui Dei ; vt scriptum est Isaie 56. &c. Et Rabbi Salomon exponit eundem textum Isaie, sic. Quod dicit, vocandos esse nomine Israel, ij sunt, qui conuertuntur. Et hoc etiam clarissimè patet ex cit. cap. Isaie 56. num. 3. Et non dicat filius aduenæ, id est, Gentilis ; qui adhaeret Domino, id est, Christo vero Deo, & Messiae, dicens: Separatione diuidet me Dominus à populo suo. Quia verè, inquit Dominus, qui conuertuntur, sunt populus meus.

86. De hac gentium conuersione in aduentu Messiae loquitur etiam Psal. 21. *Reminiscetur, & conuertentur ad Dominum vniuersae fines terræ ; & adorabunt in conspectu eius vniuersae familiae gentium : quoniam Domini est Regnum, id est Ecclesia, & ipse dominabitur gentium ; id est, gentes per baptismum fient Regnum Christi ; cui Ecclesiae, & Regno spiritali Rex, & Dominus, erit Christus : Adorabunt in conspectu eius ; id est, illum praesentem in Sacramento Eucharistiae ; quam communicabunt edentes ; & ideo dicit ibi : Edent pauperes, & saturabuntur, & laudabunt Dominum, qui requirunt eum Christiani ; & non, qui illum non requirunt, perfidi Hebraei, pagani, & alij infideles. Et in fine Psalmi : Annuntiabunt Caeli, id est, Apostoli, iustitiam eius, id est, Euangelium, in quo continetur iustitia, & baptismus ; per quem iustificamur ; populo, qui nascetur, id est Ecclesia, fidelium populus, qui regenerabitur per baptismum, & quem Christus fecit, id est, ex omnibus Nationibus congregauit per sacri Euangelij promulgationem. Et Psal. 85. Omnes gentes, quasunque fecisti, venient, & adorabunt coram te Domine, & glorificabunt nomen tuum : quoniam magnus es tu ; & faciens mirabilia : tu es Deus solus. Omitto alias prophetias, textusque sacros, qui innumeri sunt ; in quibus fit expressissima mentio de hac gentium conuersione in aduentu Messiae : cum ergo nos illas omnes videamus nostris oculis impletas post aduentum Domini nostri IESV Christi ; quem omnes gentes vt verum Deum colunt, adorant, & ei seruiunt ; recedant iam conuicti Hebraei à sua cæcitate, & obstinata stultitia ; & illà deposità,*
Deum

Deum suum Christum IESVM adorent, & reuereantur.

87. Tandem Hebræi conuicti ex his Sacræ Scripturæ locis ipsos verè esse à Deo reprobos: gentesque iuxta prophetias supra adductas verè esse ad Dominum conuertendas; adhuc maiori cæcitate obuoluti opponunt, se esse reprobos ob alia peccata sua; non verò ob non acceptatum à se Christum; aut propter illius occisionem. Friuola certè obiectio Iudæorum; vana, & stulta tergiuersatio. Cur non aduertunt ad Prophetas; qui simul eorum reprobationem, & causam illius apposuerunt, nimirum, quòd Messiam non acceptauerint; imò illum occiderint, eiusque Euangelium non susceperint; vt ex duobus præcedentibus capitibus manifestè probatum est. Legant illi attentè Ieremiam cap. 8. num. 3. vbi Propheta in persona Dei Patris loquitur de perfidis Hebræis sic: *Eligent magis mortem, quam vitam*, id est, æternam damnationem, quam Christum, qui est vera vita, iuxta illud: *Ego sum via, veritas, & vita*. Omnes, qui residui fuerint de cognatione hac pessima in vniuersis locis, ad quæ eieci eos. Et mox inducitur idem Pater æternus dicere Filio suo Messie Christo IESV: *Et dices ad eos: Hæc dicit Dominus. Nunquid qui cadit, non resurget? Et qui auersus est, non reuertetur?* Et subiungit: *Quare ergo auersus est populus iste in Ierusalem auersione contentiosa?* id est, obstinatione contendendo, reluctando, & huius obstinationis, & dispersiōis causam triplicem assignat. 1. *Quia apprehenderunt mendacium*; id est, apprehenderunt Christum non esse Messiam.

88. Secundam, quia de hoc peccato non dolent. *Nullus est, qui agat pœnitentiam super peccato suo*. Tertiam: quia occidisse Christum peccatum esse non iudicant. *Dicens, quid feci?* Dicant ergo Iudæi, quale est peccatum, de quo ipsi non dolent? nisi de hoc, scil. Deicidio Christi? Quale est peccatum, quod ipsi iudicant peccatum non esse, nisi hoc, quod perpetrarunt Christum occidendo? Sed Propheta dicit eos fuisse reprobos, quia de suo peccato pœni-

pœnitentiam non agunt, nec iudicant (quamuis ignorantia culpabili) peccatum fuisse: ergo euidentis est ob peccatum non acceptandi, occidendique Messiam illos esse reprobatos; & ideo subiungit Propheta miluum, & ciconiam agnouisse tempus aduentus sui; populum verò suum non cognouisse tempus aduentus Messiae. *Populus autem meus non cognouit iudicium Domini*, id est, non cognouit Christum venisse facere iudicium de peccato; vt pro illo perfectâ iustitiâ satisfaceret. Et ne ipsi fiderent in lege, & Rabbinis; subiungit: *Quomodo dicitis: Sapientes nos sumus, & lex Domini nobiscum est?* id est, quomodo allegatis Prophetas, & Rabbinos? & dicitis vos legem habere? & statim addit: *Verè mendacium operatus est stylus mendacæ Scribarum*, id est, mendacium dicunt Rabbini vestri, & legi, ac Prophetis dant falsas interpretationes, & populum rudem decipiunt; *Confusi sunt Sapientes, perterriti, & capti sunt*: id est, quando cum illis disputant fideles, Christianique Doctores, miseri Rabbini remanent confusi, perterriti, & conuicti: *Verbum enim Domini proiecerunt; & sapientia nulla est in eis*: id est, Verbum Domini Messiae proiecerunt, contempseruntque, ideo nulla in eis est sapientia. Quid clariùs poterat Propheta loqui ad declarandam, ò Hebræi, vestram reprobationem, & causam illius, nempe occidisse Christum, illumque non acceptasse?

89. Similiter, ò Hebræi, cur non aduertitis ad cap. 1. Isaia; vbi expressè dicit vestras orationes, quamuis multiplicentur, à Deo non esse exaudiendas, quia habetis manus pollutas sanguine iusti, id est, Christi à vobis occisi, nisi baptismi aqua lauemini, vt supra manet expensum? Igitur propter illud peccatum, & obstinationem in illo fine vlla vestra pœnitentia, in qua ferri duritiem imitamini, Deus fuit prouocatus ad iram, iustamque indignationem contra vos, vt in persona Dei prædixit Isaïas cap. 48. nu. 4. *Sciui; quia durus es tu, & nervus ferreus cervicis tua, & frons tua terrea*. Et num. 8. *Neque audisti, neque cognouisti: neque ex tunc aperta est auris tua: scio enim, quia præ-*
uari-

uaricans prauaricaberis, & transgressorem ex utero vocauit te. Vnde sicut Deus reprobauit 10. Tribus, quia noluerunt sequi partes Dauid; ita reprobauit Hebræos, quia noluerunt sequi verum Dauid Christum IESVM; & in æternum erunt reprobati, nisi illi adhæreant, & per baptismum lauentur, vt dictum est: imò multò acerbius, dum alios Messias falsos receperunt, in quibus nullum erat signum Messiae, & reiecerunt Christum verum Messiam, in quo concurrunt omnia, quæ de illo Prophetæ prædixerunt: sicut de illis dixit Christus Ioan. 3. *Ego veni in nomine Patris mei, & non accipitis me; si alius venerit in nomine suo, illum accipietis.* Et sic venit quidam sceleratus homo appellatus Barcozab tempore Herodis Agrippæ, teste Rabbi Salomone, qui, vt habet liber Sanhedrin, 30. annis regnauit, dicens se esse Messiam; & eò dementiæ deuenit quidam Rabbi nomine Hachiba, vir inter ipsos Hebræos tunc doctissimus, vt prædicaret illum hominem esse suum Messiam; & exponebat illum versiculum Num. 24. *Orietur Stella ex Iacob:* ita ut, dicebat, non deberet legi Cohab, id est, Stella, sed Cozab, quod erat illius hominis nomen: de qua re testatur liber Midras Echa in expositione Lamentationis Ieremiæ. Ex quo patet Hebræos multos Messias acceptasse; & verum Messiam nunquam acceptare voluisse. Hęc igitur causa illorum reprobationis; & quamdiu verum Messiam Christum IESVM non acceptauerint, semper erunt à Deo reprobati; vt prædixit Ieremias cap. 7. nu. 15. *Proiciam vos à facie mea, sicut proieci omnes fratres vestros vniuersum semen Ephraim.* Et huius proiectionis causam assignat ibi nu. 13. *Locutus sum ad vos mane consurgens, & loquens, & non audistis; & vocaui vos, & non respondistis.*

90. Hęc itaque sunt tam euidentia, vt quidam Rabbi Moyse Bar Mainon in libro suo fol. vltimo dixerit hæc sequentia: *IESVS Nazarenus Messiam se esse in teris manifestauit: & à Domo iudiciali effectum fuit, vt ille occideretur: & propter hoc Israël interfectus gladio fuit.* Ex quo patet etiam secundum Hebræos Doctores propter peccatum

contra Christum, quem Iudæi fecerunt crucifigi, illos fuisse reprobatos, & dispersos: & consequenter, dicentibus Prophetis in aduentu Messie Hebræos esse reprobandos, & gentes conuertendas, cum iam hæc omnia videamus impleta post aduentum Domini nostri IESV Christi, euidens est Messiam iam venisse, & esse Christum Saluatorem nostrum: cui omnia competunt, quæ de Messia à Prophetis prædicuntur.

CAPVT NONVM.

Proponitur nona probatio ex defectu sacrificiorum in Hebræis, & de peractis in Ecclesia Christi.

91. **H**ÆC octaua probatio contra Hebræos est efficacissima: Quando venerit Messias, Hebræorum sacrificia debent cessare: sed iam sunt transacti plùs mille, & sexcenti anni, ex quo in Hebræis sacrificia cessarunt: ergo Messias iam venit, & est Christus IESVS, qui postquam venit, prædicauit, miracula effecit, & pro nobis crucifixus est in Ierusalem, incepit verum sacrificium in sua Ecclesia, & defecit sacrificium in Synagoga. Quòd per aduentum Messie deberent cessare sacrificia in populo Hebræo, est textus de fide: quem Hebræi negare non debent. Et patet ex lib. 3. cap. 4. ipsâ verò experientiâ omnibus manifestum est, nulla sacrificia iam Hebræos offerre Deo; nec possunt offerre: quia illis prohibitum est ea offerre extra Ierusalem; vt constat ex nostro lib. 3. sup. citato cap. 4. & ipsi Hebræi, transactis iam plùs mille, & sexcentis annis sunt expulsi à Ierusalem, per cunctas Nationes dispersi, vt omnibus notum est. Cùm igitur iuxta præfatas prophetias in aduentu Messie cessatura erant in populo Hebræo cuncta sacrificia, & iam à tempore illo cessarunt, vt ipsi Hebræi non negant; necessariò fatendum est Messiam iam venisse, vel prophetias fuisse falsas, quod est impossibile: impossibile enim est, quòd Deus, qui loquitur

tur per suos Prophetas, falsum loquatur.

92. Sed quæres, cur Deus Hebræis prohibuerit facere sacrificia extra Ierusalem? Ratio in promptu est: quia cum Deus optimè sciret post aduentum Messiae Filij sui templum Ierusalem esse destruendum, & Hebræos propter suum peccatum, & obstinationem esse dispergendos, ab ipsoque Deo reprobandos: nolissetque, ut sacrificia legis veteris post aduentum Messiae peragerentur, sed solum sacrificium immaculati Agni Christi, cuius sacrificij cætera alia antiqua erant mera figura; ideo statuit, ut nulla ab Hebræis extra Ierusalem sacrificia fierent. Ex quo patet post aduentum Christi solum in eius Ecclesia sacrificium celebrandum esse in perpetuum: ut modò videmus Sacrosanctum Missæ, Hostiæ sanctæ, & immaculatæ sacrificium quotidie, & in omni loco celebrari: & impletur illa prophetia Ieremiæ cap. 33. num. 17. *Non interibit de David vir, qui sedent super thronum Domus Israel: & de Sacerdotibus, & Levitis non interibit vir à facie mea, qui offerat holocaustum, & incendat sacrificia, & cedat victimas omnibus diebus.* Ut autem intelligas hanc prophetiam, adverte diligenter eam non loqui de Regno temporali; aliter omnino aduersaretur alteri prophetiæ, de qua supra locuti sumus, quæ dicit Regnum temporale Iudæ finientum esse in aduentu Messiae: sed hæc prophetia Ieremiæ dicit Regnum esse duraturum in æternum, & quamdiu perseveret dies, & nox quæ semper erunt usque ad finem mundi; prout idem Dominus ait ibi num. 20. *Si irritum potest fieri pactum meum cum die, & pactum meum cum nocte, ut non sit dies, & nox in tempore suo, & pactum meum irritum esse poterit cum David seruo meo, ut non sit ex eo filius, qui regnet in throno eius, & Levitæ, & Sacerdotes ministri mei.* Quasi diceret: sicut ego statui, ut sit semper dies, & nox usque ad finem mundi, ita decreui, ut sit semper usque ad finem mundi, qui sedeat in throno David, & Levitæ, & Sacerdotes, qui sacrificium mihi offerant: ergo non potest intelligi hæc prophetia de Regno temporali Iudæ: effet

enim falsa ; tum quia opponeretur alteri prophetiæ , quæ dicit Regnum temporale Iudæ finem habiturum tempore Messie , vt supra vidimus ; tum quia opponeretur ipsi veritati ; nam videmus à multis sæculis nullum iam esse Regem Iudæ , qui sedeat in throno David regnando temporaliter : ergo necessariò debet intelligi de regno Iudæ spirituali , id est , de Ecclesia , in qua regnat Christus , & in illa regnabit duratura vsque ad finem mundi , & sedet , sedebitque in throno illo per suos Vicarios Summos Pontifices Romanos successores primi Vicarij D. Petri Apostoli ; cui semper successerunt Pontifices Romani , & vsque ad finem mundi succedent . Et similiter non potest intelligi prophetia de Sacerdotibus , & Leuitis Hebræis sub ritu Mosaico : esset enim falsa : tum quia opponeretur alteri prophetiæ , quæ dicit post aduentum Messie cessaturos Sacerdotes Hebræos , & sacrificia Mosaica , vt supra vidimus ; tum quia opponeretur ipsi veritati , qua nunc videmus in populo Hebræo nulla esse sacrificia , nullum sacerdotium . Intelligitur ergo de Sacerdotibus , & Leuitis , siue Diaconis in populo Christiano , qui est Regnum Christi : quod idem Propheta num. 22. declarauit , dicens hos , de quibus ipse loquitur , Sacerdotes tot numero futuros esse , vt numerari non possint , sicut stellæ cœli , & arenæ maris non possunt numerari : *Sicuti enumerari non possunt stellæ cœli , & metiri arena maris , sic multiplicabo semen David serui mei , & Leuitas ministros meos .* Quod de populo Hebræo verificari nullo modo potest : tum quia nunc nullos habent Sacerdotes , aut Leuitas ; tum quia ante aduentum Christi paucissimi erant : in Regno autem Christi spirituali , id est , in populo Christiano innumeri sunt Sacerdotes , & Leuitæ , seu Diaconi , vt per se est manifestum . Dum verò dicit Propheta offerenda holocaustomata , incendenda sacrificia , victimas cædendas ; loquitur per allusionem ad nomina sacrificij Hebræorum , cum quibus loquebatur ; sed intelligitur de holocausto Sanctissimæ Eucharistiæ , de sacrificio incenso , non materiali igne , sed spirituali amoris ;

ris; non de victimis; & hostijs animalium, sed de hostijs ex farina; quæ quodammodo maſtantur: dum conuertuntur, & vt Theologi vocant, tranſubſtantiantur in Corpus Chriſti, & quotidie offeruntur, vt nunc videmus; & expreſſit idem Propheta: *Et cadet victimas*, id eſt, *hoſtias omnibus diebus*.

93. Quòd verò ſolùm hoc ſacrificium, & non aliud celebrandum eſſet poſt aduentum Meſſiæ, ipſi etiam Rabbi- ni intellexerunt: vt patet ex libro Rabboth in cap. 22. Leuitici fol. 3. col. 2. vbi ſic legitur: *Dixit Rabbi Phineas, & Rabbi Iochanan in nomine Rabbi Menachem: In ſeculo futuro, id eſt, in aduentu Meſſiæ omnia ſacrificia deficient: at ſacrificium, Toda, non deficiet in æternum*: ſacrificium autem, Toda, erat ſacrificium tritici, non animalium: & concordat cum altera Prophetia Dauid. Pſal. 109. loquente de Chriſto: *Tu es Sacerdos in æternum ſecundùm ordinem Melchizedech*. Et conſtat Melchizedech Summum Sacerdotem, & Regem ſacrificium panis, & vini obtuliſſe. Et de hoc ſacrificio, & oblatione munda, id eſt, abſque ſœda ſanguinis animalium aſperſione, munda, quia mundiciam cordis requirit; munda, quia confert gratiam ſanctificantem, quæ expellit ab anima ſordes peccati; de hoc, inquam, ſacrificio, & oblatione munda loquitur Propheta Malachias cap. 1. num. 11. *Ab ortu Solis uſque ad Occaſum, magnum eſt nomen meum in gentibus; & in omni loco ſacrificatur, & offertur mihi oblatio munda*.

94. Ex his fit irrefragabilis demonſtratio contra Hebræos. Deus dixit non deſuturum ſacrificium vnquam uſque ad finem mundi, vt ſupra vidimus; Hebræi ipſi concedunt in ipſis nullum iam eſſe ſacrificium, & ſimiliter dicunt, & bene, neque vllum fieri Deo ſacrificium à Mahometanis, & Paganis: ergo ſi neque in populo Chriſtiano eſt ſacrificium, Deus iam eſt ſine ſacrificio; ſine noſtro, vt vos Hebræi obſtinatè dicitis; ſine veſtro, & Mahometanorum, Paganorumque, vt vos, & nos dicimus: ergo ſine vlllo: ergo verba Dei fuerunt falſa. Hæc falſa eſſe non poſſunt;

sunt; vt vos conceditis, & lumine naturæ notum est: ergo necessariò fatendum vobis est in populo Christiano peragi verum Deo sacrificium; illumque solùm esse populum Dei: siquidem in solo populo Dei potest offerri verum sacrificium; & Christum, qui hunc populum constituit, iam venisse, & verum esse Messiam. Hoc argumento irrefragabili terrentur Hebræi, & quærunt varias interpretationes textui, omnes plenas ignorantia, & implicationis, ac apertè falsas, quibus magis conuicti redduntur: & in hoc impletur id, quod dixit Propheta Ieremias cap. 8. nu. 8. *Verè mendacium operatus est stylus mendacæ Scribarum: confusi sunt sapientes, perterriti, & capti sunt.*

C A P V T D E C I M V M.

Proponitur decima probatio, qua probatur Messiam iam venisse, & esse Christum IESVM ex miraculis per Sanctos factis in nomine Christi.

95. **I**llustria miracula, quæ Sancti edidèrunt in nomine Christi ostendunt manifestè Christum Deum esse, & non purum hominem. Ratio est: quia solius Dei est proprium miracula patrare: ergo si vnus purus homo fecit aliquod miraculum in nomine Christi, sequitur Christum non esse purum hominem, sed Deum. Sicut si ego in virtute Dei, dum viuebam, faciebam miracula; nullus post meam mortem poterit facere miracula in nomine meo, quia ego non sum Deus: ergo si Sancti faciunt miracula in nomine, & virtute Christi, Christus est Deus: si ergo ex hoc probatur Deus, & deinde Christum etiam hominem esse constat; sequitur, quòd sit Deus homo, & quòd iam fuit in terris illud ineffabile compositum *homo Deus*: sed, vt demonstratum est in primo libro, solus Messias est homo Deus: ergo Christus IESVS est verus Messias, & sic iam venit Messias. Probatum iam, Sanctos multa, & illustria fecisse miracula, in virtute, & nomine Christi.

Con-

Constat hoc ex act. 3. vbi S. Petrus fecit illud egregium miraculum in templo, quod omnibus innotuit, sanando subito claudum in nomine IESV Christi, dicens: *Argentum, & aurum non est mihi, quod autem habeo, hoc tibi do: in nomine IESV Christi Nazareni surge, & ambula.* Qui subito inatus in nomine Christi surrexit, & intrauit cum cæteris in templum ad laudandum Deum cum omnium admiratione, & stupore. Et in cap. 20. multa alia narrantur ingnia miracula facta à D. Petro, alijsque Apostolis; illudque fuit miraculum illud, quo Ioann. Apostolus euasit læsus ab oleo feruenti; & illud, quo venenum hausit inolumis, vt conuinceret Aristodemum Idolorum Sacerdotem. Innumera, & prodigiosa sunt, quæ sancti Apostoli, Martyres, & alij sancti in omnibus sæculis in nomine Christi edidère: tum resuscitando mortuos, tum illuminando cæcos, curando surdos, & mutos, claudos, aliosque desperatos agros; quæ omnia sunt effecta in nomine, & virtute Christi; & narrantur in historijs Ecclesiasticis, & maximæ authoritatis Authoribus, & plurima authenticè probata ab Ecclesia.

96. Dicunt Hebræi desiderare se aliqua miracula approbata à sua Synagoga. Miseri Hebræi, si iam vestra synagoga est à Deo reprobata, & iam caret gratiâ gratis atâ, donisque Spiritus Sancti; nunquam hæc miracula vobis contingent, nec plenè agnoscentur: habete fidem Christi, oculos mentis vestræ aperite, & illa videbitis. Verum ego vobis respondeo id, quod Saluator noster vobis respondit, quando vestra illa iam antiqua obstinatione dicebatis: *In Belsebub Principe demoniorum eiicit demonia.* Vestræ Synagogæ filij, seu vestri Prophetæ, in cuius virtute faciebant illa miracula? Vtique respondebitis; in virtute Dei, quia similia miracula excedunt potestatem demonis; bene: & hæc, quæ fiunt in populo Christiano, cur non fiunt in virtute Dei, quia etiam excedunt virtutem, potestatemque demoniacam? Maxime quia omnia fiunt ad destructionem Regni diaboli, in gloriam Dei, in salutem

animarum; & vt vos conuincebat Christus, vnus diabolus non est contra alterum diabolum; si diabolus ad virtutem suadet, quomodo stabit regnum eius? Sed quoniam volunt Hebræi miraculum à suis approbatum, legant suum Thalmud Ierosolymitanum, in tractatu dicto Ha-uoda Zara, vbi narratur quendam Rabbinum fuisse grauissimo quidem morbo, iam omnino desperatâ vitâ, oppressum. Aderat quidam alius Rabbinus appellatus Rabbi Iacob, qui apud ipsos præclaris moribus imbutus reputabatur; hic dixit ipsi ægroto, ita submissa voce, vt ipse ægrotus non audiret: *In nomine IESV, sis sanus*. Subito factus est sanus; vt autem se vidit sanum, & non videns alium præsentem suæ miraculosæ sanitatis authorem, rogare illum cæpit, in cuius virtute hoc fecisset miraculum? excusabat se ille, nec diuturnis precibus mouebatur ad detegendum illum, in cuius virtute miraculum effecisset; donec sanatus, adiuro te, inquit, in nomine Dei, vt mihi hoc reueles. Tunc Rabbi Iacob respondit hoc se fecisse in nomine IESV: tunc sanatus ille excanduit irâ, & ore liuido, & venenato ingratiſſimus hanc blasphemiam eructauit: *Potius velim mori, quàm in tali nomine sanari*. Hæc dicens subito cecidit mortuus; & vtramque vitam perdidit & corporis, & animæ in Inferno in perpetuum cruciandæ. Ecce in vno duo sunt miracula. Vnum sanitatis in nomine IESV Christi subito recuperatæ. Secundum mortis: quia mori maluit cum diabolo, quàm viuere vitâ per Christum datâ. Et obstupescenda est cæcitas, & obstinatio istorum hominum, seu potius belluarum, dum portant hunc casum ad probandam suam superstitionem vt veram religionem; quasi foret beneficium mori sine Christo verâ hominum vitâ; & infortunium viuere cum Christo: sed homini obstinatissimo, & ingratiſſimo iustiſſimè poena illa à Deo inflicta fuit.

97. Ego tamen ab Hebræis interrogo, an credant illa fuisse miracula, an non? si credunt vera esse; cur non credunt in Christum? Si non credunt fuisse illa miracula; quod

quod maius esse potest miraculum, quam sine miraculis videre vniuersum mundum conuersum ad Christum, prædicatum ab Apostolis mortuum, & crucifixum, humiliatum, à Iudæis contemptum, & reprobatum; & hunc esse verum Deum, & Saluatorem mundi? Deinde Apostoli pauperes, & abiecti, nullâ humanâ sapientiâ præditi conuincebant huiusmodi Sapientes, ad Christum trahebant Reges; sine armis, sine vlllo humano præsidio, & auxilio, locendo res humanæ naturæ contrarias, valdeque repugnantes, vt asperitates, ieiunia, carnis mortificationem, amare inimicos, non sumere vindictam de iniurijs, non maledicere pro maledictis, sed è contrario benedicere: ostendere hominibus superbis illos, suosque Patres à tot millibus annorum errasse sequendo suos antiquos Deos, & acere illos mutare Religionem; item docendo res humano captui difficillimas, nimirum Deum fuisse factum hominem, vt saluaret hominem; Deum immortalem fuisse factum mortalem; vt hominem redderet immortalem; impassibilem fuisse factum passibilem, vt homines ad statum impassibilitatis euheret; docere item altissimū mysterium Trinitatis, tres personas distinctas, & omnes tres vnum Deum singularissimum, & simplicissimum; item natum uisse Christum ex Virgine ante partum, in partu, & post partum Virgine; item prædicare, & docere Sacrosanctū Eucharistiæ Sacramentum, in quo post verba Consecrationis contra ipsos etiam oculos non esse iam panem, sed carnem Christi sub speciebus panis; vinum non esse vinum, sed sanguinem Christi sub speciebus vini; prædicare istum hominem post tres dies, & tres noctes à mortuis resurrexisse, & post 40. in Cælum ascendisse; item omnes homines in ultimo iudicio resurrekturos, & ab isto Christo iterum sortenturo cum gloria iudicandos, & licet omnia videantur difficillima, tamen vniuersum mundum sequi hanc Religionem, adorare istum hominem, vt verum Deum, illum amare, vt suum Saluatorem, pro illo confitendo libenter pati mortem, tormenta crudelissima tolerare; item Reges,

& Imperatores, Principes, & Monarchas Crucem, quæ erat signum summæ ignominie, portare in imperialibus vestibus, in regia corona; hoc non potest esse nisi factum à Deo, & extraordinarium miraculum ipsis nostris oculis patens: *A Domino factum est istud, & est mirabile in oculis nostris.* Igitur Hebræi si obstinatè renuunt credere alijs miraculis, si homines sunt, & rationem non amiserè, huic saltem miraculo credere non desinent, & Saluatorem suum non poterunt non agnoscere; non tamen spero, ut omnes vniuersaliter credant: quia ex scripturis constat illos vniuersaliter non esse omnes conuertendos, nisi in ultimo fine mundi, suam tamen culpam non conuertuntur: Deus enim illos omnes saluare vult, si ipsi velint: sed nihilominus ab ipsè Sacris Scripturis prædictum est multos ex Hebræis, obstinatione deposita, conuertendos esse etiam ante illum ultimum diem, ut nos conuerti multos videmus: procuret ergo quilibet, ut sit vnus ex istis, qui conuertuntur, ut vitam æternam possideant, & non ex illis, qui remanent obstinati, ut in æternum crucientur.

C A P V T V N D E C I M V M.

*Vndecima probatio ex visione statuæ Nabuchodonosor,
ex qua probatur clarè Messiam iam venisse
contra errorem Iudeorum.*

98. **V**ndecima probatio, quæ clarissimè probatur contra Hebræos Messiam, qui est Christus IESVS, iam venisse, desumitur à prophetia Danielis cap. 2. Nabuchodonosor Rex sui regni anno 2. somnium habuit, quod illi maximum terrorem inculsit; illius tamen, non sine prouidentia Dei, propter finem infra declarandum, oblitus est: vel non sine speciali permissione, si Rex finxit obliuionem. Itaque vocauit omnes Satrapas, & Magos sui regni; illosque interrogauit, & præcepit, ut ipsi dicerent, quale fuisset somnium illud, & ut interpretationem illius indi-

indicarent; aliter grauiſſimis pœnis punirentur. Reſponderuntq; Chaldaei Syriacæ Regi: Rex in ſempiternum viuedic ſomnium ſeruis tuis: & interpretationem eius indicabimus. Et reſpondens Rex ait Chaldaïs: Sermo reſceſſit à me, i, oblitus ſum, quale fuerit ſomnium. Niſi indicaueritis mibi ſomnium, & coniecturam eius, peribitis vos, & domus veſtra publicabuntur. Si autem ſomnium, & coniecturam eius naraueritis, præmia, & dona, & honorem multum accipietis à ne. Cùmque Satrapæ illi iterum reſponſiſſent ſe velle priùs ſcire ſomnium, vt poſſent illud interpretari; reſponſit Rex ſcire ſe, illos velle tempus interponere, ſciendo iam ex ſuo teſtimonio ſomnium ex mente ſua excidiſſe: quare, inquit Rex, ſi vos non ſcitis ſomnium, neque veram interpretationem ſciētis. At ſapientes dixerunt nullum Sapiētem in toto Regno poſſe hoc ſcire; id enim ſuperat intellectum humanum; nec Reges ſolere de ſimilibus quaſtionibus hominem etiam ſapientiſſimum interrogare. Quo audito Rex in furore, & ira magna, præcepit, vt perirent omnes Sapiētes Babylonis, & egreſſâ ſententiâ, Sapiētes interficiebantur; quarebanturque Daniel, & ſocij eius, vt perirent. Daniel verò ſciens hoc Regis decretum per medium primi eius Miniſtri Arioch Regem adiuit, petijtque tempus ſibi dari ad ſolutionem ſomnij indicandam: quo lato, & vocatis ſocijs Anania, Miſaele, & Azaria, orarunt à Deo, vt, quandoquidem omnia ſecreta cordis introſpicit, illud iſtis ſecretum, myſterium, eiusque interpretationem indicaret; Deus autem omnia Danieli reuelauit. Itaque ætus adit Regem, atque ait: Myſterium, quod Rex interrogat, Sapiētes, Magi, Arioli, & Aruſpices nequeunt indicare Regi: ſed Deus in Cælo reuelans myſteria, qui indicauit tibi Rex Nabuchodonſor, quæ ventura ſunt in nouiſſimis temporibus. Somnium tuum, & viſiones capitis tui in cubili tuo huiuſmodi ſunt. Tu Rex cogitare caſiſti in ſtrato tuo, quid eſſet futurum poſt hæc: & qui reuelat myſteria, oſtendit tibi, quæ ventura ſunt. Mibi quoque non in ſapientia, mea eſt in me plus, quàm in cunſtis viuētibz, Sacramentum

hoc reuelatum est: sed ut interpretatio Regi manifesta fieret,
 & cogitationes mentis tue scires: Tu Rex videbas; & ecce
 quasi statua una grandis: statua illa magna, & statura subli-
 mis stabat contra te; & intuitus eius erat terribilis: huius sta-
 tue caput ex auro optimo erat: pectus autem & brachia de ar-
 gento; porro venter, & femora ex ere; tibiae autem ferreae, pe-
 dum quaedam pars erat ferrea, quaedam autem fictilis: vide-
 bas ita, donec abscissus est lapis de monte sine manibus, & per-
 cussit statuam in pedibus eius ferreis, & fictilibus; & commi-
 nuit eos: tunc contrita sunt pariter ferrum, testa, es, argen-
 tum, & aurum; & redacta quasi in fauillam aestiua area, quae
 raptae sunt vento: nullusque locus inuentus est eis: lapis au-
 tem, qui percusserat statuam, factus est mons magnus, & im-
 pleuit vniuersam terram: hoc est somnium: interpretationem
 quoque dicemus coram te Rex. Tu Rex Regum es; & Deus
 Caeli regnum, & fortitudinem, & imperium, & gloriam dedit
 tibi, & omnia, in quibus habitant filii hominum, & bestiae
 agri; volucres quoque Caeli dedit in manu tua, & sub ditione
 tua vniuersa constituit: tu es ergo caput aureum. Et postea
 consurget regnum aliud minus te argenteum; & regnum ter-
 tium aliud aereum, quod imperabit vniuersa terra: & regnum
 quartum erit velut ferrum, quomodo ferrum comminuit, &
 domat omnia, sic comminuet, & conteret omnia haec. Porro, quia
 vidisti pedum, & digitorum partem testa figuli, & partem fer-
 ream: regnum diuisum erit: quod tamen de plantario ferri
 orietur, secundum, quod vidisti ferrum mistum testae ex luto,
 & digitos pedum ex parte ferreos, & ex parte fictiles: ex parte
 regnum erit solidum; & ex parte contritum. Quod autem
 vidisti ferrum mistum testae ex luto, commiscebuntur
 quidem humano semine, sed non adhærebunt sibi, sicuti fer-
 rum misceri non potest testae. In diebus autem Regnorum il-
 lorum suscitabit Deus Caeli Regnum, quod in aeternum non
 dissipabitur, & regnum eius alteri populo non tradetur; com-
 minuet autem, & consumet vniuersa regna haec: & ipsum sta-
 bit in aeternum. Secundum quod vidisti, quod de monte ab-
 scissus est lapis sine manibus, & comminuit testam, & ferrum,
 & es,

Es, & argentum, & aurum, Deus Magnus ostendit Regi, quæ ventura sunt postea; & verum est summum; & fidelis interpretatio eius. Hucusque interpretatio Danielis: Rex autem ex hoc cognouit Daniele: verum esse Prophetam, & solum Deum Danielis esse verum Deum, qui omnia noscit, & quando ei placet, ea seruis suis reuelat.

199. Hæc prophetia est clarissima demonstratio Christi aduentus, & si Iudæi habent intellectum, non poterunt non agnoscere Saluatorem suum iam venisse. Hæc prophetia voluit Deus manifestare Regi Nabuchodonosor per medium Danielis, quæ ventura erant vltimis temporibus a mundo ante aduentum Messæ; nimirum ante Christi aduentum successiue esse debere quatuor regna; siue Imperia. Illorum primum erat regnum ipsius Nabuchodonosor Regis Chaldæorum significatū per caput aureum, ut dicit ibi Propheta: *Tu ex ergo caput aureum.* Secundum erat regnum Persarum, atque Medorum significatum per pectus, & brachia argenti; quod regnum venit successiue post Nabuchodonosor, ut dixit Propheta: *Et post te consurget regnum aliud minus te argenteum.* Tertium fuit regnum, siue Imperium Græcorum significatum per ventrem, & femora ex ære: quod successiue fuit secutum post secundum, ut dicit Daniel. Quartum fuit Imperium Romanorum significatum per tibias ferreas, ob hoc ipsum, ut Propheta ait, quod esse debebat forte, sicut ferrum; nam sicut ferrum domat omnia; ita & Romani armis totum orbem domuere. Item ex eadem prophetia demonstratur dem Regnum Romanorum debere esse diuisum, & conuictum, & ex vna parte debere esse forte; ex alia autem lebile; & hoc factum fuit, quando Romani se cum Hebræorum dominio commiscuere, quod regnum Hebræorum adhuc permanfit in Iudæa commistum cum regno Romanorum, ex horum permissione; sed illa commistio fuit solum quoad corporalia, non quoad spiritualia Religionis, ut ibi dixit Propheta: *Commiscebuntur quidem humano semine, sed non adhærebunt sibi,* id est, in religione; nec deli-

desinet esse sub suo dominante, licet subiecto Romanis. Et ideo dixit: Sicut creta non adhæret ferro; sic regnum Hebræorum per cretam significatum non adhærebit prædicto modo Romanis per ferrum significatis. *Sed non adhærebunt sibi, sicuti ferrum misceri non potest testa.* Unde pedes fictiles erant Hebræi, pedes ferrei erant Romani. Et tandem, ait Propheta, eo tempore, quo regnum quartum sit com mistum, scilicet ferreum cum fictili, forte cum debili, id est, Romanum cum Iudaico, suscitandum esse à Deo cœli Regnum, quod nunquam sit dissipandum, nec alteri populo sit tradendum; quod quidem regnum cœli comminuet, & consumet omnia ista regna; & ipsum stabit in perpetuum duraturum: *In diebus autem Regnorum illorum suscitabit Deus cœli Regnum; quod in æternum non dissipabitur, & regnum eius, (id est, istius Regis Dei) alteri populo non tradetur; comminuet autem, & consumet universa regna hæc, scil. Romanum, & Iudaicum, & ipsum stabit in æternum.* Et subiungit Propheta hoc significari per lapidem illum abscissum de monte sine manibus: quia omnia illa præfata regna consumet: *Secundum, quod vidisti, quod abscissus est lapis de monte sine manibus, & comminuit testam, & ferrum; & æs, & argentum, & aurum; Deus Magnus ostendit Regi, quæ ventura sunt postea.*

100. Hæc prophetia manifestè est impleta in Christo. Nam post Regnum, siue Imperium Regis Nabuchodonosor successit Regnum, siue Imperium Medorum; post hoc successit Regnum, siue Imperium Græcorum; post hoc successit quartum Regnum, siue Imperium Romanorum, quod commistum est cum Regno Iudaico; & in tempore horum duorum Regnorum, quæ sic fuerunt commista, venit Christus, verus Deus, qui cœli Regnum, id est, Ecclesiam suscitavit; sicut dicit ibi Propheta: *In diebus autem Regnorum illorum suscitabit Deus cœli Regnum; quod quidem, ut Propheta dixit, in æternum non dissipabitur; & patet; quia à mille, & sexcentis annis, & ampliùs durat, & in æternum durabit: neque alteri populo, & Regi, quàm Chri-*

Christo fuit traditum, nec vnquam tradetur; semper enim erit populus, & Regnum Christi. Deinde lapis ille Messias, qui descendit de monte, id est, de cœlo, qua Deus, & qua homo *sine manibus*, id est, sine virili opera ex beatissima semper Virgine MARIA; prout iam supra ex illis prophetiis manifestissimè demonstratum est, comminuit, & consumpsit quatuor illa Imperia: & nota mirabilem aduertentiam Prophetæ; quia licet quartum illud Regnum, commissum ex Romano, & Iudaico, fuerit ordine temporis quartum; ordine conuersionis fuit primum, incipiendo à Iudaico per testam fictilem significato; vt dicit bi Prophetæ: *Comminuit testam, & ferrum, & æs, & argentum, & aurum*, id est, prius incepit conuertere Iudæos, & bi Romanos; & postea alias Prouincias mundi; nec ista comminutio, & consumptio Regnorum erat facienda armis, ferro, & gladio; sed sine copijs militum, *sine manibus*. mō si regna illa armis debellarentur, esset id contra verum sensum prophetiæ, quæ loquitur de Regno spirituali, id est, de Ecclesia; vnde diminutio, & consumptio esse debet in eo, in quo vnum regnum alteri opponebatur, id est, in eo Regno Dei, siue Ecclesiæ, nimirum in infidelitate, & idololatria: etiam nunc videmus idololatriam sublatam: in Asia, in Africa, in Europa, in America; in quibus mundi partibus est Ecclesia Christiana, Christi vassillimum regnum, in quo Christi nomen adoratur. Et ideo lapis ille, qui in principio parvus videbatur, pauper, & abiectus, comminuit, & consumpsit testam fictilem Hebræorum, ferrum Romani Imperij, æs Regni Græci, argentum Regni Asiæ, seu Medorum, aurum Regni Persarum; factusq; est mons magnus, & replet vniuersam terram.

101. Dicant igitur nobis Hebræi, quodnam regnum vult suscitatum, quando Romani cum Hebræis sunt commixti, quod nunquam esset dissipandum, nisi Regnum Christi? quod tunc incepit, & ab eo tempore durat firmum vsque ad hoc præsens tempus, in quo à Natiuitate Christi iam 1692. numerantur anni, & vsque ad finem mun-

mundi perdurabit? Quod Regnum Deus suscitauit, quod nunquam tradendum esset alteri populo, & Regi, nisi hoc Christi Regnum, Christianam, scil. Ecclesiam; in qua Christus viuus, & non iam moriturus regnat potitus in cœlo, & in terra sub Eucharistia, & visibiliter regit per suos Vicarios Petri successores Summos Pontifices Romanos? Certum omnino est, si hæc Prophetia non intelligatur de hoc Regno Christi, prophetiam fuisse falsam: quia ab eo tempore nullum fuit regnum temporale, quod staret firmum: nam Regnum Iudæorum iam non durat; alia regna mutata sunt; & variata ad varios Reges, & Principes; deinde nullus ex eo tempore fuit Rex, qui sui nominis maiestate terram impleret, & in hac maiestate regnandi permaneret, nisi solus Christus IESVS: ergo vel prophetia fuit falsa, quod non dicent Iudæi; vel Christus iam venit, & ab illo tempore in hoc suo regno regnauit, regnat, & in æternum regnabit, prout dicit Propheta.

102. Hebræi aliqui dicunt se hac prophetia conuincendos esse, si sui Rabbini illam explicant pro Messia. Friuola, imò ridicula responsio. An veritas Sacræ Scripturæ dependet à stulta Rabbiorum expositione? alligabitne Deus verbi sui ineffabilem veritatem vanæ imaginationi Rabbiorum? Ideo falsam illorum circa multos Sacræ Scripturæ textus apprehensionem, & mendacem explicationem, veriùs dicam implicationem, prædixit Propheta, vt supra vidimus. Sed ne etiam hoc ipsi habeant subterfugium; David Salomon in dict. cap. 2. Danielis exponit hanc prophetiam pro dicto Messia, eiusque Regno, dicens: *In illis diebus, id est, in tempore illorum Regnorum adhuc existentium, scil. Regni Iudaici, & Romani suscitabit Deus cœli regnum Dei sancti, & benedicti, quod in æternum non dissipabitur: & illud est Regnum Regis Messie.* Item Rabbi Sakhia in expositione dictæ prophetiæ exponit illum lapidem pro Messia, dicens: *Lapis, qui percutiet statuum, Regnum est Messie filij David, de quo scriptum est: Percutiet terram virgâ oris sui, & spiritu labiorum suorum interficiet impium.*

Ex hac ergo prophetia in sensu vero, claro, & indubitabili exposita, & ab ipsis etiam Doctoribus Rabbiniis in nostro legitimo, & germano sensu explicata, redduntur Hebræi inexcusabiles; nec illi quidquam respondere possunt: agant igitur pœnitentiam suæ culpabilis obstinationis, Saluatoremque suum Christum IESVM amplectantur, ne in æternum damnentur.

CAPVT. DVODECIMVM.

Proponitur duodecima probatio ex autoritate ipsorum etiam Rabbiorum, qua probatur Messiam Sanctissimum iam venisse.

103. **H**AC duodecima probatione vtemur ex ipsorum autoritate Rabbiorum; non quòd nobis ipsa ad credendum sit necessaria; cùm satis, superque sit oraculum Prophetarum, diuinique Numinis testimonium; sed quia nostræ sit plausus victoriæ, & ipsorum etiam confusio inimicorum, suis eisdem armis obtruncare. Quòd Dauid hostili gladio caput amputaret Goliath iam lapide interfecto, necessarium non fuit ad reportandam victoriam, sed perutile ad augendam gloriam: lapide fundamentalis Prophetarum iugulatus iam est Hebræismi Goliath, & nobis parta victoria, sed gladio propriæ ipsorum authoritatis amputare caput illorum, ipsis est ignominia, nobis gloria.

104. Prima igitur autoritas Rabbiorum probans iam in terras Christum venisse desumitur ex lib. Midras Tillim glosa supra Psal. in expositione Psal. 74. versic. 11. *Et omnia cornua peccatorum confringam, & exaltabuntur cornua Iusti.* Vbi per cornua 10. dignitates, seu præeminentias populi Hebræi, quando fidelis erat, exponit; & illas præeminentias ex sacra colligit scriptura; quæ illas per cornua significat, & sic ait. 1. dignitas fuit Patris Abraham. Isaïæ 5. num. 2. *Vinea facta est dilecto meo in*

cornu filio olei . 2. dignitas Isaac. Genes. 22. num. 13. *Leuauit Abraham oculos suos , viditque post tergum arietem inter vepres hærentem cornibus , quem assumens obtulit holocaustum pro filio .* 3. dignitas Ioseph. Deuter. 33. num. 16. *Benedictio illius , qui apparuit in rubo , veniat super caput Ioseph , & super verticem Nazaræi inter fratres suos . Quasi primogeniti tauri pulchritudo eius , cornua Rhinocerosis , cornua illius .* 4. dignitas Moysis . Exod. 34. num. 35. *Videbant faciem egredientis Moysis esse cornutam .* 5. Dignitas Prophetarum . 1. Reg. cap. 1. num. 28. & cap. 2. num. 1. *Et orauit Anna , & ait. Exultauit cor meum in Domino ; & exaltatum est cornu meum in Deo meo .* 6. Dignitas legis diuinæ scriptæ soli populo Hebræo datæ . Abacuc cap. 3. nu. 4. *Splendor eius vt lux erit : cornua in manibus eius .* 7. Dignitas Sacerdotij . Psal. 111. num. 9. *Cornu eius exaltabitur in gloria .* 8. Dignitas Leuitarum . Paralip. 1. cap. 25. nu. 5. *Omnes isti filij Heman videntis Regis in sermonibus Dei , vt exaltaret cornu .* 9. Dignitas Ciuitatis Ierusalem . Psal. 21. num. 22. *Et à cornibus vnicornium .* 10. Dignitas Regis Messæ . 1. Reg. cap. 2. num. 10. *Dominus iudicabit fines terre , & dabit Imperium Regi suo , & sublimabit cornu Christi sui .* Et Psal. 131. num. 17. *Illuc producam cornu David , parauit lucernam Christo meo .*

105. *Hæ sunt dignitates populi Hebræi ; quæ illi fuerunt ablatae propter sua peccata , & datae sunt gentibus . Hactenus verba illius libri : & sic explicantur illa verba : Confingam cornua peccatorum , id est , dignitates peccantium Hebræorum ; & exaltabuntur cornua Iusti , id est , Dignitates dabuntur gentibus sequentibus Iustum , id est , Messiam ; qui appellatur Dominus Iustus noster . Quæ etiam verba reperiuntur scripta in libro Echa rabbati glossa maiori Threnorum Ieremiæ cap. 2. nu. 3. *Confregit in ira furoris sui omne cornu Israel .* Vnde argumentor nunc contra Iudæos ex ipsorum verbis ; per ipsos omnes hæc supradictæ dignitates , inter quas numerant dignitatem Messæ , sunt ablatae populo Hebræo , & datæ populo Gentili : ergo Messias*

Messias iam venit, & regnat in populo Christiano, ex gentibus conuersis constituto : verificaturque prophetia Christi : *Ideo auferetur à vobis regnum, & dabitur genti facienti fructus eius*. Et modò iam id est impletum: nam populo Christiano per Christum in cruce redempto data est lex, & donum interpretationis illius, item Sacerdotium, Prophetæ, Leuitæ, seu Diaconi : & hæc omnia iam desunt in populo Hebræo, & verificata est prophetia, quæ supra adducta est, nimirum Hebræos in aduentu Messie futuros esse sine Rege, sine Sacerdotio, sine Sacrificio; & quòd ex gentibus, scil. conuersis ad Christum assumendi essent Sacerdotes, Leuitæ, seu Diaconi, & quòd vbique omnibus diebus peragendum esset Deo sacrificium, & offerenda oblatio munda, prout latè vidimus supra. Ideoque omnis decor Ecclesiasticus, tota Ecclesiæ magnificentia, quæ fuerat olim in Synagoga, sublata est Hebræis, & translata est in Gentes, id est, Ecclesiam Christianam, ex Gentibus conuersis congregatam; & hoc etiam legitur in Ialcut celebri Iudæorum libro in expositione Ieremiæ cap. 13. vers. 17. Vbi sunt hæc verba de Hebraico in Latinum fideliter translata: *Dicit textus ille Ieremiæ. Si hoc non audieritis, in abscondito plorabit anima mea à facie superbiæ, id est, pro superba magnificentia sublata. Quid vult dicere: In abscondito? Dicit Rabbi Samuel filius Auiæ, respondendo: unum locum habet Deus sanctus, & benedictus; in quo ipse plorat, qui dicitur Mistarim, id est, locus occultus; & iterum interrogando ait; quid vult dicere, à facie superbiæ, seu pro magnificèntia? Dicit Rabbi Samuel filius Rabbi Isaac nomine Rabbi, scil. Doctoris præcipui appellati per antonomasiam Doctoris. Vult dicere pro magnificèntia populi Israelis, quæ illi est ablata; & data populo Gentili. Ex vtraque Rabbi-
norum autoritate constat omnem dignitatem populi Hebræi illi esse sublata, & datam populo Christiano, præcipuè illam vltimam, & omnium maximam dignitatem Messie, qui per Apostolos à Deo destinatus fuit gentibus prædicatus sub obstupendis, & innumeris miraculis,*

& omnes Christiani illum acceptarunt, credunt, possident, adorant, amant, & pro illo parati sunt millies mori, & plurimi cum summa lætitia, & exultatione pro illius fide tuenda multa passi sunt tormenta, crucem, & mortem: & innumera miracula edidere; Deusque illos etiam in terris glorificauit.

106. Quæres tamen hîc, an iuxta illum Rabbînum, verè Deus ploret in eo loco abscondito? Resp. illum Rabbînum in hoc errasse, & delirasse: nam in eo textu loquitur Ieremias de planctu suo, dum spiritu videbat hanc infelicitatem Hebræorum futuram: & conuincitur: nam si Deus ibi loqueretur, diceret; *quia captus est populus meus;* & non *populus eius*: vnde clarum est loqui ibi Ieremiam, & de suo loquitur planctu, & fletu. Et ita exponit Dauid Chinchim Rabbi verba illa Ieremiæ, dicens. Et *si non audieritis, &c. Dicit illis Propbeta; si non intellexeritis istam prophetiam, quam ego vobis dico per verbum Dei benedicti, in occulto plorabit anima mea: quia ego præuideo vestrum illum infelicem finem*. Igitur ex his verbis patet Ieremiam in planctu solui, quia præuidebat ab Hebræis auferendam esse omnem suam dignitatem ob suam ipsorum culpam, & obstinationem, & dandam esse Gentibus, ob suam fidem erga Messiam Dei Filium, & omnium Redemptorem.

107. Secunda authoritas, testimoniumque Rabbînorum legitur in Thalmud in tractatu Sanhedrin cap. Chellec: vbi sunt hæc verba: *Sententia illorum, qui sunt ex domo Eliæ: Sex mille annis durabit mundus, in uno millesimo erit destructus*, id est, in tempore illius tertij millesimi continget diluuium vniuersale; *per duos mille erit sine lege scripta: & per duos mille annos durabit lex scripta: & per duos mille annos durabit mundus sub Messia in terris*. Ex quibus verbis constat manifestè, secundum ipsos Messiam iam venisse: nam ipsi Rabbîni dicunt mundum solum duraturum 6000. annos: 2000. sine lege: 2000. cum lege, 2000. cum Messia: & nunc iam transactum est quintum millesimum

à crea-

à creatione mundi, & ex sexto millesimo præteriti iam sunt 468. ex quo venit Messias ex ipsorum numerandi ratione; nisi velint confiteri veritatem, scil. esse præteritos iam 1692. ex quo Messias Sanctissimus natus est in Bethlehem Iuda ex Beatissima Virgine MARIA secundam prophetias supra relatas. Vnde licet iuxta illos Rabbinos Messias potuisset anticipare tempus aduentus sui, si Hebræi id mererentur, non peccando, & bonos actus virtutum operando; at quamvis ipsi peccarent, non desineret tamen suo destinato tempore venire: ergo si dicunt tempus destinatum Messie aduentus fuisse in illis diebus, in quibus inciperet quintum millesimum, necessarium debent concedere Messiam iam venisse.

108. Huic argumento irrefragabili, & ad hominem contra ipsos, respondent in eisdem verbis discipulorum Eliæ in citato libro scriptis dici illud intelligendum, nisi Hebræorum peccata obstitent; proindeque non sequi iam venisse. Sed contra: quia illa vltima verba non sunt discipulorum, seu illorum hominum de domo, & familia Eliæ, sed addita à fallacibus Hebræis, ne cogantur concedere Messiam iam venisse; antea enim non erant illa verba vltima: quod manifestè patet: 1. quia verba priora sunt scripta diuersâ linguâ, scilicet Ierosolymitanâ; illa verò vltima verba, scilicet: *Sed propter nostra peccata non venit*, &c. sunt scripta linguâ Hebraicâ; ex quo conuincitur non fuisse ab iisdem familiaribus, & discipulis Eliæ scripta, sed post Christi aduentum ab ipsis perfidis Hebræis de nouo addita. 2. Quia illa sententia fuit à discipulis Eliæ prædicta; qui vixerunt 400. annis ante Christi aduentum: & tunc adhuc non erat tempus, quo Messias venire deberet: quomodo ergo illi poterant dicere: *Sed propter peccata nostra non venit isto tempore iam præterito*, si tunc illud tempus nondum erat præteritum? Manifestum igitur, signum est illa vltima verba non à discipulis Eliæ fuisse scripta, sed à perfidis Hebræis addita post transactum tempus aduentus Messie, quia illum non

lunt recognoscere ; & quærunt mille fallacias , & fraudes , vt se possint extricare à retibus , quibus tamen redduntur plùs intricati , simplicesque , & ignorantes Hebræos decipiunt , vt simul cum illis in æternum damnentur . 3. Quia si postrema illa verba : *Sed propter peccata nostra præteritum est illud tempus , & Messias non venit* , essent eorundem discipulorum Eliæ , ipsi se manifestè implicarent , quod non solent facere authores præcipuè illi à Deo illuminati ; probatur clarè , quòd seipsos in adiectionis implicarent : siquidem si dictum haberent esse iam præteritos tot annos vltra , dicerent certè plusquam duo mille annos legem duraturam ; hoc autem manifestè contradiceret prioribus verbis , in quibus dixerant legem solùm duo mille annos duraturam ; item cùm iam secundùm illos Rabbinos sint præteriti 5478. post creationem mundi , debeatque mundus , secundùm illos durare 2. mille annis post aduentum Messie , deberet mundus durare 1447. licèt hodie in hoc anno 1693. venisset Messias ; hoc autè manifestè implicat cum eo , quod illi discipuli Eliæ dixerant , mundum , scilicet solùm 6000. annis duraturum . Igitur manifestè patet illa vltima verba non fuisse dicta ab illis de domo Eliæ ; sed conficta , & de nouo addita post aduentum Christi ab illis perfidis Hebræis , ne cogantur concedere Messiam iam venisse , & ignorantem , simplicemque Hebræorum plebem decipiant . 4. Tandem , quia secundùm Rabbinos mox citandos Messias poterat quidem anticipare tempus suum , si Hebræi id mererentur ; non tamen tempus suum differre , licèt Hebræorum peccata plurima , eaque grauissima forent ; vti supra tetigimus . Ita expressè habet Thalmud in Isaiam cap. 60. & ibi Rabbi Alexander citans Rabbi Iosue filium Leui . Et Ialcut supra idem caput Isaiæ signo 363. Et in libro Rabboboth in expositione Exodi cap. 16. vbi citat Rabbi Iohanan : & ibi sic dicitur : *Dixit Deus benedictus Israeli , quamuis ego posuerim certum terminum tempori , in quo veniet Messias ; siue agant pœnitentiam , siue non agant , semper suo tempore veniet* . Si ergo iuxta ipsos Rabbinos , tempus aduentûs

Messie

Messiae præfixum erat principium quarti millesimi post creationem mundi, siue peccarent Hebræi, siue non, sequitur iam omnino venisse: quia differre non poterat illud tempus; licet bene potuisset anticipare; vt verè anticipauit per merita, desideriaque feruentia Sanctorum Patrum: siquidem secundum Hebræorum computationem verus Messias Christus IESVS venit priusquam essent transacti 4000. anni post creationem mundi. Ex quibus etiam manifestè constat illa verba: *Et propter peccata nostra non venit*, &c. esse addita ab Hebræis malignis, & fraudulentis; & non primò scripta ab illis Rabbiniis Eliæ discipulis, & inde constat, quòd secundum eorum Eliæ discipulorum sententiam Messias iam venit.

109. Tertia autoritas, testimoniumque Rabbino-
rum, qua probatur Messiam iam venisse, desumitur ex lib. Sanhedrin in eodem capite Chelec: vbi leguntur hæc verba: *Dixit Eliabu ad Rabbi Iebuda: Mundus non durabit plus, quam 85. Iubilæis: & in ultimo Iubilæo veniet Messias Filius David.* Quilibet Iubilæus durabat 50. annis: vnde 85. Iubilei faciunt 4250. annos: & sic exponit Rabbi Salomon, dicens, 85. Iubilæi sunt 4250. post creationem mundi: & in hoc præsentit tempore secundum computationem illorum numerantur iam post mundi creationem 5447. igitur si iuxta illos Messias venire debuerat in anno 4250. post creationem mundi, & nunc post mundi creationem iam numerantur 5447. sequitur post tempus aduentus Messiae transactos iam esse 1197. si nolint confiteri veritatem, transactos iam esse annos 1692. post Christi Natiuitatem. Deinde in Thalmud tractatu, Adoratione aliena, in eo cap. quod incipit, Ante festum illorum, hæc verba leguntur: *Dixit Rabbi Caanina post 400. annos à primi Templi destructione: Si tibi aliquis dicat: Sume hunc agrum, qui valorem mille denariorum habet, dando vnum tantum denarium, non illum sumas. Et legitur in Cathedra Rabbino-
rum: Post annum 4230. à creatione mundi: Si aliquis tibi dicet: Sume hunc agrum, constantem mille denarijs, pro vno dena-
rio,*

rio, illum ne sumas: quia illud est tempus Redemptionis, id est, aduentus Messiae. Itaque iuxta illos Rabbinos Messias venire debuerat 400. annis post ruinam Templi primi: & in hoc ipso tempore, modica, aut ferè nulla intercepta temporis varietate, natus est Christus IESVS in Bethlehem; siquidem primum Templum destructum fuit, quando Hebraei relegati fuerunt in captiuitatem Babylonis, in qua 70. annis demorati sunt: & redierunt, ac ædificarunt secundum Templum, quod iuxta Rabbinos durauit 420. annos; sicut ipsi dicunt in suo Thalmud tractatu Harachin; & fit numerus 490. nam Natiuitas Christi fuit 75. annis ante ruinam secundi Templi: siquidem Christus vixit in terris 33. annos; & 42. annis Templum secundum stetit, postquam Christus fuit in monte Caluario pro nostra salute crucifixus, & faciunt annos 75. qui si demantur ab illo numero 490. qui fuerunt transacti à ruina primi Templi vsq; ad ruinam secundi, remanent 415. anni, in quo anno natus est Saluator Christus IESVS ex purissima, beatissimaque Virgine MARIA; qui annus fuit 415. post ruinam primi Templi: & Rabbinus ait, quod completis 400. annis post primi Templi ruinam, erat tempus aduentus Messiae: ergo bene concluditur Christum verum esse Messiam: siquidem ille. natus est, 400. annis transactis post primi Templi ruinam: & ex verbis alterius Rabbini deducitur tempus aduentus esse debere ad annum 4230. post mundi creationem: & hoc tempore presenti fuit annus 5417. & amplius; igitur ab illo termino, quem assignat pro aduentu Messiae, transacti iam sunt 1206. Ex quo euidenter patet Messiam iam venisse in prædicto anno 1206. si nolint confiteri veritatem, scilicet, postquam Christus est natus, præteritos iam esse 1692. annos.

110. Perfidi Iudæi cum videant omnem terminum, quem sui Rabbini assignauerunt pro aduentu Messiae, præteritum iam esse, & nihilominus adhuc nolunt credere iam venisse, ne toties comprehendantur in suis erroribus, falsisque imaginationibus, dicunt terminum præfixum ad-

aduentus Messiae non posse certò cognosci, nisi Deus illum desiderantibus, qualis præfixus sit terminus, reuelet: sed hallucinantur, & in sua obstinata cæcitate cæcutiunt; cū terminus aduentus Christi veri Messiae fuerit illud tempus, in quo Christus IESVS natus fuit in Bethlehem; prout prædixit Daniel cap.9. cuius clarissimam prophetiam infra suo loco expendemus.

CAPVT DECIMVM TERTIVM.

Proponitur decimatertia probatio, qua demonstratur Messiam iam venisse ex Aggæo Propheta.

III. **P**ropheta Aggæus cap.2.num.7.ita habet: *Hæc dicit Dominus exercituum. Adhuc unum modicum est, & ego commouebo cælum, & terram, & mare, & aridam: & mouebo omnes gentes, & veniet desideratus cunctis gentibus, & implebo domum istam gloriâ, &c. Meum est argentum, & meum est aurum: magna erit gloria domus istius nouissimæ, plusquàm primæ. In hac prophetia Æternus Pater loquitur per Prophetam Aggæum, & promittit se citò missurum Filium suum Messiam Sanctissimum: Adhuc unum modicum est, id est, differetur adhuc modicum temporis spatium, ante illius aduentum in terras: Et ego commouebo cælum, & terram. Vult significare: disrumpam cælos, & descendam, iuxta illud: Utinam disrumperes cælos, & descenderes. Isaïæ 64.num.1. Cælum, & terram. Quia Messias hic partim de cælo est: quia verus Deus; partim de terra, quia filius hominis est: iuxta illud: Rorate cæli desuper, & nubes pluant Iustum: aperiatur terra, & germinet Saluatorem. Isaïæ 45. num. 8. Commouebo cælum. Quia vbi primum natus fuerit in Bethlehem, illi assistent Angeli de cælo, vt illum tanquam Regem suum adorent iuxta illud: Facta est militia cælestis exercitus. Et vbi primum introduxit primogenitum in orbem terræ, dicit: & adorent eum omnes Angeli eius. Commouebo cælum. Quia in eius natiui-*

tate apparebit stella mirabilis ducens Magos ab Oriente in locum Natiuitatis eius in Bethlehem, iuxta illud: *Vbi est, qui natus est Rex Iudæorum: vidimus enim stellam eius, & venimus adorare eum.* Et in eius morte grandis ille cœli oculus Sol in ipso meridie lumen amittet, & obscurabitur; iuxta illud: *Obtenebratus est Sol, tenebræ factæ sunt in vniuersa terra ab hora sexta, vsque ad horam nonam.* Vnde vides in aduentu Messię cœlum esse commotum. *Commouebo terram.* Et sic in morte Messię Christi IESV terra fuit mota, iuxta illud: *Terra tremuit, & quieuit.* Et *terre motus factus est, petre scissæ sunt, & monumenta aperta sunt.* *Commouebo mare, & aridam,* id est, gentes, quæ insulas maris habitant, & quæ habitant aridam, id est, terram, iuxta illud Isai. cap. 42. *Laus eius ab extremis terræ, qui descendunt in mare: & plenitudo eius insulæ, & habitatores earum.* Et *movebo omnes gentes.* Id est, motione Spiritus Sancti, vt credant in illum. *Et veniet desideratus cunctis gentibus.* Id est, non solum à populo Hebræo; sed ab omnibus populis; omnium enim erit desiderium, & gaudium, iuxta illud: *Euangelizato vobis gaudium magnum, quod erit omni populo, quia natus est vobis hodie Saluator: qui est Christus Dominus.* Et *implebo domum istam.* Id est, hoc secundum Templum, gloriâ, id est, Christi præsentiam; qui est gloria sui Æterni Patris, & nostra. *Magna erit gloria domus istius nouissima, plusquam primæ.* Id est, maior erit gloria istius secundi, & vltimi Templi, quam fuit gloria primi: quia licet hoc secundum non habuit tantam magnificentiam, ut primum: at primum non habuit felicitatē recipiendi in se Messiam, vt habuit secundum, in quod Christus sæpius intrauit, & in quo docuit, iuxta illud: *Eram quotidie docens in Templo.* Ex his manifestè patet Messiam iam venisse, & esse Christum Salvatorem nostrum: nam prophetia dicit Messiam venturum tempore Templi secundi; quod illius præsentiam glorificari deberet, & hoc Templum debere esse vltimum in Synagoga, & non aliud ædificandum: sed hoc Templum secundum iam non existit; fuitque destructum à Tito

à Tito Romanorum Imperatore, transactis iam plus 1600. annis: ergo ab hinc, 600. annis, & plus Christus verus Messias venit.

112. Hebræi respondent hoc argumentum concludere, & convincere; si probaretur Prophetam hinc loqui de Messia. Sed miseri Iudæi non aduertunt, vel fingunt se non advertere Prophetam adeò clarè loqui de Christo vero Messia, vt de nullo alio possit intelligi; quin imò ipsimet Hebræorum Rabbini hoc ingenuè confitentur. Nam in Thalmud in tractatu Sanhedrin cap. Chelec. exponendo prædictam prophetiam, sic dicitur: *Rabbi Hachina dicit: Adhuc unum modicum, &c. Loquitur de diebus Messia, & de Templo ædificato post ruinam primi Templi.* Igitur hi Rabbini in Thalmud intelligunt prophetiam de Messia, & de secundo Templo, quod ædificandum erat post destructum primum; & sic etiam dicunt in tempore huius secundi Templi venire debere Messiam iuxta Prophetam; quomodo ergo negant venisse iam Messiam, videndo iam illud tempus esse præteritum elapsis iam annis 1600. & ultra, ex quo illud Templum fuit destructum, & non est aliud ædificandum, aliter erraret Propheta, dicendo illud Templum esse secundum, & vltimum. *Domus istius nouissima.* Dicente autem Propheta, gloriam istius secundi Templi futuram esse maiorem, quàm primi, de qua gloria poterat loqui nisi de gloria, quæ illi veniret ex assistentia Messia in illo secundo Templo; quam gloriam non habuit primum? Siquidem non poterat illè loqui de maiori magnificentia materiali: dum existens ille in hoc secundo Templo, hæc dixit num. 4. *Quis in vobis est derelictus, qui vidit domum istam in gloria sua prima?* Ergo supponebat Templum primum multò maiorem magnificentiam habuisse, quàm hoc secundum, & consequenter, dum dicit hoc secundum habiturum maiorem gloriam, quàm primum, non loquitur de magnificentia ædificij, sed de gloria assistentiæ Messia in Templo secundo, quam gloriam non habuit primum; & certè non poterat maior esse gloria, quàm dum

in illud Templum Rex gloriæ Christus ingressus est.

113. Et hoc ipsum patet ex libro Midraſc Sciraſcirim in Cantic.c.8. vbi dicitur multa defeciſſe in ſecundo Templo, quæ fuerant in primo; nam in primo deſcendebat de cœlo ignis tempore ſacrificij: in ſecundo non deſcendebat. In primo erat oleum vnctionis; quo Reges, ac Sacerdotes vngebantur: in ſecundo non erat iſtud oleum. In primo erat arca, Vrim, & Thurim: in ſecundo non erant. Idem ſcribitur in Thalmud in tractatu, Ioma, & in tractatu Sahnhedrin in capite, quod incipit Elluhen haggalin. Cùm igitur tot, tamque glorioſa defecerint in Templo ſecundo, quæ aderant in primo, nec etiam ædificium Templi ſecundi erat tam nobile, vt erat primi, non poterat glorioſius eſſe ſecundum, niſi ex illa gloria certè incomparabili deſumpta ex eo, quòd Chriſtus verus Meſſias illud ſecundum Templum glorioſa, diuinaque præſentia ſua decorauerit: loquitur ergo Propheta de Meſſia venturo, & aſtituro ſecundo templo: proindeque euidentis eſt Meſſiam iam veniſſe: & vanè adhuc à Iudæis expectari, cùm iam Templum illud non exiſtit: & ſolùm, illo exiſtente, Meſſias venire debuerat, vt dixit Propheta.

114. Sentiunt Iudæi efficaces huius argumenti vires: & putant ſe illud eſſugere exhibendo certè ridiculam, friuolamque ſolutionem, dicendo maiorem gloriam Templi ſecundi fuiſſe in eo, quòd Templum primum durauerit 410. annos: ſecundum verò 420. vnde maior gloria fuit durare plùs annos 10. Quis non demiretur iſtorum hominum fatuitatem? An quia Dux aliquis inferior 60. vixerit annos, & Rex ſceptrum habens, coronam, & ſolium vixerit 50. dicetur Dux Rege glorioſior? Minimè quidem: nam poſteſt res vna durare multo tempore, & tamen non eſſe glorioſa; & multò minùs poſteſt res aliqua dici glorioſa, quæ priuata eſt dignitate. Sed Templum ſecundum orbatum erat quinque illis dignitatibus ſupradictis, quibus Templum primum inſigniebatur: ergo ſecundum Templum ſolùm poterat dici glorioſius ex augmento dignitatis, non

ex augmento temporis absque dignitate : non apparet autem , qualis fuerit maior dignitas secundi Templi , nisi ex assistentia Messiae , quæ dignitas est summa omnium dignitatum : ergo hæc fuit maior dignitas , & gloria Templi secundi , quæ non adfuit primo : ideoque Propheta loquens de Messia veniente tempore secundi Templi , meritò dixit maiorem esse gloriam huius secundi Templi , quàm , quæ fuerat primi : omnes enim illæ quinque dignitates primi Templi erant figura , & umbra Messiae ; & quis neget figuram figurato esse minùs gloriosam ? Quis ibit inficias umbrâ lucem multò esse gloriosiore ? Quamuis umbra diutius , lux verò breuiùs duret ?

115. Sed vt magis conuicti , confusique reddantur Hebræi ; neque etiam hoc illos miserum iuuat effugium : nam falsum omnino est , quòd Templum primum durauerit minùs , quàm secundum . Siquidem , si numerandum sit tempus durationis primi Templi à principio foundationis eius , durauit primum plùs annos 9 . quàm secundum . Si numerandum sit ab anno , quo fuit consummatum , durauit plùs duos annos , & sex menses , quàm secundum : Quod patet manifestè ex Sacra Scriptura , in lib. Regum : nam Templum primum incepit ædificari in 4 . anno Regni Salomonis 3 . Reg. cap. 11 . qui regnauit annos 40 . vnde stetit Templum vsque ad mortem Salomonis 36 . annos numerando ex primo anno , quo ædificium incepit ; & numerando ex anno , quo Templum fuit perfectum ; qui fuit annus vndecimus Regni Salomonis , durauit Templum vsque ad mortem Salomonis , annos 29 . Post Salomonem regnauit Roboam 17 . annos Reg. 3 . cap. 14 . ibidem cap. 15 . ibidem c. 22 . Post Roboam regnauit Abias tres annos Reg. 4 . cap. 8 . ibidem . post hunc regnauit Aza annos 41 . postea Iosaphat annos 25 . postea Ioram regnauit annos 8 . Postea regnauit Achazias anno vno ; qui fuit occisus à Iehu Rege Samarie . Postea fuit Regnum Iudæ sine Rege , annos 6 . & anno 7 . factus est Rex Ioas , qui regnauit annos 40 . Postea regnauit Amasias annos 29 . Postea regnauit Azarias , nominatus etiam

etiam Huzias, annos 52. postea regnavit Ioathan annos 16. Reg. 4. c. 11. ib. c. 12. ib. c. 14. ib. c. 15. ibid. Postea regnavit Achaz annos 16. Reg. 4. c. 16. ibid. c. 18. ibid. cap. 21. ibid. ibid. cap. 22. ibidem 23. ibidem cap. 25. ibidem & Paralip. cap. 36. Postea regnavit Ezechias annos 29. Postea regnavit Manassés annos 55. Postea regnavit Amos annos 2. postea regnavit Iosias annos 31. Postea regnavit Ioachaz menses 3. postea regnavit Ioakim, annos 11. postea regnavit Ioachin menses 3. Postea regnavit Sedechias annos 11. qui fuit annus 10. Nabuchodonosor, in quo anno fuit Templum destructum. Vnde omnes hi anni, si bene legas, faciunt numerum 422. annorum, & sex mensium incipiendo ab anno, quo primum Templum fuit perfectè finitum, vsque ad ruinam illius; ex quo patet iuxta hanc numerandi rationem, durasse primum Templum annis 2. & medio, plus, quàm secundum Templum; & incipiendo à principio foundationis Templi, durasse primum Templum annos 9. plus, quàm secundum. Igitur falsum omnino est id, quod illi Rabbini narrant, scil. secundum Templum durasse plus, quàm primum, & hanc fuisse maiorem gloriam Templi secundi; cum tamen evidenter constet oppositum: erubescant igitur Rabbini falsarii, & desinant tot mendacijs simplices, & rudes Hebræos decipere.

116. Alterum dubium opponunt Hebræi contra illum versiculum: *Veniet desideratus cunctis gentibus*. Dicunt enim legendum esse: Venient cum desiderio cunctæ gentes, & probant: quia in textu Hebraico; positum est verbum; venient in numero plurali, & non, veniet in numero singulari; ex quo inferunt non posse poni desiderium in nominatio; aliter errans esset grammatica: *Desiderium venient*; bene tamen concordabit, cum desiderio venient gentes: quo posito, clarè videtur textum non loqui de Messia, sed de solo Templo secundo, in quod venient gentes cum desiderio, & deuotione adorare Deum in Templo illo; quod dicunt fuisse impletum, quia non solum Hebræi, sed etiã multi Gentiles sæpè venerunt adorare Deum Israel

Israel in Ierusalem: ergo frustra dicimus prophetiam intelligi de Messia. Hoc dubium Hebræorum nullius momenti est: quia vox desiderium (si non velimus ponere *Desideratus*, ut habet nostra vulgata) ponitur in textu ut regens casum sequentis nominis, scil. gentium in genitiuo, vel gentibus, in datiuo; si autem gentes in casu recto ponerentur; non deberet poni *desiderium* ut regens, sed ut directum, & modificatum à præpositione *cum*. Et non ponitur ibi vlla vox Hebraica, quæ talem propositionem *cum* adsignificet; & ideo bene aptatur in textu Desiderium gentium, vel desideratus gentibus. Nec obstat, quod verbum ibi ponatur in plurali, venient; quia alij legunt desideria, & sic concordat numerus in plurali: alij legunt, veniet, & desiderium, & sic concordat numerus in singulari. Deinde, illud nomen Desiderium sumi potest collectivè, pro singulis omnium gētium desiderijs, & sic licet nomen sit singulare, habere potest verbum in plurali, iuxta illud. *Pars in frustra secant*. Præscindendo tamen ab his quicquid Grammaticalibus; nonne est sententia omnium ferè Rabbiorum Prophetam hîc loqui de Messia? Cur Prophetæ Hebræos consolabatur videndo eos dolore affectos, quod hoc secundum Templum non accedebat ad magnificentiam primi Templi, nisi proponendo, & prædicendo gloriam istius secundi futuram esse maiorem propter allicitentiam Messie in eo secundo Templo futuram: ad quem Gentes omnes magno cum desiderio confluerent, videndo tot eius Messie miracula, facta in cælo, & in terra, ut quando in cælo nova apparuit stella, Sol in plenilunio, quando Luna à Sole plus distat, ingentem eclipsim passus est, quando vox Patris Aeterni de cælo toties audita est: *Hic est Filius meus dilectus*, &c. quando Spiritus Sanctus de cælo super Messiam in Iordane sub columbæ specie, & in die Pentecostes ignitas inter linguas super Apostolos in signum Messie sonante cælo turbinis instar descendit: quando Angeli de cælo, in natiuitate Christi, in deserto, in horto Gethsemani, in sepulchro, in resurrectione, in Ascensione

sione sæpius apparuerunt ad propalandum hominibus Christum verum esse Messiam. Quando vniuersa terra, populi omnes, cunctæ mundi nationes commotæ sunt, tot prodigijs stupefactæ, tot miraculis, & prophetijs verificatis, Apostolorum in omnem terram clamore personante conuictæ ad Christum confluxere; non fuit hoc commouere cælos? mouere terram? allicere Nationes? adducere populos, ad videndum, ad amandum, ad obtinendum sui causam desiderij, æternæ suæ salutis authorem, suum dulcissimum IESVM, suum desiderium, suam spem, suamque beatitudinem sempiternam? Vbi melius, & veriùs, clariùs, & certius hoc Prophetæ cælestis oraculi vaticinium posset verificari? Erubescant Hebræi, vel dum hæc mente capti non capiunt; vel dum voluntate obstinati non amplectuntur; cedat iam dementia rationi, mendacia veritati, tenebræ luci.

117. Recentior quidam Iudæus, vt neruofas huius argumenti vires effugiat aliter punctis afficit verba Prophetæ; & scribit, seu legit sic: *Magna est gloria domus istius; nouissime plus, quàm primæ*; vbi ponendo post pronomen *Istius* punctum, ac virgulam, facit, vt explicetur Prophetæ, tanquam de triplici Templo. Primum est Salomonis, secundum Zorobabelis, nouissimum, & vltimum, quod ædificabitur a Rege Messia, quando venerit; & hoc vltimum erit magnificentius in omnibus, quàm primum; vnde, inquit Barbanella, (sic enim appellatur iste Iudæus) cum adhuc non sit ædificatum tertium Templum; nondum venit Messias. Hæc est expositio istius nequissimi Nebulonis; & non erubescit variare sic sacrum textum; qui à tot sæculis, & per tot sapientissimos Doctores etiam Hebræos, tam ante, quàm post Natiuitatem Domini nostri IESV Christi fuit semper inuariatus, & incorruptus, eo modo, quo nos illum legimus: nec villus author etiam Hebræus inuenitur, præter istam malignam vulpeculam; qui sacrum illum textum ita detorqueat, seu vulneret, laceretque.

118. Vnde refellitur primò: quia Prophetæ solùm facit

cit hinc comparationem primi Templi cum secundo Zorobabelis; & dicit licet primum præcesserit in magnificentia; istud tamen secundū præcessurum in gloria; quia in eo allisset desideratus Messias, volens consolari Hebræos, quasi diceret: quamuis tristes sitis, quoddam fabrica istius secūdi, & ultimi Templi sit minor quàm primi fabrica: tamen maior erit gloria istius propter aduentum Christi in isto secundo: ad quod impertinens erat loqui de alio tertio Templo; cum solum voluisset eos consolari cum hoc secundo, & ideo exhortabatur, ut pergerent ad illud perficiendum, & continuandum, dicens: *Et nunc confortare Zorobabel, &c.* Secunda, quia ut verba textus habere possint illum sensum extortum, quem vult ille Rabbini, ut argumentum declinet, necessarium est mutare verba Prophetæ, addendo aliqua, quæ non inveniuntur, nec in textu Hebraico, nec in septuaginta, nec in nostra Vulgata; nec in Chaldaica, aut Syriaca versione; imò neque illa textus variatio reperitur apud veteres Rabbinos; prout videre potes apud Galatin. lib.4. c.9. Dicendum igitur est prophetiam loqui de secundo Templo, & de Messia illud suâ præsentia glorificaturo; & consequenter ex eo textu euidenter probari iam venisse Messiam, & esse Christum IESVM; quem si Iudæi non recipient, in æternum certissimè sunt damnandi.

CAPVT DECIMVMQVARTVM.

Proponitur decimaquarta probatio, qua probatur Messiam iam venisse, dum venire debuerat tempore, quo adhuc existeret secundum Templum.

119. **D**ecimaquarta probatio, qua clarissimè probatur Messiam iam venisse, desumitur ex Malachia Propheta cap.3. num.1. quæ sic habet: *Ecce ego mitto Angelum meum, & preparabit viam ante faciem meam: & statim veniet ad Templum suum Dominator, quem vos queritis, & Angelus Testamenti, quem vos vultis. Ecce venit, dicit*

*Dominus exercituum, &c. & quis stabit ad videndum eum? ipse enim, quasi ignis conflans, & quasi herba fullonum: & sedebit conflans, & emundans argentum, & purgabit filios Leui, & colabit eos, quasi aurum, & quasi argentum: & erunt Domino offerentes sacrificia in iustitia, & placebit Domino sacrificium Iudæ, & Ierusalem sicut dies sæculi; & sicut anni antiqui. Et accedam ad vos in iudicio: & ero testis velocis maleficis, & adulteris, & periuris. Ex hac prophetia manifestè apparet Messiam iam venisse, & esse Christum IESVM: nam Prophetam dicit Christum Messiam Sanctissimum venturum esse in tēpore Templi 2. Hoc templum secundum iam non est, sed fuit: ergo iam venit, quando Templum illud fuit: vnde manifestè errant Hebræi expectantes Messiam, dum constat manifestè iam venisse. Totum manifestius constabit explicando prædictam prophetiam, quæ sic ex sententia nostrorum Doctorum, & etiam Hebræorum exponitur: *Ecce ego mitto Angelum meum, & præparabit viam ante faciem meam.* Id est, ego Verbum Diuinum mitto Præcursores meum Baptistam ante me, qui disponet homines, vt credant in me, & me recipiant vt Agnum Dei, qui tollat peccata mundi. Messias vt Agnus expectabatur à Iudæis: iuxta illud: *Mitte Agnum dominatorem terræ.* Ex quo patet Baptistam fuisse non solum missum à Patre, iuxta illud Ioan. *Fuit homo missus à Deo, cui nomen erat Ioannes*; quod etiam Christus insinuauit. Matth. 11. num. 10. *Hic est, de quo scriptum est: Ecce ego mitto Angelum meum ante faciem tuam, qui præparabit viam tuam, ante te*, sed etiam à Filio, imò & missus fuit à Spiritu Sancto; siquidem actiones ad extra, vt docent Theologi, toti Trinitati sunt communes. *Angelum meum.* Certum est de fide, Baptistam fuisse hominem, & non verum Angelum, quod constat ex duobus textibus citatis Ioan. & Matth. & ex Luc. 1. vbi narratur eius humana generatio, Pater Zacharias, & Mater Elisabeth. Et ideo ab Ecclesia damnatus fuit error Originis, qui affirmavit Baptistam fuisse Angelum incarnatum. Verba Origenis sunt hæc: *Quoniam legimus Malach. 3. num 1.**

num.1. *Ecce ego mitto Angelum meum, adnotamus num forte unus Angelorum existens præcursor ad ministerium deputetur Saluatoris nostri. Et mirum profecto nihil, Christi ob amorem hominum incarnati imitatores aliquos extitisse, quibus dulce fuerit ei benignitati inservire eadem corporis similitudine. Sed erravit, ut dictum est. Ecclesia enim sacros illos textus de Baptista homine puro homine, & non de homine Angelo, diuino illustrata lumine, sanctè, fideliterque intellexit.*

120. *Et præparabit viam ante faciem meam. Id est; me iam præsentem, & existentem in carne visibili, præparabit baptismum poenitentiae, ad baptismum à memox instituentum in Spiritu Sancto. Et statim veniet ad Templum suum Dominator; statim: quia post Ioannem venit, & apparuit Christus, sicut post stellam luciferam sequitur Sol: unde Ioannes fuit velut horizon legis veteris, ac nouæ: quod bene explicauit D.Th. 3. p. q. 38. art. 1. Ioannes fuit terminus legis, & initium Euangelij. Et eleganter Chrysost. serm. 91. Ioannes fuit legis, & Gratiae fibula, scilicet ad quem desineret Iudaismus, & inciperet Christianismus. Et profundè Tertullianus lib. 4. contra Marcian. 33. Sicut Lucifer finis est noctis, & diei initium, ita Ioannes finis fuit Legis, & initium Euangelij. Et ideo meritò ait Propheta; post Ioannem statim veniet Christus. Ad Templum suum: si suum Templum: Deus ille est: quia Templum non quidem hominis, sed Dei est: Erubescant ergo Hebræi, & perfidi Arriani, qui per summam impudentiam diuinitatem Filii Dei negant. Igitur post natiuitatem Ioannis, Christus ex Beatissima Virgine MARIA natus est, & fuit præsentatus in Templo; & inter senioris Prophetæ Simeonis amplexus dulciter acceptus, qui summo exultantis animi gaudio, diuino afflatus Numine suauiter exclamauit: Nunc dimittis seruum tuum Domine; quia viderunt oculi mei salutare tuum, &c.*

121. Mysticè etiam Doctores nostri maximè D. August. de Ciuitate lib. 18. cap. 35. Templum interpretatur

pro Sacrosancta humanitate; quæ etiam dicitur Templum iuxta illud Ioann. 2. num. 19. *Soluite Templum hoc, & in tribus diebus excitabo illud*. Et sine dubio, vt notauit Euangelista, de Templo corporis sui Dominus loquebatur. Ad hoc igitur templum humanitatis, post conceptionem Baptistæ, venit Verbum per incarnationem in sacro Beatissimæ Virginis utero. Vnde etiam aliqui cum D. Cyrillo accipiunt templum pro Sanctissima Virgine MARIA, ex qua Sancti Spiritus virtute absque vllō viri consortio carnem assumpsit, iuxta illud: *quod in ea natum est, de Spiritu Sancto est*. Ad hoc igitur templum admirabile Dei venit Verbum, & qui ab æterno erat filius Dei Patris sine Matre, Deus factus est tempore filius Virginis Matris sine Patre. *Ad templum suum Dominator*, id est, Christus omnium Dominus, quem vos, ò Hebræi, queritis, dicendo, *emitte Domine Agnum Dominatorem terræ. Et Angelus testamenti*. Malachias duos hîc proponit, & promittit Angelos, vnum nudum, alterum testamenti, priorem scilicet præcursorem, & indicem posterioris: prior est Baptista, posterior Christus; & statim, inquit Propheta, post priorem Angelum, puta post Ioannem Baptistam, veniet ad templum suum Angelus testamenti, id est, pacti, siue fæderis, vt vertit Syrus.

122. Porrò cum duplex sit fædus Dei, vetus, siue Iudaicum: & nouum, siue Christianum; Christus vtriusque fuit Angelus, siue Legatus: Christus enim à Patre missus apparuit Moyse in Sina: per eumque vetus fædus cum Iudeis iniit, quo eis promissit se venturum in carne ad eorum, totiusque mundi redemptionem: Christus enim fuit Angelus in veteri fædere promissus Abrahamæ, & semini eius, ac præsertim Moyse: vnde S. Paulus ad Galat. 3. num. 19. ait legem veterem datam in manu, id est, per manum Mediatoris, id est, Christi sub persona Moyse: solus enim Christus est mediator inter Deum, & hominem. Et ideo Isai. 2. num. 6. ait: *Ego, qui loquebar, adsum*. Id est, adsum iam factus homo, qui loquebar vobis, vt Deus. Igitur Christus fuit

fuit Angelus noui testamenti, & fæderis. 1. quia mediator pacis inter homines, & Deum, iuxta Isai. 9. n. 6. Christus appellatur *Princeps pacis*, & iuxta Apostolum ad Ephes. 2. n. 14. ubi appellatur *Pax nostra*. Et ad Coloss. 2. n. 14. *Donans vobis omnia delicta: delens, quod aduersus nos erat obitographum decreti, quod erat contrarium nobis, & ipsum tulit de medio, affigens illud cruci.* 2. quia verè nouum fædus veteri Mosaico abolito, inter Deum, & homines perpetuò iniuit, quo Deus se obligat Christianis ad dandam gratiam, & gloriam æternam; Christiani verò se obligant vicissim Deo, quod eius filio IESV Christo credent, obedientque, & eius legem, & doctrinam capeissent. 3. quia testamentum simpliciter illud est, quod est vltimum, & morte firmatum, & irreuocabile, & perpetuum, & sic fuit Christi Domini testamentum nouum, id est, vltimum morte sua firmatum, perpetuum, & irreuocabile, iuxta illud ad Cor. 11. num. 25. *Hic Calix nouum testamentum est in meo Sanguine*. Et Math. 25. n. 26. *Hic est Sanguis meus noui testamenti, qui pro multis effundetur in remissionem peccatorum*. Et Marc. 14. n. 22. & Luc. 22. n. 20. Vnde Euangelium est nouum testamentum, quod sanguine, id est, morte firmatum est, & redditum perpetuum, & irreuocabile; primum verò, antiquum uè testamentum, fuit, vt dicunt, deambulatorium vsque ad mortem, ideoq; per vltimum testamentum morte firmatum reuocatum fuit. Atque adeò Angelus testamenti, idem est, atque Nuncius Euangelij, quod Christus nunciauit 1. immediate per se. 2. mediatè per Apostolos in vniuersum mundum: iuxta illud Marci cap. 16. *Euntes in mundum vniuersum, prædicate Euangelium omni creaturæ*, id est, omnibus hominibus; quod quidem ita effectum est, iuxta illud: *Et quidem in omnem terram exiuit sonus eorum*.

123. *Angelus, &c. quem vos vultis*. Arabicus legit, *quem vos desideratis*. Quasi diceret: Iste est, ò Hebræi, Messias, quem vos vultis, ac summopere desideratis. Christus enim quasi malorum omnium depulsor, & bonorum omnium addu-

adductor per quatuor annorum millia fuit maximè desideratus: vnde à Iacob Patriarcha vocatur *desiderium collium æternorum*. Genes. 49. n. 26. & ab Aggæo cap. 2. n. 8. *Desideratus cunctis gentibus*, prout supra vidimus. Hinc illa Prophetarum, Sanctorumque Patrum suspiria: *Vtinam disrumperes cælos, & descenderes*. Isai. 64. n. 1. & illud: *Rorate cæli desuper, & nubes pluant Iustum; aperiatu terra, & germinet Saluatorem*. Isa. 45. nu. 8. Idem erga Christum desiderium habuit Propheta Simeon, Prophetissa Anna, & alij fideles, iuxta illud Lucæ 2. nu. 38. *Loquebatur de eo omnibus, qui expectabant redemptionem Israël.*

124. *Ecce venit*, id est, primus eius aduentus non multum tardabit: *Et quis stabit ad videndum eum* ? id est, quis illum videns mirabilia operantem, verba vitæ æternæ proferentem, mortuos suscitantem, infirmos sanantem, cæcos illuminantem, turbas famelicas mirabiliter pascentem, & satiantem, & alia prodigia nunquam antea, nec audita patrantem, quis inquam stabit, & genuflectens non illum adoret? Adorabunt Magi: *Procidentes adorauerunt eum*; in quibus Reges terræ præsignabantur, iuxta illud: *Adorabunt eum omnes Reges terræ*. Psal. 71. Adorabunt pastores, in quibus Episcopi repræsentabantur; qui illum toto orbe gregem eius pascentes summa veneratione colunt, genuq; flectentes adorant: adorabit cæcus visui restitutus, & *proci dens adorauit eum*. Ioan. 9. in quo repræsentabatur cæca Gentilitas ab Euangelio illuminata, iuxta illud: *Omnes gentes seruiunt ei*. Psal. ibid. Adorabunt illum omnes creaturæ tam cælestes, quàm terrenæ, quàm infernales, iuxta illud Pauli Phil. 2. nu. 10. *Vt in nomine IESV omne genu flectatur, caelestium, terrestrium, & Infernorum*. *Quis stabit*, illum videndo in Thabore cælesti splendore fulgentem, & ad illius conspectum non cadat reuerenter? ceciderunt Apostoli, iuxta illud Matth. cap. 17. *Ceciderunt in faciem suam*. *Quis stabit*, illum videndo etiam dum se morti offeret in horto Gethsemanitico, dicens: *Ego sum*; & nō cadat? Ceciderunt armati hostes, iuxta illud Ioannis cap. 18. nu. 6.

Vt

Vt ergo dixit eis: Ego sum: abierunt retrorsum, & ceciderunt in terram. Quis stabit, dum illum videbit in resurrectione gloriosum? & se ad illius pedes non projiciet? Se proiecērunt Milites sepulchrum custodientes, Mulieres illum resurgentem intuentes, Thomas pulcherrimas illius plagas inspicieus, iuxta illud Matth. 28. n. 4. Præ timore autem eius exterriti sunt custodes, & facti sunt velut mortui. Et nu. 9. Et ecce IESVS occurrit illis, dicens: Auete: illæ autem accefferunt, & tenuere pedes eius. Et Ioan. 20. n. 27. Deinde dicit Thomæ: infer digitum tuum huc, &c. & respondit Thomas: Dominus meus, & Deus meus. Quis stabit, illum videndo in cœlum gloriosè ascendere; & non cadat illum adorans? Ceciderunt adorantes Apostoli, & discipuli, dum illum vident ascendentem in cœlum. Lucæ cap. 24. nu. 53. Et factum est, dum benediceret illis, recessit ab eis, & ferebatur in cœlum; & ipsi adorantes regressi sunt in Ierusalem.

125. *Ipse enim quasi ignis conflans.* Propheta hîc comparat Angelum testamenti, id est, Nuntium, seu Legatum Euangelij Christum igni fornacis ardentissimæ; quo conflantur metalla, vt aurum, argentum, ferrum, stannum, vt significet ignitam, & ardentem Christi fore doctrinam, legem, & gratiam, plenam, scilicet charitatis, fidei, & spei, aliarumque virtutum. 1. quia sicut in fornace liquatur aurum; ita Christus charitatis igne corda emolliit. 2. quia licet ignis liquefaciens aurum, ab eo disgregat alia metalla, & scoriam; ita Christus separauit gentes sacro suo Euangelio tanquam cœlesti igne ab idololatria; & separat animas à vitijs, & affectionibus terrenis. 3. quia sicut hac separatione aurum purificatur, periclitur, & splendet; ita pariter animæ fidelium gratiâ legis Euangelicæ purificantur, perficiuntur, magisque splendent. 4. sicut vi ignis aurum, & ferrum ignescit, vt videatur in ignem transformari; ita quoque animæ Christi ignito amore videantur in ipsum Christum Deum quodammodo transformari, vt suo modo videantur vnum cum Christo, sicut Christus est vnum cum Patre iuxta illud Ioannis cap. 17. n. 11. *Vt sint vnum,*

unum, sicut & nos: maximè verò per ardentissimum amoris ignem ex Sacra Eucharistia, iuxta illud Ioannis 6. n. 58. Sicut misit me viuens Pater, & ego uiuo propter Patrem; & qui manducat me, & ipse uiuet propter me; id est, sicut ego uiuo vitâ Patris; ita qui ritè manducat me, suo modo meâ vitâ uiuet; in me quodammodo transformatus. Hoc ipsum dixerat Isaias cap. 4. n. 3. Si abluerit Dominus sordes filiarum Sion, & in spiritu iudicij, & in spiritu ardoris, id est, absoluen- do à peccatis per iudicium Sacramentale pœnitentiæ, & per actum supernaturalem charitatis, vt dispositionis proximæ ad gratiam sanctificantem. Filiarum Sion, id est, animarum, quæ per baptismum iam sunt filiæ Ecclesiæ nouæ Sion. De eodem igni loquitur Lucas c. 3. n. 16. Ipse vos baptizabit Spiritu Sancto, & igni. Et idem cap. 12. nu. 49. Vbi Christus sic loquitur: Ignem veni mittere in terram: & quid volo, nisi vt accendatur? De eodem igne loquitur Dauid Psal. 118. Ignitum eloquium tuum uehementer. 5. deniq; sicut igne artifices metalla formant in vasa ad varia ministeria; ita Christus igne gratiæ Euangelicæ varia formauit spiritualia vasa ad spiritualia ministeria, quosdam Apostolos, alios Euangelistas, Doctores, Prophetas, Martyres secundum eundem spiritum, iuxta Apostolum ad Cor. 1. cap. 12. n. 4. Diuisiones verò gratiarum sunt: idem autem spiritus; & diuisiones ministracionum sunt, idem autem Dominus.

126. *Et quasi herba fullonum, id est, herba quædam in Palæstina frequens; qua vtuntur fullones, id est, lauantes, ad abstergendas maculas, & sordes pannorum: per quod denotat Messiam emundaturum animas à sordibus peccatorum; quod Christus fecit per Sacramenta baptismi, & pœnitentiæ, quæ ipse instituit ad remittenda peccata, iuxta illud: Quorum remisistis peccata, remittuntur eis. Ioann. 20. n. 23. Et sedebit conflans, & emundans argentum; id est, Messias Christus, postquam Regnum seu fidelium congregationem formauerit per baptismum, sedebit per suos Ministros Sacerdotes in sede, seu tribunali sacramentalis iudi-*

iudicij pœnitentiæ confians, seu formans spiritualiter igne contritionis, & emundans, seu absoluens à peccatis argentum, id est, fideles baptizatos, qui per fidem argentum meritò dici possunt.

127. *Et purgabit filios Leui*; id est, faciet clericos puros, & sanctitate conspicuos, & plus perfectos, quàm laicos; & *colabit eos*, id est, à cæteris segregabit, tanquam purum aurum. *Et erunt Domino offerentes*, id est, ex his clericis, seu Leuitis, putà Diaconis ordinabuntur Sacerdotes, offerentes sacrificia in iustitia, id est, celebrantes sacrificium Missæ, in iustitia, id est, celebrando non cum peccato, sed priùs se disponendo, si in peccato sint, per confessionem; & *placebit Domino sacrificium Iudæ*; Id est, Missa celebrata à Sacerdote ritè per gratiam disposito placebit Deo, sacrificium Iudæ, & Ierusalem, scilicet nouæ, quæ est Ecclesia Christi de Tribu Iudæ; in qua tantum sacrificium Iudæ, id est, Corporis, & Sanguinis Christi, peragetur. Iudæ, id est, confitentis priùs peccata sua, si illa habeat, vt ad sacrificium accedat iustificatus: Iudas enim significat bonam confessionem. *Sicut dies sæculi, & sicut anni antiqui*. Id est, sicut in diebus antiquis placebat Domino sacrificium Abelis, Noe, Abrahami, Melchisedech, aliorumque veterum, illustriumque Sanctorum; ita multò magis placebit Domino hoc sacrificium immaculati Agni Christi: illud enim sacrificium erat vmbra, figuraque istius: imò Deus per antiquum illud, quod Sancti illi PP. offerebant, sacrificium, tanquam per typum noui istius sacrificij gentes benedicebat; & multò magis Ecclesiam suam per antitypum, & figuratum sanctificat.

128. *Et accedam ad vos in iudicio*; ego veniam ad vós, vt iudex, ad iudicandum, non sicut alij iudices, qui sunt puri homines, & indigent testibus, qui sæpe sunt mendaces, & difficile inueniuntur; ideoque tardè, & falsa euadit sententia: ego autem, qui licet homo sim, sum etiam Deus, cui omnia sunt manifesta, & ideo sum non solum Iudex, sed testis velox; & non egeo morâ temporis, ad percipiendam

dam veritatem ; condemnabo itaque maleficos , adulteros , periuros , calumniatores , defraudantes mercenarios , & similes peccatores . Vnde Chaldæus vertit : *Et reuelabor super vos ut faciam iudicium , & erit verbum meum contra vos in testem* . Postquam Propheta in persona Christi loquutus fuit de iudicio sacramentali per Sacerdotes in Ecclesia sub primo aduentu Christi , transiit ad iudicium finale in secundo aduentu ; quando Christus iudicabit , vt testis oculatus ; quia omnia peccata hominum viderat , vt Deus per scientiam diuinam , vt beatus per visionem beatam , per quam videt omnia , vt illa perfecte , & æquissime iudicet , sine vlllo adminiculo extranei testimonij : & ideo rei negare non poterunt , scientes bene Christum omnia vidisse , & nihil eum latuisse . Ex his clarissime patet Prophetam loqui de Messia ; & cum ibi etiam dicat illum venire debere , quando adhuc existet Templum secundum , vt supra manet ostensum , & hoc Templum secundum à plus 1600. annis iam non existit , vt omnes sciunt , & Iudæi ipsi non negant ; sequitur manifestè Messiam à plus 1600. annis iam venisse , vel prophetiam fuisse falsam ; quod Iudæi non dicent . Sed Christus IESVS tempore illo venit , & de illo verificata sunt omnia , quæ de Messia hic , & alij Prophetæ dixerunt , vt constat clarissime ex dictis : ergo Christus IESVS est verus Messias , qui iam venit .

129. Vt autem apertius , manifestiusq; appareat Messiam venire debere tempore secundi templi , lege Prophetam Ieremiam cap. 29. num. 10. Vbi Propheta in persona Dei dicit transactis 70. annis illos esse redituros in Ierusalem , & templum secundum esse ædificandum iuxta diuinam promissionem : *Quia hæc dicit Dominus : Cum ceperint impleri in Babylone 70. anni , visitabo vos , & suscitabo super vos verbum meum bonum , & reducam vos ad locum istum* , id est , in Ierusalem . Et cap. 30. num. 18. ita ait : *Hæc dicit Dominus : Ecce ego conuertam conuersionem tabernaculorum Iacob , & testis eius miserebor , & ædificabitur Ciuitas in excelso suo : & Templum iuxta ordinem suum fundabitur* . Et infra

fra num. 21. *Et erit Dux eius ex eo, & Princeps de medio eius producetur; & applicabo eum, & accedet ad me: quis enim iste est, qui applicet cor suum, ut appropinquet mihi; ait Dominus.* Id est, vos reducam à captiuitate Babylonis, & ædificabitur Templum: & dux istius ex vobis erit, id est, ex vestra natione: & ita productus erit in terra, ut nullus vir illum generet; sed ego ipse applicabo eum, & accedet ad me, id est, vnietur per supernaturale vinculum diuinitati meæ, ut & maneat homo natus ex Matre Virgine, & Deus ex me Patre natus; & solus iste erit Deus homo, & Messias; quis enim est alius, qui sic humanitatem habeat vnitam Diuinitati? Et hoc ipsum dicit cap. 33. n. 14. *Ecce dies veniunt, dicit Dominus; & suscitabo verbum bonum, id est, promissionem illam factam in cap. 29. reducendi illos à Babylone in Ierusalem, & ædificandi secundum templum: & subiungit: & in diebus illis, & in tempore illo, id est, in tempore secundi templi sic ædificati: Germinare faciam David germen iustitiæ; id est, Messiam filium David: & faciet iudicium, & iustitiam in terra: id est, faciet, ut pro peccato Deo perfectè, & abundanter satisfiat; quia eius satisfactio, utpote à persona Diuina infinita, est valoris infiniti, ut exæquet offensam Deo infinito ab hominibus factam.*

130. Ex quibus prophetiis manifestè constat Messiam venturum post liberationem à captiuitate Babylonis, & tempore templi secundi ædificati: ait enim: *In diebus illis, & in tempore illo; venturum Messiam: Germinare faciam, &c.* Et post aduentum eius prædicto tempore, incipit Propheta prædicere successum Ecclesiæ Christi, scil. illum appellandum esse Dominum iustum nostrum cap. 33. nu. 16. *Et hoc est nomen, quod vocabunt eum: Dominus iustus noster.* Deinde ex illo tempore non defecturos Sacerdotes, & Diaconos; qui ei offerant hostias, vsque ad finem mundi n. 17. *Non interibit de David vir, qui sedeat super thronum Domus Israel, id est, super solium Ecclesiæ Regni Christi æterni: Et de Sacerdotibus, & Leuitis non interibit vir à facie mea, qui offerat holocaustomata, & incendat sacrificium, & cadat*

vltimas omnibus diebus. Et hoc in perpetuum, dum nox durauerit, & dies; vt ait ibi n. 20. quod non potest intelligi de Regno temporali Iudæ, quod à plus mille, & sexcentis annis iam non est, nec de sacrificijs sub ritu Mosaico, quæ ab eo tempore cessarunt, vt omnes vident: ergo intelligitur de Regno spiritali Christi, id est, Ecclesia; quæ ab eo tempore durat, & in æternum durabit, & de sacrificio immaculati Agni Christi; qui omnibus diebus sacrificatur; & vsque ad finem mundi sacrificabitur. Igitur ex his prophetijs conuicti omnino remanent Hebræi Messiam iam venisse, & esse Christum IESVM Saluatorem nostrum. Quod verò in his prophetijs sermo sit de Messia, intelligunt etiam ipsi Hebræi, vt videre potes in Targum, seu in illorum Paraphrasi Chaldaica in expositione illarum prophetiarum: vnde fit contra illos hoc irrefragabile argumentum. Hebræi dicunt illas prophetias apertè loqui de Messia; prophetiæ illæ apertè dicunt Messiam venturum esse eo tempore illius Templi secundi, quod iam non est: ergo eo tempore venit: & stolidè ab illis expectatur venturus: imò si aliquis extra illud tempus veniret, eo ipso Messias non esset.

131. Ex his refellitur somnium, seu fabula quorundam Rabbiorum asserentium in lib. Tobar in glosa maiori folio 139. col. 2. in expositione cap. 25. Genes. Messiam venturum esse in anno 5368. secundum illorum numerandi rationem; & post 40. annos futuram esse vniuersalem mortuorum resurrectionem: refellitur, inquam, hæc fabula. 1. quia in nullo Sacræ Scripturæ textu fundatur, sed à sola vana illorum hominum cogitatione confingitur. 2. quia Prophetæ clarissimè ponunt tempus aduentus Messiæ, vt ex dictis constat, & ex dicendis constabit. 3. quia iam tempus illud pro vniuersali mortuorum resurrectione ab eis assignatum ab hinc 40. annis transactum est; & resurrectio mortuorum nondum venit; & à fortiori secundum illos iam tempus Messiæ est præteritum, & tamen adhuc vanissima sua, falsaque apprehensione illum expectant.

stant. Hos cæcos Hebræos illuminet Christus, qui iam venit, & manifestissimis signis, clarissimis prophetiis per omnes Prophetas prædictis, & nullo deficiente apice iam plenissimè verificatis sese manifestavit; ut hucusque probatum est; & tamen illum adhuc expectant futurum; ut etiam illa iam supra narrata prophetia verificetur: *Expectabitis me, & ego expectabo vos*: Deus quidem summâ misericordiâ, illi summa obstinatione. Faxit Deus, ut ipsi velamen ab oculis amoveant, cæcitatem deponant, & convertantur; Salvatoremque suum agnoscant, & salventur.

CAPVT DECIMVMQVINTVM.

*Proponitur decimaquinta probatio pro aduentu Messie
contra perfidos Hebræos.*

132. **D** Ecimaquinta probatio desumitur ex detrimento, præfixoque tempore, quod Deus reuelavit per suos Prophetas pro aduentu Messie, ne homines per errorem falsum pro vero acciperent. Igitur Deus videns vehementissimum, ardentissimumque desiderium aduentus Messie, quo Daniel flagrabat, ideoque illum appellavit virum desideriorum, ita illi locutus est cap. 9. n. 22. *Daniel, nunc egressus sum, ut docerem te, & intelligeres. Ab exordio precum tuarum egressus est sermo: ego autem veni, ut indicarem tibi, quia vir desideriorum es. Tu ergo animadverte sermonem, & intellige visionem. Septuaginta hebdomades abbreviate sunt super populum tuum, & super urbem sanctam tuam, ut consummetur prævaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio, & prophetia, & ungatur Sanctus Sanctorum. Scito ergo, & animadverte. Ab exitu sermonis, ut iterum edificetur Ierusalem, usque ad Christum Ducem hebdomades septem, & hebdomades sexaginta duæ erunt, & rursum edificabitur platea, & muri in angustia*

gustia temporum: & post hebdomades sexaginta duas occidetur Christus: & non erit eius populus, qui eum negaturus est. Et Ciuitatem, & Sanctuarium dissipabit populus cum Duce venturo: & finis eius vastitas, & post finem belli statuta desolatio. Confirmabit autem pactum multis hebdomada una: & in dimidio hebdomadis deficiet hostia, & sacrificium. Et erit in templo abominatio desolationis: & usque ad consummationem, & finem perseuerabit desolatio.

133. Ex hac prophetia clarissimè patet Deum determinasse tempus fixum aduentûs Messiae, dicendo: *Septuaginta hebdomades abbreviatae sunt*, id est, terminatae; & finitæ, ita explicant Authores, quos apud me habeo: q. d. brevis est terminus, seu breui spectati dies aderunt, & videri possunt apud Cornelium in hunc locum v. 24. ex radice Hebraica nesthach. Fabian Toghi. c. 9. fol. 501. *Vt veniat iustitia sempiterna*, id est, illa lex Gratiae, quæ durabit in æternum, id est, non reuocabitur, sicut reuocata est lex scripta Cæremonialis; & ungatur Messias Sanctus Sanctorum, &c. Dicit ergo, quòd intra tempus illarum hebdomadum; quarum quælibet 7. annos complectitur; & faciunt annos 490. venturus esset Messias, & occidendus; finitis 69. hebdomadis ex illis 70. hebdomadis; quæ 69. faciunt numerum 483. annorû, vt infra demonstrabitur; post quod tempus Christus fuit occisus, qui anni scil. 483. iam erant finiti, quando Christus Saluator noster crucifixus est: qui est Sanctus Sanctorum; promulgauit legem iustitiæ, seu gratiæ perpetuò duraturæ; extinxit peccatum morte sua; & finis factus est visionum, & prophetiarum, quæ de illo erant factæ: deinde iam non est populus eius, populus, qui illum non confitetur, & illum negat: non est populus Dei, sed diaboli, & Synagoga Satanæ; vt sunt obstinati Hebræi, cæterique infideles Christum negantes. Præterea confirmauit pactum, id est, fædus, seu testamentum, tum quando dixit: *Hic est Calix Sanguinis mei noui, & æterni testamenti*; tum quando dixit: *Qui crediderit, & baptizatus fuerit, saluus erit: qui verò non crediderit, condemnabitur*; tum, quan-

quando dixit: *Nisi quis renatus fuerit ex aqua, & Spiritu Sancto, non potest introire in regnum Dei*: tum quando misit Apostolos in vniuersum mundum prædicare Euangelium; dicens: *Euntes in mundum vniuersum predicate Euangelium omni creaturæ*; tum quando in cælum ascendens benedixit suis Apostolis, & discipulis; & in eis toti suæ Ecclesiæ Luc. 24. nu. 51. *Et factum est, dum benediceret eis, ferebatur in cælum*; tum quando promissum Spiritum Sanctum 10. dies post Ascensionem mirabilem linguas inter igneas in die Pentecostes super Ecclesiam suam è cælo misit: id denotant verba: *Confirmabit autem pactum multis*. Quia per hæc omnia sâtisfecit pacto inito cum Abrahamâ se venturum ad saluandas gentes hebdomadâ vnâ, id est, tres annos, & dimidium, quibus Christus prædicauit; & alium dimidiũ post eius mortem, & resurrectionem, cum promulgatum Euangelium per Apostolos. Tandem fuit deuastata Ierusalem, Templi Sanctuarium destructum à populo Romano, sub Duce suo Tito, vt dixit prophætia: *Ciuitatem, & Sanctuarium dissipabit populus cum Duce venturo*. Item eius desolatio à tempore illo vsque ad nostros dies, transactis iam plũs 1600. annis perseuerat, & perseuerabit vsque ad finem mundi, vt dicit Propheta. Defecit item à tempore illo hostia, & sacrificium: quippe Agnus ille, qui à Iudæis sacrificabatur, iam non sacrificatur; neq; ab illis potest sacrificari, lege id prohibente fieri extra Ierusalem: & sic verificatur prophætia. *Et in dimidio hebdomadis deficiet hostia, & sacrificium*: quia finitis tribus annis, & medio anno; quod vnus hebdomadæ ex annis 7. constantis dimidium est, in quo tempore Christus crucifixus est; tunc defecit hostia, in significato; & ideo velum Templi scissum est, & celsarunt antiqui sacrificij signa, vt ex hoc lib. 4. cap. 7. n. 67. latè constat. Ex his igitur sic manifestissimè in Christo IESV omnino verificatis euidentissimè patet Messiam iam venisse, esseque Salvatorem nostrum IESVM Christum: imò, illum negando monstrant Hebræi illum esse verum Messiam; & ipsos non esse populum eius;

eius; vt dicit Propheta: *Et non erit eius populus, qui eum negaturus est*. Vnde in ipsa sua negatione affirmant; & in ipsa sua reprobatione approbant.

134. Restat nunc Hebræorum dubijs contra hanc prophetiam sic expositam in vero, & germano sensu respondere, & plenissimè satisfacere; si velint ipsi sincero animo veritatem percipere. Opponunt 1. prophetias esse intellectui difficiles, & ideo nullus potest ex illis quidquam certò colligere. Vana quidem est hæc obiectio Iudæorum, & cum videant seipsos esse conuictos, confugiunt ad hanc solutionem dicendo Deum nolle, vt nos illas prophetias intelligamus; & non aduertunt, quòd quando Deus non vult aliquam veritatem ob aliquam specialem causam palam facere, illam sub obscuris terminis inuoluit; vt quando multa Danieli reuelauit circa secundum suum aduentum; at verò circa primum suum aduentum, cum possent homines decipi, acceptando falsum Messiam pro vero, dedit clarissima signa, vt homines illum cognoscerent, & intelligerent: & ideo Angelus dixit Danieli se fuisse egressum, vt doceret illum, & vt ipse intelligeret: *Egressus sum, vt docerem te, & intelligeres*. Volebat igitur Deus, vt intelligeretur prophetia. Verum quidem est, quòd Deus ita sub obscuris verbis aliquando mysteria loquutus sit, vt non pateant cuicunque, & maneant occulta non omnibus, sed solis obstinatis, quales sunt Hebræi duræ ceruicis, de quibus Deus dixit per Moysen Deuteron. c. 32. prout vidimus supra c. 7. *Abcondam faciem meam ab eis*: id est, ipsi me non cognoscent: *Generatio enim peruersa est, & infideles filij*, id est, infidelitas, & peruersitas eorum causa est meæ auersionis ab eis; credant ipsi, & intelligant; accedant fide, & illuminabuntur intelligentiâ.

135. Opponunt 2. cum Rabbi Abram: illa vox Iccaret, quam nostra Vulgata exponit, *occidetur*, significat *Deficere*, vel *abscindere*, & non, *occidetur*: ergo Propheta ibi non locutus fuit de occisione Christi, proindeque corrumpit nostra expositio. Resp. illam vocem, *occidetur*, passiuæ significationis

tionis esse: unde si significaret idem, atque *deficere*; in textu poneretur aliqua particula, siue præpositio; per quam faceret sensum; v. gr. poneretur sic. *Deficiet à populo, vel in casu datiuo, deficiet populo*; sicut quando statim voluit significare populum non esse amplius futurum, vt aliquem sensum faceret, posuit particulam *eius*, vel iuxta aliam versionem, ei, siue, illi, sic: *Non erit eius populus, qui cum negaturus est*. Concluditur igitur vocem illam Hebraicam Iccaret non habere aliam significationem, quàm illam, quæ est in nostra Vulgata, scil. *occidetur*: & sic legunt antiquiores, doctioresque Rabbini; & omnes Sacræ Scripturæ versiones; quibus plùs est fides adhibenda, quàm vni Rabbino obstinato in sua falsâ imaginatione fugiendo à luce veritatis ad latebras, & ad obscuram suæ prauæ cogitationis vmbra: & est conformis hæc de Christi occisione prophetia illi alteri prophetiæ Isaïæ cap. 53. quæ prædicit Messiam interficiendum; vt ex illius morte nos omnes vitam haberemus; & hoc ipsum volens, nolens Pontifex Caiphas vt formaliter Pontifex, & tanquam ex Cathedra definiuit; dicens: *Expedi vobis, vt vnus moriatur homo, ne tota gens pereat*: Ioan. 11. n. 49. Et notauit ibi Euangelista, illum, cùm esset Pontifex, ex Numinis oraculo fuisse loquutum: *Hoc autem à semetipso non dixit, sed cùm esset Pontifex anni illius, prophetauit, quòd IESVS moriturus erat pro gente; & non tantum pro gente, sed vt filios Dei, qui erant dispersi, congregaret in vnum*. Imò quamuis verbum Iccaret in prima sui institutione abscindere significet; frequentius tamen in scriptura pro occidere sumitur, vtpote ex Genes. 9. Ezechiel. 21. in quibus locis ponitur verbum Iccareth pro occidere, vt videre est apud Galati. lib. 4. pag. 133. lit. K.

136. Opponunt 3. Rabbini multi non intelligunt illam prophetiam de Christo: nam Rabbi Abrami ben Esdra dicit Prophetam loqui de Neemia. Rabbi Leui ben Gherison ait loqui de Iosue summo Pontifice; alij asserunt loqui de Zorobabel. Rabbi Salomon ait loqui de Agrippa, qui, inquit, fuit occisus à Tito. Omnes istæ interpretatio-

nes sunt falsæ, & contra sensum Prophetæ: nam Propheta dicit hunc Messiam à Iudæis occidendum illum esse, qui peccata hominum remittet: solus autem Deus, qualis est Messias, potest peccata remittere; non autem homines illi, qui sunt puri homines, & indigebant, quòd Deus illis peccata remitteret.

137. Insullius quidem alius Rabbīnus apud Finum in hunc locum, loco verbi, *occidetur Christus*, legit, *abscindetur*; quia, inquit, Christus à Synagoga ejicietur, & excommunicabitur. Hic Rabbīnus. perperam legit sacrum textum; cū tamen clarè loquatur de occisione; & ideo Rabbi Ozeas apud Galat. lib. 4. c. 18. flens dicebat: *Væ illis, væ illis, væ illis iniquis, & impijs homicidis Israel, ob quorum amorem, ut peccatum eis dimittat Deus, mittet Filium sanctum suum, & carnem humanam induet: væ illis, quia propter pravas suas actiones, rebelles erunt huic Messie, nec respicient dicta, quibus imperabit, ut mudentur aqua mundationis ad expianda peccata sua: nec incedent in vijs Deo gratis: nec facient eius voluntatem: sed ingenti iracundia perciti illum occident*. Hactenus Rabbi Ozeas. Sic interpretabantur scripturas. Rabbīni ante aduentum Christi Salvatoris nostri, quia sincero animo legebant prophetias: at post Christi aduentum mendaces Rabbīni, quia vident se conuictos prophetijs ad vnguem in Christo verificatis, illas nolunt legere studio assequendæ veritatis, sed adhibent solutiones stultas, vanas, & Prophetarum sensui omnino repugnantes, ut decipiant ignorantes, rudesque Hebræos, & cum illis ad infernum damnati, diabolo instigante, detrudantur: & ideo Rabbīnus ille Ozeas, meritò ter illis dicit: *Væ illis, væ illis, væ illis, &c.*

138. Opponunt 4. Propheta hic loquitur de Christo, id est, vñcto: sed Christus IESVS vñctus non fuit: Siquidem non legitur illum fuisse vñctum; imò si venturus erat tempore secundi Templi, in quo iam vñctionis oleum non erat; vñctus esse non poterat: ergo Propheta non potest loqui de Christo IESV. Hoc argumentum ferit ipsos Hebræos,

bræos, qui dicebant suprà Iosue Sacerdotem, vel Zorobabel, vel Agrippam esse illum Christum, de quo Propheta loquitur; tamen omnes illi non poterant esse vñdi, quia venerunt tempore secundi Templi, in quo iam oleum ad vngendum non seruabatur: cur ergo nunc vtuntur hoc argumento contra Christianos? Respondeo igitur directè ad hoc vanum argumentū; Christum non dici Christum, & vñctum, quia vñctus fuisset oleo illo materiali, quod quidem iam non erat in secundo Templo, in quod Christus IESVS venit; prout supra probatum est: sed quia fuit vñctus oleo lætitiæ gratiæ tam increatæ diuinitatis, quam gratiæ habitualis creatæ; siquidem est simul Deus, & homo: & de hac vñctione loquuti sunt Prophetæ; vt constat ex Psal. 44. n. 8. *Dilexisti iustitiam, & odisti iniquitatem: propterea vñxit te Deus oleo lætitiæ præ consortibus:* & in hac vñctione cæteros omnes iustos antecelluit; quia nullus præter illum habuit vnionem hypostaticam ad Personalitatem diuinam, & nullus tantum cumulum gratiæ iustificantis; cum omnes gratiam suam habuerint ex illius gratia; & ideo dicitur à Prophetis *Sanctus Sanctorum*. Et Messiam non ab hominibus vñctione materiali, sed à Deo vñctione spirituali vngi debere Prophetæ dicunt, vt dicit citatus Dauid: *Vñxit te Deus oleo lætitiæ*. Et Is. cap. 61. n. 1. *Spiritus Domini super me; eo quod vñxerit Dominus me; ad annunciandum mansuetis misit me, vt mederer contritis corde; & prædicarem captiuis indulgentiam, & clausis apertionem, vt prædicarem annum placabilem Domino, & diem ultionis Deo nostro, &c.* Quæ omnia verificata sunt in Christo IESV: qui primò prædicauit Regnum Dei in Iudæa, sicut mandatum habebat à Patre; & postea per suos Apostolos, ac discipulos prædicauit in vniuerso mundo: liberando vñctos à captiuitate diaboli, carceris portas aperiendo, peccata remittendo: & satisfaciendo plenè Deo pro peccatis hominum, portas cœli aperiendo per peccatum clausas; & claudendo portas Inferorum per peccatum apertas. De hac igitur vñctione Prophetæ loquebantur, &

non de materiali, quæ tantum erat figura, & umbra vñtionis, quam Christus habiturus erat.

139. Opponunt 5. Non potest intelligi, ex quibus consent illæ hebdomades: ergo non potest quidquam certò colligi de tempore aduentûs Messîæ, proindeque Iudæi adhuc possunt illum expectare futurum. Resp. Rabbinos istos directe opponi sacro textui: siquidem in textu dicitur Angelum egressum fuisse, vt Daniele doceret de tempore aduentûs Messîæ; & vt ipse Propheta id intelligeret; docere autem illum debuerat per signa intelligibilia; quomodo enim poterat Propheta intelligere, si Angelus ei loqueretur non intelligibilia? Ergo dum Rabbini dicunt verba Angeli non esse intelligibilia; sacro textui omnino opponuntur. Vt autem intelligas verum sensum prophetiæ, aduerte diligenter, hebdomadas illas 70. posse ita considerari; vt quælibet hebdomada contineat vel 7. dies, vel 7. menses, vel 7. annos, vel 7. Iubilæos, vel 7. sæcula, vel 7. mille annos. Et in primis, hebdomada non potest hîc sumi, vt significet 7. mille annos: quia, cùm ipsi Rabbini dicant, prout supra vidimus, mundum à sui prima creatione solum esse duraturum 6000. annos: 2000. sub lege naturali, 2000. sub lege scripta, 2000. sub lege gratiæ in diebus Messîæ; quælibet hebdomada duraret plus, quàm ipse mundus, mille annis; & multiplicatis 7000. per 70. fieret numerus 49000. annorum, & sic expectaretur Messias venturus in mundum 43000. annos post finitum mundum, quod est ridiculum, & per se implicatorium. Similiter non potest septimana sumi pro septem Iubilæis; cùm enim Iubilæus habeat 50. annos, quælibet septimana haberet 350. qui multiplicati per 70. faciunt numerum longè maiorem, quàm numerus annorum mundi; & à fortiori, si vna septimana contineat septem sæcula, id est, 700. annos; quare evidens est non posse sumi septimanā per 7000. annos, per 7. Iubilæos, per 7. sæcula. Et deinde probatur; quia in nullo textu Scripturæ Sacræ septimana sumitur per eos numeros, vt mox videbimus: Angelus verò volebat

expli-

explicare septimanas secundum visitatum modum, & phrasim scripturæ, aliter, non diceret se velle illum Prophetam docere; vt ipse intelligeret tempus aduentûs Messîæ. Similiter non potest sumi septimana per 7. menses. 1. quia in Sacra Scriptura nunquam per septem menses sumitur: 2. quia sumpta vt sic, prophetia Danielis secum in multis, vt mox patebit, pugnaret.

140. Restat ergo vt septimana debeat sumi, vel per septem dies, vel per 7. annos. Ratio est, quia aliquando septimana sumitur per septem dies, vt constat ex Genesi: nec hoc vlla indiget probatione; cum de hoc nullus dubitet. Hæc tamen prophetia, vt manifestum est, non potest intelligi de septimanis 7. dierum; quia pugnaret cum alijs, quæ ibi Propheta dicit; vt mox videbimus. Aliquando autem sumitur in scriptura septimana per 7. annos: hoc manifestè constat ex multis locis Sacræ Scripturæ 1. ex cap. 25. Leuitici nu. 8. *Numerabis quoque tibi septem hebdomadas annorum*, id est, *septies septem*; quæ simul faciunt annos 49. *Sanctificabisque annum quinquagesimum: & vocabis remissionem cunctis habitatoribus terræ tuæ: ipse est enim Iubilæus*. Vbi clarè vides in scriptura illa 7. annos vocari vnâ hebdomadam annorum. 2. ex Genesis 29. Vbi dicitur, quando Iacob seruiuit Laban 7. annis pro Rachel; & conquerens Iacob, quodd Laban illi dederit Liam lippis oculis deformem pro Rachel speciosa nimis; & cum ad hanc querelam respondisset Laban non esse, scilicet, moris illius regionis tradere nuptijs puellam ætate minorem prius, quàm maiorem, qualis erat Lia: suasis, vt hac vteretur vnâ hebdomadâ seruiendo iterum illi 7. illos annos, & post illam hebdomadam illi traderetur Rachel. Et ait textus n. 28. *Acquieuit placide* (Iacob) & transactâ hebdomadâ, Rachel duxit vxorem. Vbi vides 7. annos vocari vnâ hebdomadam ab scriptura. Quodd verò 7. anni dicantur vnâ hebdomada, habetur expresse in Thalmud in tractatu Sanhedrin capite Chelèc, vbi fit mentio septimane, in qua veniet Messias; & postea distinguens dicit se loqui

qui de septimana complectente 7. annos. Item Rabbi Sahladiah exponendo hebdomadas Danielis, dicit intelligendum esse de septimana 7. annorum. Et sic ait: *Numeremus, & inueniemus decies 7. annos*, esse annos 70. & decies 7. hebdomadas, hebdomadas esse 70. & 70. hebdomadas annorum esse 49. annos. Igitur dubitari minimè debet, tum in Sacris Scripturis, tum etiam in Rabbinis septimanam intelligi per 7. annos: vnde procul omni dubio septimanæ, de quibus loquitur Daniel, sunt septimanæ, quarum quælibet septem annos complectitur. Et hæc 70. hebdomadæ prædictæ faciunt numerum 490. annorum, intra quos venire debuerat Messias Sanctus Sanctorum, Iustitia sempiterna, vt esset crucifigendus, & morte sua mundum redempturus: atque ita debuit impleri prædicta prophetia; vt mox tibi clarissimum fiet.

141. Ad quod duo sunt hic expendenda: 1. à quo anno debeant incipere hebdomadæ? 2. in quo anno Christus IESVS fuit crucifixus, & verificata prophetia? quibus declaratis, & concordatis, remanent omnino Iudæi conuicti, nullamque possunt de sua contumacia tergiuersationem habere. Quo ad primum certum omnino est, & extra vllam controuerfiam hebdomadas illas incipere debere à die, in qua pronunciata est locutio, vt iterum ædificanda esset Ierusalem, templumque reædificandum. Ita enim expressè ait textus: *Ab exitu sermonis, vt iterum ædificetur Ierusalem vsque ad Christum Ducem hebdomades 7. & hebdomades 62. erunt.* Tota difficultas est; in quo tempore egressus fuit ille sermo? 1. opinio ait fuisse, quando Deus locutus fuit Ieremiæ, dicens illi post 70. annos ad impleturum esse promissionem reducendi populum in Ierusalem, vt constat ex Ierem. cap. 29. Et hæc prophetia facta fuit ipsi Ieremiæ anno quarto Regis Sedechiæ, vt dicit idem Ierem. cap. 28. qui annus fuit 12. Regis Nabuchodonosor; siquidem in lib. 4. Reg. cap. 25. dicitur in decimono anno Regis Nabuchodonosor Templum fuisse flammis dirutum, & in eodem loco dicit fuisse vndecimum annum

Regis

Regis Sedechiæ. Igitur, si quartus annus Regis Sedechiæ fuit decimustertius Regis Nabu chodonosor; quartus annus Regis Sedechiæ currit cum 12. anno Regis Nabuchodonosor; ex quo 4. anno volunt aliqui debere incipere numerum 70. hebdomadarum. 2. & melior sententia tenet hebdomadas numerari debere à primo anno Regis Cyri: quandoquidem tunc 1. egressus est sermo, vt reducerentur Hebræi ad reædificandum Ierusalem; vt legitur in cap. 1. Esdræ; vbi narratur Regem promulgasse publicum edictum; vt omnes Iudæi redirent ad reædificandum Deo Templum in Ierusalem. Vnde, cum ex eo tempore egressus fuerit sermo, vt iterum ædificaretur Ierusalem, ab eo tempore numerandæ sunt hebdomades iuxta Prophetam.

142. Cæterum antequam tempora dinumeremus, necesse est præmittere Hebræos diuerso modo tempora dinumerare, esseque à nobis diuersos in numero annorum: siquidem multi eorum errant in vita Regum, maximè Regis Assueri; quem ipsi putant 10. annos, alij verò 14. regnasse annos: cum tamen constet ex vita Regum Persiæ 40. annos regnasse Assuerum: & similiter errant in vita Cyri, quem credunt regnasse solum tres annos; cum tamen, vt narrant veri Historiographi, 30. annos regnauerit Cyrus; quod etiam affirmat Iosiphon Gen Gorion lib. suæ historiæ cap. 3. Vbi dicit Cyrum, postquam in bello Regem Scythiæ, filiumque illius occidisset; fugissetque eius Regis occisi vxor Tamyræ; ab ea per insidias incautum, à suis casu longè absentem fuisse occisum, & Reginam proiecis-
se illius caput amputatum in puteum sanguinis, dicendo: *Satia te post mortem sanguine; quoniam per triginta annos, quibus regnasti in vita, nullo sanguine suum tuam restingue-
re potuisti.* Ex quo patet Cyrum 30. annos regnasse; & non solum tres annos; prout alij Hebræi existimarunt; & ideo necesse est inter ipsos, & nos annorum numerum variari. Quia verò Iudæi credunt tanquam rem indubitabilem secundum Templum non plus durasse, quam 420. annos; vt
le-

legitur in Thalmud in tractatu Harachin. in cap. Ennehe-
rachin; vbi sic dicitur: *Secundum Templum quanto tem-
pore stetit?* & respondet: *quatuorcentum, & viginti annos.*
Et deinde, quia, prout narrat Iosiphon illorum historio-
graphus, Cyrus regnavit 30. annos. 1. numerabimus tem-
pus secundum illorum opinionem, vt magis ipsi conuin-
cantur; 2. autem faciemus numerum secundum alteram
opinionem veriore. Igitur secundum primam opinio-
nem incipient numerari 70. hebdomadæ Danielis ab anno
4. Regis Sedechiæ, qui fuit annus 12. Regis Nabuchodono-
for, qui regnavit

Post hunc regnavit Euilmerodach 34.

Post hunc regnavit Baltasarsar. 3.

Post hunc regnavit Darius 2.

Post hunc regnavit Cyrus 30.

Post Cyrum regnavit Afsuerus 14.

Post Afsuerum regnavit Darius; & in anno 6.
illius regni fuit Templum secundum finitum, & per-
fectum: idcirco sumemus ex vita illius sex annos,
& ex hac summa fit numerus 112.

Adiungendo autem prædictæ summæ 420. an-
nos, in quibus Hebræi dicunt Templum secundum
stetisse, fit integer numerus 532.

Ex quibus si demas 42. annos, qui fuerunt tran-
sacti à die, quo Christus fuit crucifixus, vsq; ad Tem-
pli secundi destructionem, remanent 490.

143. Ex quo manifestum est, secundum computatio-
nem Iudæorum, vbi finitæ fuerunt 70. hebdomadæ anno-
rum; quæ faciunt numer. 490. annorū; fuisse crucifixum
Christum Dominum nostrū, qui idcirco verus est Messias
à sanctis Prophetis prædictus. Quo ad secundum pun-
ctum certissimum omnino est, nec ipsi Hebræi negant, in
hoc tempore Christum fuisse crucifixum: siquidem cru-
cifixus fuit 42. annos, antequam secundum Templum fue-
rit destruktum, vt narrant omnes historiæ tam Romanæ;
quàm Græcæ, quàm etiam Hebraicæ; ita vt negare hoc,
esset

esset negare diem esse, cum Sol lucet; neque ad hanc cæcitatem adhuc deuenerunt Hebræi, ut negent; & si fortè negarent, ab omnibus irriderentur, & exsibilarentur. Taceant ergo iam nunc Iudæi; & non resistent apertæ veritati: siquidem etiam secundum illorum computationem, manifestè apparet Christum fuisse mortuum, & crucifixum eo tempore; quod Deus prædixerat per Prophetam Daniele; & deinde patet Christum Dominum esse verum Messiam: siquidem solus ille, & non alius, venit eo præfixo, & statuto tempore. Quia tamen Hebræi non se accommodant veritati historiæ de vita Regum illorum; volo facere computationem secundum alteram opinionem veriore; incipiendo à primo anno regni Regis Cyri propter rationem à nobis supra assignatam; & videbis, si attentè consideres, esse multò veriore hunc secundum modum numerandi.

CAPVT DECIMVMSEXTVM.

*Proponitur probabilior modus numerandi 70. hebdomadas
Danielis Prophetæ.*

144. **L** Icèt prior modus numerandi hebdomadas Danielis iuxta Hebræorum computationem sufficientissimus sit ad illos conuincendum, ut ex præcedenti capite constat; quia tamen non solum volumus illos conuincere suâ propriâ doctrinâ, & argumento, ut dicunt, ad hominem, sed apertam rei veritatem apponere, ut non solum ipsi Hebræi conuicti, sed omnes maneant absque vlla dubitationis anxietate quieti, ac certi, & fideles Christiani summa consolatione affecti; hoc præsens caput dabit alium modum verisimiliorem, qui sequitur; incipiendo numerum à tempore Cyri, cui magis consonat sensus prophetiæ Danielis prout supra notauimus. Igitur sumemus totum tempus, quo regnauit Cyrus, quod fuit spatium 30. annorum, ut supra probauimus

tum ex historijs veris, quas veri historiographi illorum Regum summâ concordia adducunt; quibus potius est credendum, quàm Rabbiniis exteris; tum etiam ex Iosiphon Hebræo probatissimo Authore, qui cum illis historiographis concordat.

Cyrus regnavit annos 30.

Post hunc Artaxerxes Magnus, qui fuit Afsue-
rus; prout constat, vt dictum est, ex Chronicis Per-
sarum, regnavit 40.

Post hunc regnavit Artaxerxes Occo eius filius
ex Regina Esther 26.

Post hunc regnavit Arse communiter dictus
Arsanus 4.

Post hunc regnavit vltimus Rex Persarum 6.

In quo sexto anno fuit finitum, & perfectum se-
cundum Templum: & faciunt 106.

Quibus 106. si adiungas 420. annos, in quibus
Templum secundum stetit, remanent 526.

Ex quibus 526. si demas 42. annos, qui transacti
fuerunt, postquam Christus verus Messias fuit cru-
cifixus, vsque ad secundi Templi ruinam, remanent 484.

Quia tamen verisimile est, imò ferè certum,
quando vitæ Regum narrantur, non semper annus
vltimus integer est; sed aliquando deest aliquis men-
sis, aliquando aliqua septimana, vel dies; valde ratio-
nabiliter possumus minuere ex illa summa 484.
vnum annum, & sic numerus erit 483.

Qui anni complent numerum illarum 69. hebdoma-
dum, quæ transire debuerant ex egressu sermonis, vt ædi-
ficaretur iterum Ierusalem; vt dicit Propheta supra alle-
gatus in principio capitis præcedentis. Et istæ sunt 7. heb-
domadæ, & 62. quæ diuisæ in duas partes faciunt nume-
rum 69. hebdomadum; cum debeat restare vna hebdoma-
da propter rationem infra ponendam. Igitur manifestum
est prophetiam Danielis impletam fuisse in Christo
IESV vero Messia: siquidem ille fuit crucifixus & mortuus
in

in tempore prædicto à Propheta, scil. post 69. hebdomadas, quæ faciunt numerum iustum, & determinatum 483. annorum.

145. Concludamus igitur nostram 16. ex Danielis prophetia probationem, seu evidentem demonstrationem. Hæc prophetia loquitur de Messia, vt iam conuicti non negant Hebræi: deinde illa certè debebat impleri; aliter non esset prophetia, sed vanitas; quod nec ipsi obstinatissimi Hebræi audent dicere. In eo puncto, quod Propheta dixit, sunt omnia verificata: nam Christus fuit mortuus, & crucifixus in assignato illo tempore; nimirum finitis 69. hebdomadis annorum: quæ faciunt numerum 483. & quia remanet vna septimana, dicit Propheta, quod in dimidio vnius hebdomadæ, id est, in tribus annis, & medio, in quibus Christus prædicauit, & in reliquo prædicationis Apostolorum in Iudæa; confirmatum fuit pactum de remissione peccatorum per baptismum institutum à Christo, & de lege gratiæ initum cum Abraham faciendi illum Patrem multarum gentium per fidem in Christum semen ipsius; in quo omnes gentes essent benedicendæ; & finitæ sunt 70. hebdomadæ, quæ faciunt numerum 490. annorum.

Nec obstat huic nostræ computationi id, quod noster Cornelius à Lapide dicit; nimirum Christum fuisse occisum finitis 70. hebdomadis; & non finitis 69. vt nos hîc dicimus, & exprimit Propheta: quia hoc eius dictum non potest stare cum numero annorum iuxta computationem certam à nobis supra factam. Nec eius argumentum viget: quod, scil. implicaretur Propheta, dicendo finiendas esse 70. hebdomadas vsque ad Christum Ducem; & postea dicendo illum occidendum post 69. non, inquam, viget hoc argumentum: nam Propheta primò posuit 70. hebdomadas vsque ad Christum, vt promulgantem legem gratiæ, & finientem sacrificium Mosaicum, quod totum post mortem Christi in vltimis annis complentibus 70. hebdomadas verificatum est; & ideo Propheta se explicauit, dicen-

do mortem Christi fuisse post finitas 69. hebdomadas; & sic manet numerus hebdomadum, cum annis, qui concurrerunt, vsque ad Christi mortem, & reuocationem hostiæ, & sacrificij Mosaici optimè concordatus, quo tempore completæ sunt 70. hebdomades. Ab illo tempore desecit hostia, & sacrificium; fuit Templum, & Ierusalem destructa per populum Romanum, & Ducem, seu Imperatorem Titum; Populus Hebræus illum negauit, & populus eius non est; vt ipsi facto suo fatentur; desolatio, seu destructio Templi perseverat ab illo tempore, iam plus mille, & sexcentis annis transactis, & vsque ad finem, & consummationem sæculi perseverabit; iniquitas, & peccatum Christi morte sublatum; lex gratiæ in æternum duratura, seu iustitia sempiterna in Ecclesia Christiana datur; ex his ergo euidenter monstratur Christum iam venisse, & esse verum Messiam, & Hebræos in illum non credentes non credere sanctis Dei Prophetis, & consequenter in æternum esse damnandos.

CAPVT DECIMVMSEPTIMVM.

Proponitur decima septima probatio contra Iudaos ex ratione temporis à Deo destinati pro aduentu Messiae.

146. **H**ÆC decima septima probatio est quædam confirmatio, & extensio præcedentis: assignat enim determinatum tempus aduentus Messiae ex Propheta mox citando, & mirabiliter concordant hi duo Prophetae in tempore aduentus Messiae: nam postquam Isaias cap. 9. num. 6. prædixit Messiam nasciturum nobis infantem paruulum, & filium nobis dandum, & sceptrum regni sui futurum esse crucem super humerum eius; item vocandum esse Admirabilem, Consiliarium, Deum fortem, patrem futuri sæculi, id est, geniturum multos filios spirituales, & Principem pacis, id est, inter Deum, & homines

mines per reconciliationem: *Parvulus enim natus est nobis; & factus est Principatus super humerum eius, & vocabitur nomen eius Admirabilis, Consiliarius, Deus fortis, pater futuri sæculi, princeps pacis*; addidit hæc sequentia verba: *Multiplicabitur eius Imperium, & pacis non erit finis*. Notant hic Rabbini in Thalmud tractatu Sabbati in cap. Habbone, id est, qui ædificat, literam, Mem, clausam, quæ semper ponitur in fine, vel in principio dictionis: quando ponitur in medio, vt hic ponitur in medio verbi, lemarbe, id est, *multiplicabitur*, semper denotare aliquod mysterium, & arcanum. Idem dicitur in eodem Thalmud in tractatu Sanhedrin in cap. omnis Israel. Vbi Rabbi Salomon mysterium illud literæ Mem positæ in medio dictionis, Lemarbe, *multiplicare*, denotare docet tempus aduentus Messię. Vnde litera illa Mem, vt asserunt omnes Grammatici Hebræi, præsertim Rabbi Elias in suo libro vocato, Iter viarum scientiæ, denotat numerum 600. volens nobis significare Messiam venire debere post annos 600. ad multiplicandum Imperium suum in toto orbe terrarum, prout illud nunc videmus multiplicatum, vt implerentur aliæ prophetiæ, vt illa: *Repleta est terra maiestate gloriæ eius*, & illa: *Factus est mons magnus, & repleuit terram*, & multæ aliæ, de quibus iam supra fecimus mentionem.

147. Supposito igitur, quod in illa prophetia per illud signum arcanum, & mysticum prædicat Messiam venturum post 600. annos, vt nos accommodemus expositioni, prædictæque illorum Rabbiorum sententiæ, inuestigare oportet, à quo tempore debeant incipere numerari præfati illi 600. anni? Rabbini communiter dicunt incipere debere à die prolatae illius prophetiæ, & meritò: quia non potest aliud tempus, à quo incipiant, assignari. Illa verò prophetia facta fuit anno 4. Regis Achaz, vt testatur Rabbi Salomon in lib. 4. Reg. exponendo capitulum 15. eiusdem libri, qui Rex cum regnasset 16. annos; vt constat ex lib. 4. Regum cap. 16. ex quibus 16. annis, si demas 4. annos, in quibus facta fuit prophetia, remanent 12. anni. Debemus
igi-

igitur incipere numerum 600. annorum ab illo duodecimo anno regni Regis Achaz

Post Achaz regnavit Ezechias annos	12.
Post hunc regnavit Manassés	29.
Post hunc regnavit Amon	55.
Post hunc regnavit Iosias	2.
Post hunc regnavit Ioachaz solos tres menses	31.
Post hunc regnavit Ioakim vndecim annos	3.
Post hunc regnavit Ioachin solos tres menses	11.
Post hunc regnavit Sedechias vndecim annos	3.
	11.

Quia verò in anno 11. sui Regni Sedechias captus fuit ab exercitu Chaldaeorum, ductusque cum Hebræis in Babylonem, & cum iam non possit capi numerus à Iudæorum Regibus; necesse est continuare numerum annorum per vitam Regum Gentilium; sequendo igitur à vita Regis Nabuchodonosor, qui ad annum 11. Regis Sedechiæ habebat iam regni sui annos 19. vt constat ex 4. Regum cap. vlt. & cum omnes anni Regni Regis Nabuchodonosor fuerint 45. anni, incipiendo à 19. anno illius regni, restant illius vitæ 26. anni post captiuitatem Sedechiæ

Post hunc regnavit Euilmerodach annos	26.
Post hunc regnavit Baltassar	23.
Post hunc regnavit Darius	3.
Post hunc regnavit Cyrus	2.
Post hunc regnavit Assuerus	30.
Post hunc regnavit Darius 6. annos, & in anno 6.	14.

fuit finitum perfectumque secundum Templum 6.

Templum hoc secundum iuxta vniuersalem Hebræorum sententiam durauit 420. annos

Qui omnes anni faciunt numerum 675.

Ex quibus 675. si demas 42. in quibus secundum Templum stetit, postquam Christus Dominus noster fuit crucifixus, & si etiam demas 33. annos, quibus Christus vixit in terra; inuenies certissimè 600. annos à dictæ prophetiæ die vsque ad Natiuitatem Domini nostri IESV Christi; qui portauit Principatum suum, id est, Crucem suam,
prout

prout etiam prædixit Dauid : *Dominus regnauit à ligno*, Crucis, scil. & ideo, mysterium fuit cruci titulum Regis apponi : IESVS Nazarenus Rex Iudæorum, quem titulum si Iudæi sacrilegi, & ingrati voluerunt refigere, Gentilis Præses non refixit : & Reges terræ illum Regem suum adorant; vt impleatur prophetia : *Adorabunt eum omnes Reges terræ; omnes gentes seruient ei.*

148. Argumentor nunc contra vos, o insensati Iudæi; vos dicitis in illa prophetia, in qua Propheta explicat Christi Principatum per crucem super humeros positam : *Et factus est Principatus super humerum eius*, includi secretum, & arcanum, quod Messias hic sanctissimus venturus sit post 600. annos à die huius. factæ prophetiæ : vobis demonstratum est euidenter, post 600. annos à die illo venisse Christum; & portasse super humeros suos suæ crucis principatum; vt ibidem dicit Propheta : ergo vel errat prophetia, vel vos erratis. Primum dici non potest, cum nec Deus potuisset falli; nec nos decipere, & iam illam vestris oculis videtis impletam; ergo secundum necessariò debetis fateri, nimirum errare vos, dum vestrum non recipitis Saluatorem. Videte igitur, quomodo concordat tempus aduentûs Messiæ ex Propheta Daniele cum tempore ex Propheta Isaia : Daniel dixit transactis 70. hebdomadis numerandis à die edicti de reædificanda Ierusalem, venturum Messiam, & totidem fuerunt transactæ, quando Christus IESVS venit; & in eadem prophetia describit de Messia omnia, quæ in Christo IESV, nullo deficiente, verificata sunt, vt eius mortem, cessationem sacrificij, negationem Christi à populo factam, reprobationem eiusdem populi factam à Christo, destructionem Templi, & Ierusalem factam per populum Romanum, & eius Ductorem Titum. Isaïas dixit transactis 600. annis numerandis à die factæ prophetiæ Messiam esse venturum, & totidem sunt transacti, quando Christus venit; & in eadem prophetia describit de Messia omnia, quæ, nullo deficiente, in Christo IESV verificata sunt, vt eius principatum per mortem crucis, nominationem

Admirabilis, propter mirabilia, quæ fecit: Confiliarij, propter Euangelica confilia, quæ suæ Ecclesiæ ob salutem animarum scripta, & prædicata reliquit: Dei fortis, propter fortitudinem, qua vicit diabolus, & mortem; Patris sæculi futuri, propter filios spirituales, quos per aquam baptismi spiritualiter Deo generavit, & quotquot crediderunt, dedit illis potestatem filios Dei fieri per adoptiuam filiationem; Principis pacis, quia reconciliauit Deum cum hominibus, pro eorum delictis Deo satisfaciendo superabundanter. Igitur Hebræi in Christum IESVM Saluatorem nostrum non credentes Prophetis non creditis, sacramentumque scripturam negatis; & sine dubio peribitis.

CAPVT DECIMVM OCTAVVM.

*Probatio decimoctaua ex extirpatione Idolorum
per Messiam facienda.*

149. **V**NVM ex signis, quæ assignant Prophetæ pro cognoscendo vero Messia, est, quod per eius aduentum idololatria tolleretur, & idola antea in terris adorata ut vera Numina, post Christi veri Messiae aduentum cognoscerentur ut falsa; & gentes agnoscerent errorem suum præteritum, & Deum viuum, & verum adorarent, non nominando, aut inuocando Deos illos falsos; sed eos abominando, & execrando. Ita prædixit Zacharias c. 13. nu. 2. *Et erit in die illa dicit Dominus exercituum: Dispersionem nomina idolorum de terra, & non memorabuntur ultra; & Pseudopphetas, & spiritum immundum auferam de terra.* Et dicit ibi n. 1. hoc faciendum esse per susceptionem baptismi, qui est fons patens in Ecclesia, ad peccatorum remissionem; per quem baptismum baptizatus execratur idola, & spiritum immundum, & Sathanam, dicens: *Abrenuntio.* In die illa erit fons patens domui David, id est, Ecclesiæ Christi, qui est filius David, & David etiam in scripturis appellatur; *& habitantibus Hierusalem nouam,*
sci-

ſcilicet, Chriſti Eccleſiam, in *abſolutionem peccatoris*, & *menſtruata*, id eſt, in remiſſionem peccati originalis, quod reddit animam contaminatam, & quali menſtruatam. Fons etiam intelligitur Sacramentum poenitentiae, in abſolutionem peccatorum; quod Sacramentum in ſola Chriſti Eccleſia, velut fons quidam patet omnibus fidelibus habitantibus in hac Eccleſia Ieruſalem noua: ſed hæc omnia videmus impleta poſt aduentum Domini noſtri IESV Chriſti: nam per nouam fidei profeſſionem omnia idola ſublata ſunt in vniuerſo mundo, vbi eſt Eccleſia; nec iam Dij falſi, Iupiter, Mercurius, Saturnus, Mars, Venus, & cætera omnia idola, adorantur, aut inuocantur; ſed tanquam numina falſa reiecta ſunt de terra; & adoratur verus Deus, quem Abraham, Isaac, & Iacob, cæterique Patres adorarunt: ergo Hebræi Chriſtum Meſſiam verum veniſſe negantes aperte non credunt Prophetis, & ſunt in ſtatu damnationis æternæ, niſi baptizentur credendo in Chriſtum.

150. Et notandus hîc eſt modus loquendi ſacri textûs: *Diſperdam de terra nomina idolorum. Spiritum immundum auferam de terra*: quia ſola omnipotentia Dei Meſſiæ poterat idolorum templa adeo culta à Regibus, & populis in toto orbe de medio tollere; & dæmonum oracula ſilere facere; & ideo dicit; ego Deus omnipotens, & non humana potentia, *diſperdam*; ego *auferam de terra*. Quomodo enim pauperes Apoſtoli extranei, nullâ humanâ ſapientiâ præditi id poſſent facere; niſi illis diuina Chriſti potentia aſſiſteret; qui ideo illis dixit: *Ego dabo vobis os, & ſapientiâ; cui non poterunt reſſilire*? Tot antiqui Philoſophi, & Sapientes, ex quibus multi lumine naturali cognouere falſos eſſe, & inanes Gentium Deos; attamen ſuâ ſapientiâ idola tollere non potuerunt; imò illa ſtultè colebant: diſcipuli verò Chriſti ita omnes illos ſapientes conuicerunt; vt antiquum errorem deponerent, veritatem Chriſtianæ doctrinæ aſſequerentur, vt Dionyſius in Græcia, Cyprianus in Africa, & cæteri alij. Fateantur ergo Iudæicum

Regio Propheta à Domino factum esse istud, & esse mirabile in oculis nostris. Et ideo meritò dicit. Ego *disperdam*: ego *auferam*. Et si solus Deus disperdet, & auferet, cur Christum, qui ea disperdidit, & spiritum immundum, seu oracula dæmonij de terra abstulit, Deum esse, & Messiam Iudæi negant?

151. Opponunt Hebræi 1. adhuc prophetiam illam non esse impletam: implendam verò esse, quādo omnia de terris idola extirpabuntur; & hodie adhuc apud Indos coluntur idola, & adorantur dæmonia: ergo adhuc non venit Messias, sed veniet, quando hæc omnia fuerint impleta; proindeq; adhuc Hebræi possunt prudenter sperare illum venturū, & Christiani venisse iam illum imprudenter credunt. Friuola, & ridicula oppositio Iudæorū: & bene ostendunt se Prophetam non legere, nec intelligere. An Propheta dixit Messiam non esse venturum, nisi prius omnia idola de terris sublata fuerint? Imò si Messias est, qui illa disperdet, & auferet, vt dicit prophetia; *Disperdam, auferam*; prius debuit Messias venire, vt illa disperderet, & auferret. Deinde dicit ne Propheta Messiam in vno instanti, in vno die, in vno anno, aut in vno sæculo omnia idola sublaturum? Minimè id dixit; sed eo modo illa successiue sublaturum, quo esset multiplicaturus suum Imperium Ecclesiasticum æternū duraturum, scil. successiue; vnde sicut quando Propheta dixit Messiam multiplicaturum esse Imperium, & esse illum mysticum lapidem, repleturum vniuersam terram, Iudæi non dicunt illum subitò esse repleturum vniuersam terram, sed successiue; ita non debent dicere Messiam subitò esse sublaturum omnia idola de terris; sed vt verè impleatur prophetia, satis est, quòd successiue illa auferat, vt fecit Christus per suum Euangelium à suis discipulis prædicatum; & idcirco populi Indiarum iam ex magna parte baptizati idola proijciunt, & execrantur. Imò, si bene attenderent Iudæi ad verba Prophetæ, hanc stultam obiectionem non opponerent: nam Propheta in primo loco posuit baptismum, dicens: *In illa die erit*

font patens domui David : & postea ponit destructionem idolorum, dicens : *Disperdam nomina idolorum, &c.* Et quis est Christianus, qui in baptismo faciens professionem fidei Dei veri Christi, totiusque indiuiduæ Trinitatis, non abijciat, & abrenuntiet Dijs falsis. Vnde verus, germanusque Prophetiæ sensus est ; quòd vbi primum aliqua Prouincia idololatra Christi veri Messiae fidei se subijcit, illico idola deferantur : atque ita euenit ; nam vbi primum Græcia, Italia, Germania, Hispania, Asia, Africa, America, & aliæ Prouinciæ conuertebantur ad Christum verum Deum, & verum Messiam, illico falsa proijciebantur idola, & falsa dæmonis oracula reiiciebantur. Itaque eodem modo, quo in primitiua Ecclesia, quando Gentiles conuertebantur, destruebantur idola ; ita modò in remotissimis partibus Indiæ, quando Gentiles ad fidem Christi conuertuntur, comburuntur idola : id, quod non fiebat in Ecclesia veteri ; siquidem non legimus Ecclesiam veterem, id est, Synagogam misisse passim prædicatores ad euertenda, penitusque ableganda dæmonis simulacra : hoc enim seruauit Deus nouæ Ecclesiæ fundatæ à Filio suo IESV Christo Salvatore nostro ; cuius gratiâ, & sanctissima fide omnia dæmonum simulacra corruunt, & adoratur Messias Christus vnus Deus cum Patre, & Spiritu Sancto, & in æternum adorabitur ; & obstinati Iudæi in peccato suo moriuntur.

152. Opponunt 2. Prophetam non loqui de populo Gentili, sed de Hebræo ; & dicere voluisse, antequam Messias venerit, nullum in vniuersa terra idolum adorandum esse ab Hebræis ; & modò in vniuersa terra nullus est Hebræus, qui idololatriam committat ; vt faciebant olim multi Hebræi ; & ideo, quia Deus videt in Hebræis iam à multis sæculis hanc puritatem fidei erga verum Deum Abraham, Isaac, & Iacob, & prophetia Zachariæ in Hebræis adimpleta est ; iam prope est tempus, vt Deus mittat Regem Messiam, qui Gentiles destruat potenti suo exercitu, & dispersos vbique terrarum Hebræos ad Iudæam iterum reducat,

& ibi in æternum regnabit in summa pace, & tranquillitate, faciens iudicium rectum, & in suis filiis Hebræis summam iustitiam, & æquitatem faciet obseruari. Resp. In primis falsò dicere hos Hebræos Prophetam hîc loqui de populo Hebræo, cùm certissimum sit loqui de populo Gentili conuerso ad fidem Christi. 1. quia dicit se sublaturum idola de terra, id est, de gentibus, quæ illa antea superstitione adorabant. 2. destruendum falsos Sacerdotes idolorum, & haruspices, qui loquebantur falsas prophetias, & vaticinia ex spiritu immundo, id est, dæmone: *Et pseudo-prophetas, & spiritum immundum auferam de terra.* 3. dicit, si aliquis ex illo spiritu dæmoniaco prædiuinare audeat, pater, id est, Episcopus, & Mater eius, id est, Ecclesia, illum puniet, & tradet brachio sæculari, vt comburatur, aut occidatur, ibi: *Non viues.* Et ipse à spiritu malo deceptus conuictus erit per testes, & confundetur, & erubescet, & confitebitur suos errores: *Confundentur Prophete,* id est, hypocritæ, & falli; & compellentur dicere: *Propheta non sum.* 4. quia ibidem dicit Propheta, quòd gentes per quandam admirationem obstupescant videndo Messiam plagatum; & dicent: *Qua sunt plagæ istæ in medio manuum tuarum?* Et illis respondebit Christus: *His plagatus sum in domo eorum, qui diligebant me;* & modò me iam non diligunt; quia me confixerunt, & me suum Messiam, & Saluatorem non recognoscunt; & ipse populus Gentilis iam conuersus me crucifixum, & plagatum adorabit, & Deum suum recognoscet: *Ipse vocabit nomen meum, & ego exaudiam eum;* & ego, inquit Christus, dicam: *Populus meus es;* & ipse dicet: *Dominus Deus meus.* Ecce hæc omnia aptantur optimè populo Christiano ex gentibus formato per baptismum; & nullo modo populo Hebræo, de quo Prophetæ dicunt, non futurum populum Dei, prout supra ex varijs Prophetis manet ostensum: quomodo ergo cum veritate possunt dicere Hebræi Prophetam in hac prophetia loqui de populo Hebræo?

153. Imò, quòd hodie Iudæi non committant vllam
ido-

idolatriam sicut olim ante aduentum Christi committēbant, est manifestum signum illos aliud habere peccatum, propter quod sic sunt à Deo reprobati, dispersi, derelicti, sine Rege, sine Principatu, sine Sacrificio, & Sacerdotio; quod certè peccatum nullum aliud est, nisi horribile sacrilegium interficiendi Filium Dei verum Messiam, & adhuc illos non poenitet huius enormissimi peccati, manusque habent pollutas sanguine Iusti à se, suisque patribus occisi, & nisi lauent illas aquà baptismi, semper erunt in statu damnationis, prout supra ex alijs Prophetis manet demonstratum. Concludimus igitur contra istos obcæcatos Iudæos. Iuxta Prophetam Messias extirpaturus erat de terra idolatriam: Christus IESVS per Euangelium suum, fidemque Christianam illam de terra abstulit, ut est manifestum: ergo ille est verus Messias. Si negant hanc consequentiam: negant apertam rationem; si negant prophetiam, discedunt à lege, & Prophetis.

CAPVT DECIMVMNONVM.

Propōnitur decimanona probatio, qua probatur contra obstinatos Hebræos Christum verum Messiam iam venisse.

154. **H**ANC decimamnonam probationem iudico adeò efficacem, ut sufficiens sola foret ad convincendos Hebræos, si rationi assentiri vellent. Ipsi dicunt Christum à se fuisse occisum, quia eò dementiæ devenerat, ut se filium Dei faceret; proindeque, ut Dei honorem defenderent fecisse se, ut à Pilato crucifigeretur. Igitur ego Hebræos interrogo, an Deus sit iustus, an non? Certò scio ipsos responsuros Deum esse iustissimum, ut verè est. Ego deinde replico: si Christus non esset verus Messias, Filius Dei, Hebræi illum occidendo certè facerent Deo actionem omnium, quas possent facere, gratissimam: siquidem facerent occidi eum, qui non erat Deus, & ta-

& tamen se Deum superbissimè faciebat; opus sanè maius illo, quod fecit Phinees filius Eleazari, propter quod Dei Sacerdos in æternum fieri meruit, vt constat ex Numeri cap. 25. Vnde, cum Deus sit iustissimus, ob id eis præmium maximum retribuisset; & multò celerius illis misisset Messiam, quem ipsi expectauerant, si adhuc non venisset: siquidem Deus populo, qui non solum illi seruiret, verum etiam procuraret, vt eius honor ablatus non esset, maxima donaret præmia: & absque dubio Deus hoc fecisset, vt ostenderet rem illam à Iudæis factam sibi fuisse gratissimam, & tolleret errorem ab ijs, qui crederent opus illud bonum fuisse malum. Verum totum euenit in contrarium: nam simul ac Hebræi Christum crucifixerunt, & vt Messiam non acceptarunt; statim omnes viderunt, Deum loco præmij, eos priuasse Ciuitate, Republica, Patria, Sacrificio, Sacerdotio, Templo; & ab illo tempore transactis iam plus 1600. annis in perpetuo sunt exilio dispersi, contempti; & obcæcati mente expectant vanè, vt Deus illis mittat Messiam, quem iam Deus misit elapsis iam 1693. annis, & ipsi non agnoscunt; & non solum non manifestauit populis actionem illam ab Hebræis factam bonam, gratamque Deo ipsi fuisse; sed potius oppositum ostendit, dum facit, vt ille idem Christus, quem ipsi crucifixerunt, sit in toto orbe adoratus, summaque in veneratione habitus à Magnis Regibus, & Principibus, ab hominibus sapientissimis, & sanctissimis, & vt illi toto orbe templa magnifica, sanctuaria, oratoria consecrentur; & hanc fidem quotidie Deus ipse confirmat innumeris miraculis, quæ ab vlla humana potentia fieri non possunt; deinde manifestat mundo sanctitatem eorum, qui hunc Christum sequuntur. Ex quo euidenter sequitur vnum ex duobus: vel Deum non esse iustum, dum præmiat sacrilegium, quale dicunt fecisse Christum faciendo se Filium Dei; & honorem soli Deo debitum iniquè vsurpando, vt ipsi perperam dicunt, & dum hinc punit bonam actionem, qualem ipsi dicunt fuisse occidere Christum in obsequium, & zelum honoris Dei;

Dei; vel occidisse Christum, illumque vt Messiam Filium Dei non acceptare esse quoddam horribile peccatum, & sacrilegium enormissimum omnium, quæ populus Hebræus vnquam commisit: siquidem propter illud peccatum sunt puniti grauissimâ omnium poenâ, & supplicio, quod vnquam passi fuerunt; dum ab illo tempore ad nostros vsque dies, & vsque ad finem mundi, vt dicunt Prophetæ supra relati, in hac dispersione, & exilio permanebunt. Quod Deus non sit iustus, nec dici, nec etiam mente potest cogitari. Igitur ex vi rationis euidentis est, Christum illum ab Hebræis crucifixum verum esse Messiam, verum filium Dei; & vera esse omnia, quæ ipse dixit, consequenterque dum ipse dixit se esse Messiam, & filium Dei; verus Meſſias, & verus Filius Dei est; & hanc esse vitam æternam, vt cognoscant illum, & eum, qui misit illum, Æternum Patrem, ac Spiritum Sanctum, qui super eum requiescit.

155. Confirmatur hæc probatio nostra hoc exemplo. Si Rex vnus potentissimus misisset literas, & legatum in totum suum statum, faciendo eos ciues certiores, quod certo, ac destinato tempore missurus sit filium suum in vnam de ciuitatibus suis ad negotium summæ conuenientiæ propter salutem totius statûs; illos admonendo, quod venturus sit, sicut homo priuatus absque pompa, & vt pauper, vt non sit omnibus notus ob certas, ac iustas causas, & ideo, non erit vestitus veste regiâ; verum, vt aduerterent, quod si ille ostendat certa signa, quod filius Regis sit, ipsum acceptarent, & vt talem crederent, illique perinde ac ipsi Regi obedirent: & postea accedente tempore præfixo, venisset vnus, qui illis diceret, se esse filium Regis ab illo missum; & omnia signa, quæ Rex illis indicauerat pro illo cognoscendo, homo ille dedisset; illaque ciuitas, ad quam primò missus fuisset, illum interficeret, contemneret, iniurijs afficeret, minimèque acceptaret, vt Regis filium; quo pacto possemus cognoscere illum fuisse filium Regis, an non? Certissimum est, si post illud factum Rex ille punisset atrocissi-

ciſſimâ poenâ ciuitatem illam , deſtruendo illam , flammis-
 que deuſtando , ciueſque illos , qui hominem illum occi-
 diſſent, bannitos redderet , perpetuoque exilio amandaret,
 domoſque euerteret , atque urbem , in quo factum illud
 perpetratum fuit ; certiffimum , inquam , & euidentiffi-
 mum eſt ſignum , illum filium fuiſſe Regis ab illo miſſum :
 quia ſi ille non fuiſſet filius Regis , non ſolùm non puni-
 ret Ciuitatem illam , & ciueſ ob factum illud , ſed illis con-
 ferret maxima præmia , & tantò celerius mitteret promiſ-
 ſum Filium , quem ipſi expectauerant , ſi adhuc non ve-
 niſſet: ſiquidem Rex populum, qui ei ſeruit, & etiam omni-
 bus modis procurat , vt eius nomen , & honor uſurpatus
 non ſit , & ne alius fingatur filius eſſe primogenitus Regis,
 exaltabit quidem, multiſque muneribus cumulabit : quod
 quidem Rex effeciſſet , vt ciuitatis illius factum approba-
 ret, & mundo manifeſtaret rem illam bene eſſe factam, ſibi-
 que maximè placere ; & ne turpis error obreperet creden-
 do bonum factum, tanquam malum, & impium . Ecce ca-
 ſus noſter . Æternus Pater ſacras literas dedit Hebræis, le-
 gatoſque ſuos miſit Prophetas ſanctos , per quos promiſit
 certo , ac determinato tempore mittendû ſuum Filium in
 habitu pauperis , & in ſtatu incogniti ob iuſtiſſimas cau-
 ſas, quas ipſe noſcit ; homo iſte illo determinato tempore
 venit , dixit ſeiſſum eſſe Filium Regis Dei ab illo miſſum,
 dicens ſæpe: *Ego ſum* ; aliaque omnia ſigna dedit de ſe ; iux-
 ta ea, quæ Pater per Prophetas , & ſacras literas fuerat lo-
 cutus : Hebræi hæc ſigna contempſere ; filium illum non
 ſolùm non acceptarunt, ſed iniurijs , contumelijs , & mul-
 tis opprobrijs affecerunt; & tandem hominem innocentif-
 ſimum , ſanctiſſimum iniquiſſimè crucifixerunt , & tan-
 quam latronem inter duos latrones proſcripſerunt . En
 Deus poſt hoc factum Ieruſalem, vbi hoc fuit factum, de-
 ſtruxit , ſolo æquauit , Hebræos ipſos huius facti authores
 in exilium amandauit, diſperſit, nec eos exaudit, licèt pre-
 ces multiplicent ; & in hoc ſupplicio ſunt à plus mille , &
 ſexcentis annis , & erunt vſque ad finem mundi , euiden-
 tiſ-

tissimum ergo est illum fuisse filium summi Regis, & eos fecisse horribile sacrilegium, occidendo filium Dei; & commisisse illos summum peccatum, Deicidium, quod per antonomasiam dicitur peccatum, vt exclamauit Propheta: *Peccatum peccauit Ierusalem, propterea instabilis facta est.* Vnde meritò Centurio, & alij videndo post mortem Christi fieri à Deo illam commotionem terræmotus, & petras scindi, Solem obscurari, velum Templi rumpi, monumenta aperiri, per bonam consequentiam intulerunt Christum crucifixum esse filium Dei. Matth. 27. n. 54. *Centurio autem, & qui cum eo erant custodientes IESUM, viso terræmotu, & his, quæ fiebant, timuerunt valde, dicentes: verè Filius Dei erat iste.* Similiter ergo, visis eis supplicijs Iudæorum, postquam occiderunt Christum à Patre missum, stultus erit, & excors, qui illum Dei supremi Regis filium fuisse non iudicet.

156. Faxit Deus ob suam infinitam pietatem, & misericordiam, vt gens illa adedò indurata, cæca; obstinataque deponat duritiem, exuat cæcitatem, ad Dominumq; suum conuertatur, & non pereant illi, ad quos præcipuè fuit missus, humanam carnem assumpturus; illisque misericorditer tollat cor lapideum, & conferat tandem cor carneum, vt per Ezechielem promisit cap. 11. n. 19. *Et dabo eis cor nouum, & spiritum nouum tribuam in visceribus eorum; & auferam cor lapideum de carne eorum; & dabo eis cor carneum, vt in præceptis meis ambulent. & iudicia mea custodiant, faciantque ea; & sint mihi in populum; & ego sim eis in Deum.* Quæ quidem prophetia verificatur in eis Hebræis, qui deposito corde lapideo, in spiritu renouantur per sanctum baptismum, & iam sunt populus Christi, & Christus Deus illorum; ideoque antequam suscipiant baptismum nec ipsi iam sunt populus Dei, nec Christus verus Deus est ipsis in Deum: perfecte tamen implebitur prophetia, quando in fine mundi Hebræorum reliquæ ad Christum conuertentur. Et cap. 36. n. 25. *Et effundam super vos aquam mundam, & mundabimini ab omnibus iniqui-*

quinamentis vestris, & ab vniuersis idolis vestris mundabo vos: & dabo vobis cor nouum, & spiritum nouum ponam in medio vestri, & auferam cor lapideum de carne vestra, & faciam, ut in præceptis meis ambuletis, & iudicia mea custodiatis, & operemini. 1. ponit baptismum. 2. spiritum nouum per gratiam Spiritus Sancti. 3. docilitatem ablata cordis durtie. 4. obediẽtiam in præceptis 5. bonorum operum exercitium; omnia verò hæc initium habent a sancto Christi baptismo; & quando hæc non susceperint, ait Propheta; erunt Hebræi in sua infelicitate. Idem dicit cap. 39. n. 29. Et non abscondam vltra faciem meam ab eis: eò quòd effuderim spiritum meum super domum Israel, ait Dominus Deus. Quasi diceret: Non abscondam vltra faciem meam ab eis, si suscipiant baptismum, & Spiritum Sanctum; abscondam tamen, dum non susceperint. Item Ierem. cap. 31. n. 31. Ecce dies venient, dicit Dominus, & feriam domum Israel, & domui Iudæ fœdus nouum, non secundum pactum, quod pepigi cum Patribus eorum, &c. Sed hoc erit pactum, quod feriam cum domo Israel: post dies illos, dicit Dominus: Dabo legem meam in visceribus eorum, & in corde eorum scribam eam: & ero eis in Deum, & ipsi erunt mihi in populum. Si accipiant nouum IESV Christi testamentum, nouum fœdus, & pactum, nouam legem in cordibus, & non in lapidibus scriptam, ero illis in Deum; & ipsi mihi in populum: ergo quandiu non baptizentur, nouumque testamentum non suscipiant; nec ipsi erunt populus meus; nec ego ero ipsis in Deum.

157. Igitur Hebræi mentis oculos aperiant, videantq; signa, quæ filius Magni Regis Dei illis, quando à Patre fuit missus, ostendit; quæ quidem signa omnia à Deo per suos Prophetas data cum illis; quæ filius ostendit Hebræis, omnino concordant: cur ergo non acceptant hunc Dei Filium? Cur nouum testamentum à Prophetis prædictum non amplectuntur? Cur baptismum ab eisdem Prophetis supra citatis prædictum non suscipiunt? Cur non aduertunt, ex iisdem prophetiis, sine prædicto baptismo, se po-

pu-

pulum Dei non esse; nec Dominum illis esse in Deum? Cur non considerant ex gravitate supplicij peccati sui gravitatem; quodd peccatum ex circumstantijs talis supplicij, illico post factum illud infligi, non possit esse aliud, nisi filium Dei occidisse?

158. Respondent obstinati Iudæi illud supplicium se meritò pati, quia præcepta Decalogi non observant, non verò, quodd IESVM Nazarenum occiderint. Sed contra 1. quia, vt iam supra ostensum est; iuxta Prophetas hoc illis supplicium atrocissimum Deus imposuit ob peccatum, cuius ipsos non pœnitet, & de quo nullam agunt pœnitentiam; & quod est peccatum, de quo ipsi non dolent, neque agunt pœnitentiam, nisi illud occidendi Christum, & non acceptandi illum; cum adhuc pertinaciter perseverant in non acceptando illum, & ratam adhuc habent occisionem Christi à suis Patribus factam? 2. quot, & quàm graua peccata contra præcepta Decalogi, imò & idololatrias ante Christi Aduentum commiserunt; & tamen, peractâ pœnitentiâ, auferebatur supplicium; nunc verò iam non committunt idololatriam vllam; nec definût dolere de peccatis contra 10. præcepta Decalogi, & iudicialia; & tamen nulla Natio in terris est aded exhonoriata, dispersa, & contempta, vt Hebræa; nulla, quæ Principem aliquem non habeat, & formam Reipublicæ, vt hæc miserabilis Natio: ergo non solum habent hæc peccata, quæ alijs sunt communia, & fortasse in alijs grauiora; sed aliquod aliud peccatum, in illa specialissimum, & cæterorum omnium grauissimum, cuius ipsos nunquam pœnitet, & de quo nolunt agere pœnitentiam, quod in nulla alia Natione reperitur; quod quidem nullum aliud est, quàm peccatum non acceptandi hunc supremi Regis Dei Filium ad eos missum cum omnibus signis à Patre datis, vt eum agnoscant, & horribile sacrilegium, quo illum sine vlla causa, cum esset innocentissimus, sanctissimus, mansuetissimus, beneficentissimus, crudelissimè occiderunt morte ignominiosissima, & immanissima propter odium, & in-

uidiam contra authorem suum, qui ad eos saluandos ueniebat; & adhuc perfidi isti suorum Patrum factum horribile, & sacrilegium inauditum ratum habent, & in illo complacent: nec ab illo eos retrahunt clamores Prophetarum, miracula Sanctorum in Ecclesia Christiana, Christi doctrina aded mirabilis; & cætera omnia argumenta, quibus omnes Nationes, Principes, Reges, Imperatores, sapientissimi Philosophi conuicti manus dedere, & Christi Crucis imperio succubere: unde sicut, si ipsi peccatum non committerent in occidendo Christum, imò esset obsequium, & meritum laudabile, Deus esset iniustus eos sic puniendo, uti dicebamus; ita iniustus foret iudex, si in hoc horribili sacrilegio obstinatè perseuerantes eos sic atrociter non puniret: certissimum autem est Deum esse iustissimum: ergo certissimum est, illos in occidendo Christum Messiam Deum, & hominem grauissimum peccatum commississe: & consequenter ex eo, quod Rex ille Magnus, scil. Deus sic acerbè puniat Iudæos, ob factum occidendi, & non acceptandi Christum dicentem se fuisse missum à Deo Patre supremo Rege; euidentissimum est illum esse filium Dei, verum Messiam, & Saluatorem mundi.

159. Tertiò, quia si Deus illos sic acerbè punit non propter factum occidendi Christum; quia hoc factum illorum esset maximus honor Dei, & laudabilis zelus gloriæ illius: in hoc ostendunt Christum grauissimam iniuriam intulisse Deo, & filio Dei, usurpando diuinitatem Dei, & primogenituram filij eius: & consequenter deberet Deus memoriam illius damnare, & non facere, ut Christus ille in toto mundo honoretur, & à Regibus terræ adoretur, & ut omnes gentes seruiant ei: absque vlla vi armorum, sed solam id suadentibus paucis hominibus exarmatis, egenis, & nullâ humanâ sapientiâ obarmatis, quæ erant signa data à Deo per Prophetas ad cognoscendum verum Messiam, ut supra vidimus; imò videns Deus in illo homine impleri omnia, quæ de filio Dei prædicta erant, si Christus non foret ille filius Dei promissus, deberet
osten-

ostendere per efficacissima miracula Christum non esse illum Messiam promissum; quod tamen Deus non fecit, imò contrarium, faciendo innumera miracula, quibus gentes uniuersæ, & multa pars Hebræorum, commotæ sunt, vt Christum verum Messiam agnoscerent, & glorificarent, vt omnes nunc agnoscunt, & glorificant. Vnde ex hoc duo sequuntur manifestè: vel Deum non habere potentiam, & iustitiam, quia non potest impedire hanc Christi gloriam; nec punire illam iniuriam grauissimam sibi factam, si iniuria foret: vel hunc Christum verum dixisse nominando, & publicando se esse filium Dei à Prophetis prædictum: illud primum nec potest venire in mentem hominis, qui pollet vsurationis; cùm naturæ lumine sit notum Deum esse omnipotentem, & summè iustum: ergo sequitur secundum, nimirum Christum IESVM filium Beatissimæ Virginis Mariæ esse verè filium Dei, verumque Messiam, & consequenter Messiam iam venisse, Hebræosque vanissimè, & stultissimè alium expectare. Huic demonstrationi, sicut nec alijs præcedentibus, non possunt Hebræi quidquam respondere.

CAPVT VIGESIMVM.

Proponitur vigesima probatio contra Hebræos.

160.

VTor hac etiam demonstratione contra Hebræos consulendo ipsorum conscientiam, licet obstinatione deprauatam; vnde quæro ab ipsis, an velint obtinere æternam salutem, an non? Certò Icis respondere se velle æternam salutem consequi; licet enim sperent à Rege Messia bona temporalia, etiam ab eodem sperant assequi æterna. Quibus ego replico, supposito hoc suo desiderio, debent quærere media plùs certà; qui enim studet certò finem attingere, non debet adhibere media dubia. Totum concedunt: hinc ego desumo argumentum contra ipsos: quærendo rursum ab illis, quale erit medium

cer-

certius ad infallibiliter salutem consequendam? Certissime respondebunt illud medium fore certius, & infallibilius, quo adhibito, Deus, qui dat, vel negat salutem secundum merita vel demerita, illam iam negare non possit; quia si illam negaret merentibus, & concederet iniquis, eo ipso foret iniustus, vel saltem infidelis; quod utrumque repugnat cum summa iustitia, fidelitate, reſtitutioneque Dei; proindeque est tam impossibile deficere reſtitutionem, iustitiam, fidelitatemque Dei, quam Deum ipsum deficere. His ergo suppositis tamquam certis, & non negatis à Iudæis, ponamus unum Hebræum, & unum Christianum in fine vitæ ante Tribunal Dei, utrumque petendo à Deo gloriam æternam; & quemlibet allegando suam fidei professionem; (quia, ut hinc supponimus, solum de hoc puncto fit controuersia) si Deus negando æternam salutem Iudæo alleganti suum Iudaismum fieret iniustus, & infidelis, Iudaismus esset medium infallibile, quia certissimum, & maximè infallibile est Deum non posse esse iniustum: & è contrario, si Deus negando æternam salutem Christiano alleganti suum Christianismum euaderet iniustus, & infidelis, Christianismus esset medium infallibile, ob eandem tantam rationem; quia Deus nequit esse iniustus, aut infidelis. Ego hinc probo manifestè Deum fore iniustum, si propter Christianismum damnet Christianum, & propter Iudaismum saluet Iudæum. Ratio est; quia tunc sententia Iudicis est iusta, quando nihil potest opponi iudicanti, iuxta illud Psal. 50. *Ut iustificeris in sermonibus tuis, & vincas, cum iudicaris.* Sed si Deus vellet condemnare Christianum, eo quod Christum acceptauerit, & in eum crediderit, Deus non posset satisfacere rationi Christiani: nam diceret: *Deus bone, & Iudex recte: ego credidi in illum, qui habuit omnia signa, nullo deficiente, quæ à te per tuos Prophetas data sunt ad cognoscendum verum Filium tuum, & verum Saluatorem nostrum: cur me condemnas facientem id, quod me facere præcepisti?* Deus certè non posset dissolvere hanc Christiani obiectionem, & sic

& sic non iustificabitur in sermonibus suis, nec vincet in iudicio illo; eritque iniustus, si Christianum condemnet: sed est omnino impossibile, quòd Deus sit iniustus, aut infidelis: ergo est impossibile; quòd Christianus sequendo fidem, & doctrinam Christi damnetur. Ex alia parte Iudæus, si Deus iustissimus Iudex illum damnare velit, non potest quidquam Deo illum damnantem opponere: nam si dicat Iudæus: *Ego credidi in Deum Abraham, Isaac, & Iacob: cur me condemnas? Deus respondebit. Mentiris: nam Abraham, Isaac, & Iacob, David, & cæteri Prophetæ credebant, & expectabant futurum filium meum, illum, qui habiturus esset omnia ea signa, quæ ego per eos prædixi, & dedi, ne quis deciperetur credendo falsum pro vero; filius iste meus hæc signa ostendit, quo ad tempus nascendi, quo ad locum, quoad Matrem Virginem, quo ad Tribum, quo ad paupertatem, & humiliationem, quo ad innocentiam, quo ad miracula, & prodigia nunquam aliàs audita, quo ad doctrinam, quo ad discipulos, & Apostolos; quo ad genus mortis, quo ad fel, & acetum, quo ad resurrectionem à tot, & tantis testibus oculatis cognitam, & prædicatam, quo ad mirabilem Ascensionem ab iisdem testibus à me præordinatis visam; quo ad conversionem gentium; extirpationem idolatriæ; & quo ad omnia, quæ in sacris literis sunt expressa, clara, & indubitabilia; cur ergo illum tu, & alij socij tui Hebræi non accepistis; imò exhonorastis, iniuste accusastis, & tanquam malefactorem, cum esset innocentissimus, & sanctissimus, inter impios reputastis, & tandem ignominiose, & crudeliter occidistis; & homicidam dari vobis postulastis, autoremque vitæ procurastis à peccatore, & iniquo Præside crucifigi. Quam igitur excusationem dabunt Hebræi? certè nullam: iustificabitur ergo Deus in sermonibus suis, & vincet illos perfidos in condemnando. Si Christus non venisset, & omnia à Prophetis non impleisset, excusationem haberent, dicendo se credidisse Deo Patri, Deo Abraham, & Isaac, & Iacob; nunc autem, dum non credunt Evangelio, nec credunt testamento veteri, in quo promittitur Evangelium; dum non credunt in filium, nec in*

Patrem credunt ; sicque nullam habent excusationem, quod optime explicauit Saluator noster. Ioan. 15. n. 22. *Si non venissem, & locutus fuisset eis, peccatum non haberent: nunc autem excusationem non habent de peccato suo. Qui me odit, & Patrem meum odit: si opera non fecissem in eis, quæ nemo alius fecit, peccatum non haberent: nunc autem & videntur, & oderunt me, & Patrem meum.*

161. Concludo igitur nostram probationem contra Hebræos: si illi, vt dicunt, volunt serio saluari; cur non assumunt illud medium, scil. Christianismum; cui est infallibiliter annexa salus, nec Deus potest quidquam in contrarium opponere, ne Christianos saluet? Cur persistunt in Iudaismo; cui post aduentum Christi, & post promulgatum Euangelium annexa est æterna damnatio; nec Hebræi possunt quidquam Deo opponere, ne eos condemnent? eligere medium conducent ad æternam damnationem, & contemnere medium infallibile ad æternam salutem est velle serio saluari? Videant ergo Hebræi in quo statu damnationis iam positi sint: & per baptismum adhæreant Saluatori, si velint serio salutem.

162. Ex hac supra posita demonstratione sequitur alia, quæ sit quædam præcedentis confirmatio, seu veluti explicatio. Qui prudenter, & rationabiliter operatur, non potest ab vilo Iudice rectè iudicante condemnari: sed Hebræus sequendo legem, & fidem Christi prudenter, & rationabiliter operabitur; ergo sequendo legem, & fidem Christi non potest à Deo condemnari: cur ergo timet ad Christum conuerti; si Christum sequendo non potest à Deo condemnari? Maior propositio à nullo negatur: est enim per se clara, & lumine naturæ nota: consequentia est clarissima; & à nullo rationis compote negari potest. Probatur ergo minor euidenter: quia supposito, quod Hebræi credunt testamento veteri, & Prophetis, in quibus sunt omnia signa veri Messiae; si hæc omnia videantur impleta in Christo, vt constat ex dictis impleta esse, quis illis vertet imprudentiæ, si in Christum credent, imò maximæ pru-

prudentiæ illis tribuetur credere in Christum: & summæ imprudentiæ non credere. Igitur evidens est illos prudenter agere credendo in Christum; cum autem evidens sit Deum rectissimum Iudicem non posse eos damnare, qui prudenter, & rationabiliter operantur; evidens est Hebræos sequendo Euangelium securissimè in negotio salutis æternæ procedere; & non sequendo Euangelium, infallibiliter esse damnandos: nam post Christi aduentum legem cæremonialem antiquam non solum esse iam mortuam, sed mortiferam, Euangelium docet; vnde in sola lege Evangelica salus æterna est; Christus vnica est porta salutis; si quis per hanc portam, mediante baptismo, siue fluminis, siue sanguinis, siue fluminis, non intrauerit, non saluabitur; vt optimè Saluator noster ostendit. Ioan. 10. n. 9. *Ego sum ostium: per me si quis introierit, saluabitur, & ingredietur, & egredietur; & pascua inueniet*, id est, salutem æternam.

163. Dicent fortasse Hebræi argumenta nostra nimium probare, & consequenter nihil probare: nam, vt vulgò dicitur, qui multum probat, nihil probat: probarent enim fidem Christianam, nostræque fidei veritatem esse euidenter; consequenterque non esse meritoriam; quia non esset libera: nam intellectus necessariò rapitur ad assentiendum vero euidenter proposito: sicut oculus apertus, & expeditus necessariò videt obiectum lucidum, & coloratum: fides autem, quæ libera, meritoriaque non est, nequit esse fides salutis æternæ: quam à nobis requirit Saluator Messias: ergo eo ipso Christiani non credunt Messias, non credendo ea fide, quam requirit Messias, nimirum liberâ, & meritoriâ, quæ talis esse non potest, si est de veritate euidenti; igitur eo ipso, quod argumenta nostra probant euidenter veritatem Christianæ fidei, Christi Messias fidem non probant. Resp. Si Hebræi faciunt contra nos hoc argumentum, certè seipsos iugulant: nam cum nostra fides neget ipsorum Religionem (quæ quidem religio non est, sed superstitio) si consentitur arguendo, nostram

esse moraliter euidenter veram, oportet confiteantur suam esse euidenter falsam; quod ergo est melius, & vtilius, amplecti vnam religionem euidenter veram, quam ipsi nostram esse ex nostris probationibus inferunt; an euidenter falsam, qualis est sua? Certè si sunt rationis capaces, credo amplecti debere illos primam, & respuere secundam.

164. Directè tamen respondendo argumento, dico
1. bene posse veritatem nostræ Religionis esse moraliter euidentem veluti in generali; & tamen in particulari ad particularia obiecta, & mysteria esse obscuram, & difficilem, quam difficultatem facit vincere pius affectus credendi liber, proindeque meritorius: nam non obstante morali euidentia veritatis nostræ Religionis, adhuc intellectus noster inuenit difficultatem in credendo mysterium altissimum summæ Trinitatis, in quo credimus tres Personas inter se realiter distinctas, & omnes tres esse vnum Deum realiter identificatum cum qualibet ex illis tribus Personis, quod quidem videtur opponi principio illi philosophico: *Quæ sunt idem in vno tertio, sunt idem inter se*; & tamen pius affectus credendi facit, vt intellectus reiiciat, vel explicet illud philosophicum principium, & assentiatur firmissimè veritati illius ineffabilis mysterij. Deinde difficile videtur, quòd Deus immortalis, impassibilis, infinitus, æternus, immensus, factus sit homo mortalis; passibilis, finitus, temporalis, loco terminatus, quin Deus amittat illa diuina attributa; & tamen pia affectio supernaturalis facit, quòd intellectus supernaturaliter illustratus credat Mysterium Incarnationis; idem de partu Virginis MARIE, ante, & in partu, & post partum Virginis; idem de Mysterio Sanctissimæ Eucharistiæ, in qua virtute consecrationis panis in Corpus Christi, & vinum in Sanguinem conuertuntur.

165. Igitur non obstante hac euidentiâ morali in generali circa veritatem nostræ Religionis Christianæ, potest in illa dari fides meritoria ex pia affectione supernaturali

rali imperante intellectu supernaturaliter illustrato, vt assentitur mysterijs à Deo reuelatis; semper enim in illis inuenitur obscuritas, & difficultas vincenda. 2. dico aliud esse euidentiā credibilitatis, aliud verò euidentiā veritatis obiectorum, quæ proponuntur ad credendum. 1. euidentiā versatur circa motiua credibilitatis, quæ stare potest cum obscuritate obiectorum, quæ proponuntur ad credendum: euidentiā enim obiectorum, quæ hîc in via creduntur, solum in patria, vbî non est fides, reperitur: quare euidentiā credibilitatis requiritur, vt nostra fides non sit temeraria, sed prudens: & ideo prius, quàm credamus in Christum, instruimur in mysterijs credendis, & inuenimus rationes euidentes credibilitatis, ne cæco modo, & temerè procedamus; & sic dicimus: euidentis est illum prudenter agere, qui amplectitur Christianam Religionem: non tamen dicimus: Mysteria, quæ credimus, sunt nobis euidentiā: imò licet aliqua mysteria sint nobis euidentiā, vt existentia, & vnitas Dei, eiusque sanctitas, fidelitas, iustitia, immensitas, & cæteræ aliæ diuinæ perfectiones; semper tamen reuelatio, seu locutio diuina, sine qua fides diuina non datur; (solum enim credimus loquenti per se, vel per alium) semper, inquam, nobis obscura est: ergo semper intellectus, non inuenta claritate in obiecto, erit indeterminatus ad assentiendum; proindeq; indiget, vt à pia affectione libera determinetur ad assentiendum: & consequenter malè inferunt Hebræi in nostra Religione ex euidentiā credibilitatis destrui meritum credendi.

166. Ex quo patet peccare mortaliter Hebræos non amplectendo nostram fidem Christianam; quia motiua credibilitatis sunt euidentiā, euidentisq; est penetratis his motiuis, prudentiam esse credere, & fatuitatem, temeritatemque non credere. Quòd si illi hæc motiua non penetrant; id culpæ, culpabilique ignorantie illorum tribuendum est: cur enim motiua illa non considerant? cur Scripturas Sacras veteris testamenti non legunt, & cur il-

las cum nouo testamento non conferunt? cur non attendunt ad miracula adeò extraordinaria in Ecclesia Christiana, ad sanctitatem in illa obseruatam, ad perfectionem Christianismi; ad testimonia tot martyrum, tam ex gentibus à Gentilismo, quàm ex Hebræis à Iudaismo ad fidem Christi Saluatoris nostri conuersis? ad mirabilia virtutum exempla prodigijs toties manifestata, & confirmata, & facta in nomine Christi, ad dæmonia, quæ audito Sacrosancto, & venerabili nomine IESV expauescunt, & fugiunt? Cur non attendunt ad alia infinita motiua, & indicia, quæ stare non possunt sine veritate nostræ Religionis, & sine clara manifestatione, quòd ex Deo sint; quod etiam cæci vident, & dicunt: si non esset hîc à Deo, non posset facere quidquam.

167. Dicent hanc ignorantiam culpabilem ad summum posse reperiri in Hebræis doctis; in rudibus autem posse dari ignorantiam inuincibilem; atque adeò non peccare, fidem Christi non amplectendo. Resp. Iam saltem doctos à peccato non excusari fateri Hebræos; cur ergo saltem docti omnes non amplectuntur nostram fidem Christianam, cum hi non possint allegare ignorantiam inuincibilem? Deinde dico, quo ad rudes Hebræos generaliter hodie non posse allegare inuincibilem ignorantiam. 1. quia fides Christiana in toto orbe, vbi ipsi sunt dispersi, est promulgata, & sufficientissimè proposita. 2. quia vident, & optimè sciunt plurimos ex Hebræis ipsis conuictos veritate nostram fidem fuisse amplexos, & pro illa tuenda multos passos strenuè martyrîum, alios verò insignia virtutis monumenta posteris reliquisse; cur non adhærent his, & cur sequuntur illos ad perditionem? cur obstinatè procedunt? cur non inquirunt veritatem? Nec possunt dicere, se ex sua Religione constringi, ad resistendum cuicunque dubio occurrenti in oppositum tanquam suggestioni, tentationique contra fidem suorum Patrum; sicut nos Christiani resistimus similibus contra nostram fidem suggestionibus: nam cum ipsi credant Mes-

Messiam venturum, & illis dicatur iam venisse, cur non inquirunt, an iam venerit? an signa à Deo data iam sint impleta? & an ipsi sint decepti non credendo venisse? Nonne Deus illis præcipit in scripturis, vt Messiam acceptent venientem? Cur ergo non examinant, vtrum sit iste, an non? Excusationem certè non habent de peccato suo: procurent instrui, & postquam fuerint instructi, & bene informati, tunc cuilibet suggestioni contra fidem Christianam semel susceptam resistent, sicut faciunt Christiani.

168. In particulari autem, si aliquis haberet ignorantiam inuincibilem; quod credo pro hoc statu rerum rarò posse contingere; si tamen illam habeat; tunc peccatum non habere ex conscientia erronea inculpabili; attamen cum difficile sit saluari sine Sacramētis à Christo institutis, defectu horum mediorum peribit; & sic omnes Hebræi damnantur; Infantes, qui moriuntur sine baptismo, & circumcisio non illis iam prodest; & sic damnantur pœnâ æternâ damni; adulti, quia nec habent ignorantiam inuincibilem, nec vllò modo veram fidem, sine qua impossibile est placere Deo: & omnibus dicitur: *Nisi quis renatus fuerit ex aqua, & Spiritu Sancto, non potest introire in Regnum Dei*. Ioann. 3. numer. 5. *Et qui crediderit, & baptizatus fuerit, saluus erit: qui verò non crediderit, condemnabitur*. Igitur, ò Hebræi, si magna est imprudentia, ac temeritas opportuna remedia negligere; & euident est in Christiana Religione secura media reperiri: cur, dum dicitis seriò vos desiderare salutem, non accipitis Saluatorem?

CAPVT VIGESIMVMPRIMVM.

Proponitur Corollarium totius doctrine, & concluditur demonstrationis in principio huius operis proposita.

169. **I**N principio primi libri proposuimus Hebræis Messiam absolutè non negantibus, illum tamen

men adhuc venturum expectantibus demonstrationem irrefragabilem; qua demonstratur iam Messiam venisse, & esse Christum IESVM Filium Dei eiusdem numero Essentiae cum Aeterno Patre, & filium Beatissimae Virginis MARIAE eiusdem specie naturae humanae cum Matre. Demonstratio est hæc: Supposito, quòd in sacris literis promittitur Messias, vt etiam Hebræi confitentur; ille est verus Messias, cui competunt omnia, quæ de vero Messia literæ sacrae, Prophetæque diuino afflati numine prædixere: sed hæc omnia plenissimè, nulloque deficiente, competunt Christo IESV Filio Sanctissimæ, & semper Virginis MARIAE Dominæ nostræ, ex qua natus est in Bethlehem à 1693. annis: ergo hic est verus Messias, & ex illo tempore iam venit, mundumque suo pretiosissimo Sanguine redemit. Maiorem propositionem, & consequentiam non negant Hebræi: sed dubium solum ponunt in minori: hæc tamen minor propositio in toto hoc opere manet euidenter demonstrata, & omnis pertinacia Iudæorum clarissimè conuicta: siquidem in toto hoc opere allegata sunt omnia illa Sacrae Scripturae loca, quæ de Messia Sanctissimo clarissimè loquuntur; & exposita non ex nostro cerebro, sed ex ipsismet Rabbinis; & ideo ex consulto non adduximus expositiones Doctorum Christianorum, vt Hebræi nullum habeant subterfugium; & illorum aliquas falsas explicationes, vel quia illas vt falsas, & implicatorias ipsi etiam cordatiores, sapientioresque Rabbini reijciunt, vel quia ipsi sacro textui apertè repugnant, nos reiecimus; quæ omnia loca sacra in sensu vero, germanoq; exposita non alteri, quam Christo Domino aptari posse euidenter ostendimus. Igitur Hebræi victi, & conuicti dent manus; desinant iam expectare illum vt venturum, qui iam venit, & ipsos ille expectat, vt conuertantur; & aduertant ad illud, quod ipse dixit per suum Prophetam: Vos expectabitis me, & ego expectabo vos. Quid amplius expectant Hebræi? Nam ille, quem ipsi expectant, vel habebit omnia, quæ iste habet, & prædicta sunt

sunt à Prophetis, vel non habebit: si non habeat omnia à Prophetis prædicta, eo ipso Messias non erit; si habeat omnia, (quamvis habere omnia, quæ Prophetæ dicunt, iam est impossibile) saltem iam venire alter non potest tempore destinato, quod iam transijt, vt demonstratum est supra; & tempus, quod transijt, redire non potest: sed si per impossibile ille, quem spectatis, ò Hebræi, veniat; quare illum recipietis, & hunc non recipitis? Hic certè habet omnia, quæ Prophetæ dicunt habere debere verum Messiam: siquidem Prophetæ dicunt 1. Messiam debere esse Deum, & hominem, vt probatum manet in libro 1. cap. 1. 2. 3. 4. 5. & 6. 7. 8. 9. 10. Christus autem verus est homo, vt vos Hebræi non negatis; & verum esse Deum ostendunt opera, quæ ipse fecit, quæ purus, simplexque homo facere non posset; & quia peccata remittebat, quæ solus Deus potest remittere; & vt sciretis, quòd verum erat peccata remitti, quando ipse peccata remittebat, hoc confirmabat stupendis miraculis, quæ naturæ viribus fieri nullo modo poterant. Vt constat ex Matth. 9. nu. 6. *Vt autem sciatis, quia filius hominis habet potestatem in terra dimittendi peccata, ait paralytico: Surge, & tolle lectum tuum, & vade in domum tuam: & surrexit, & abiit in domum suam.* Ex sanato miraculosè corpore probatur sanitas animæ à morbo peccati; ex sanata anima à peccato Christi Diuinitas comprobatur, vt ipsimet Hebræi confitebantur dicentes: *Quis potest dimittere peccata, nisi solus Deus?*

170. Dicunt 2. Prophetæ: Messiam Virginis filium esse debere, & id impletum esse in Christo constat ex lib. 2. c. 1. & 2. Dicunt 3. nasci debere Messiam in Bethlehem, & pauperem, & id fuit impletum in Christo, vt constat ex eodem 2. lib. cap. 3. & 4. Dicunt Prophetæ 4. Messiam facturum miracula; item vendendum esse, seu emendum per Iudæos, & propter hoc peccatum à Deo esse deserendos. Totum constat ex eod. lib. 2. cap. 5. & 6. Dicunt 5. Christum passurum esse mortem ignominiosam, opprobrijs plenam, & mortem crucis, item fel, & acetum illi dandum; & in
mor-

morte eius Solem esse obscurandum; & id impletum esse in Christo Domino. Totum constat ex eod. lib. cap. 7. 8. 9. 10. Dicunt 6. Messiam resurrecturum ex mortuis, ascensurum in cœlum, vt federet ad dexteram Patris; & postea gentes ad Christum conuertendas. Constat ex eod. lib. 2. cap. 11. 12. 13. & dubia, quæ opponunt Hebræi, vana esse, & futilia manifestè ostenditur in libro 3. per totum.

171. Denique ex multis alijs probationibus clarissimis ex Prophetis, Psalms, alijsque Sacræ paginæ locis in toto quarto libro manet demonstratum non posse alium esse Messiam, nisi Christum IESVM Saluatorem nostrum: & in illo impletas omnes prophetias, ita vt si Deus alium mitteret; in quo reperirentur omnia, quæ in Christo Domino visa sunt; essent homines confusi, indeterminati, & suspensi, nec possent scire, quis esset verus, vel falsus, proindeque tota fides, & religio de medio tolleretur; scripturæ ipsæ ad nihil inferuirent, & Deus mendax redderetur: multisque esset erroris occasio; nulla esset certa regula fidei; multaque alia forent absurda, quæ ab hominibus vitari nullo modo possent. Velit Deus propter suam infinitam misericordiam, & pietatem illuminare hos miseros, & obcæcatos Hebræos, ne in hac sua cæcitæte, & obstinatione pereant, & possint iam audire vocem illam, clamoremque Prophetæ dicentis: *Surge, & illumina Ierusalem, quia venit lumen tuum, & gloria Domini super te orta est.*



APPENDIX.

Pro ineffabili Sanctissimæ Trinitatis Mysterio.

I.



CONSVLTO doctrinam hanc de Mysterio Sanctissimæ Trinitatis ad finem huius operis reservauī: cum enim hoc Mysterium altissimum Filius Dei nobis clariùs in sacro suo expresserit

Euangelio, oportuit priùs Hebræis monstrare hunc Filium Dei, vt ex hoc tanto Magisterio firmiùs huic ineffabili mysterio assentirentur. Igitur ad illud mysterium, quod quidem superat omnem creatæ mentis intelligentiam triplici genere probationis vtemur. 1. ex autoritate Sacræ Scripturæ veteris testamenti. 2. ex autoritate Sacri Euangelij, ac ex testimonio expresso Filij Dei. 3. confirmabitur etiam ex ipsismet Rabbinis, ex multis figuris, & exemplis, & ex aliquot rationibus Theologicis, quibus potiùs declarare, quàm probare tanti Mysterij maiestatem contendemus.

2. Supponendum priùs est: neminem posse saluari, nisi firmiter, & indubitabiliter credat hoc ineffabile Sanctissimæ Trinitatis Mysterium, siue hoc sit de necessitate præcepti, siue de necessitate medijs; de quo hîc non est disputandum, sed id relinquimus Theologorum iudicio; de quo nos latè differuimus: in nostro tractatu de fide manu scripto; quem typis tradere Deo fauente, procurabimus. Supponendum 2. fideles non teneri inquirere, nec fatigari, lassariue, quo pacto hoc mysterium à sacris Theologis explicetur; hoc enim spectat ad scholas, non ad exercitium fidei, præsertim apud simplices, idiotasque fideles; sed satis

est credere tres Personas diuinas distinctas, Patrem, & Filium, & Spiritum Sanctum, & vnum Deum: à singulis illis personis realiter indistinctum. Vnde numerus solum versatur circa diuinas relationes, Patris, Filij, & Spiritus Sancti; vltra has relationes numerus realis dari nequit: quare in tribus Personis diuinis vna est natura, vna diuinitas, vna essentia, vna scientia, vna omnipotentia, vna æternitas, vna immensitas, & sic solum potest proferri: Tres sunt Personæ diuinæ, sed omnes tres sunt vnus Deus, vnus sciens, vnus Omnipotens, vnus Æternus, vnus Immenus; & sic de cæteris Attributis Diuinis. Pater generans, & non genitus; Filius genitus, & non generans; Spiritus Sanctus à Patre, & à Filio vt ab vnico principio, & virtute spiratiua procedens, non genitus, nec generans. His ergo suppositis sit

S. I.

*Probatur hoc Trinitatis Mysterium ex autoritate
Sacra Scriptura veteris testamenti.*

3. **E**X autoritate veteris testamenti probatur in Diuinis dari Patrem, & Filium, & Spiritum Sanctum; Filium generari à Patre; & consequenter esse à Patre distinctum: qui enim realiter generat, necessario debet distinguì ab eo, quem generat; siquidem nemo seipsum generat, sed ab alio oportet generari; probatur item in sacris veteris testamenti literis Spiritum Sanctum procedere à Patre, & à Filio, & consequenter ab illis distinguì; qui enim realiter procedit ab alio, necessario debet realiter ab illo distinguì: siquidem nemo à seipso realiter procedit; sed ab alio oportet procedere, seu produci. Deinde ab eadem scriptura veteris testamenti probatur quamlibet ex istis Diuinis Personis realiter, & essentialiter esse Deum: tandem ab eadem scriptura veteris testamenti, imò & ab ipso lumine nature demonstratur non posse dari plures Deos;

Deos; sed oportere vnicum esse Deum: ergo ex ipso etiam veteri testamento probatur Sacrosanctum Mysterium Trinitatis, scil. tres Personæ, & vnus Deus: vnde si Hebræi attentè legerent scripturam veterem, Mysterium Trinitatis impiè non negarent.

4. Et in primis, quòd Pater sit Deus, non opus est id Hebræis multa contentione probare, & illos ad hanc veritatem persuadere: nam id ipsi Hebræi confitentur. Quòd Filius sit Deus, ex testamento etiam veteri manifestè manet probatum in 3. libro, ideo superfluum est textus sacros hîc repetere. Quòd Spiritus Sanctus sit Deus, probatur 1. ex Isaia cap. 48. n. 16. *Accedite ad me, & audite hoc: non à principio in abscondito locutus sum. Ex tempore, antequam fieret, ibi eram: & nunc Dominus Deus misit me, & Spiritus eius.* Vbi Isaïas in persona Messie loquitur, dicens: *Accedite ad me, quod impletum est, quando dixit: Venite ad me omnes, qui laboratis, & onerati estis: Non à principio in abscondito locutus sum, quod impletum est in Christo, quando dixit. Ioan. 18. n. 20. Ego palam locutus sum mundo: ego semper docui in Synagoga, & in Templo, quod omnes Iudæi conueniunt: & in occulto locutus sum nihil: Ex tempore, antequam fieret, ibi iam eram.* Id est, multo antequam res fieret, ibi non iam; quia Christus, vt Deus æternus, est coexistens omnibus temporum differentiis duratione æterna realiter indiuisibili: Deus enim semper fuit, est, & erit, omnia videns. *Et nunc Dominus Deus misit me; id est, Pater misit me filium, & Spiritus eius; id est, tertia Persona diuina, quæ licet non potuerit mittere Filium interna missione, & processione ad intra: quia Filius à sola prima Persona, & non à tertia procedit; at potuit Christum mittere, vt hominem externa missione, & processione ad extra: quia actiones ad extra sunt toti Trinitati communes; & ideo Christus ab Spiritu Sancto fuit ductus, missusque in desertum, iuxta illud: Ductus est IESVS à Spiritu in desertum, &c. Deus est, qui misit Christum, & non creatura aliqua; sed Spiritus Sanctus misit Christum,*

vt hîc dicit Propheta in persona Christi; ergo Spiritus Sanctus est Deus: vnde meritò ex hoc textu colligunt nostri Doctores tam Græci, quàm Latini apud nostrum Cornelium in hunc locum, Mysterium Trinitatis: nam qui misit, est Pater, qui missus fuit, est Filius, & qui illum vt hominem misit, est Spiritus Sanctus; & ideo licet tres personæ ibi dicantur; non dicitur tamen: *Miserunt*, sed, *Missi*: propter vnitatem Naturæ Diuinæ: non potest igitur negari ab Hebræis diuinitas; & personalitas Spiritus Sancti; nec etiam ineffabile Trinitatis Mysterium negare debent in sacris veteris testamenti literis contineri.)

5. Dicunt Hebræi nos gratis dicere in hoc textu loqui Messiam, cum tamen aperte videatur Isaias loqui de seipso. Resp. 1. dato, quòd Propheta ibi de seipso loquatur; quòd etiam literaliter sumi de illo textum affirmant aliqui Doctores Christiani apud Cornelium à Lapide in hunc locum; non potest tamen negari saltem figuratiuè sub persona Isaïæ intelligi Christum Messiam: qui quidem in sacris literis aliquando in sensu literali, aliquando figuratiuo prædicitur, vt ipsimet Rabbinipassim fatentur, & ex toto hoc nostro tractatu clarissimè constat. Deinde licet in hoc textu Filius literaliter non exprimatur; attamen prima Persona, scil. Pater; & tertia, scil. Spiritus Sanctus ibi exprimuntur; vnde recurrit nostrum argumentum; quod, scil. Spiritus Sanctus sit Deus; cum ibi etiam iuxta ipsos dicatur mittere Isaïam; non posset autem illum mittere, nisi esset persona per se subsistens; sed non est persona creata: ergo increata, & diuina, & consequenter Deus.

6. Resp. 2. etiam in sensu literali intelligi textum de Messia. 1. quia verba illa textûs nu. 12. *Audi me Iacob, & Israel, quem ego voco: ego ipse; ego primus, & ego nouissimus: manus quoque mea fundauit terram, & dextera mea mensa est cælos*; non possunt intelligi de Isaïa, qui non est primus; & nouissimus, nec ipse fundauit terram, aut cælos creauit; bene tamen de Filio Dei Christo vero Messia; quia in Scripturis Sacris dicitur Alpha, & Omega, Principium,

& fi-

& finis ; primus , & nouissimus ; & qui cum Patre simul , & Spiritu Sancto omnia creauit , & de quo dicitur : *Omnia per ipsum facta sunt ; & sine ipso factum est nihil .*

7. Secundo, quia verba illa, *Ex tempore , antequam fieret, ibi eram*, non possunt vlllo modo intelligi de Propheta: quia tempore illo, quo lex in monte Synai data fuit; prout intelligit verba illa Rabbi Salomon, non poterat ibi esse Isaias, qui nondum erat, bene tamen Filius Dei, qui æternus est Deus, & erat ibi, & ab æterno fuerat: & consequenter Spiritus ibi, vt falsò dicebat Rabbinus ille, non potest intelligi aliquis Angelus mittens Isaiam: quo pacto enim tunc ab aliquo Angelo mitteretur Isaias, si Isaias nondum natus erat tempore legis primò datæ in monte Synai? Vidit hanc difficultatem Rabbi Salomon, & respondit in tempore illo in dicto monte Synai fuisse animas omnium Prophetarum; supponens omnes animas hominum à principio fuisse creatas, qui est error Pythagoricus, quem secutus est Origenes. Hic tamen error damnatus est ab Ecclesia: & est manifestè contra Sacram Scripturam Zachariæ cap. 12. n. 1. *Onus verbi Domini super Israel, dicit Dominus extendens cælum, & fundans terram, & fingens, id est, creans Spiritum hominis in eo.* Nota, in eo, quando est, & non extra eum quando nondum est: Si ergo anima Isaiæ, aliorumque hominum non creantur à Deo, nisi quando fingitur, id est, formatur corpus organicum hominis, quo pacto iam erat anima Isaiæ, tanto tempore, antequam crearetur, & existeret Isaias? Manifestum igitur est verba illa de solo Filio Dei intelligi, vtpote semper existenti ab æterno, & non de Propheta; qui longo postea tempore genitus fuit,

8. Vt autem bene intelligas, quando Propheta loquuntur de eo, qui à Deo mittitur, semper censerì loqui de Messia secunda persona Sanctissimæ Trinitatis: vide id clariùs in Propheta Zacharia cap. 2. n. 10. *Lauda, & letare, filia Sion: quia ecce ego venio, & habitabo in medio tui, ait Dominus: & applicabuntur gentes multe ad Dominum*

in die illa; & erunt mihi in populum, & habitabo in medio tui; & scies, quia Dominus exercituum misit me ad te. Hic textus absque vlllo dubio loquitur de Christo à Patre mittendo in terras ad conuertendas etiam gentes, & ex illis faciendum populum suum Christianum: sed eodem modo loquitur Propheta de Patre mittente, in Isaïæ cap. 48. Ergo in utroque textu loquitur de mittendo Christo Domino, & non de mittendo Propheta: proindeque falsa est expositio illius Rabbini dicentis intelligi ibi mitti Isaïam ab Spiritu Angelico; bene tamen intelligi de Christo secunda persona Sanctissimæ Trinitatis mittendo à Patre, & ab Spiritu Sancto: mittendo, inquam, per Spiritum Sanctum, vt homine: ergo non debent Rabbini negare Spiritum Sanctum tertiam Personam Sanctissimæ Trinitatis in testamento veteri contineri.

9. Probatur 2. ex eodem Propheta Isaïa cap. 44. nu. 3. Vbi Pater promittit se effusurum Spiritum Sanctum suum super terram sitientem, id est, super gentes, quæ ante baptismum erant terra sitiens, & arida; item super ipsos Hebræos, qui semen Abrahæ sunt, daturum benedictionem suam, id est, Messiam, per quem gentes omnes benedicentur, & sanctificabuntur: *Effundam aquas super sitientem; & fluenta super aridam: effundam Spiritum meum super semen tuum, & benedictionem meam super stirpem tuam.* Vbi Pater effundit, Filius benedicit, Spiritus Sanctus irrigat, & consequenter non solum Pater est Deus, sed Filius, & Spiritus Sanctus; si enim Filius à Patre generatus, Deus est; Spiritus Sanctus à Patre, & Filio productus, Deus erit: siquidem si Filio communicat intellectum, qui idem est cum natura Diuina Patris; etiam Spiritui Sancto communicat voluntatem, quæ idem realiter est cum eadem natura Patris, & Filij: igitur ex mente Prophetæ Pater, & Filius, & Spiritus Sanctus eandem habent naturam Diuinam: ergo omnes tres Personæ idem sunt Deus: quia eandem habent diuinam naturam.

10. Probatur 3. Ex eodem Isaïa cap. 61. n. 1. *Spiritus Domi-*

Domini super me; ad annunciandum mansuetis misit me, ut mederer contritis corde, & prædicarem captiuis indulgentiam, & clausis apertionem. Vbi exprimitur Pater, cuius est Spiritus, & Filius, super quem descendit Sanctus ille Spiritus; & ipse Filius dicitur mittendus ad Euangelizandum, ad remittendum, ad soluendumque vincula eorum, qui in carcere diaboli vincti erant. Sed Pater est vna persona distincta, & Deus, ut etiam Hebræi fatentur: Filius est persona distincta, & Deus, ut in 1. libro manet ostensum: ergo Spiritus Sanctus est tertia persona distincta, & idem Deus.

11. Probatur 4. ex Ioel. cap. 2. num. 27. *Et scietis, quia in medio Israel ego sum: & ego Dominus Deus vester, & non confundetur populus meus in æternum: & erit post hæc, effundam Spiritum meum super omnem carnem; & prophetabunt filij vestri, & filia vestra, &c.* Id est: Ego ipse Deus, & Dominus vester factus homo in medio vestri ero, vos docebo, & Regnum Dei prædicabo, & effundam post hæc, & mittam Spiritum Sanctum: & populus meus Christianus non erubescet meum Euangelium sequi, & in æternum me sequetur, quin vnquam pæniteat ipsum, quod legem gratiæ, præcepta, & consilia mea suscepit. Vnde in prædicta prophetia exprimitur secunda persona missa à prima; & tertia persona missa à prima, & à secunda. Sed secunda persona à Patre missa est Deus, ut ait Propheta: *Ego sum in medio Israel: & ego Dominus Deus vester*: ergo & tertia Persona missa à prima, & à secunda, etiam est Deus; & consequenter diuinitas Spiritus Sancti in hac prophetia significatur: non enim vult dicere Propheta Deum effusurum, seu missurum in homines Spiritum Angelicum, qui non est tam propriè Spiritus Dei, sed Spiritum increatum, & verè Deum.

12. Probatur 5. ex Aggæo Propheta c. 2. num. 6. *Et Spiritus meus erit in medio vestrum, nolite timere. Vbi Persona Patris loquitur ad Ecclesiam, & præcipuè ad Apostolos; quando propter furorem, rabiemque Iudæorum, rebel-*

rebellium, & Messiam negantium, Christianosque persequentium erant timore perculsi, quibus Pater Æternus ait: *Nolite timere*, quia vobis mittam Spiritum Sanctum, qui erit in medio vestri, & expellet à vobis omnem timorem: quod impletum est in die Pentecostes, 10. dies post admirabilem Ascensionem Christi in cœlum, vt narrat historia Euangelica. Actor. c. 2. ex illaque hora sublatus est omnis timor ex Apostolis, & publicè in Ierusalem prædicarunt Euangelium; & D. Petrus in vna prædicatione tria millia Iudæorum ad fidem Christi conuertit. Actorum 2. num. 41. Et in eadem prophetia num. 8. loquitur de Messia venturo. *Et veniet desideratus cunctis gentibus, & implebo domum istam gloriâ, dicit Dominus exercituum*. Vbi vides tres Personas diuinas, scil. Patrem, qui loquitur: Filium, qui est desideratus cunctis gentibus: Spiritum Sanctum, Spiritum Amoris, qui expellit timorem, iuxta illud: *charitas expellit omnem timorem: & ideo ait: Spiritus meus erit in medio vestrum, nolite timere*. Nec dicas eas missiones fuisse per gratiam, & sic non probare mysterium Trinitatis. Nam eo loco Spiritus Sanctus in medio eorum ostenditur effector gratiæ expellentis timorem: ergo Deus bene declaratur: solus enim Deus est principalis author gratiæ.

13. Probatur 6. ex Psal. 50. num. 14. *Redde mihi latitiam salutaris tui, & spiritu principali confirma me*. Vbi Dauid à Patre æterno primâ Personâ Sanctissimæ Trinitatis postulat, vt sibi concedat Saluatorem, qui est secunda Persona, & ipsum confirmet Spiritu Sancto, Spiritu principali, qui est tertia diuinæ Trinitatis Persona. Vnde in hoc Psalmo, & in multis alijs veteris testamenti locis, quæ ego breuitatis causâ omitto, Spiritus Sancti diuinitas, tertiæque personalitas, siue hypostasis comprobatur.

14. Concludamus igitur primam. Mysterij Trinitatis probationem ex veteri testamento. Ex illo constat Patrem esse Deum, Filium esse Deum, Spiritum Sanctum esse Deum; vt hucusque probauimus manifestè ex ipsa scri-

scriptura veteri : deinde constat ex eadem veteri scriptura illas personas esse inter se distinctas realiter : quod etiam patet ex illo Psal. 109. *Dixit Dominus Domino meo* ; in quo Pater dicitur loqui Filio ; nemo autem loquitur sibi , sed alteri distincto : deinde Pater dicitur effundere , seu mittere Spiritum Sanctum , vt patet ex illo , *effundam spiritum meum* , &c. Nemo autem mittit seipsum , sed alium à se distinctum : vnde si Spiritus Sanctus distinguitur à Patre distincto à Filio , etiam distinguitur à Filio ; & sic ex scriptura veteri omnes tres Personæ noscuntur distinctæ realiter inter se . Deinde , quòd non possint esse tres Dij , constat non solum ex lumine naturali , sed ex ipsa veteri scriptura Deuteronomij cap. 6. nu. 4. *Audi Israel, Dominus Deus noster, Dominus vnus est* . Et nota mirabilem modum loquendi Sacræ Scripturæ , dum ter dicit : Dominus, Deus noster, Deus vnus. 1. Pater , qui est prior origine , licet æternitate cœuus. 2. Filius , qui specialiter dicitur noster , quia assumpta ex nobis humanitate factus est Saluator, & Redemptor noster. 3. Spiritus Sanctus , & omnes tres personæ dicuntur vnus Deus : sed mysterium Sanctissimæ Trinitatis nihil aliud est , quàm tres Personæ distinctæ realiter, Pater, & Filius, & Spiritus Sanctus, vnus Deus : ergo in veteri scriptura Mysterium Trinitatis clarissimè probatur . Legant ergo Iudei Sacram Scripturam attentè, & serió inquirentes veritatem ; & Mysterium ineffabile Sanctissimæ Trinitatis non negabunt.

S. II.

*Proponitur secunda probatio ex veteri testamento ,
qua probatur Mysterium Sanctissimæ
Trinitatis.*

15. **H**ÆC secunda probatio sumi potest ex capite
I. Genesis: *In principio creauit Deus Cæ-
lum,*

lum, & Terram. In quibus verbis meritò Doctores tam Hebræi, quàm Christiani multa reperiunt mysteria. Et in primis in illis verbis, nomen Elohîm, id est Dî, est numeri pluralis, & verbum *barâ*, id est, creauit, est numeri singularis. Vnde cum maximo mysterio positum est nomen plurale, vt significaret pluralitatem Personarum; & verbum *Creauit* in singulari, vt significaret vnitatem vnius naturæ diuinæ singularissimæ, & vnius omnipotentie creantis in tribus Personis.

16. Eodem modo mysteriosa fuit illa positio nominis Elohîm in numero plurali, ad significandam pluralitatem Personarum: ad quod intelligendum supponendum est duobus modis in Sacra Scriptura veteris testamenti poni vocabula numeri pluralis iuncta cum verbo, vel adiectiuo. 1. modo, quando illud vocabulum numeri pluralis non habet singulare; & tunc sine vllò mysterio ponitur plurale nomen iunctum verbo, vel adiectiuo singulari. Ratio est: quia cū illud vocabulum, seu nomen non habeat singulare, accommodatur verbo, vel adiectiuo, ita vt si verbum, vel adiectiuum sit numeri singularis, nomen illud supponat pro singulari, licet alioquin significet pluralitatem: si verò iungatur cum verbo, vel adiectiuo numeri pluralis; nomen illud supponat pro plurali. 2. modo, quando nomen illud numeri pluralis habet, vel supponit dari aliud nomen eiusdem significationis, sed significans singulare: v. gr. nomen plurale, homines, supponit nomen singularis numeri, homo. Et in casu, quando nomen numeri pluralis adiungitur verbo, vel adiectiuo singulari in Sacra Scriptura, semper habet aliquod mysterium. Quo supposito, dico: nomen Elohîm est nomen pluralis numeri, supponit tamen dari nomen Eloha, quod est nomen numeri singularis: vnde quando sine vllò mysterio ponitur, Elohîm plurale semper coniungitur verbo, vel adiectiuo numeri singularis: vnde cum Elohîm, quod pluralitatem significat, adiungitur verbo singulari, nunquam sic coniungitur

tur sine aliquo mysterio. Igitur mysterium est in illa locutione, Elohim barà, *Dij creauit*, vt fiat hic sensus: *Trei persone, seu plures persone vnus Deus omnipotens creauit*: ergo in illo modo loquendi, illud, Elohim, siue *Dij creauit*, necessario significati: *plures persone vnus Deus creauit*; quod idem est, atque Trinitas vnus Deus omnipotens creauit; aliter sensus redderetur ineptus: ergo ex illo textu sufficienter significatur mysterium Trinitatis, id est, vna Deitas cum pluralitate Personarum. Probatur hæc doctrina 1. ex Deuteronomij cap. 32. num. 18. *Deum, qui te genuit, dereliquisti, & oblitus es Domini Creatoris tui*. Vbi cum significare vellet Deum in singulari, posuit Eloha significans Deum in singulari, & non Elohim, quod significat pluralitatem. 2. ex Psal. 49. num. 22. *Intelligite hæc, qui obliuiscimini Deum*: Vbi similiter posuit Eloha numero singulari. 3. ex Psal. 113. num. 7. *A facie Domini mota est terra, a facie Dei Iacob*. Et in multis alijs versiculis huius Psalmi, semper ponitur Eloha ad significandum Deum in singulari. At verò quando voluit significare Deum Trinum, non posuit Eloha, sed Elohim, vt patet ex Psal. 17. num. 32. *Quis Deus* (ponitur ibi nomen Elohim) *præter Dominum? aut quis Deus præter Deum nostrum?* id est, quis est Deus, nisi ille, qui est trinus, & vnus? Ergo similiter, ponens *Elohim creauit*, voluit significare pluralitatem personarum; si enim voluisset significare vnã tantum Personam in singulari, non poneret Elohim numeri pluralis, sed Eloha numeri singularis. Igitur, dicens Elohim barà, id est, *Dij creauit*, mysterium Trinitatis ostendit.

17. Dices. Si hoc ita esset, inueniretur hoc nomen Elohim in Sacra Scriptura aliquoties coniunctum cum verbo, vel adiectiuo numeri pluralis. Resp. Ita esse, vt patet 1. ex Psal. 57. num. 12. Vbi textus Hebraicus habet sic. *Vtique sunt Dij iudicantes eos in terra*. 2. ex Ierem. 23. n. 36. *Præuertistis verba Dei viuentis, Domini exercituum Dei nostri*. Vbi Hebraicus textus habet Elohim numeri

pluralis coniunctum cum adiectiuo plurali, viuentes, & pronomine, nostri. 3. ex Iosue cap. 24. num. 19. 4. ex Deuteronom. 4. num. 7. 5. ex Samuel. 4. num. 8. in quibus locis nomen Elohim numeri pluralis coniungitur cum adiectiuo pluralis; quod verò coniungatur etiam cum verbo numeri pluralis, constat 1. ex Genes. cap. 20. num. 11. & cap. 35. num. 7. 2. ex Samuel. cap. 4. num. 7. 3. ex 2. lib. Regum cap. 7. num. 23. Ex quibus constat semper nomen Elohim significare pluralitatem: vnde quoties Elohim iungitur alicui verbo numeri singularis, vt quando in Scriptura Sacra legitur: Elohim dixit: semper ibi intelligitur mysterium Trinitatis, tres, scil. Personæ, & vnus dicens, vel creans: ac proinde cum in cit. cap. 1. Genes. dicitur. *In principio creauit Elohim*, intelligitur, *Tres Personæ vnus Deus omnipotens creauit cælum, & terram*. Idem legitur Malachiæ cap. 1. num. 6. *Si ego Dominus sum, vbi est timor meus?* Vbi textus Hebraicus, habet; *Elohim ego sum*, &c. id est, si ego Pater, Filius, & Spiritus Sanctus vnus sum Deus; & idem in alijs locis Sacræ Scripturæ passim reperitur. Ergo mysterium Sanctissimæ Trinitatis in testamento veteri contineri negare non possunt Hebræi, si legant, & intelligant scripturas.

S. III.

Propositur tertia probatio, qua probatur Mysterium Sanctissimæ Trinitatis ex veteri testamento.

18. **T**ertia probatio huius ineffabilis Mysterij desumitur. 1. ex illis verbis Genesis cap. 1. n. 26. *Faciamus hominem ad imaginem, & similitudinem nostram.* Et subiungit num. 27. *Creauit Deus hominem ad imaginem suam*. Dum dicit, *faciamus*, denotat pluralitatem Personarum; dum dicit, *Creauit*, significat vnitatem essentiæ, natu-

naturæque diuinæ . Vnde . 1. colligitur ex eò sacro diuini textûs oraculo venerabile Sacrosanctæ , & indiuiduæ Trinitatis mysterium :

19. Opponent Hebræi 1. dici , *Faciamus* : quia licet Deus sit vna tantum Persona, loquebatur tamen cum Angelis ; quemadmodum Rex cum suis Consiliarijs loquitur, quando aliquid vult disponere ; & licet Deus non ita loqueretur, sumendi causâ consilij à vassallis ; ita tamen fuit locutus, præbendi causâ exemplum , vt non ante aliquid negotij grauis Reges, ac Principes disponant, quàm à suis subditis consilium postulent ; remque prius maturè, seduloque meditentur, quàm peragant . Vnde, sicut, quando Rex dicit : *Nos Rex ordinamus, decernimus, constituimus, iubemus*, non denotantur plures personæ Regis, sed ad summum plures personæ Consiliariorum, quas ipse ad rem illam faciendam consuluit ; ita quando Deus dixit : *Faciamus hominem* ; non denotantur plures personæ eiusdem Dei, sed ad summum plures personæ Angelorum, quas ad nostrum exemplum consulebat . Resp. Hanc expositionem esse omnino friuolam , & prorsus vanam . 1. quia non debemus facere Deum tam sollicitum dandi nobis exemplum, vt exponat se periculo, quòd credi possit indigere aliena ope, & consilio : aliter eo ipso se Deum non monstraret : Deus enim est, qui dat consilium, & non accipit propter suam infinitam sapientiam, & prouidentiam . 2. quia vanissimum est, quòd artifex peritissimus ad faciendum aliquod artefactum loquatur cum aliquo puello rudi, & prorsus operis ignaro, illi dicens : *Faciamus hanc imaginem perfectissimam* ; quam ipse rudis puer facere nullo modo potest . Et certè Angelus etiam supremus non minus est ineptus ad creandam animam hominis Dei imaginem, quàm puer ille ad formandam illam imaginem, & sculpturam elegantem materialem : & posset vterque respondere, scil. Angelus Deo, puer paruulus nobili, ac peritissimo artifice : cur me consulis ad dandum consilium, & ad

& ad faciendum id, quod prorsus ignoro, & efficere nequeo? unde non exigua in sic consulentem vanitatis nota redundabit: quod enim dedecet hominem prudentem, multò magis Deum, qui est prudentia summa, & sapientia infinita: quare stulta omnino est expositio illa Iudæorum.

20. Stultius quidem alij Rabbini exponunt illud, *Faciamus*; nimirum ut loquatur Deus cum elementis, ex quibus homo, sicut cætera alia mista, constat; quasi Deus dicat: *Ego vos elementa, Terra, Aqua, Ignis, Aer, feci ex nihilo; sed ex vobis ipsis volo formare hominem; concurrete igitur ad huius formaturam mecum; & sic ego, & vos faciamus hominem, ad imaginem, & similitudinem nostram; ad imaginem meam, prout constat animæ: ad imaginem vestram, prout constat corpore, atque adeò nos illum faciamus ad similitudinem nostram.* Resp. Tam ridiculam esse hanc expositionem, quàm ridiculi sunt illi expositores. Nunquid elementa insensibilia habent sensus, ut vocem Dei sentiant? Nunquid intellectum, ut quid Deus dicat, intelligant? Non esset habendus, ut stolidus, qui diceret igni, *comburemur*; aquæ, *lauemur*; aeri, *perstemus*; terræ, *fructificemus*? Si ergo hoc qui diceret, stultus, fatuus, & amens esset; cur Hebræi sacrilegè audetis Deum stultum, dementemque facere; qui est summa sapientia, intelligentia infinita? Non est maior honos in Deum, maior decentia, reuerentiaque maior, si dum dicit: *Faciamus*, explicetur, ut prima Persona loquatur cum duabus personis, quæ habent eundem intellectum, eandem sapientiam, eandem operandi virtutem? Igitur non possunt verba illa: *Faciamus hominem*, alium habere sensum, nisi, quod tres diuine Personæ loquantur inter se, dicendo: *Faciamus hominem ad imaginem, & similitudinem nostram*: quia omnes tres Personæ concurrunt, tanquam vnum principium productiuum ad extra; & omnes tres sunt vnus Deus intellectiuus, cui homo intellectiuus assimilatur in parte illa præcipua

pua ipsius, qualis est, eius anima rationalis, & intellectiva: & consequenter ex textu illo mysterium Trinitatis Sanctissimæ non obscurè colligitur.

21. Secundò colligitur idem Trinitatis ineffabile mysterium ex cap. 18. Genes. num. 2. *Cumque eleuasset oculos, apparuerunt tres viri: quos cum vidisset, cucurrit in occursum eorum de ostio tabernaculi, & adorauit in terram: & dixit: Domine, si inueni gratiam in oculis tuis, ne transeas seruum tuum.* Omnes istæ tres personæ representabant vnum Deum: & sic dicit textus num. 1. *Apparuit autem ei Dominus in conualle Mambre sedenti in ostio tabernaculi sui.* Et Abraham omnes tres, tanquam vnum Deum, & Dominum adorauit, dicens, *Domine*, & non Domini, *Si inueni gratiam in oculis tuis.* Cur igitur Abraham videns tres, omnes adorattanquam vnum; & ad omnes loquitur tanquam vnum, dicens: *Domine, si inueni gratiam in oculis tuis?* Cur de apparentibus tribus personis, dicitur: *Apparuit autem ei Dominus;* nisi quia omnes tres vnum representabant Dominum, vnum Deum? An Abraham vidit in illis aliquam maiorem excellentiam, & dignitatem, vt vnus esset maior, ceteri minores, ac inferiores; ideoque hunc adorauerit, & cum hoc tantum fuerit collocutus, duobus contemptis, &, quasi non essent, derelictis? Certè in textu non indicatur aliqua inter eos inæqualitas, aliquis inter eos superior, ac excellentior; imò dum dicit omnes tres stare, *stantes prope eum*, clarè insinuat omnes tres esse æquales, æquali obsequio, & adoratione dignos: cur ergo vnum tantum adorat? cum vno tantum in singulari loquitur? Certè nulla alia ratione, nisi quia Deus, qui apparebat in triplici persona, vnus tantum in ea figura significabatur Deus: Pater, Filius, Spiritus Sanctus inter se personaliter distincti, sed in natura diuina idem, vnusque tantum Deus. Voluitque Deus Omnipotens Abrahamo, quem eligebat primum Patrem credentium, reuelare primum Mysterium fidei, quale est mysterium Sanctissimæ Trinitatis: quemadmodum etiam Christus,

stus, qui dicitur Pater futuri sæculi, id est, omnium fidelium per baptismum in sæculo futuro, quale in Sacra Scriptura appellabatur tempus Messiae, dedit principium ad legem Gratiae per baptismum in confessione Sanctissimæ Trinitatis, ordinando, ut baptizentur in nomine Patris, & Filij, & Spiritus Sancti, de quo infra: & ideo postquam Deus hic primo reuelauit mysterium Sanctissimæ Trinitatis, postea subiungit numerum 17. secundum præcipuum nostræ fidei mysterium, nimirum Incarnationis Diuini Verbi, in quo facto homine benedicendæ, id est, sanctificandæ erant omnes gentes: *Dixitq; Dominus: nunc celare potero Abraham, quæ gesturus sum: cum futurus sit in gentem magnam, ac robustissimam, & benedicendæ sint in illo omnes nationes terræ?* Vnde vides manifestè Deum in hac prophetia seruo suo Abraham duo præcipua nostræ fidei mysteria, Trinitatis, scil. & Incarnationis declarare voluisse.

22. Contra hanc veram huius textus sacri intelligentiam opponunt perfidi Iudæi illos tres, quos vidit Abraham, esse tres Angelos, & ideo non esse tres diuinas Personas, & vnum Deum. Resp. Istos Rabbinos ex industria nolle intelligere veritatem. Dicant hi Rabbini, quando Angeli apparent in forma hominis, sunt ne homines; & desinunt esse Angeli? Scio respondere ipsos, non esse quidem homines, sed Angelos, purosque spiritus, qui ut tales videri non possunt ab oculo corporeo; & ideo assumunt illam externam hominis figuram: & licet externè videantur homines, semper dicuntur Angeli: cur ergo illæ tres Diuinæ Personæ, quæ immediatè in hac vita non possunt videri intuituè, non significantur per illos tres Angelos? Sicut ergo illi homines, sub quorum forma apparent Angeli, non sunt homines, sed Angeli; ita illi tres Angeli, sub quorum forma apparuit Deus trinus in Personis; & vnus in essentia, & natura, non sunt Angeli, sed Deus in tribus personalitatibus. Et si ita non sumatur, textus redditur falsus, & prorsus implicatorius: quod manifestè ostendo.

do ex ipso textu. 1. quia non obstante, quòd Abraham tres viderit, & tres illi apparuerint; in textu legitur, quòd vnus Deus illi apparuerit. *Apparuit autem illi Dominus*, id est, Deus; tres apparuerunt, & vnus tantum Deus apparuit; vel ergo implicatur textus in eisdem verbis, dum dicit, vnum solum apparuisse Angelum, & non vnum solum apparuisse, sed tres: vel verè voluit Abraham significare, quòd non obstante, quòd tres representabantur personæ, omnes tres significarentur vnus tantum Deus. 2. quia illud ineffabile nomen, quod fuit ibi nominatum, nempe Iehoua, solum potest attribui Deo, & non creaturæ, quales sunt Angeli: quòd autem soli Deo possit applicari nomen ineffabile Iehoua, constat iam ex dictis in 1. libro, & docent Rabbinii ibi allegati: siquidem Iehoua significat ens à se, quod solum potest tribui Deo, qui solus est ens à se; & non Angelis, qui creati sunt, & vt limitatæ creaturæ sunt ens ab alio. 3. quia illud ineffabile nomen Iehoua, quod illi Domino apparenti sub tribus personis tribuebatur: *Apparuit autem illi Dominus*; significat æternitatem per essentiam, tam à parte post, quàm à parte ante; quod solum potest dici de Deo, & non de Angelis, qui creati sunt in tempore, & ideo non sunt ab æterno, & solum erunt accidentaliter in æternum, & non per essentiam; cum possint à Deo annihilari, & reduci in nihilum, sicut ab eodem fuerunt ex nihilo creati. 4. quia ille ipse, qui apparuit Abrahamo, dicit se velle illi reuelare illud secretum, & mysterium, nimirum Incarnationis, quam ipse erat facturus: *Num celare potero Abraham, quæ gesturus sum, &c. Et benedicendæ sunt in illo. omnes nationes terræ.* Id est, non possum non reuelare seruo meo Abraham Messiam Deum, & hominem, eius filium, secundum carnem; vt in illo sanctificentur, iustificentur, saluenturque omnes nationes terræ; quod mirabile mysterium ego gesturus sum: opus enim est, quod à me solo, & non ab vlla potentia creata fieri potest: igitur Deus est, qui hîc loquitur, & non Angeli, qui mysterium Incarnationis, vtpote

supra sphæram, virtutemque Angelicam, solus facere potest.

23. Concluditur ergo: vel hîc sacer textus loquitur manifestè falsâ; vel loquitur de Sacrosancto Mysterio Trinitatis, id est, de Deo vno, sub tribus Personis repræsentatis in illis tribus Angelis, ita tribus, vt adorentur, & operentur, vt vnus Deus, vnus Omnipotens: manifestum est textum non posse dicere falsum: aliter Deus non esset verax, & consequenter non esset Deus, qui essentialiter verax est: ergo verum omnino est, in hoc textu manifestari, reuelarique mysterium Trinitatis; ac proinde negari non potest Sacrosanctum Trinitatis mysterium in veteri testamento certissimè contineri.

24. Colligitur 3. hoc ineffabile mysterium ex iam supra adducto cap. 6. Deuteronomij num. 4. *Audi Israel, Dominus Deus noster, Dominus vnus est.* Vbi, iuxta ea, quæ supra diximus §. 1. per *Dominum* intelligitur prima Persona, id est, Pater; per *Deum nostrum* intelligitur secunda Persona, id est, Filius, qui factus est specialiter noster per carnem humanam ex nobis assumptam; per *Dominum* tertio loco positum, intelligitur tertia Persona, id est, Spiritus Sanctus; & hi tres sunt vnus Deus. Et hæc intelligentia notatur in vno libro Hebræorum appellato *Zobar*, qui liber apud ipsos Hebræos, tantam obtinet authoritatem, quantam ipsa lex Moysis. Vbi in expositione cap. 13. Exodi vers. 16. *Erit igitur quasi signum in manu tua.* Ad fol. 43. sic habet: *Deus Sanctus, & benedictus creauit mundum, quando splendoris pallio se obuoluit; quod est splendida Diuinitatis sue vestis, quæ facit unitatem; & ideo versiculus ille Deuter. 6. num. 4. Audi, Israel, &c. Dominus vnus est: Hæc est illa unitas, quam dicit Scriptura. 1. Dominus. 2. Deus noster. 3. Deus: Ecce omnes isti sunt vnum; eo quod sic legatur: Vnus est. Et continuat: si igitur sunt tres, quomodo tres vnum sunt? Tres quidem sunt; sed solo lumine supernaturali fidei, vel prophetia possumus cognoscere ita esse tres, vt vere omnes tres sint vnum: adhuc tamen aliqua similitu-*
dine

dine potest mysterium, ac secretum explicari, v.gr. per tonitru; quod licet unum sit, sunt tamen tres. Ignis, aqua, ventus. Deus ignis, Deus noster spiritualis pluvia, quæ de cælo in nos dimissa est; spiritualis ventus: & omnes tres unus est Deus; sicut suo modo omnes illæ tres res unum est tonitru. Hæc est illa unitas secreti, seu mysterij; quod quotidie manifestatur ex Spiritus Sancti arcano. Hactenus hæc Rabbini in citato libro. Ex quo vides Rabbinos, quando seriò, & sine passione suæ præsentis obstinationis sacram legebant scripturam, ex illa Trinitatis mysterium agnoscebant, credebantque solo lumine supernaturali cognosci posse, quamvis similitudine aliqua naturali possit aliquo modo declarari; & ignis potest significare Patrem, qui ita incensus amoris igne dilexit mundum; ut Unigenitum suum daret. Aqua, seu cælestis pluvia, ut Filius; & ita illum Prophetæ desiderabant tanquam pluviam, cælestemque rorem, iuxta illud: *Rorate cæli desuper, & nubes pluant iustum, &c.* Ventus, Spiritus Sanctus, iuxta illud: *Factus est repente de cælo sonus, tanquam advenientis spiritus vehementis.*

25. Ex eodem libro Zohar, cui Hebræi adhibent tantam fidem, atque ipsi legi Moysis, in num. Bemidbar c. 22. distinct. Balac fol. 203. exponendo prædictum textum Deuteronom. cap. 6. num. 4. *Audi Israel, &c.* ait, nomen Dei ter ibi nominatum, scil. *Dominus, Deus noster, Deus unus est*, denotare tres diuinas Personas unitas in vna natura diuina; & addit hoc esse mysterium unitatis trium personarum ex sola prophetia Spiritus Sancti, hoc est ex sola reuelatione diuina cognitum, & id ibi explicat exemplo vnius arboris, in qua sunt tria, scil. radix, truncus, & summitas arboris; & omnia tria sunt vna arbor. Dicitque truncum arboris esse Messiam secundam personam, & ideo dicit Deum nostrum, quia secundum carnem, descendit à radice Iesse; citatque cap. 11. Isaiæ: *Et egredietur virga de radice Iesse.* Itaque à radice, quæ est Pater procedit truncus, qui est Filius: à radice, & trunco procedit sum-

mitas, quæ est Spiritus Sanctus. Tres, Radix, truncus, summitas, vna arbor. Tres, Pater, Filius, Spiritus Sanctus vnus Deus: non poterat Rabbinius meliori similitudine explicare mysterium Trinitatis.

S. I V.

Probatur adhuc ineffabile hoc Trinitatis Mysterium ex autoritate veteris testamenti, & Rabbiorum.

26. **P**robari potest adhuc hoc Sacrosanctum Trinitatis mysterium .i. ex Iosue cap. 22. nu. 22. Vbi Filij Ruben, & Gad reprehensi à Phinee summo Sacerdote, quòd extra Ierusalem extruerent altare Domino ad holocausta; quòd quidè extra Ierusalem fieri, sacrilegium erat contra legem Dei; ipsi tamen se excusarunt; quòd altare illi non eo fine extruxerint, vt Deo sacrificarent extra Ierusalem; sed in solam memoriam altaris, quod erat in Ierusalem; & inuocando Deum in testem huius veritatis dixerunt sic: *Fortissimus Deus Dominus, Fortissimus Deus Dominus, ipse nouit, & Israel simul intelliget, si præuentionis animo hoc altare construximus;* &c. In textu Hebræo leguntur tria nomina, El, Elohim, Iehoua cum triplici signo illa distinguente, & ponitur vnicum verbum in singulari, *Nouit*; similiter in Psalmo 49. vbi enim nostra Vulgata habet: *Deus Deorum Dominus locutus est, & vocauit terram*; Textus Hebræicus habet: *Deus, Deus, Dominus locutus est*: dum ter nominatur Deus, signo illa tria nomina distinguente, tres indicantur Personæ; dum verò dicitur in singulari, *locutus est*; vnus esse tantum Deus significatur: & in prædicto Psalmo tria esse distincta Dei nomina docetur in libro Midras Tillim glossa maiori in Psalmos: Idem testatur Rabbi Moyse bar Nachman in expositione eiusdem Psalmi. Idem significauit Dauid in Psalmo 66. num. 7. *Benedicat nos Deus, Deus noster; benedicat nos Deus.* Per quod absque dubio voluit significare benedictio-

ditionem, seu sanctificationem nobis esse impertiendam à Patre, & à Filio, & à Spiritu Sancto; & vt denotaret esse omnes tres personas vnum Deum, subiungit: *Et metuant eum omnes fines terre*; eum dixit, & non eos. Et in Psal. 95. ter nominauit Dominum. *Cantate Domino canticum nouum*; *cantate Domino omnis terra*, *cantate Domino*; id est, cantum celebrate in Ecclesia Patri, & Filio, & Spiritui Sancto; qui cantus in Sancta Ecclesia celebratus ad finem cuiusque Psalmi iungendo gloriam Patri, & Filio, & Spiritui Sancto, fuit à Sancto Propheta in spiritu præuisus; & vt denotaret omnes Personas diuinas vnum tantum esse Deum, subiungit: *& benedicite nomini eius*, & non nominibus eorum. Idem significat Dauid in multis alijs locis, quos omitto breuitatis gratiâ; & quia id eos Psalmos legenti faciliè patebit. Igitur, dum omnes prædicti textus expriment tres Diuinas Personas esse vnum Deum, clarè indicant Mysterium Sanctissimæ Trinitatis.

27. Potest hoc Sacrosanctum Trinitatis Mysterium probari 2. ex Isaia c. 6. n. 2. *Seraphim stabant super illud: sex alæ vni, & sex alæ alteri; duabus velabant faciem eius, & duabus velabant pedes eius, & duabus volabant: & clamabant alter ad alterum, & dicebant: Sanctus, Sanctus, Sanctus, Dominus Deus exercituum; plena est omnis terra gloriâ eius.* Vbi aduerte, ter nominando: *Sanctus*, &c. scribi ibi cum signo distinguente personas, & subiungitur mox: *Plena est omnis terra gloriâ eius*, non gloriâ eorum, ad denotandum, licet personæ sint tres, omnes tres esse vnum tantum Deum, vt nos Christiani credimus, & non tres Deos, vt nobis per summam calumniam imputant peruersi Iudæi.

28. Aliqui Rabbinii fatuè quidem, & stultè exponunt ista hunc textum Isaie, vt non ter hic Dominus vocetur Sanctus; sed vt vnus Angelus dicat alteri: ò Sanctus; & alius respondeat, ò Sanctus: & tunc vterque dicat: Deus Sanctus vnus: & sic non probantur tres personæ vnius Dei: sed vna tantum Persona Dei, & aliæ duæ illorum Angelorum. Resp. falsam omnino esse hanc istorum Rabbiorum

norum

norum expositionem: 1. quia est violenta textui: in quo solum agitur de glorificanda summa Dei altissimi sanctitate, & de eiusdem adoranda maiestate, prout est; cum autem clarè videant illum esse vnum Deum Patrem, & Filium, & Spiritum Sanctum; id est, vnum Deum, & tres Personas inter se distinctas, & quamlibet indistinctam ab ipsa indiuisa, & vna Deitate; exclamant, tanta maiestate Diuinitatis suspensi, *Sanctus, Sanctus, Sanctus*; id est, Sanctus est Pater, Sanctus est Filius, Sanctus est ille ab utroque spiratus, & mutuus amoris nexus Spiritus Sanctus: & hi omnes, vnus est Deus. 2. quia magna esset in illis Angelis irreuerentia, eodem gradu sanctitatis, & eodem titulo honoris tractare, nominareque in præsentia ipsius supremi Regis Regem ipsum, & ipsos limitatos seruos; sicut irreuerenter se haberet ille, qui coram Rege terreno, seruos illic adstantes vocaret æquali titulo maiestatis, atque ipsum Regem. 3. quia expositio tanquam falsa, & ineptissima habetur ab ipsis etiam doctioribus Rabbini: qui omnes dicunt in illo textu Isaïæ, illa nomina *Sancti, Sancti, &c.* de Deo, & non de aliqua persona creata intelligi. Ita exponitur ille textus in lib. Ialcut in glos. magna super Deuteronom. cap. 32. vbi citatur cap. 6. Isaïæ, idem habetur in eodem Ialcut in expositione prædicti cap. 6. Isaïæ, & in libro vocato Capitula Rabbi Eliezer, & in libro Rabbith fol. 134. Qui omnes Rabbini intelligunt hunc textum iuxta expositionem nostram: quorum verba expressa videri possunt in locis citatis; & illa ego breuitatis causâ prætermitto.

29. Alij Rabbini conuicti his argumentis fatentur illa nomina ter posita in sacro textu dici quidem de Deo, & non de Angelis; attamen non significare tres personas, sed esse repetitionem eiusdem nominis, & æquivalere superlatiuo, *Sanctissimus*; quia cum nomen superlatiuum non sit in vfu apud Hebræos: quando volunt explicare Deum Sanctissimum, ponunt ter, aut quater nomen positiuum *Sanctus*. Hæc Hebræorum responsio potius indicat suam

obstinationem, quàm studium assequendæ veritatis. Cur non aduertunt isti Hebræi illa nomina poni in sacro textu cum signo distinctionis, ita vt intelligantur inter se distincta, prout allegati supra Rabbinii in prædicto Ialcut, & Rabboth rectè considerarunt? si ergo sunt distincta nomina, habere debent distincta significata: sed non sunt distincti, aut diuersi Dij; quia repugnat lumini naturali, & ipsi met sacro textui clamanti vnum tantum esse Deum, & non plures: ergo solum possunt significare pluralitatem Personarum, quæ stare potest cum illo secreto, & mysterio unitatis naturæ diuinæ, & cum multiplicitate, seu Trinitate Hypostasum, seu personalitatum; & hoc est secretum unitatis in illo textu supra allegato Deuteronomij cap. 6. *Dominus, Deus noster, Dominus vnus est*, ab ipsis etiam Hebræis, vt supra vidimus, in ipsa etiam Synagoga sua sæpius decantato.

30. Et notandum est: quòd, postquam Deus Isaïa in d. cap. 6. reuelauit mysterium Trinitatis per illa verba, *Sanctus, Sanctus, &c.* videns duritiem Hebræorum in adhibenda fide huic Sacrosancto Mysterio; vt adhuc videmus illos in non credendo hoc mysterium obstinatos; præcipit statim eidem Prophetæ, vt dicat illi populo Iudaico hæc verba certè terribilia: *Vade, & dices populo huic: Audite audientes, & nolite intelligere; & videre visionem, & nolite cognoscere. Excæca cor populi huius; & aures eius aggraua, & oculos eius clauda; ne fortè videat oculis suis, & auribus suis audiat, & corde suo intelligat, & conuertatur, & sanem eum.* Prophetæ verò maximè territus hoc horribili supplicio, quòd contra populum incredulum Deus minatus erat; dixit ad Deum: *Vsquequo Domine?* Et Deus tunc illi respondit: *Vsque ad finem mundi. Et dixit: donec desolentur Ciuitates absque habitatore, & domus sine homine, & terra relinquatur deserta.* Quare ergo Deus has minas fulminauit; postquam præcepit Prophetæ prædicare populo illi incredulo visionem illam, quam Deus ipsi monstrauerat? Certè, quia in illa visione monstrauerat Deus

Deus ineffabile mysterium Trinitatis; & optimè sciebat Hebræos in non credendo illud futuros esse obstinatissimos vsque ad finem mundi generaliter loquendo; quia licet multi baptizentur, credantque mysterium Trinitatis; omnes tamen vniuersaliter, vsque ad finem mundi non credent: suâ tamen culpâ: Deus enim propter infinitam suam misericordiam non desinit illos semper monere per Prædicatores, & Sacerdotes Christianos, & monuerat per Sanctos Apostolos, ac Euangelistas: Vnde iam diabolus illos non tentat per idololatriam: quia vt in æternum pœnâ inferni damnentur, satis illi est eos arcere à baptismo, sine quo vel in re, vel in voto, nullus neque Gentilis, neque Hebræus saluari potest; cum verò nemo possit baptizari sine professione mysterij Trinitatis vel immediatè per se, si est adultus; vel mediatè per Ecclesiam, si est infans: ideo diabolus Hebræos tanta vi procurat arcere à mysterio Trinitatis, vt eosdem amoueat à remedio salutis.

S. V.

Probatur hoc ineffabile Trinitatis mysterium ex ipsis etiam Rabbini antiquioribus.

31. **N**E illam excusationem opponant moderni Hebræi ad non credendum Mysterium Sanctissimæ Trinitatis, dicendo Doctores suos nunquam hoc mysterium agnouisse, nec illud ex Sacra Scriptura collegisse: in hoc §. præter alios Rabbinos iam supra allegatos, adducentur plures alij ex Antiquioribus, qui hoc Sacrosanctum Mysterium clarissimis verbis explicarunt; vt erubescant, & confundantur Hebræi recentes, minusque docti, dum antiquioribus, doctioribusque Rabbini suis se non conformant; in suaque stulta, & cæca obstinatione contumaciter persistunt.

32. Probatur igitur 1. ex libro Midras Tillim, exponendo Psalmum 49. Vbi sunt in textu Hebraico hæc verba:

El,

El, Elohim, Iehoua, sic habetur: *Quare dixit ter, Deus, Deus, Deus? Et respondit: Vt te doceat, se his tribus nominibus Deus Sanctus, & benedictus mundum condidisse, per respectum ad tria tria Attributa, quibus factus est Mundus, scil. sapientia, scientia, & intelligentia: Sapientia unde probatur? Ex Prouerbior. c. 3. n. 19. Dominus sapientiâ fundauit terram. Scientia unde probatur? Ex eodem cap. Sapientiâ eruperunt abyssi. Intelligentia unde probatur? Ex eod. cap. Stabiliiuit celos prudentiâ. Et similiter ex c. 20. n. 5. Exodi. Ego sum Dominus Deus tuus fortis, zelotes. En tria attributa similia illis tribus, quibus mundus creatus est: atq; ita filij Gad, & Ruben dicebant. Deus, Deus, Deus ipse nouit. Vbi vides hunc Rabbinum explicare tria prædicata in vno Deo Creatore mundi. Et in libro Sciagara fol. 30. sunt hæc sequentia verba: *Iuxta mysterium duorum nominum, El, & Elohim, in quibus continetur Iehoua; sic appellatur nomen illius, qui habitat in celis.* Itaque hi Rabbinus in Deo vno distinguunt tria prædicata, seu significata; quod colligunt ex sacris textibus prænaratis; & sic in re ipsa conueniunt nobiscum; quamuis ea prædicata non explicant per nomina personarum: quia fortasse nomen persona, seu hypothesis, apud illos erat ignotum: negari tamen non potest illos admittere in diuersitate illorum significatorum, quæ a nobis vocantur cum maiori claritate Personæ Diuinæ, naturam diuinam vnā, & indiuisā; & hoc appellant secretum vnitatis in triplici prædicato, seu significato; nos verò clariùs loquimur, dum agnoscimus Mysterium Trinitatis in vna indiuisa Natura diuina tria prædicata Notionalia, seu tres Personas discretas.*

33. Probatur 2. ex quibusdam Rabbiniis, qui appellantur Cabalistæ, & dicuntur à Iudæis Doctores veritatis; quamuis alioquin multos sequantur errores, multasque edoceant falsitates, adhuc tamen potuerunt hanc veritatem Trinitatis cōfiteri: sic enim ipsa etiam dæmonia Christum verum Filium Dei confitebantur; vt patet ex historia Euangelica. Itaque isti prædicti Rabbinus in libro Zohar

vocant Personas Sanctissimæ Trinitatis quibusdam nominibus, aliquibus similibus eis, quibus nos appellamus tres diuinas Personas. Nam, vbi nos appellamus Trinitatem, illi appellant enumerationem, enumerando per ordinem personas; & iuxta illos 1. dicitur Au Patre; & hanc etiam appellant Cheter, id est, coronam; vt significant illam primam personam esse sine principio, & sine fine. Si igitur iuxta illos prima Persona est Pater, oportet, admittant etiam Filium; quia dicunt Patrem esse correlatiuum Filij, qui quidem est secunda Persona; & hanc appellant Rabbini illi sapientiam: sic enim dicunt. 2. *Sefira*, id est, persona, *sapientia est*; & dicunt etiam per hanc fuisse creatum mundum; citantque cap. 2. Prouerbiorum supra allegatum, & hanc etiam appellant Principium; & hoc probant cap. 1. Genes. *In principio creauit Deus Cælum, & Terram*: quod vertit paraphrasis Chaldaica: *In Sapientia*, siue *in Verbo creauit Deus Cælum, &c.* Et id probant similiter ex Psal. 32. num. 6. *Verbo Domini Cæli firmati sunt*. Et constat Sapientiam esse idem, atque Verbum Diuinum; quod est secunda persona, & caro factum est, vt profundissimè intonuit Euangelistarum Aquila Ioannes filius Tonitruui cap. 1. *In principio erat Verbum, & Deus erat Verbum; & Verbum caro factum est*. Et iidem Rabbini exponunt illud Isaïæ 45. num. 17. quod totum est de Christo. *Israel saluatus est in Domino salute æterna*, id est lege gratiæ, in Ecclesia, quæ durabit vsque ad finem mundi militans, & in æternum iam triumphans; *non confundemini, nec erubescetis in seculum seculi*. Exponunt, inquam, sic: *Israel saluatus est in verbo Dei*: & ita etiam exponunt cap. 1. Osee num. 7. *Ei saluabo eos in Domino Deo suo*; dum sic vertunt. *Saluabo eos in Verbo Dei*, id est, Æterni Patris, *Deo suo*. Atq; ita exponunt plures alios sacros textus, qui de Christo Domino loquuntur. Ex quibus manifestum est eos Rabbinos vocare secundam personam, *Verbum, Sapientiam, & Principium*. Tertia persona, quam nos Spiritum Sanctum appellamus, ab ipsis vocatur Bina, & intelligentia,

ria, & est idem, quod est scriptum in Daniel. cap. 2. num. 21. *Dat sapientiam sapientibus, & scientiam intelligentibus disciplinam*. Quæ scientia aliud non est, quam Spiritus Sanctus, vt scriptum est in Iob cap. 20. num. 3. *Spiritus intelligentiæ meæ respondebit mihi*. Et in Isai. cap. 11. num. 2. loquendo de Messia. *Et requiescet super eum Spiritus Domini, Spiritus Sapientiæ, & intellectus*. Ex quibus verbis patet Rabbinos bene cognouisse illum spiritum intelligentiæ, qui est Spiritus Sanctus; & dicunt hunc esse tertiam personam, id est, tertiam personam. Igitur cum prædicti Rabbini enumerent tres illas personas, scil. Patrem, Sapientiam, siue Verbum, aut Principium, & Spiritum intelligentiæ, qui est Spiritus Sanctus, & non possit in Deo aliquid esse, quod non sit Deus; constringentur necessariò fateri Mysterium Sanctissimæ Trinitatis. Nec obstat, quòd Hebræi faciant 10. enumerationes; vt inferri possit dari 10. personas: nam hæ tres numerationes secundum specialia significata diuinis tribus personis appropriata innuunt tres diuinas Trinitatis personas; cæteræ verò enumerationes, quas ipsi faciunt, fortasse plura Dei attributa significabunt.

34. Probatur 3. ex alijs Rabbinis in libro appellato *Sefer Iezira*; in quo Doctores illi Hebræi clarissimis verbis admittunt in Deo mysterium Sanctissimæ Trinitatis. Sic enim in prædicto libro dicunt: *Tres sunt lucæ; Lux antiqua, Lux pura, Lux purificata; attamen hæ tres lucæ sunt vnus Deus*. Lux antiqua est Pater; qui in Scriptura Sacra appellatur Antiquus dierum. Daniel. 7. num. 9. *Aspiciebam donec throni positi sunt: & Antiquus dierum sedit*. Non quia Pater sit antiquior tempore respectu aliarum Personarum, cum omnes sint coæternæ: sed quia est prior origine; quod stare potest cum eo, quòd omnes sint æqualiter æternæ: ab eadem enim æternitate, Filius est à Patre, & non à Filio Pater; Spiritus Sanctus est à Patre, & à Filio tanquam ab vno principio spiratiuo; & non à Spiritu Sancto Pater, & Filius. Lux pura dicitur Filius, qui factus

est homo, vt purificaret homines, & mundaret per sanctum baptismum: & ideo hæc lux, & splendor Patris, & figura substantiæ eius, consideratur à Daniele, vt splendida vestis Æterni Patris, candida, & munda sicut nix, & sicut lana mundissima: per niuem Diuinitas, per lanam humanitas intelligitur: quæ duo in Christo secunda Persona reperiuntur. Et ideo ait Daniel. *Vesimentum eius* (i, Patris Æterni, seu Antiqui dierum) *candidum quasi nix, & capilli capitis eius quasi lana munda*; id est, huius vestimenti Christi, qui caput est primarium Ecclesiæ, capilli, i, fideles, sicut lana munda; quia mundi erunt per lotionem baptismi, iuxta illud: *Lauamini, & mundi estote*. Vnde meritò secunda Persona dicitur lux pura; propter purificationem, qua purificabit, lauabitque credentes in eum. Lux purificata, est Spiritus Sanctus; quia supponit iam fideles per baptismum purificatos: siquidem Spiritus Sanctus non habitat in anima habente peccatum; maximè verò in eo, qui est purificatus à culpa per aquas baptismi, & per aquas poenitentiae; quod figuratur in eo, quod dicitur Genes. cap. 1. num. 2. *Spiritus Dei ferebatur super aquas*, id est, super aquas baptismi, & poenitentiae. Atq; ita idem Daniel in eodem versiculo explicauit tertiam hanc Personam per ignem, quo metalla, id est, homines, purificantur. Et ideo dicit: *Thronus eius flammæ ignis, rotæ eius ignis accensus*, iuxta illud Act. 1. *Apparuerunt dispersitæ lingue tanquam ignis*: quod dicitur de Spiritu Sancto, quando in die Pentecostes descendit super Apostolos. Vnde nota Danielem in eodem versiculo 9. dicti cap. 7. has tres diuinas personas mirabiliter expressisse, quas nos Personas appellamus, illi vero Rabbini luces dicunt. 1. dicitur Antiqua, & est Antiquus dierum Pater. 2. Lux pura, & est vestis, seu splendor Patris filius mundans peccatores. 3. Lux purificata, & est ignis accensus purificans, & in anima purificata habitans, Spiritus Sanctus. Quare Rabbini illi conueniunt nobiscum in hoc mysterio, licet differant in nomine: quia nos dicimus tres esse personas, & vnum Deum;

Deum; illi tres esse lucēs, & vnum Deum dicunt; illi dicunt Lucem Antiquam, Lucem puram, Lucem purificatam; nos esse Patrem, qui est Antiquus dierum, id est prior origine; esse Filium, qui est lux, & splendor, & veluti lucida vestis Patris, & purificans homines; esse Spiritum Sanctum, qui est ignis accensus, & velut ignis fidelium aurum probans, & purificatos inflammans. Itaque negare non possunt Hebræi hoc altissimum Trinitatis mysterium à suis etiam Rabbinis edoceri.

35. Probatur 4: hoc Trinitatis ineffabile Mysterium ex alijs Rabbinis præsertim ex Ghechitilia in tractatu hafereth Sefiroth. Vbi proponens acturum se de 10. enumerationibus; septem prioribus explicatis, dicit hæc verba: *Tres ultimas enumerationes nullus humanus vnquam oculus vidit; inter quas nulla est separatio: absit autem, dicamus ab inuicem separari.* Per quæ verba non aliud voluit significare Rabbini ille, quam tres diuinas Personas ita esse identificatas vni Deo, vt ab inuicem separari nullo modo possint: & sic Deum esse Trinum, & vnum. Dum autem dicit: *Nullus vnquam oculus vidit;* ostendit illam supremam Trinitatem vnum esse Deum; de quo dicitur Exodi 31. num. 20. *Non videbit me homo, & viuet.* Hoc idem confirmatur ex libro Sefer Iezira supra iam allegato, in quo sic dicitur: *Scito tres illas enumerationes diuinas ita esse diuinitati unitas, ac identificatas, vt separari nullo modo possint.* Quid autem est tres illas enumerationes ita identificari vni Deo, nisi tres diuinas personas vnum esse Deum; quod est Mysterium Sanctissimæ Trinitatis, quod nos Christiani credimus?

36. Antiqui Rabbini adeò clarè loquebantur de Mysterio Sanctissimæ Trinitatis, quod de Sacris Scripturis deprompserant; vt Nouiores Hebræi videndo se reddi conuictos etiam suismet armis; vt in sua obstinatione peristerent; quidquid in suis AA. reperiiebatur Trinitati fauens, de illorum libris delere conati sint. Vnde in paraphrasi Ionathan ben Huziel exponendo textum illum

Isaie

Isaïæ cap. 6. num. 3. iam supracit. vbi dicit: *Sanctus, Sanctus, Sanctus, Dominus Deus exercituum*. Verba erant scripta, quæ non obscure adumbrabant Mysterium Trinitatis; & ideo Recentes Hebræi illa sustulerunt; nihilominus fuerunt fideliter transcripta ex quodam antiquissimo Codice, qui è manibus Hebræorum Recentium euasit; sicut narrat Galatinus, & sunt sequentia verba fideliter translata: *Sanctus Pater, Sanctus Filius, Sanctus Spiritus Sanctus*: & ita ait, significare textum illum Sacrum Isaïæ. Hoc ipsum indicant alij Rabbini multis in locis in libro Midras Tillim exponendo Psal. 90. num. 12. *Ne forte offendas ad lapidem pedem tuum, &c.* Vbi loquendo de lapidibus, quos Iacob supposuit capiti suo, cum in somnis videret scalam, ita ait: *Dicit Rabbi Nebemias: Tres fuerunt lapides, quos, scil. sumpsit Iacob; dixitque: si Deus uniat nomen suum supra me, sicut illud uniuert supra Patres meos; sint isti tres lapides facti in unum. Stetit Iacob; & subito tres illi lapides facti sunt unus; sicut dictum est: Accepit lapidem, & nunc docuit in unum lapides tres esse unitos.* Idem dicitur in libro Rabbith glossa maiori in cap. 28. Genes. vers. 11. *Tulit de lapidibus, &c.* Vbi quasi per eadem verba ait Iacob voluisse, vt Deus dignaretur ex tribus lapidibus vnum facere; in confirmationem, quod assumpturus esset carnem humanam ex semine suo. Non dixit ex duobus lapidibus, vel quatuor, sed ex tribus; vt veritas Mysterij Trinitatis probaret mysterium Incarnationis: sicut enim Personæ Diuinæ vni indiuiduæ naturæ sunt idem similitudine illorum trium lapidum in vnum; ita suo modo humanitas, & Diuinitas in vnum Christum Messiam mirabiliter vnentur. Ex quo vides, quàm clarè significabant illi Rabbini hoc Sacrosanctum Trinitatis Mysterium; & certè diabolus, qui valde sollicitus est, ad detrudendos Hebræos in Infernum, procurat, vt Trinitatis mysterium non credant: quia bene videt in fide huius diuini Mysterij solum posse homines saluari.

37. Probatur 5. ex libro Zohar in Leuiticum cap. 3. vbi
expo-

exponendo illum versiculum : *Si hostia Pacificorum fuerit;* & ibi loquendo de literis Nominis Dei dicuntur sequentia verba, quæ etiam reperiuntur scripta in libro appellato, *Via Fidei* Rabbi Meir bene Ghequai, & ita habent: *Iuxta interpretationem* Rabbi Abæ, & maximè Rabbi Mier, *prima litera nominis Dei, dicta Iod, formatur ex tribus punctis in unum unitis: unum supra, alterum in medio, tertium infra. Primum à nullo procedit; & dicitur Excelsum. Secundum procedit à primo; tertium autem procedit à primo, & à secundo, & omnia tria sunt unum.* Non poterat clariùs Mysterium Trinitatis exprimere: nam primum punctum est Pater, qui est primum Principium ad intra, & à nulla alia Persona procedit; & dicitur excelsus non quòd excellat alias Personas in perfectione, cum omnes sint in perfectione æquales; sed quia est cæteris prior origine: & dicitur Pater, quia ab æterno semper generat Filium, iuxta illud: *Filius meus es tu: ego hodie genui te.* Et iuxta illud: *Tecum principium in die virtutis tuæ in splendoribus Sanctorum, ex utero ante Luciferum genui te.* Psal. 109. Secundum punctum est Filius, qui ex intellectu Patris tanquam ex utero ex primaria intentione communicandi ipsi suam naturam actualiter intellectualem, ipsumque sibi assimilandi in ea natura diuina æternaliter procedit; quæ processio est diuina generatio: quæ definitur *processio viuentis à viuente coniuncto in similitudinem naturæ ex primaria, formalique intentione;* & idcirco est propriissimam generationem; modo mirabili, & inenarrabili iuxta illud Prophetæ Isaïæ c. 53. generationem eius quis enarrabit? Tertium punctum est Spiritus Sanctus; qui, cum procedat ex æternali amore mutuo Patris, & Filij, necessariò est processio à duobus, vt ab vno principio amante, & spirante, ex primaria intentione communicandi ipsi amorem illum æternalem. Ex quo eruitur primò: Filium, dum accipit primò eandem singularissimam Patris naturam, scil. actualem Patris intellectionem substantialem, in qua consistit Natura diuina, manere cum Patre eundem Deum; & esse propriissimè

Filium:

Filium : cum sit eiusdem numero naturæ cum illo, & ideo perfectissima filiatione ; filiatio autem humana non sibi vendicat tantam perfectionem ; non solum , quia limitata est creatura : sed etiam quia filius humanus solum eandem in specie , non verò eandem numero naturam cum Patre habet .

38. Eruitur 2. Spiritum Sanctum non esse Filium : quia licet eandem numero naturam cum Filio , Patreque habeat ; ex vi tamen suæ diuinæ Processionis formaliter accipit amorem , qui formaliter non est natura , sed solum identicè ; quatenus amor diuinus , & diuina intellectio realiter idem sunt ; & solum virtuali quadam distinctione discernuntur ; neque de Spiritu Sancto dicitur : *Filius meus es tu ; ego hodie genui te* ; sicuti de Verbo Diuino propriissime affirmatur . Eruitur 3. neque Patrem esse Filium , quia non generatur , sed generat ; neque Filium esse Patrem , quia non generat , sed generatur ; neque Spiritum Sanctum esse Patrem , aut Filium , quia nec generat , neque generatur , sed procedit , & spiratur ab utroque ; neque Patrem , & Filium esse Spiritum Sanctum ; quia uterq. non spiratur , sed spirat ; Spiritus Sanctus non spirat , sed spiratur : omnes tamen tres Personæ sunt vnus Deus : quia omnes eandem numero naturam diuinam sibi adpropriant . Licet autem hoc Sacrosanctum Trinitatis Mysterium sit inenarrabile , & ineffabile , adhuc tamen , quantum potest capere limitata intellectus nostri sphaera , aliquali similitudine declaratur : nam præter alias similitudines à Rabbiniis etiam supra effigiatas , scilicet tonitrui , & arboris ; non incongruè apponitur hæc similitudo , scilicet fons , riuus , stagnum . Riuus enim procedit à fonte , stagnum à fonte , & à riuo , & omnes tres sunt aqua . Fons non est riuus , nec riuus fons : nec vterque est stagnum : nec stagnum fons est , nec riuus , & tamen omnes tres sunt aqua . Pater est fons , Filius est veluti riuus , à fonte illo Paterno fluens . Spiritus Sanctus est quoddam veluti stagnum à diuino illo Fonte , & Riuo mirabiliter profluens ; & omnes participant splendi-

didissimam eiusdem Diuinitatis veluti aquam. Nihilominus Mysterium hoc in hac vita fide tantum credi, non aliqua similitudine perfecte declarari potest; in illa verò cælesti patria videbimus illud, sicuti est.

S. VI.

*Declaratur, & probatur Mysterium Trinitatis
ex Sacro Fonte Euangelij.*

39. **H**Astenus Sacrosanctum ineffabilis Trinitatis Arcanum ex locuplete veteris testamenti thesauro, & ex ipsorum etiam Rabbiorum, qui Sacras Scripturas medullitus scrutati sunt, autoritate comprobauimus, pro nostraque tenuitate adumbrauimus; nunc verò tertio probationis genere neruosiùs vtemur, ex sacri Euangelij infallibili, lucidiorique oraculo; vbi Christus Dominus Diuina Æterni Patris Sapientia incarnata clarissimis verbis expressit, & fidelibus suis firma fide credendum proposuit. Vnde fit prima probatio: Christus Saluator noster verus est Deus; qui nec potest decipi, nec nos decipere: sed ipse dixit, reuelauitque Mysterium Sanctissimæ Trinitatis, tres scilicet Personas distinctas, Patrem, & Filium, & Spiritum Sanctum, & vnum Deum: ergo hoc Mysterium verissimum est; & sine fide illius vel explicitæ, vel implicitæ, de quo nunc non disceptamus, nullus potest saluari. Tota argumentatio est euidens, si probetur maior propositio, scil. quodd Christus sit verus Deus, quod Hebræi minùs docti negant: Rabbini verò doctiores ex sacris veteris scripturæ monumentis conuicti constanter affirmant: & nos in primo libro probatum, imò demonstratum reliquimus. Restat igitur ostendere Christum in Sacro Euangelio hoc mysterium edocuiffe, præcepisseque suis Apostolis, vt illud in toto orbe prædicarent.

40. Probatur igitur 1. ex Matth. 28. n. 19. *Euntes ergo docete omnes gentes, baptizantes eos in nomine Patris, & Filij,*

& Spiritus Sancti, docentes eos seruare omnia, quaecunque mandauimus vobis. In nomine denotatur vnitas naturæ diuinæ, & ideo non dicit, *In nominibus*: quia non sunt tres Dij, sed vnus Deus; *Patris, & Filij, & Spiritus Sancti*, tres personæ distinctæ insinuantur. Ita intelligit hunc, & alia similia loca sancta, & vniuersalis Ecclesia ab Spiritu Sancto illuminata in Concilio Generali sub Innocentio III. in capite Firmiter, de summa Trinitate. Firmiter credimus, & simpliciter confitemur, quod vnus solus est verus Deus, Aeternus, Imensus, & incommutabilis, incomprehensibilis, omnipotens, & ineffabilis, Pater, & Filius, & Spiritus Sanctus; tres quidem Personæ, sed vna essentia, substantia, seu natura simplex omnino. Pater à nullo, Filius à Patre solo; ac Spiritus Sanctus pariter ab vtroque absque initio, semper, ac sine fine: Pater generans, Filius nascens, & Spiritus Sanctus procedens; consubstantiales, & coæquales, & coomnipotentes, & coæterni: vnum vniuersorum principium, Creator omnium visibilium, & inuisibilium spiritualium, & corporalium. Et paulò post: hæc Sancta Trinitas secundum communem essentiam indiuidua, & secundum personales proprietates discreta. 1. per Moysen & Sanctos Prophetas, aliosque famulos suos iuxta ordinatissimam dispositionem temporum, doctrinam humano generi tribuit salutarem: & tandem Vnigenitus Dei Filius incarnatus ex MARIA semper Virgine, Spiritus Sancti cooperatione conceptus verus homo factus; ex anima rationali, & humana carne compositus, vna in duabus naturis personam viam vitæ manifestius demonstrauit.

41. Probatur 2. ex Ioan. 10. num. 30. Vbi Christus sic ait: *Ego, & Pater vnum sumus*. *Vnum* denotat vnitatem essentiae, & naturæ diuinæ: *Sumus*, pluralitatem Personarum. 3. ex eodem Ioan. 1. epist. cap. 5. num. 7. *Tres sunt, qui testimonium dant in Cælo: Pater, Verbum, & Spiritus Sanctus, & hi tres vnum sunt*. Et subiungit Euangelista ibid. num. 9. *Si testimonium hominum accipimus, testimonium Dei maius est*. Quali diceret; multa, quæ non videmus,

demus, ex testimonio hominum credimus: cur ergo non credemus hoc mysterium Sanctissimæ Trinitatis, nobis à Deo Salvatore nostro reuelatum, cuius testimonium maius est; imò certissimum; & infallibile: cælum enim, & terra transire possunt, verba autem eius minimè possunt transire, vt ipse Dominus ait. Probatur 4. generaliter ostendendo ex Euangelio cuiusque diuinæ personæ diuinitatem. Nam prima persona, quæ est Pater, passim in sacro Euangelio Deus esse declaratur; nec in hoc ostendendo tempus contero; Hebræi quippe, quibus cum hîc agimus, hoc non inficiantur. De secunda Persona, quæ est Filius, verum esse Deum, constat i. ex omnibus locis Sacræ Scripturæ Euangelicæ; in quibus Christus appellatur Filius Dei. Ex Matth. 14. num. 33. *Adorauerunt eum dicentes: Verè Filius Dei es.* Et cap. 16. num. 16. Respondens Simon Petrus dixit: *Tu es Christus Filius Dei viui.* Et cap. 27. num. 54. *Viso terræ motu; & his, quæ fiebant, timuerunt valde, dicentes: Verè Filius Dei erat iste.* Item ex Marci 1. num. 11. *Et vox facta est de cælis: Tu es Filius meus dilectus: in te complacui.* Et cap. 3. num. 12. Clamabant dicentes: *Tu es Filius Dei.* Et cap. 5. num. 7. *Quid mihi, & tibi IESU Fili Dei altissimi.* Et cap. 9. num. 6. *Et venit vox de nube dicens: Hic est Filius meus charissimus.* Et cap. 14. num. 61. *Dixit ei: Tu es Christus Filius Dei benedicti.* IESVS autem dixit illi: *Ego sum.* Et cap. 15. num. 39. *Videns autem Centurio, qui ex aduerso stabat, quia sic clamans expirasset, ait: Verè hic homo Filius Dei erat.* Item ex Luca cap. 1. num. 32. *Hic erit magnus, & Filius Altissimi vocabitur.* Et num. 35. *Et respondens Angelus dixit ei, Sc. quod nascetur ex te Sanctum, vocabitur Filius Dei.* Et cap. 3. num. 22. *Et vox de cælo facta est: Tu es Filius meus dilectus: in te complacui mihi.* Et cap. 8. num. 28. *Is, vt vidit IESUM, procidit ante illum; & exclamans voce magna, dixit: Quid mihi, & tibi est IESU Fili Dei Altissimi.* Et cap. 22. num. 70. *Dixerunt autem omnes: Tu ergo es Filius Dei?* qui ait: *vos dicitis, quia ego sum.*

sum. Item ex Ioan. i. n. 18. *Deum nemo vidit unquam: Unigenitus Filius, qui est in sinu Patris, ipse narravit.* Et n. 34. *Et ego vidi, & testimonium perbibui: quia hic est Filius Dei.* Et num. 49. *Et ait: Rabbi, Tu es Filius Dei: Tu es Rex Israel.* Et cap. 3. num. 16. *Sic enim Deus dilexit mundum, ut filium suum unigenitum daret.* Et num. 17. *Non enim misit Deus filium suum in mundum, ut iudicet mundum, sed ut saluetur mundus per ipsum.* Et num. 18. *Qui autem non credit, iam iudicatus est: quia non credit in nomine Unigeniti Filij Dei.* Et in cap. 9. num. 35. *Audiuit IESVS, &c. & cum inuenisset eum, dixit ei: Tu credis in Filium Dei? respondit ille, & dixit. Quis est, Domine, ut credam in eum? & dixit ei IESVS: & vidisti eum, & qui loquitur tecum, ipse est.* Et in cap. 10. num. 36. *Quem Pater sanctificauit, & misit in mundum, vos dicitis, quia blasphemas: quia dixi, Filius Dei sum. Si non facio opera Patris mei, nolite credere mihi. Si autem facio: & si mihi non vultis credere, operibus credite, ut cognoscatis, & credatis, quia Pater in me est; & ego in Patre.* Et in cap. 11. num. 4. *Audiens autem IESVS dicit eis: Infirmitas hæc non est ad mortem; sed pro gloria Dei, ut glorificetur Filius Dei per eam.* Et num. 27. *Ait illi: Vtique Domine, ego credidi, quia tu es Christus filius Dei viui, qui in hunc mundum venisti.* Et in cap. 20. num. 31. *Hæc autem scripta sunt, ut credatis, quia IESVS est Christus Filius Dei: & ut credentes vitam habeatis in nomine eius.*

42. Ex actibus Apost. cap. 3. num. 13. *Deus Abraham, & Deus Isaac, & Deus Iacob, Deus Patrum nostrorum glorificauit filium suum IESVM, quem vos quidem tradidistis; & negastis ante faciem Pilati, &c.* Et num. 26. *Vobis primum Deus suscitans filium suum, misit eum benedictum vobis, ut conuertat se unusquisque à nequitia sua.* Item ex Petri 2. cap. 1. num. 17. *Accipiens enim à Deo Patre honorem, & gloriam, voce delapsa ad eum huiuscemodi à magnifica gloria: Hic est filius meus dilectus, in quo mihi complacui, ipsum audite.* Item ex Paul. ad Rom. cap. 1. num. 1.

num. 1. Paulus, &c. Segregatus in Euangelium Dei (quod ante promiserat per Prophetas suos in scripturis sanctis) de Filio suo, (qui factus est ex) ex semine David secundum carnem; qui predestinatus est Filius Dei in virtute secundum Spiritum sanctificationis, &c. Et cap. 5. num. 10. Reconciliati sumus Deo per mortem filij eius. Et cap. 8. num. 29. Nam quos presciuit, & predestinavit conformes fieri imagini filij sui. Et ad Cor. 1. cap. 1. num. 9. Fidelis Deus, per quem vocati estis in societatem filij eius. IESV Christi Domini nostri. Et ex ad Cor. cap. 1. n. 19. Dei enim filius. IESVS Christus, qui in vobis per nos predicatus est. Et ad Galat. 1. num. 15. Cum autem placuit ei, qui me segregavit ex utero Matris mee, & vocavit per gratiam suam, ut revelaret filium suum per me. Et in cap. 2. num. 20. In fide vivo filij Dei, qui dilexit me, & tradidit semetipsum pro me. Et in cap. 4. num. 4. Vbi venit plenitudo temporis, misit Deus filium suum factum ex muliere, factum sub lege &c. Item ex cap. 4. ad Ephes. num. 13. Donec occurramus omnes in unitatem fidei, & agnitionis filij Dei. Item ex 1. ad Thessal. 1. nu. 10. Expectate Filium eius de cælis, (quem suscitavit ex mortuis) IESVM, qui eripuit nos ab ira ventura. Item ad Hebræos cap. 1. num. 1. Multifariam, multisque modis olim Deus loquans Patribus in Prophetis; novissime diebus istis locutus est nobis in Filio, quem constituit heredem universorum, per quem fecit & sæcula. Et num. 5. Cui enim dixit aliquando Angelorum: Filius meus es tu; ego hodie genui te? & rursum: Ego ero illi in Patrem, & ipse erit mihi in Filium, &c. Et in cap. 4. num. 14. Habentes ergo Pontificem Magnum, qui penetravit cælos, IESVM Filium Dei; tenemus confessionem. Et cap. 10. num. 28. Irritam quis faciens legem Moysi, sine ulla miseratione, duobus, vel tribus testibus moritur: quanto magis putatis deteriora mereri supplicia, qui Filium Dei conculeaverit, & sanguinem testamenti pollutum duxerit? in quo sanctificatus est, &c.?

43. Item ex 1. Ioannis cap. 3. num. 8. In hoc apparuit Filius Dei, ut dissolvat opera diaboli. Et num. 23. Hoc est man-

mandatum eius, ut credamus in nomine filij eius. IESU Christi. Et c. 4. n. 9. In hoc apparuit Caritas Dei in nobis; quoniam filium suum unigenitum misit Deus in mundum, ut viuamus per eum. Et num. 10. Ipse prior dilexit nos; & misit filium suum propitiationem pro peccatis nostris. Et num. 14. Et nos videmus, & testificamur, quoniam Pater misit filium suum Saluatorem mundi. Item ex Apoc. 2. num. 18. Angela Thyatise Ecclesie scribe: Hac dicit Filius Dei, qui habet oculos tanquam flammam ignis, &c. Itaque ex his omnibus sacris textibus patet Christum secundam personam Sanctissimæ Trinitatis esse naturalem filium Dei; & consequenter verum Deum; nam sicut naturalis filius hominis est homo; ita naturalis filius Dei, est Deus.

44. *Constat 2. ex alijs locis Sacri Euangelij; in quibus Christus Dominus appellatur expresse Deus. 1. ex Ioan. 20. nu. 28. vbi Apost. S. Thom. appellauit Christum Deum suum. Respondit Thomas, & dixit ei: Dominus meus, & Deus meus. 2. ex Paulo ad Rom. 9. num. 5. Ex quibus est Christus secundum carnem, qui est super omnia Deus benedictus in secula. 3. ex epist. ad Tit. cap. 2. num. 11. Apparuit enim gratia Dei Saluatoris nostri omnibus hominibus, erudiens nos, &c. Et num. 13. Expectantes beatam spem, & aduentum glorie Magni Dei, & Saluatoris nostri IESU Christi, qui dedit semetipsum pro nobis. Nec obstat impia Erasmi fatuitas; dum vult nomen Dei intelligi de Patre; & non videt Hæreticus loqui Apostolum de Christo Deo vêturo ad iudicandum. 4. ex Act. 20. n. 28. Attendite vobis, & vniuerso gregi, in quo vos Spiritus Sanctus posuit Episcopos regere Ecclesiam Dei, quam acquisiuit sanguine suo; non potest autem illic, Deus intelligi de Patre; qui non fudit sanguinem; sed de Filio, qui nos suo redemit sanguine. 5. ex Io. 1. In principio erat Verbum, & Verbum erat apud Deum; & Deus erat Verbum. Igitur Diuinitas Christi, qui est secunda Persona Sanctissimæ Trinitatis, clarissime in sacro Euangelio exprimitur.*

45. *Restat modò declarare in eodem Euangelio diuinita-*

nitatem Spiritus Sancti, qui est tertia persona Sanctissimæ Trinitatis, clarissimè contineri. 1. ex Paul. ad Rom. 5. vbi sic dicitur: *Charitas Dei diffusa est in cordibus nostris per Spiritum Sanctum, qui datus est nobis.* Et ad Cor. epist. 1. c. 12. *Divisiones verò gratiarum sunt, idem autem spiritus;* est autem proprium Dei hominibus per gratiam diuino quodam illapsu communicari. 2. quia proprium insigne est Dei omnia scrutari: sed spiritus Sanctus omnia scrutatur, vt constat ex Paul. ad Cor. 2. *Spiritus omnia scrutatur etiam profunda Dei:* ergo Spiritus Sanctus est Deus: sicut enim, qui habet proprietatem solius hominis, est homo; ita qui habet proprietatem Dei, est Deus. 3. quia etiam proprium est Dei, vt ab illius nutu omnia dependant: sed omnia a nutu Diuini Spiritus dependent: vt liquet ex Paulo ad Cor. 12. *Diuidens singulis, prout vult;* Et ex Io. 3. *Spiritus vbi vult spirat;* ergo &c. 4. quia qui loquitur per Prophetas, est Deus: sed Spiritus Sanctus locutus est per Prophetas, vt constat ex Petri 1. *Spiritu Sancto inspirati locuti sunt Sancti omnes.* Et ex Act. ultimo. Vbi dicitur Spiritum Sanctum locutum fuisse ad Isaiam. Et ex cap. 4. vbi dicitur Spiritum Sanctum per organum Regij Prophetæ fuisse locutum; &c. *Oportet impleri scripturam, quam prædixit Spiritus Sanctus per os David.* 5. quia solus Deus est obiectum beatitudinis: Spiritus autem Sanctus obiectum est beatitudinis Angelorum, iuxta 1. Petri 1. *Spiritu Sancto misso de cælo; in quem desiderant Angeli prospicere:* ergo, &c. 6. Ex Act. 5. Vbi cum Petrus dixisset ad Ananiam: *Cur mentitus es Spiritui Sancto?* subdit: *Non es mentitus hominibus, sed Deo:* ergo Spiritus Sanctus Deus est. Tandem, quia passim in testamento etiam nouo scribuntur actiones ad extra per Spiritum Sanctum factæ; vt etiam ex dictis constat: actiones autem innuunt personam operantem: sed Spiritus Sanctus non est persona humana, vel Angelica: ergo diuina; & consequenter Deus.

46. Ex quibus omnibus manifestè patet in Sacro Euangelio expressum esse, Patrem esse Deum, Filium esse Deum, Spi-

Spiritum Sanctum esse Deum: sed ex eodem Sacro Evangelio, & ex lumine naturali constat non posse esse plures Deos: ergo Pater, & Filius, & Spiritus Sanctus vnus est Deus; quod est mysterium Sanctissimæ Trinitatis, quod nos Christiani firma fide amplectimur. Patet igitur Mysterium Trinitatis ex utroque testamento veteri, & nouo; manifestissimè comprobari: proindeque Hebræos suæ perfidiæ nullam excusationem habere: imò, vt argumentatur D. Paulus ad Hebræ. 10. num. 29. supracitatus; si duo testes erant sufficientes ad infligendam penam mortis contra violantes legem; quanto acerbius merentur supplicium Iudæi negantes Mysterium Trinitatis; quando duo testes adeò validi, scil. vetus, & nouum testamentum tam efficacibus testimonijs illud mysterium comprobant, & corroborant? Faxit hæc Sancta Trinitas, vt Hebræi tanta cæcitate deposita, scissoque suo mentis velamine, hæc Sancta Sanctorum agnoscant; populusque Hebræus, qui olim Israel, id est, videns, appellabatur; credendo dicatur videns, & non cæcus; ideoque ad illum tota Trinitas descendat; impleaturque Christi seruatoris nostri letissimâ promissio: ad eum veniemus, & mansionem apud eum faciemus; cui Sanctissimæ Trinitati sit sempiterna laus, honor, & gloria.

F I N I S.



2p

INDEX RERV.M.

A

- A** Brabam non fuit Sacerdos. l. 2. c. 12. n. 74. p. 111.
 Abraham decimas Melchisedech Sacerdoti persoluit. ibid.
 Aceto Messias afflictus. l. 2. c. 9. n. 64. p. 101.
 Achaz de domo David genere, non fide. l. 2. c. 2. n. 15. p. 54.
 Aduentus Messie duplex. l. 2. c. 3. n. 25. p. 64.
 Aduentus utriusque discrimin. ibid. & l. 4. c. 1. n. 5. p. 213.
 Post Aduentum Christi vnus tantum Populus Dei. l. 3. c. 1. num. 13. pag. 135.
 Aduentus utriusque fines. l. 4. c. 1. n. 1. p. 210.
 Adoratio dulcis quid. l. 3. c. 15. n. 89. p. 201.
 Adoratio sacrarum imaginum perperam improbat ab Hebraeis. l. 3. c. 1. n. 1. p. 125.
 Adoratio sacrarum imaginum quomodo faciendat ibid.
 Adorauit Abraham vnum, videns tres. Appendix. S. 3. n. 22. pag. 393.
 Eternum quomodo sumatur apud scripturas. lib. 3. cap. 3. n. 9. pag. 132. & cap. 5. num. 24. pag. 148.
 Agnus Dei quomodo dicatur occisus ab origine mundi. l. 2. c. 9. num. 64. pag. 101.
 Angeli omnes creati simul. l. 4. c. 6. n. 56. p. 261.
 Angeli dicuntur Apostoli. l. 2. c. 7. n. 48. p. 86.
 Angelus Moysi apparuit in rubo. l. 1. c. 2. n. 6. p. 4.
 Anticipari poterat Aduentus Messie, non differri. l. 4. cap. 6. num. 55. p. 259. & c. 12. p. 310.
 Antichristus tandem vt falsus Messias agnosceretur ab Hebraeis. l. 3. c. 6. n. 41. p. 162.
 Antichristus ab Hebraeis vt suus Messias acceptabitur. l. 3. c. 6. n. 35. p. 157. & l. 4. c. 4. n. 32. p. 240.

- Antichristus in sensu literali intelligitur nomine Regis Gog.*
ibid pag. 156.
- Antichristi tempore bella toto orbe fient. ibid. n. 36. p. 158.*
- Apostoli dicuntur oculi Christi. l. 4. c. 2. n. 12. p. 220.*
- Apostolorum prædicatione mundum conuerti miraculum fuit.*
l. 4. c. 5. n. 45. p. 251.
- Apostoli prædicuntur à Prophetis. ibid. n. 41. p. 247.*
- Apostoli dicuntur porta Ecclesie. l. 4. c. 6. n. 51. p. 257. & l. 4. c. 8.*
num. 79. pag. 280.
- Apostoli dicuntur Israelita. ibid. n. 53. p. 258.*
- Apostoli dicuntur cœli. l. 4. c. 8. n. 86. p. 286.*
- Apostoli ab Hebræis abiecti. l. 2. c. 9. n. 60. p. 96.*
- Apostoli dicuntur speculatores. l. 1. c. 10. n. 55. p. 37.*
- Apostolis dona Spiritus Sancti conferuntur. l. 2. c. 12. num. 77.*
pag. 114.
- Arca Dei quando, & quò translata fuerit ? l. 4. cap. 2. num. 13.*
pag. 221.
- Arca Testamenti cessatura post Aduentum Messie. l. 3. cap. 9.*
num. 62. pag. 179,
- Arcana voluit Deus Abraham celare. Appendix S. 3. n. 22.*
pag. 393.
- Argumentum ex Maumetho dissoluitur. l. 4. c. 5. n. 49. p. 254.*
- Argumentum euident ex Isaia de Christo ex Virgine nato.*
l. 2. c. 2. n. 12. p. 51.
- Argumentis conuicti Rabbini. l. 2. c. 2. n. 13. p. 51.*
- Armorum cessatio tempore Messie. l. 3. c. 12. n. 77. p. 191.*
- Armorum cessatio 40. annis post Christi Resurrectionem du-*
rauit. ibid.
- Ascensio Christi à plus quingentis visal. l. 2. c. 2. n. 10. p. 50.*
- Ascensio Christi in cœlum prædicta à Prophetis. l. 2. c. 12. n. 74.*
pag. 111,
- Asina dicitur Synagoga, & cur ? l. 4. c. 1. n. 3. p. 212.*
- Astutia diabolica Hebræorum. l. 1. c. 9. n. 42. p. 28.*
- Aurora typus B. Virginis Mariae. l. 2. c. 1. n. 6. p. 45.*

B

- B** *Abylon antiqua iam non existit.* [l.4.c.3.n.18.p.225.](#)
Babylone conservari Principes Iudæos stultè dicunt Rabbini. *ibid.*
Babylonem antiquam esse omnino destructam docent sapientiores Rabbini, *ibid.* [p.226.](#)
Baptismus à Prophetis prædicatur. [l.4.c.8.n.79.p.281.](#)
Baptismus remittit originale peccatum virtute Sacramenti. [l.3.c.3.n.14.p.137.](#)
Baptismus est nota distinctiva populi Christiani. *ibid.* [nu.13. pag.135.](#)
Baptismus in lege gratiæ fuit institutus ad tollendum originale. *ibid.* [p.136.](#)
Baptismus potest conferri statim, non ita poterat Circumcisio; *sed 8. die.* *ibid.* [n.14.p.137.](#)
Baptismus necessarius ad salutem. [l.4.c.19.n.156.p.362.](#)
Beatus dicitur, qui sperat in Deo. [l.1.c.10.n.52.p.35.](#)
Beatus dicitur à Prophetis, qui sperat in Messia. *ibid.*
Bellum non ultra gerendum post Aduentum Messiaè quomodo intelligendum sit? [l.3.c.12.n.78.p.192.](#)
Berachia Rabbini recta expositio. [l.2.c.1.num.6.p.45.](#)
Blasphemie Iudæorum contra Christum prædictæ à Prophetis. [l.2.c.11.n.70.p.108.](#)

C

- C** *Aiphas prophetauit.* [l.4.c.15.n.135.p.337.](#)
Calumnie ab Hebræis factæ circa usum Imaginum. [l.3.c.1.n.3.p.127.](#)
Caues multi dicuntur persecutores Christi. [l.2.c.1.n.5.p.44.](#)
Caput Ecclesiæ Christus, & eius Vicarius Pen. fex Romanus. [l.4.c.8.n.71.p.274.](#)

- Caput primum Ecclesie Christus. *l. 2. c. 11. n. 73. p. 110.*
 Capita duo Israel in Adventu Messie defecitura. *l. 1. c. 4. n. 14. pag. 9.*
 Captivitatē ante ultimam Messias predicatur nasciturus. *l. 4. c. 6. n. 57. p. 262.*
 Carnes suillas Christiani vescētes incusantur ab Hebraeis. *l. 3. c. 2. n. 6. p. 129.*
 Castra semper moveri primò à Tribu Iudæ. *l. 4. c. 3. num. 27. pag. 235.*
 Cervicis duræ Hebraei. *l. 4. c. 8. n. 89. p. 288.*
 Christus descendens ex Tribu Iudæ. *l. 4. c. 2. n. 9. p. 217.*
 Christus quando venit, ablatum fuit sceptrum ex Tribu Iudæ. *ibid.*
 Christus expectatio gentium predicatur à Prophetis. *l. 4. c. 8. num. 74. pag. 277.*
 De Christo Iesu intelligi necessariò debet tex. Isaia cap. 8. l. 1. *cap. 4. num. 14. p. 9.*
 Christus quo pacto dicatur in ruinam &c. *ibid. n. 15.*
 Christi clamor in Cruce à Prophetis predictus. *l. 2. c. 9. n. 58. p. 95. & c. 10. n. 66. p. 104.*
 Christus dicitur factus extraneus. *ibid. c. 9. n. 59. p. 96.*
 Christus ab Hebraeis Cafari postponitur. *l. 3. c. 4. n. 22. p. 146. & c. 10. num. 63. p. 103.*
 Christus radice Iesse. *l. 2. c. 11. num. 73. p. 110.*
 Christi sepulchrum gloriosum. *l. 2. c. 11. n. 73. p. 110.*
 Christus primum caput Ecclesie. *ibid.*
 Christiani dicuntur Electi. *l. 4. c. 8. n. 80. p. 281.*
 Christiani dicuntur populus Dei. *l. 1. c. 9. n. 45. p. 30.*
 Christus verus homo, & verus Deus. *l. 1. c. 9. n. 41. p. 27.*
 Christus natus in Bethleem ex B. Virgine. *ibid.*
 Christus natus ex familia, & domo Regis David. *ibid. p. 28.*
 Christus nobis benedictio est, & splendor virtutum. *lib. 2. c. 1. num. 3. pag. 42.*
 Christus Deus homo solus poterat satisfacere de iustitia pro peccatis. *l. 4. c. 14. n. 130. p. 331.*
 Cibi secundum temporum varietatem prohibiti, & concessi. *lib. 3.*

- lib. 3. cap. 2. num. 6. pag. 130.
 Circumcisio signum fuit pacti, non pactum. l. 3. c. 3. num. 11.
 pag. 134.
 Circumcisio tollenda per Messiam prædicitur à Prophetis.
 l. 3. c. 3. n. 8. p. 132.
 Circumcisio non fuit omni tempore necessaria ad salutem.
 ibid. num. 10. pag. 133.
 Circumcisio post legem gratiæ non potest observari. ibid. n. 15.
 pag. 137.
 Circumcisio erat umbra, & figura baptismi. ibid. p. 138.
 Circumstantiæ mortis Christi prædicuntur à Prophetis. l. 2.
 c. 7. n. 46. p. 83.
 Civitas sublimis, idest, Roma debellanda à Messia iuxta
 Prophetas. l. 2. c. 4. n. 28. p. 67.
 Concilium malignantium à Sacerdotibus factum. lib. 2. cap. 8.
 num. 50. pag. 87.
 Confessio Sacramentalis à Prophetis prædicta. lib. 4. cap. 14.
 num. 128. pag. 330.
 Coniuratio Hebræorum contra Romanos. lib. 3. c. 12. num. 77.
 pag. 191.
 Conscientia Hebræorum consultitur. l. 4. c. 20. n. 160. p. 365.
 Constantinus Imperator fidem amplectitur. l. 4. c. 6. num. 52.
 pag. 257.
 Conversio Iudæorum numero minor, quàm Gentilium. lib. 3.
 cap. 9. num. 62. pag. 180.
 Conuicti Hebræi de tempore Aduentus Messie. l. 4. c. 6. nu. 58.
 pag. 262.
 Corollarium totius doctrinæ. l. 4. c. 21. n. 169. p. 373.
 Cor nouum à Messia fidelibus dandum. l. 4. c. 19. n. 156. p. 361.
 Corruptio Sacræ Scripturæ ab Hebræis facta. l. 4. c. 3. nu. 22.
 pag. 230. & l. 1. c. 3. n. 9. p. 6.
 Corruptionis istius quæ causa fuerit? ibid. p. 8.
 Corona gloriæ dicitur Messias. l. 1. c. 5. n. 18. p. 11.
 Corona in capite Summi Sacerdotis. l. 3. c. 9. n. 65. p. 182.
 Corona exultationis. l. 1. c. 5. n. 17. p. 11.
 Corpus Christi mysticum fideles. l. 1. c. 7. n. 34. p. 23.

- Creaturas fuisse productas in tempore, est de fide.* *lib. 2. cap. 3. num. 24. p. 63.*
Credibilitas nostræ fidei evidens est. *l. 4. c. 20. n. 163. p. 369.*
Creditu difficilia aliqua mysteria. *ibid. n. 164. p. 370.*
Crucis ignominia mutata in gloriam. *lib. 4. cap. 10. num. 97. pag. 298.*
Cyri tempore liberati à captiuitate Iudæi. *l. 3. c. 10. num. 71. pag. 186.*

D

- D** *Annatio eterna Iudeorum.* *l. 4. cap. 4. num. 38. p. 245.*
Dauidis filius Christus. *ibid. num. 33. p. 241.*
Dauid dicitur Christus. *l. 4. c. 4. num. 35. pag. 243.*
Dauid non fuit Sacerdos. *l. 2. c. 12. n. 74. p. 112.*
Dauid panes propositionis accepit. *ibidem.*
Deliramentum Hebræorum. *l. 4. c. 3. num. 24. pag. 232.*
Deus iam non acceptat Hebræorum oblationes. *l. 3. c. 15. n. 89. pag. 202.*
Deus Iacob intelligitur Deus verus, quem nos adoramus. *ibid. num. 88. pag. 201.*
Deus conqueritur de Hebræis Christum non acceptantibus. *l. 4. c. 7. num. 63. p. 266.*
Deus promittitur videndus in carne assumpta. *l. 1. c. 5. n. 20. p. 12. c. 10. n. 55. p. 37.*
Deum non posse videri oculis, bene sciebant Iudæi. *ibid.*
Deus verè est Christus, quia naturalis filius Dei. *l. 1. cap. 6. num. 24. pag. 15.*
Deus non puniebat Iudeos, nisi præcedentibus minis. *lib. 3. cap. 10. num. 73. pag. 188.*
Deus non foret iustus, si propter acceptam fidem Christi aliquem puniret. *l. 4. c. 59. n. 154. p. 357.*
Descensus Christi in Infernum. *l. 4. c. 1. n. 4. p. 213.*
Descendere Christum de cælo quomodo intelligatur? *lib. 2. cap. 12. num. 78. pag. 115.*

*Diabolus per superbiam à cælo deiectus. lib. 2. c. 4. nu. 28. p. 67.
& num. 78. pag. 115.*

Diabolus cur instiget Hebræos ad obseruandas leges ceremoniales? l. 3. c. 5. n. 27. p. 151.

Dies Dominica cur obseruetur à Christianis? lib. 3. c. 5. n. 27. pag. 151. & 152. n. 29.

Die Iudicij de utraque legeratio reddenda est. lib. 3. c. 4. n. 21. pag. 145.

Dignitates Populo Hebræo sublata, & data Populo Christiano. l. 4. c. 12. num. 304. p. 305.

Dominij Ecclesiastici extensio in uniuersum orbem. lib. 4. c. 1. num. 2. pag. 211.

E

Ecclesie Sancti Saluatoris in Vrbe clara prophetia. l. 4. c. 6. num. 51. pag. 256.

Ecclesia Sanctorum dicitur Domus Dei. lib. 3. cap. 15. num. 89. pag. 202.

In Ecclesia Catholica solum est vera salus. l. 4. cap. 6. num. 51. pag. 257. & l. 2. c. 5. num. 30. pag. 69.

Ecclesiam Christi non esse veram Ecclesiam falsò putant Hebræi. l. 2. c. 9. num. 60. pag. 97.

Ecclesia semper fuit eadem, licet sub diuersis statibus. ibid.

Ecclesia Christi Populus Dei, reprobato Populo Hebræo, prædicatur à Prophetis. l. 2. c. 10. num. 66. p. 104.

Ecclesia Christi dicitur Ierusalem sancta. ibid. n. 67. p. 105.

In sola Ecclesia Christi est vera sanctitas. ibid.

Ecclesia Christi perpetua. ibid. & l. 2. c. 1. n. 3. p. 43.

Ecclesia Christiana ex gentibus conuersis conflata prædicatur à Prophetis. l. 2. c. 12. n. 76. p. 113.

Ecclesia dicitur hæreditas Domini. ibid. c. 13. n. 82. p. 121.

Error summus Hebræorum non credentium Christo. l. 3. c. 15. num. 90. pag. 203.

Error hæreticorum asserentium omnes Christianos esse Sa-
cerdo-

- cerdotes .lib. 4. cap. 5. num. 43. pag. 249.
Errare ab utero, quo pacto dicatur de Hebræis? lib. 1. c. 1. n. 5.
 pag. 44.
Error Rabbīnorum de regno temporali Christi. l. 2. c. 4. n. 27.
 pag. 67.
Error Hebræorum in admittendo tertio Templo. lib. 3. cap. 9.
 num. 56. pag. 174.
Euangelium contemnunt perfidi Hebræi. lib. 3. c. 16. num. 91.
 pag. 204.
Euangelium negantes Hebræi recedunt à lege. ibid. n. 93.
Eucharistiæ Sacramentum prædicatur à Prophetis. lib. 4. c. 8.
 num. 86. pag. 286. & pag. 278. n. 76.
Exaltatio triplex Messie. l. 1. c. 10. num. 56. pag. 38.
Excusationem nullam habent Hebræi. lib. 4. c. 20. num. 160.
 pag. 367.
Expectant Hebræi Messiam, & Messias illos. l. 4. c. 21. n. 169.
 pag. 374.
*Expositio vera quorundam Rabbīnorum de Messia vero Deo,
 & homine.* l. 1. c. 9. n. 47. pag. 31.

F

- F** *Abula Hebræorum de planctu Dei.* lib. 4. cap. 52. n. 106.
 pag. 308.
*Falsa testimonia Hebræorum contra Christum præ-
 dicta à Prophetis.* lib. 1. c. 5. num. 22. pag. 14.
Falsa expositio quorundam Rabbīnorum. lib. 1. cap. 6. nu. 25.
 pag. 16. & lib. 2. cap. 2. num. 20. pag. 59. & lib. 4. cap. 8. nu. 83.
 pag. 284. & pag. 287. n. 87.
Falsa Rabbīnorum interpretatio in locum Isaie. lib. 2. cap. 7.
 num. 42. pag. 79.
Falsitates manifestæ in doctrina Hebræorum. lib. 3. cap. 6.
 num. 41. pag. 162.
Falsos testes contra Christum Hebræi subornarunt. lib. 2. c. 2.
 num. 16. pag. 54.

- Felle, & aceto Christum affligendum Prophetæ prædicere.*
lib.2.cap.9.num.58.pag.96.
- Fides Christiana toto Orbe promulgata.* l.2.cap.13.num.83.
pag.121.& num.85.pag.123.
- Fidem Christianam non amplectentes Hebræi peccant mortaliter.* l.4.c.20.num.166.pag.371.
- Fideles plures in Ecclesia, quàm in Synagoga, Prophetæ prædicere.* lib.2.cap.13.num.80.pag.118.
- Fidelis per adoptionem dicitur filius Dei.* lib.1. cap.7. nu.34.
pag.23.
- Fideles semper Religionem professi sub fide Christi.* lib.2. c.9.
num.60.pag.97.
- Filius cur explicetur potius per vocem bar.* lib.1. c.6. n.27.
pag.17.
- Filius Dei dicitur Messias per Prophetas.* l.1.cap.6.num.31.
pag.20.
- Filius Dei dicitur; quia Deum suum vocat Patrem.* lib.1.
c.7.num.32.pag.20.
- Filius primogenitus, & unigenitus Christus.* ibid.
- Filius Israel quo pacto dicatur Christus?* ibid.num.34.p.22.
- Filius quot modis dicatur Messias?* ibid.
- Filius Dei Christus per filiationem substantialem.* ibid.p.23.
- Filius Dei cur dicatur ante Luciferum?* ibid.
- Filius Dei naturalis, & naturalis filius hominis appellatur Christus à Prophetis.* lib.1.c.9.num.47.p.31.
- Filij Messie tantum spirituales.* l.3.c.8.n.49.p.170.
- Filij Prophetarum dicebantur eorum discipuli.* ibid.
- Flagellum captiuitatis vanè explicatum à Iudæis.* lib.4. c.3.
num.24.pag.232.
- Flagellum pro sceptro malè explicatur à Iudæis.* lib.4. cap.3.
num.24.pag.233.
- Flos campi dicitur Messias.* lib.2.c.1.n.4.p.43.
- Fine Mundi Messias agnoscetur à Iudæis; & Eucharistia accipietur ab illis.* l.4.c.4.n.33.p.242.
- Fortitudo Damasci intelligitur Diaboli potestas.* lib.2. cap.2.
num.20.pag.59.

G

- G** Amalielis optimum consilium. l. 4. c. 5. n. 48. p. 253.
 Generatio Christi mirabilis prædicta à Prophetis.
 lib. 1. cap. 7. num. 36. pag. 24.
 Gentes cur dicantur à Propheta per modicum tempus dere-
 lictæ? l. 2. c. 13. num. 81. pag. 119.
 Gentilitas cur à Propheta dicatur paupercola? ibid. num. 82.
 pag. 120.
 Gentilis populus cur mulier sine viro à Prophetis dicebatur?
 ibid. num. 85. pag. 123.
 Gentium conuersio à Prophetis prædicta. l. 4. c. 5. n. 39. p. 246.
 Gentes conuersæ cur appellentur nomine Israelis, & Iacob?
 l. 4. c. 8. num. 85. pag. 286.
 Gratia non conferebatur ex virtute Circumcisionis, sed in
 fide Christi. l. 3. c. 3. num. 14. p. 137.

H

- H** Abitare lupum cum agno sumitur figuratè. lib. 3. c. 11.
 num. 74. pag. 189.
 Hallucinatio Iudæorum quo ad aduentum Messie.
 lib. 4. cap. 12. num. 110. pag. 313.
 Hallucinatio cuiusdam Rabbini quo ad Templum ultimum.
 lib. 4. cap. 13. num. 117. pag. 320.
 Hebdomadæ Danielis ex quibus consistit? l. 4. c. 15. num. 140.
 pag. 341.
 Hebdomadæ Danielis quando numerari caperint? ibid.
 pag. 342.
 Hebdomadæ istæ probabiliori modo expositæ. ibid. cap. 16.
 per totum.
 Hebræi non negant Christum descendere à Danide. lib. 4. c. 2.
 num. 9. pag. 217.

- Hebraei sunt haeretici, negando prophetias, dum non credunt in Christum. lib. 4. cap. 6. num. 54. pag. 259.*
Hebraei dicunt canticum de Messia omni Sabbato. lib. 1. c. 1. num. 2. pag. 3.
Hebraei aduentum Messia vocant salutem. ibid. n. 3.
Hebraei inter articulos fidei ponunt aduentum Messiae. ibid.
Hebraei tenentur credere Messiam verum esse Deum ex veteri testamento. l. 1. c. 2. num. 5. pag. 4.
Hebraei in intelligendis Sacris Scripturis quasi sine intellectu. lib. 1. cap. 5. num. 19. pag. 12.
Hebraei cur prophetijs de Messia clarissimis non acquiescant? lib. 1. cap. 5. num. 19. pag. 12.
Hebraei non penetrant prophetiam Danielis. l. 1. c. 6. num. 29. pag. 18.
Hebraei conuincuntur asserere, non posse alium Messiam esse praeter nostrum. l. 2. c. 2. num. 8. p. 47.
Hebraei contra suam etiam legem haeretici, si negant Matrem Messiae Virginem. ibid. n. 13. pag. 53.
Hebraeae feminae per fidem in Christum mundabantur ab originali. lib. 3. cap. 3. num. 10. pag. 134.
Hebraei peccant obseruando legem caeremonialem. lib. 3. cap. 5. num. 25. pag. 149.
Hebraei in fine mundi amplectentur fidem. lib. 3. c. 6. num. 41. pag. 163.
Hebraei adhuc occidunt Christum affectu. l. 3. c. 7. n. 46. p. 167.
Hebraeorum stultitia circa Messiae filios carnales. lib. 3. cap. 8. num. 49. pag. 169.
Hebraei conuincuntur vno dilemmate. l. 3. c. 15. n. 9. p. 203.
Hebraei dicuntur absque misericordia. l. 1. c. 7. n. 33. p. 21.
Hebraei conuincuntur de Christo ut vero filio Dei. ibid. p. 22.
Hebraei conuincuntur ad faciendum iam non posse esse alium Messiam natum in Betlehem; eum iam non occisat Bethlehem. l. 2. c. 3. num. 26. pag. 65.
Historia Evangelica ostenditur esse sacra contra Hebraeos. l. 2. c. 2. num. 9. pag. 48.
Historiam Sacram facit Spiritus Sanctus. ibid.

I

Idola remouenda per Messiam. l. 4. cap. 18. num. 149. pag. 350.
& l. 2. cap. 4. num. 28. pag. 67.

Idola per solam diuinam potentiam destructa. ib. n. 150.
pag. 353.

Idolorum adoratio in Ierusalem dicitur secundum peccatum. l. 2. cap. 6. num. 31. pag. 71.

Idola cur Deus non permittat ab Hebræis nunc adorari? l. 4. cap. 8. num. 73. pag. 276.

Iebouà quid significet? l. 1. c. 2. n. 5. p. 4.

Iebouà quo pacto appellatus fuerit Angelus Moysi apparens? ibid. num. 6.

Iebouà soli Deo adscribitur. ibid.

Iebouà non deriuatur ab aliqua operatione. ibid. num. 7.

Ierichò Sabbato capta. l. 3. cap. 5. num. 16. pag. 150.

Ierusalem ingreditur Christus paupere triumpho. l. 4. cap. 1. num. 3. pag. 212.

Ierusalem sancta dicitur Ecclesia. l. 2. c. 10. num. 67. p. 105.

Ierusalem destructa non iterum edificanda à Iudæis. lib. 3. cap. 9. num. 63. pag. 180.

IESVS nomen Venerabile, sed formidabile diabolo, & Iudæis. lib. 1. cap. 4. num. 14. pag. 9.

IESVS summus Sacerdos fuit figura Christi. lib. 3. cap. 9. num. 65. pag. 182.

Ignis conflagrans cur Christus dicatur? l. 4. c. 14. n. 125. pag. 327.

Ignorantia Iudeorum prædicta à Prophetis. lib. 4. cap. 8. num. 88. pag. 288.

Ignorantia crassissima Iudeorum. l. 2. c. 2. n. 18. p. 57.

Ignorantia inculpabilis nequit esse in Hebræis circa fidem Christi. l. 4. c. 20. n. 167. p. 372.

Imaginum sacrarum adoratio quomodo facienda. l. 3. cap. 1. num. 1. pag. 125.

Imaginum sacrarum adoratio perperam improbatum à Iudæis. ibid.

Imaginum usus cur Hebræis negatus, & Christianis concessus

- sus* ? l. 3. cap. 5. num. 4. pag. 128.
Imperia quatuor significata per statuam Nabuchodonosor,
 l. 4. c. 11. num. 99. pag. 301.
Imperia mundi destructa quomodo? ibid.
Iniquitas auferenda per Messiam. lib. 2. cap. 7. num. 44.
 pag. 82.
Innomr Hebraicum nomen quid significet? lib. 1. cap. 10. n. 53.
 pag. 35.
Instantia Rabbiorum friuola. l. 2. c. 7. num. 43. pag. 8.
Interpretationes falsæ Iudæorum. l. 4. c. 2. num. 13. p. 222.
Interpretum septuaginta vera expositio. l. 1. c. 3. num. 9. p. 7.
Interpretatio Rabbiorum aperte falsa. l. 2. c. 1. n. 4. p. 43.
Interpretationes falsæ Rabbiorum in Daniele. l. 4. cap. 15.
 num. 136. pag. 337.
Ioannes Baptista legis veteris, & legis gratia fibula. lib. 4.
 cap. 14. num. 120. pag. 323.
Ioannes terminus legis, & initium Euangelij. ibidem.
Iosue figura Christi. l. 1. cap. 8. num. 39. pag. 26.
Isaias expresse loquitur de diuinitate Messie. l. 1. c. 5. nu. 20.
 pag. 12.
Isaia filius figura Christi. l. 2. c. 2. n. 17. p. 56.
Iubilæum quinquagesimo quoque anno recurrebat. l. 3. cap. 3.
 num. 9. pag. 133. & l. 4. c. 12. num. 109. p. 311.
Ad Iubilæum vsque seruitus durabat durabat. ibid.
Iudæi dispersi propter occisionem Christi. l. 4. c. 7. n. 61. p. 265.
Iudæi à facie Dei eiekti. ibid.
Iudæorum cæcitas non attendentium ad sacras prophetias.
 l. 2. c. 1. num. 2. pag. 41.
Iudæorum cæcitas vsque ad finem mundi duratura. l. 2. c. 9.
 num. 61. p. 98.
Iudæi multi etiam nobiles, & Sacerdotes fidem Christi am-
 plexi. l. 3. c. 7. num. 45. pag. 166.
Iudæorum opprobrium apud omnes Nationes. ibid. & lib. 4.
 cap. 8. num. 81. pag. 283.
Iudæorum eiectio ex Templo præuisa à Propheta. lib. 3. cap. 9.
 num. 60. pag. 177.

L

L *Apis abscissus de monte Messias. l. 3. cap. 13. num. 84. pag. 198.*

Lapis dicitur Messias, & cur? l. 2. c. 7. n. 4. p. 82.

Letitia Hebræorum post agnitionem Messiam IESVM Christum. l. 4. c. 1. num. 7. pag. 216.

Leo Messias appellatur. l. 2. c. 12. num. 79. p. 116.

Leones dicuntur Reges infideles. l. 3. c. 11. n. 75. p. 190.

Lex ceremonialis mortua, & mortifera. l. 4. c. 8. n. 74. p. 277.

Lex Christi contraria carni. l. 4. c. 10. n. 97. p. 297.

Lex Euangelica miraculis approbata. l. 2. c. 2. n. 11. p. 51.

Lex Ceremonialis, & iudiciaria quomodo dicantur aeternae? l. 3. c. 4. n. 17. pag. 138.

Lex gratiae dicitur iustificans. l. 3. c. 13. n. 83. p. 197.

Legem inter ceremonialem, & moralem quae differentia intercedat? ibid.

Lex antiqua iustificare non poterat, nisi in fide Christi venturi. ibid.

Lex noua multò perfectior, quàm antiqua. l. 3. c. 4. num. 21. pag. 144.

Liberatio Iudæorum duplex. l. 3. c. 10. n. 71. p. 186.

Liberatio per Messiam facta spiritali modo an dici possit secunda? ibid.

Liberati à captiuitate Iudæi tempore Regis Cyri. ibid.

M

M *ARIA Virgo Mater Dei plus habet sanctitatis solæ, quàm omnes sancti homines, & Angeli. lib. 3. cap. 13. num. 82. p. 196.*

Maria Deipara Draconis Tartarei caput contriuit. lib. 1. cap. 1. num. 1. pag. 2.

Maria

- Maria Virgo* ex progenie David. l. 2. c. 1. num. 4. pag. 43.
Maria Virgo Deipara *Virga Iesse*. ibid.
Maria Virginis Deipara *aurore typus*. l. 2. c. 1. n. 6. p. 45.
Mariae Matris, & Virginis clarissima prophetia. l. 2. c. 2. n. 7. pag. 46.
Maria soror Moysis. l. 2. c. 2. n. 13. p. 53.
Maria, & venti obediunt Christo. l. 2. c. 12. n. 78. p. 116.
Maryria Christianorum praedicta à Prophetis. lib. 2. cap. 7. num. 48. pag. 85.
Maryria Christianorum à Prophetis praedicta lib. 3. cap. 14. num. 87. pag. 200.
Martyrum sanguis semen Christianorum. l. 2. c. 10. n. 67. pag. 105.
Martyres non indigent purgari in Purgatorio. ibid. num. 67. pag. 106.
Mater quot modis dicatur. l. 2. c. 1. n. 5. p. 44.
Ex Maire Virgine nasci debere Messiam conuicti Rabbinii fatentur. l. 2. c. 2. n. 18. p. 57. & c. 1. n. 6. p. 44.
Meritum infinitum Christi ex humanitate, & diuinitate. lib. 1. c. 10. num. 56. pag. 39.
Merita Christi infinita necessario prouenire debent ab homine Deo. l. 2. c. 2. n. 19. pag. 58.
Messias de Tribu Iudae iuxta Prophetas. lib. 4. c. 3. num. 19. pag. 226. & 227.
Messias Deus fortis. l. 4. c. 6. n. 52. p. 257.
De Messia omnes Prophetae locuti sunt, id fatentibus Hebraeis. l. 1. c. 1. num. 2. pag. 3.
Messiam futurum esse petram scandali Iudaeis, ipsi Iudaei fatentur. l. 1. c. 4. n. 15. p. 9.
Messias praedicatur à Prophetis lapis defensionis. lib. 1. cap. 4. num. 13. pag. 9.
Messias quo pacto dicatur in ruinam, & resurrectionem. ibid. num. 15. pag. 9.
Messias petra angularis. ibid. pag. 10.
Messias dicitur Rex Angelorum. l. 1. c. 5. n. 7. p. 11.
Messias dicitur corona gloriae, sertum exultationis. ibid.
Messias

Mefſias ſecunda perſona Sanctiſſimæ Trinitatis. lib. 1. c. 15. num. 18. pag. 12.

Mefſias per Prophetas dicitur Rex Iſrael, Dominus exercituum, Redemptor, primus, & nouiſſimus. ibid. num. 22. pag. 13.

Mefſias ſecundum Prophetas deſcendens ex gente Iudaica. lib. 1. c. 7. num. 38. p. 25. & l. 2. c. 1. n. 4. p. 44.

Mefſias venturus homo Deus ad ſaluandas animas oſtenditur ex Pſalmis David. l. 1. c. 10. num. 52. p. 34.

Mefſias cur verba fullonum dicatur? lib. 4. cap. 14. n. 126. pag. 328.

Miraculum de nouo vanè Hebræi querunt. l. 4. c. 5. num. 44. pag. 249.

Ex miraculis factis in nomine Chriſti oſtenditur ipſe verus Deus eſſe. l. 4. c. 10. n. 95. pag. 294.

Miraculum D. Petri in nomine Chriſti. ibid. n. 95.

Miraculum cuiuſdam Iudæi factum in nomine Chriſti. ibid. num. 96. pag. 296.

Miraculum eſt ſine miraculis mundum conuerſi. l. 4. cap. 10. num. 97. pag. 297.

Miracula Chriſti multo maiora, quàm Moſiſ. lib. 2. cap. 2. num. 10. pag. 49.

Miracula Chriſti in vita, & poſt mortem. ibid. pag. 50.

Miracula per ſacras imagines. ibid.

Miracula Apoſtolorum, & diſcipulorum Chriſti. ibid.

Miracula Chriſti à Prophetis prædicta. l. 2. c. 5. n. 29. p. 68,

Monasteria futura in lege gratiæ prædicere Prophetæ. lib. 2. cap. 13. num. 8. pag. 118.

Mons in vertice montium ſtultè exponitur à Iudæis. lib. 3. cap. 13. num. 84. pag. 197.

Mors Chriſti quaſi ſomnus. l. 2. cap. 11. num. 71. pag. 109.

De Morte Chriſti adhuc Iudæi obſtinatè gaudent. lib. 3. cap. 4. num. 22. pag. 146.

Moſes Barnayran fatetur conuiſus Ieſum Chriſtum eſſe verum Meſſiam. lib. 4. cap. 8. num. 9. pag. 289.

Moſes

*Moyſes elegit Doctores ad decidendas lites. lib. 4. c. 2. num. 10.
pag. 218.*

*Murus ferreus inter Deum, & Hebræos quid ſignificet? l. 4.
c. 7. num. 66. pag. 268.*

*Mutationem naturæ tempore Meſſiæ non oportere fatentur
Rabbini. l. 3. c. 11. num. 76. p. 190.*

N

N *Atiuitas Chriſti duplex. l. 3. c. 9. n. 53. p. 173.
Negaturos Iudæos Chriſtum prædicere Propheta.
l. 3. c. 14. n. 87. p. 200.*

*Nomina, quibus Deus appellatur, à Rabbiniſ explicantur.
l. 1. c. 2. n. 7. p. 5.*

*Nomen Meſſiæ eſſe Iebouà reuelauit Deus per Ieremiam.
ibid.*

Nomen Iebouà ſoli Deo competere fatentur Hebræi. ibid.

*Nomen Dei poſt Chriſti aduentum fuit magis notum. lib. 1.
c. 10. num. 54. p. 37.*

*Nomen Alma ſignificat Virginem perpetuam. l. 2. c. 2. n. 14.
pag. 54.*

O

O *Bieſtio friuola Hebræorum. l. 1. c. 9. n. 48. p. 31.
Obieſtio Rabbiorum contra Euangeliftam Mat-
thæum ſoluta. l. 2. c. 6. n. 32. p. 71. & n. 37. p. 75.*

*Obieſtio friuola Rabbiorum contra paſſionem Chriſti. l. 2.
c. 7. num. 45. p. 82.*

Obſtinata Hebræorum obluſatio. l. 2. c. 2. n. 9. p. 47.

*Occiſio Prophetarum dicitur tertium peccatum. l. 2. cap. 6.
num. 31. pag. 71.*

- Occisio Christi facta à *Iudæis* prædicatur à Prophetis . lib. 2.
 cap. *12. num. 76. pag. 113.*
 Oratio Christi in Cruce pro *Iudæis* inefficax . lib. 3. cap. 9.
 num. 61. pag. 178.
 Oriens quomodo dicatur Messias ? *l. 2. cap. 7. num. 44. p. 82.*
 Origenis error circa Ioannem Baptistam præcursores . *l. 4.*
 cap. *14. num. 119. pag. 322.*

P

- P** Agani , & notorie morientes in peccato non sepeliuntur
 in loco sacro . *l. 3. c. 17. num. 95. pag. 207.*
 Pœnitentibus Deus parcat, non verò impœnitentibus.
l. 4. cap. 7. num. 61. pag. 265.
 Panis de cœlo Christus . lib. 2. cap. *1. num. 4. pag. 43.*
 Paraphrasis Chaldaica concordans cum Evangelio circa lo-
 cum natiuitatis Messie . lib. 2. cap. 3. *num. 24. pag. 62.*
 Passibilis Christus, ut homo, impassibilis, ut Deus . lib. 2. *c. 7.*
 num. 44. pag. 81.
 Passio Messie à Prophetis prædicta . *l. 2. c. 7. num. 38. p. 75.*
 Pater communicat Filio eandem suam substantiam . *l. 1. c. 10.*
 num. 54. pag. 36.
 Pater, & Filius vnicus spirator . *ibid. p. 37.*
 Patientia, & mansuetudo Christi in passione à Prophetis præ-
 dicta . *l. 2. c. 7. num. 40. pag. 77.*
 Pater in Cruce Christus prædicatur à Prophetis . lib. 2. cap. 7.
 num. 45. pag. 83.
 Paulus primè Ecclesiæ persecutor, postea defensor, & propa-
 gator . lib. 2. *c. 13. num. 82. pag. 121.*
 Pauor in Scriptura Sacra sumitur pro veneratione erga
 Deum . *lib. 4. c. 4. num. 33. p. 241.*
 Peccati horribilis pondere oppressi *Iudæi* . *l. 4. cap. 7. num. 62.*
 pag. 265.
 Peccata dimittere spectat ad Christum . *l. 1. c. 8. n. 39. p. 26.*
 Peccata dimittendi potestas à Christo data est Petro . *ibid.*
 Pec-

- Peccatum quartum Hebræorum fuit occifio Chrifti , non dimittendum iuxta Prophetam. l. 2. c. 6. n. 31. p. 71.*
- Peccatum primum fuit adoratio Vituli. ibid. pag. 70.*
- Peccatum fecundum fuit idolorum adoratio in Ierufalem. ibid. pag. 71.*
- Peccatum tertium fuit occifio Prophetarum. ibid.*
- Peccatum quartum cur Deus non remittat? ibid.*
- Pilatus innocentiam Chrifti agnouit. l. 2. c. 2. n. 10. p. 49.*
- Pilatus concurrit ad occifionem Chrifti. l. 1. c. 10. n. 52. p. 35.*
- Populus fortis dicitur à Prophetis populus Romanus. l. 4. c. 8. n. 76. p. 278.*
- Populus Dei non funt appellati Iudæi nifi poft multos annos in Ægypto. l. 2. c. 6. n. 31. p. 70.*
- Populus Iudaicus non eft iam populus Dei. lib. 4. cap. 8. n. 72. pag. 274.*
- Populus Chriftianus in æternum duraturus. ibid. p. 275.*
- Populus Hebræus abfque mifericordia in æternum. ibid.*
- Populus Chriftianus plus numerofus , quàm Iudaicus. ib. pag. 276.*
- Populus Hebræus ufque ad Herodem femper fuit gubernatus à Principibus Iudæis. l. 4. c. 3. n. 16. p. 224.*
- Pontifex æternus nullus dicitur præter Chriftum. lib. 1. c. 9. num. 48. p. 32.*
- Porta cæli per Chriftum aperta. l. 2. c. 8. n. 56. p. 93.*
- Porta unica falutis Chriftus. l. 3. c. 20. n. 162. p. 369.*
- Principes folum efle poterant descendentes à Tribu Iuda. l. 4. c. 3. n. 17. p. 225.*
- Prodigia in morte Chrifti. l. 2. c. 7. n. 45. p. 83.*
- Prophetia de Aduentu Chrifti ex reprobatione Iudæorum. l. 4. c. 7. num. 59. pag. 263.*
- Prophetia de Chrifto venturo ex ftatua Nabuchodonoforis. l. 4. c. 11. num. 98. pag. 298.*
- Prophetia de Verbo humanam carnem affumpturo. lib. 1. c. 8. num. 4. pag. 27.*
- Prophetia clariffima de Meffia Deo homine. l. 1. c. 10. num. 54. pag. 36.*

- Prophetia clarissima de B. Maria Matre, & Virgine. l. 2. c. 2. num. 7. pag. 46.*
Prophetia de loco natiuitatis Christi. l. 2. c. 3. n. 23. p. 61.
Prophetia Micheæ citatur à Rabbini quo ad sensum. l. 2. c. 3. num. 23. p. 62.
Prophetia de planctu in morte Christi. lib. 2. cap. 7. num. 49. pag. 86.
Prophetia de Christo clauis transfigendo. l. 2. c. 8. num. 50. pag. 87.
Prouinciæ Occidentales subiectæ non erant Regi Babylonis. lib. 3. c. 10. n. 71. p. 187.
Puer IESVS quo pacto dicatur nescire vocare Patrem. l. 2. c. 2. n. 20. p. 58.
Puer IESVS in instanti suæ conceptionis habuit plenitudinem scientiæ, & potestatis. ibid. p. 59.

Q

- Q**UO pacto dicatur augeri naturalis scientia Pueri IESV? l. 2. c. 2. num. 22. pag. 60.
 Quenam sint vnionis Hypostaticæ proprietates? ibid. num. 21. pag. 59.

R

- R**Abbini agnoscunt ob Christum occisum se à Deo puniri. l. 4. c. 7. n. 70. p. 271. & 272.
 Rabbini fatentur prophetias loqui de conuerfione gentium per Messiam. l. 4. c. 8. n. 7. p. 278.
 Rabbiorum falsa expositio. l. 1. c. 3. n. 9. p. 7.
 Rabbini Sacras Scripturas corrumpunt. ibid. n. 10. & n. 11.
 Rabbini dilemmate conuincuntur. ibid. n. 15. p. 10.
 Rabbi Salomonis expositio ex parte vera. l. 2. c. 2. n. 17. p. 56.
 Rabbini Herodem instruunt de loco natiuitatis Christi. lib. 2. cap. 3. num. 23. pag. 62.

Rabbi-

- Rabbini fatentur Prophetas omnes de Messia locutos. *l.1. c.1. num.2. pag.3.*
- Religio Christiana si foret falsa, Deus nos deciperet. *lib.4. c.5. num.46. p.251.*
- Regnum temporale Messie falsò credunt Hebræi. *lib.2. cap.4. num.27. pag.67.*
- Regna mundi domanda per Messiam morte, non Marte. *ibid. num.28.*
- Regnum Christi spirituale. *ibid. p.68. & lib.4. cap.9. num.92. pag.292.*
- Rex Gog, & Magog stultè à Iudæis sumuntur. *l.3. c.6. n.31. pag.135.*
- Rex Lusitaniæ Emanuel primò misit in Indiam Sacerdotes. *l.3. c.6. n.35. p.157.*
- Reges Persidis Darius, & Cyrus quot annis regnauerint? *l.4. c.15. num.142. p.344.*
- Romam à Christo subiugandam prædicit Propbeta. *lib.4. c.6. num.51. pag.255.*
- Roma dicitur à Propbeta Ciuitas sublimis. *ibid. num.52. pag.257.*
- Romæ Sedes Apostolica fixa. *l.3. c.9. n.64. p.181.*
- Rubus incombustus figura B. Virginis Deiparæ. *lib.2. cap.1. num.1. pag.41.*

S

- S** Abbati præceptum partim morale, partim ceremoniale. *l.3. c.5. num.26. pag.150.*
- Sabbatum non semper fuit obseruatum à Iudæis. *ibid.*
- Sabbatum propter quas causas obseruandum erat? *ibidem num.27. pag.151.*
- Sacerdos in lege veteri cur aptabat manum per modum crucis, quando populum benedicebat. *lib.2. cap.8. num.55. pag.92.*

- Sacerdos quomodo ungebatur in lege veteri. ibid.*
Sacerdotum maior numerus in lege gratiæ, quàm in lege veteri prædicitur à Propbetis. l.4.c.9.n.92.p.292.
Sacramenta Ecclesiæ prædicuntur à Propbetis. l.2.c.7.n.44. pag.82.
Sacrificium Eucharistiæ solum peragendum post aduentum Messie dicunt Prophetæ. ibid.n.93.p.293.
Sacrificia cur Deus prohibuerit extra Ierusalem fieri? l.4.c.9.num.92.p.291. & l.3.c.4.n.18.p.140.
Sacrificium legis gratiæ peragendum in omni loco iuxta Propbetas. ibid.p.141.
Sacrificium, & oblationes ritu Iudaico sunt iam Deo execræbiles. ibid.n.22.p.145.
Sanguinis testamentum quid? l.4.c.1.num.2.p.211. & 212.
Sceptrum defecit in Tribu Iudæ, quando Christus venit. l.4.c.3.n.19.p.227.
Saul perperam à Iudæis exponitur pro Silo. lib.4. c.2. n.13. pag.221.
Saul primus in Iudæa Rex. ibid.p.222. & sequentibus.
Setubal Ciuitas Lusitanie à Tubal dicta. l.4.c.5.num.41. pag.248.
Scientias omnes præter experimentales habuit Infans IESVS. l.2.c.1.n.3.p.41.
Scriptura Sacra falsificata ab Hebræis. l.1.c.9.n.42.p.28.
Sensus Sacræ Scripturæ quot sint? l.2.c.9.n.62.p.99.
Sepulchrum Christi gloriosum. l.2.c.11.num.73.p.110.
Seruus Dei dicitur Messias. l.1.c.10.n.56.p.38.
Signum quotuplex, & quale significauerit Propbeta? l.4.c.5.num.40.p.247.
Signa veri Messie à Rabbiniis proposita. l.4.c.5.n.47.p.252.
Signa præcedentia reprobationem Iudæorum. l.4.c.7.num.66. pag.268. & sequentibus.
Signa prædicta in Christo verificata. ibid.
Signa assistentiæ Spiritus Sancti. l.2.c.2.num.9.p.48.
Simeon natum Messiam accipiens in vlnas. l.1.c.10.num.55. pag.37. & l.4.c.14.n.120.p.323. & l.1.c.4.n.14.p.9.

- Simeonis tenerrimi affectus. ibid. pag. 109.*
Sol obscuratus in morte Christi à Prophetis prædictus. lib. 2. cap. 10. num. 66. pag. 104.
Sperare iam hodie nequeunt. Hebræi Messiam de Tribu Iuda. l. 4. c. 3. num. 22. p. 230.
Spiritus Sancti virtute concepit B. Virgo. lib. 2. cap. 1. nu. 1. pag. 41.
Splendor Iustitiæ Christus. l. 2. c. 1. n. 3. p. 42.
Supplicium Hebræorum propter occisionem Christi. l. 2. cap. 6. num. 34. pag. 73.
Superstitiones quædam Hebræorum improbantur. lib. 3. c. 2. num. 7. pag. 130.
Surde aures Iudæorum. l. 4. c. 8. num. 81. p. 282.
Synagoga viduata donis gratiæ à Prophetis prædicitur. lib. 2. c. 10. num. 65. p. 103.
Synagogæ ruina non iterum reparanda iuxta Prophetas. l. 3. c. 7. n. 44. p. 165.

T

- T** *Argum exponit locum Isaia de Messia homine Deo. l. 1. cap. 9. n. 51. p. 34.*
Templum Sanctorum quomodo intelligatur? lib. 3. c. 15. n. 88. pag. 201.
Templa consecrantur Deo. ibid.
Templum primum quando destructum? lib. 4. c. 12. num. 109. pag. 312.
Post Templi ruinam venturum Messiam concedunt Hebræi. ibid.
Templum secundum iuxta Hebræos duravit 420. annos. ibid.
Templum secundum post occisionem Christi stetit 42. annos. ibid.
Templi secundi maior gloria, quam primi, & cur? lib. 4. c. 13. num. 111. p. 314.

Templi

- Templi secundi tempore venturus Messias promittitur.* lib. 2. c. 4. num. 27. pag. 66.
- Templi secundi tempore venisse Christum ostenditur.* ibid.
- Templum Dei dicitur Sacrosanctum Christi corpus.* l. 2. c. 11. num. 72. pag. 109.
- Templa plurima condenda in lege gratie prädicitur à Prophetis.* l. 2. c. 13. n. 8. p. 118.
- Templum à Messia edificandum intelligitur ipsa Ecclesia.* l. 3. c. 9. n. 56. p. 174.
- Templi secundi tempore venturum Messiam fatentur Rabbini.* l. 3. c. 9. n. 58. p. 176.
- Templa duo tantum futura fatentur Rabbini.* ibid. num. 57. pag. 175.
- Templum tertium non esse futurum sub ritu Iudaico, probatur ex Sacra Scriptura.* ibid. n. 59. p. 177.
- Templum secundum dicitur ultimum.* lib. 3. cap. 9. num. 63. pag. 180.
- Templum secundum ultimum in Synagoga.* ibid.
- Templo secundo multa defuerunt, quæ in primo fuerant.* ibid. num. 113. p. 316.
- Templum primum plus duravit, quàm secundum.* ibidem num. 115. pag. 317.
- Templum dicitur humanitas Christi.* lib. 4. cap. 14. num. 122. pag. 324.
- Templum Dei Beata Virgo Deipara.* ibid.
- Templo secundo existente debebat venire Messias secundum scripturas.* ibid. n. 125. p. 230.
- Tempus Aduentus Messiae prädicitur à Prophetis.* l. 4. c. 13. num. 111. p. 313.
- Tempus Aduentus Messiae in alia prophetia declaratur.* l. 4. c. 17. num. 146. pag. 348.
- Tenebrae in morte Christi à Prophetis prädictae.* lib. 2. cap. 10. num. 63. pag. 102.
- Terra sitiens cur dicatur de B. Virgine?* l. 2. c. 1. n. 6. p. 45.
- Terremotus in morte Christi à Prophetis prädictus.* l. 2. c. 10. num. 66. pag. 104.

Testamentum vetus ostendit Messiam etiam hominem esse debere. [l.1.c.8.num.37.p.25.](#)

Ex eodem Testamento eruitur clarissimè debere esse hominem Deum. [ibid.cap.9.pag.27.](#)

Testamentum nouum est æternum. [lib.2.c.1.n.3.p.42.](#)

Testamenti noui, & veteris differentia. [ibid.n.1.](#)

Testamentum vetus quo pacto irritum fecerint Hebræi? [ibid.num.1.](#)

Testamentum nouum veteri consonum. [l.2.c.2.n.11.p.51.](#)

A testamento veteri discedunt Hebræi, si negent Messiam natum ex Matre Virgine. [l.2.c.2.n.19.p.58.](#)

Testamentum nouum morte firmatum irreuocabile. [l.4.c.14.num.122.pag.325.](#)

Testimonium Iosephi Hebræi, de amissione sceptri à Tribu Iudæ. [l.4.c.2.num.12.pag.219.](#)

Testimonium Discipulorum Helie de tempore Aduentûs Messia. [l.4.c.12.num.107.p.308.](#)

Testimonium hoc fraude infirmare intendunt frustra Rabbi- ni. [ibid.p.309.](#)

Testibus ad indicandum Deus non eget. [l.4.c.14.n.128.p.329.](#)

Talmud probat sublatum fuisse sceptrum à Tribu Iudæ tempore Christi. [l.4.c.14.n.11.p.217.](#)

Thronus promittitur à Deo in Messia stabilendus in perpetuum. [l.1.c.7.num.33.pag.21.](#)

Titulus Christi. [l.2.c.9.num.57.p.94.](#)

Titus predicatur nasciturus post Christum natum. [lib.4.c.6.n.55.p.260.](#)

Tito regnante capta Ierosolyma. [l.3.c.12.n.77.p.191.](#)

Tribus Iudæ iam hodie non potest discerni. [l.4.c.3.num.22.pag.230.](#)

Tribus 10. Iudæ quomodo intelligenda sint à [l.4.c.4.num.33.pag.241.](#)

Tribus à Deo reprobata. [lib.4.c.8.num.89.p.289.](#)

Ad 10. Tribus reprobatae pertinent Hebræi Christum negantes. [l.3.c.6.n.36.p.160.](#)

Tribulatio Iudæorum post natum Christum. [l.4.c.6.num.55.pag.259.](#) Tri-

- Trinitatis Myſterium in Teſtamento veteri continetur . Ap-
pendice. §.3.num.22.pag.393.*
Trinitatis Myſterium ab ipſis etiam Rabbiniſ inſinuatur. ib.
*Trinitatis Myſterium ex alijs locis veteris teſtamenti pro-
batur. ibid. §.4.num.26.pag.396. & 397.*
*Trinitatis Myſterium per varias ſimilitudines explicatur.
ibidem pag.394.*
*Trinitatis Myſterium oportet credere ad ſalutem tam neceſ-
ſitate precepti, quàm neceſſitate medijs . *Append. n.2.p.377.**

V

- V** *ana reſponſio Rabbīnorum. l.2.c.2.n.8.p.47.*
*Venditio Meſſie à Prophetis prædicatur. lib.2.cap.6.
num.31. pag.70.*
Venditio Ioseph non poteſt dici quartum peccatum. ibid.
*Venditio, & emptio apud Hebræos eodem vocabulo ſignifican-
tur. ibid. num.32. pag.71.*
*De Venditione Iuſti falſa Rabbīnorum expoſitio. ibid. nu.34.
pag.72.*
*Venditio Chriſti ab alio Propheta prædicatur . ibid. num. 35.
pag.73.*
*Verba Sacræ Scripturæ quando in literali ſenſu, & quando
in myſtico ſumantur? l.2.c.19.num.62.p.100.*
*Verba Sacræ Scripturæ quot ſenſibus de Chriſto intelligen-
da? lib.2.c.9.num.62.pag.99.*
Virga Ieſſe B. Virgo. l.1.cap.1.num.4.pag.43.
Virgo Maria ex progenie David. l.2.c.1.num.4.pag.43.
*Virgo Maria ante partum, in partu, & poſt partum Virgo.
lib.2.c.2.num.13. pag.52.*
Vita noſtra dicitur Chriſtus. lib.2.cap.8.num.54. pag.52.
Vitis dicitur Chriſtus. l.4.c.2.num.12. pag.220.
*Vituli adoratio dicitur primum peccatum Populi Hebræici.
lib.2.cap.6.num.31. pag.70.*
*Vnio Hypoſtatica naturæ viribus fieri non potuit. lib.2. c.7.
n.44.p.81.*
Vnio-

Unionis Hypostaticæ proprietates. l. 2. c. 2. n. 21. p. 59.

Vnctus quo pacto Christus dicatur. l. 4. c. 15. n. 138. p. 339.

Z

Z Acharia de paupertate Christi clarissima prophetia.
l. 2. c. 4. num. 27. pag. 65.

*Zacharia prophetia de venditione Christi. l. 2. cap. 6.
num. 35. pag. 73.*

*Zorobabel post transmigrationem Babylonis regnavit. l. 4. c. 3.
num. 16. pag. 224.*

Zorobabel fuit de Tribu Iudæ. ibid.

*Zorobabel falsò vocatur ab Hebræis Oriens. l. 3. c. 9. num. 65.
pag. 181.*

ERRATA. CORRIGE.

Pag. 11. lin. 2. Cogentur.
Pag. 20. prope fin. Text. D. Lucæ legatur sic.

Cogantur.
Pater in manus tuas commendo spiritum meum.

Pag. 28. lin. 18.
Ibid. lin. 34.
Pag. 29. lin. 19.
Pag. 30. lin. 29.
Pag. 32. lin. 3.
Pag. 52. lin. 5.
Pag. 56. lin. 24.
Ibid. lin. 33.
Pag. 66. lin. 31.
Pag. 88. lin. 51.
Ibid.
Pag. 89. lin. 1.
Pag. 91. lin. 31.
Pag. 100. lin. 21.
Pag. 103. lin. 4.
Pag. 135. lin. 3.
Pag. 163.
Pag. 185. lin. 1.
Pag. 205. lin. 13.
pag. 212.
Pag. 215.
Pag. 220. lin. 34.
Pag. 229.
Pag. 230. lin. 25.
Pag. 240. lin. 33.
Pag. 249. lin. 9.
Pag. 253. lin. 27.
Pag. 254. lin. 28.
Pag. 273. n. 71.
Pag. 278. lin. 19.
Pag. 282. lin. antep.
Pag. 288. lin. 35.
Pag. 310. lin. 17.
Pag. 315. lin. 2.
Pag. 333. in princ. capitis.
Pag. 334. lin. 15.
Pag. 337. lin. 28.
Pag. 342. lin. 6.
Pag. 386. lin. 16.
Ibid. lin. pen.

summe.
Turgum.
Hierem. 3. n. 91.
scilo.
habent.
Peophetæ.
sit.
adorabun.
saltea.
Tucun Soferim.
corruptionem.
corruptio.
dicent.
abscondita.
plebæis.
52.
tertium.
Antytypo.
adoptione.
313.
tuti.
qnâm.
n. 12.
de Tri dæ.
secunda.
priuati.
veritate.
scripturis..
septima.
eit.
dicendo.
terrea.
1447.
600.
detrimento.
Toghi.
vtpote.
49.
Misteriosa fuit.
singularis.

summe.
Targum.
Hier. 30. n. 21.
Silo.
habens.
Prophetæ.
sic.
adorabunt.
saliet.
Tucum Sophorim.
correctionem.
correctio.
dicet.
abscondita.
plebeis.
12.
septimum.
typo.
adceptione.
213.
omnes.
quâm.
21.
de Tribu Iudæ.
Tertia.
priuati.
vanitate.
scripturis.
octaua.
fert.
docendo.
arca.
7447.
1600.
determinato.
Foghi.
vt patet.
490.
Misterium fuit.
pluralis.





